



















1927: 2



علم  
جغرافیا



کاشغر شهريده سوتيان فوينك تانك نينك  
باسمه خانه سیده باسیلدی

۱۹۲۷

Swedish Mission Press, Kashgar 1927.

## مقدمه


جغرافیا دیکان سوز اصل یونانی سوز دور و معنی سی یرنیک بیانی دور. علم جغرافیا دیکان یر یوزی نینک احوالی فی ییلدورادورغان بر علم دور. یر یوزیداکي تاغلار سولار جنکلار آدم لار و حیوانلارنی بیان قیلادورغان علمنی جغرافیای طبیعیه دیرلار و یر یوزیداکي پادشاه لبق و حکومت لارینی بیان قیلادورغان علمنی جغرافیای ملکیه دیرلار.

## یرنیک شکلی

یر بر یرمولاق توپدیک یرمولاق دور. اینک اوچون انی کُره ارض هم دیرلار. یر خدانینک اولوغ قدرتی برله هیچ نرسه کا تکمای هیچ نرسه کا اسیلمای عالم ایچیده چورگولوب تورادور. یر نهایت چونک بولغان اوچون بیزکا یرمولاق کورونمای یایلاق کورونادور. اینک چوره سی ۴۰۰۷۰ (قرق مینک یتیش) کیلومتره یعنی تخمیناً سکز مینک یوطی دور. اینک تخمیناً بر حصه سی قوروق و اوچ حصه سی سو دور. یرنیک یرمولاغلیقی فی بولک بولک طریقهده اشکارا قیلغالی بولادور مثلاً بر آدم شور دریانینک لبیده قایلاب تورسه اول یردین چیقیب کتیب بارغان بر که فی اول تمام کورادور لیکن اول که بر ایکی ساعت کتیب بارغاندین کین سو یوزیکا یقین یرلارینی کورمایدور. بارغان ساری که نینک ایکنیز یرلاری هم سوغه چوکوب کتکاندیک بارا بارا کوزلاریدین غائب بولادور. بر آدم بریردین چیقیب توختامای اول یانغه بو یانغه مانکمای اوتور کتیب یورسه آخیریدا چیققان یرکا کلادور اما مغرب طرفیکا چیققان بولسه مشرق طرفیدین چیققان یریکا ینه کلادور. یر یرمولاق بولماسه بو ایش ممکن بولماس ایردی.

## خط استوا قطب لار و منطقه لار

یونی ایکی نصف کا بولادورغان دائرہ فی خط استوا دیرلار. خط استوائینک شمال طرفی فی نصف کرہ شمالی و جنوب طرفی فی نصف کرہ جنوبی دیرلار. خط استوادین ہمہ دین یراق بولغان شمال و جنوب حتی فی قطب دیرلار. قطب شمالی بیلان قطب جنوبی نینک ارا لیتی تخمیناً ۲۰۰۰۰ (یکرہ مینک) کیلومترہ دور. یرنینک صورتی کاغذہ سیزیلہ نصف کرہ شمالی یوقاریدا و نصف کرہ جنوبی توبندہ بولادور.



خط استوائینک اوستی یر یوزی نینک ہمہ دین ایسیق یرلاری دور خط استوا نینک ایکی طرفیدین بریکا کتسہ یراق کتکانچہ ایسیق کمدور و سوغاق زیادہ بولادور بو سبب دین یرنی ایسیغلیق درجہ سیکا قایلان بش پارچہ بولوب ہر برینی منطقہ دیب اتاغان دور یعنی منطقہ حارہ منطقہ معتدلہ شمالی منطقہ باردہ شمالی منطقہ معتدلہ جنوبی و منطقہ باردہ جنوبی منطقہ حارہ بیلان منطقہ معتدلہ شمالی نی آیریدورغان دائرہ فی مدار سرطان و منطقہ معتدلہ جنوبی نی منطقہ حارہ دین آیریدورغان دائرہ فی مدار جدی دیرلار باردہ شمالی و باردہ جنوبی فی منطقہ معتدلہ لار دین آیریدورغان دائرہ لار فی مدار قطب شمالی و مدار قطب جنوبی دیرلار.

## قوروق يرلار نينك قسم لاری

قطعه — ير يوزى نينك قوروق يرلاری سولار نينك واسطه سی برله بش زور پارچهغه بولونكان دور اولار نينك هر برینی قطعه دیرلار بو قطعه لار نينك برنجی سی اسيا ايکنجی سی اوروپا او چونجی سی افریقا تور تونجی سی امریقا و بشنجی سی اوسترالیا دور آسیا آروپا و آفریقا کهنه دنيا قالغان ایکی سی فی ینکی دنيا دیرلار. اول قطعه لار نينك هر بری جزیره طاقم جزیره یاریم جزیره برزخ بزون تاغ سلسله جبال ینمارتاغ اسم لاری برله برنجه قسمغه بولونادور.

جزیره — هر طرفی سو بولغان قوروق يرلاری جزیره دیرلار.

طاقم جزیره — بربریکایقین بولغان جزیره لار نينك همه سی فی قوشوب طاقم جزیره دیرلار.

یاریم جزیره — بر طرفی قوروققه توتاشیب اوج طرفی سو بولغان قوروق يرلاری یاریم جزیره دیرلار.

برزخ — یاریم جزیره لاری قوروققه توتاشتورادورغان یرتار بولسه فی برزخ دیرلار.

بزون — قوروق يرلار نينك تینکیز ایچیکا کیریب توکاکان اوچینی برون دیرلار.

تاغ — قوروق يرلار دین کوتاریلیب چیقان ایکیز يرلاری تاغ دیرلار.

سلسله جبال — تاغلار بربریکا توتاشیب کتکان بولسه اولار فی سلسله جبال دیرلار

ینمارتاغ — اوستیدین اوت یا که توتون چیقیب تورادورغان تاغلاری ینار تاغ دیرلار

## سولار نينك قسم لاری

سولار بکر محیط تینکین کورفز بوغاز دریا کول دیب بولک بولک قسم لار بولادور.

بکر محیط — ير يوزیداکی قوروق يرلاری قورشاب الغان چونک سولاری بکر محیط یا که دریای محیط دیرلار. ير يوزیده بش بکر محیط باردور یعنی بکر محیط کدیر بکر محیط اطالاسی بکر محیط هندی بکر محیط شمالی و بکر محیط جنوبی.

بکر محیط جنوبیدا نهایت چونک و قاریلان موزدین همیشه باسیلیب تورادورغان بر قوروق ير باردور اول یرنی انتارکتیا یعنی زمین جنوبی دیرلار. اینک اوچون بو زماندا تولا خلق بکر محیط تورت دور و بکر محیط جنوبی نينك اورنیدا انتارکتیا بار دور دیب ایتورلار.

**تېنكيز** — بحر محيطلارنىڭ قوروق يىرلارنىڭ اراسىغە كىرادورغان سولارنى و هم قوروق يىرلارنىڭ ايجىداكى نھايت كىنكرو سولارنى تىنكيز دىرلار. **كورفز** — بر طرفى بحر محيطغە يا تىنكيزكا توتاشىب اوچ طرفى قوروققە يانداشادورغان سولارنى كورفز دىرلار. كچىكراك بولسە قورۇ دىرلار و كە توختايدورغان ير بولسە لىمان دىرلار.

**بوغاز** — ايكى قوروق يىرى بربريدىن آيرىب ايكى چونكراق سونى بربرىكا توتاشتوروب تورادورغان تار سونى بوغاز دىرلار. اگر آدم قازغان بولسە قىمال دىرلار.

**درىا** — قوروق يىرلاردىن اقب تىنكيزكا و بحر محيطغە قويولادورغان سولارنى چونك بولسە درىا كچىكراك بولسە جىلغە و ائىنكىدىن هم كچىك بولسە اريق دىرلار. انداغ سولارنىڭ ظاهر بولوب چىققان يىرلارنى منبەع و تىنكيزكا قويولوب تورادورغان يىرلارنى منصب دىرلار.

درىانىڭ اقب كىتب بارادورغان طرفىكا بر كشى قايلا ب تورسە ائىنك اونك طرفى درىانىڭ اونك طرفى و ائىنك سول طرفى درىانىڭ سول طرفى بولادور. **شارقىراما** — درىالارايكيز يىرلاردىن توبن اقب توشسە اولارنى شارقىراما دىرلار درىانىڭ سوي ايكىزدىن پىستكا توشكان يىرى كولدورلاما دىرلار.

**كول** — قوروق يىرلارده يغىلىب تورغان چوقور سولارنى كول دىرلار سولاردونكراك بولسە و ائىنكىدىن يكن يىلان قמוש اونوب تورسە ساسلىق دىرلار. بحر محيط و تىنكيزلارنىڭ سو يوزى هميشە حركت قىلىب تورادور. بو حركت نىڭ اوچ قسى باردور يعنى دولغون مد و جزر و بىكر اقىمنى. دولغون شمال نىڭ سونى باسماقيدىن پىدا بولادور دونكراك يىرلارده كچىكراك و يىلامراق بولادور لىكن چوقور يىرلارده نھايت چونك و اھستە بولادور شونداغكە بعضى دولغون نىڭ ايكىزلىكى اون مترهغچە و ايكى دولغون نىڭ اراسى اوچ يوز متره غچە بولالايدور.

**مد و جزر** — سو يوزى آى نىڭ تاثيريدىن هر كچە كوندوزده ايكى مرتبە يوقارى كوتاريليب توبن توشادور. كوتاريلكانى مد و توشكانى جزر دىرلار. اوچوق كىنكرو سولاردا سونىڭ ايكىز اورلايدورغانى يىلان پىست توشادورغانى فرقى نىڭ مقدارى ايكى ياريم مترهدين زياده بولمايدور. لىكن بعضى تارراق



سولاردا مثلاً بریتانیا فرانسه و شمالی امریقانینک کناره لاریده فرقی اون متره غچه بلکه اون بش متره غچه هم بولادور انداغ که لیمانداکی که لار قوروقدا قالادورلار. اینک اوچون لیمانلاردا که لارنی ساقلاغالی مرفا دیکان قورغانلار یاساب دورلار. مذکور مرفالارده سو همیشه تورماق اوچون حزر بولغاندا دروازه لارینی ایتادور و مد وقتی بولغاندا اجیب قویادور. مونینک برله که لارنی قوروقدا قالیشدین ساقلازلار. **بکمر اقیمنی** بحر محیطلاردا تعین یوللاری بیلان اقیب تورادورغان دور. بعضی سی ایسیق و بعضی سی سوغاق بولادور. بولارینک بعضی سی برنجه یوز متره غچه چوقور دور و توغراسی نهایت کنکرو بولادور. بو اقینلارینک پیدا بولماقیغه برنجه سبب باردور مثلاً یرینک چورکولادورغان حرکتی و سونینک بعضی یرده سوغاق و بعضی یرده ایسیق بولماقی و هم شماللارینک تأثیری. ایسیق اقینلار خط استوا طرفلاریدین و سوغاق اقینلار قطبلار طرفیدین پیدا بولادور.

## ایسیق بحر اقینلاری نینک همه دین چونکی بولاردور:

**کولف اقیمنی** — اول اقین کینه کورفزیدین پیدا بولوب بحر محیط اطلاسیدین اوتوب امریقانینک مشرق طرفیده ایکی آریلادور بری جنوب طرفیکا بارادور ینه بری مغرب شمالی طرفیکا باریب مکسیکا کورفزیکا کیریب اندین مشرق و مشرق شمالی طرفیکا چیقیب آفریقا بیلان آوروپانینک مغرب کناره لاریدین اوتوب تورادور. کورو سیوو (یعنی قرا) اقینی بحر محیط کیرده پیدا بولوب یاپونیا جزیره لاریدین اوتوب شمال امریقانینک مغرب طرفلاریکا کتادور.

## سوغاق بحر اقینلاری:

**لابرادور (کرونلاند) اقینی** بحر محیط شمالیدین پیدا بولوب کرونلاندیه جزیره سی بیلان شمال امریقانینک مشرق کناره لاریدین اوتوب تورادور. **هومبولت اقیمنی** بحر محیط جنوبیدین پیدا بولوب جنوبی امریقانینک مغرب کناره لاریدین اوتوب تورادور.

## مملکت، پای تخت

مذکور بش قطعه نینک هر بری برنجه کا بولونکان دور و هر قایسی سی بر حکومت کا تابع دور. حکومتلار کا تابع بولغان یرلارنی مملکت یا که پادشاه ایلیق


دیرلار. یادشاهلیق یا که سلطنت قیلادورغان کشیلار تورادورغان شهرلارنی پای  
تاخت دیرلار.

## کره ارض کره مسطحه خریطه


یرینک شکلی فی اوستیداکی قوروق یر و سولارنی کورساتادورغان توپی  
کره ارض و هم کره مجسمه دیرلار. یرینک همه سی فی کورساتادورغان کاغذنی کره  
مسطحه و یرینک بر پارچه سی فی کورساتادورغان کاغذنی خریطه دیرلار.

## جهات اصلیه


یر یوزیداکی مملکت لارینک طرفلارینی کورساتادورغان تورت جهت بار دور  
یعنی شمال جنوب مشرق و مغرب بولارنی جهات اصلیه دیرلار.




کون چیقادورغان طرفنی مشرق کون پاتادورغان طرفنی مغرب دیرلار.  
مشرق طرفیکا قایلاب تورغان آدم نینک اونک طرفی جنوب سول طرفی شمال دور.  
بو تورت جهت دین باشقه بر نچه جهات فرعیه بار دور بولارینک تورق  
صورتده کورساتیلدی.



طرفلار كورساتيلادور توش وقتيدا



قطب نما ( صحيفه ۹ )



همالایا تاغلاریداکی کوریزانقار چوقچہسی ( صحیفہ ۳۶ )

خریطة نینک یوقاری طرفی همیشه شمالی کورساتادور شونداغ که برکشی خریطة کا قایلاسه اونک طرفی مشرق سول طرفی مغرب یوقاری طرفی شمال توبن طرفی جنوب بولادور. کون هر وقت بربردین چیقماغان اوچون طرفلارنی کون بیلان خطاسز تعین قیلماق نهایت ترس دور. اینک اوچون قطب نما (کومیاس یا که پوصله) واسطه سی برله طرفلار تعین قیلینور. قطب یولدوزی قطب شمالی نینک اوتوریدا دور. اول یولدوزغه قایلاب تورغان ر آدم نینک الدی طرفی شمال اونک طرفی مشرق سول طرفی مغرب و ارقا طرفی جنوب بولادور.

### آدم نینک اوروغ و جنس لاری

تمام یر یوزیداکی آدم لار نینک عددی تخمیناً ۱ ۸۵۶ ۰۰۰ ۰۰۰ (برمینک سکز یوز الیک الله میلیون) دور یعنی آسیادا ۱ ۰۱۹ ۰۰۰ ۰۰۰ (برمینک اون توقوز میلیون) آوروپادا ۴۷۲ ۰۰۰ ۰۰۰ (تورت یوز یتیمیش ایکی میلیون) آفریقادا ۱۳۶ ۰۰۰ ۰۰۰ (بر یوز اوتوز الله میلیون) آوسترالیادا ۹ ۰۰۰ ۰۰۰ (توقوز میلیون) و آمریقادا ۲۲۰ ۰۰۰ ۰۰۰ (ایکی یوز یکرمه میلیون).  
بو جدولده بش قطعه نینک چونکلوقی و اولارداکی خلق نینک عددی و هم بحر محیط لار نینک چونکلوقی کورساتیلور.

قطعه لار	مربع کیلومتره	خلق نینک عددی	هر مربع کیلومتره کا نچه کشی	بحر محیط لار	مربع کیلومتره
آسیا	۴۴۵ ۰۰۰ ۰۰۰	۱ ۰۱۹ ۰۰۰ ۰۰۰	۲۳	بحر محیط کبیر	۱۸۴ ۰۰۰ ۰۰۰
آروپا	۹۹ ۰۰۰ ۰۰۰	۴۷۲ ۰۰۰ ۰۰۰	۴۷	بحر محیط اطلاسی	۹۳ ۰۰۰ ۰۰۰
آفریقا	۳۰ ۰۰۰ ۰۰۰	۱۳۶ ۰۰۰ ۰۰۰	۵	بحر محیط هندسی	۷۵ ۰۰۰ ۰۰۰
آوسترالیا	۸۹ ۰۰۰ ۰۰۰	۹ ۰۰۰ ۰۰۰	۱	بحر محیط شمالی	۱۳ ۰۰۰ ۰۰۰
آمریقا	۴۰۴ ۰۰۰ ۰۰۰	۲۲۰ ۰۰۰ ۰۰۰	۵	جمعی	۳۶۵ ۰۰۰ ۰۰۰
ایکی قطب داکا یورت لار	۱۱۲ ۰۰۰ ۰۰۰				
جمعی	۱۴۴ ۹۰۰ ۰۰۰	۱ ۸۵۶ ۰۰۰ ۰۰۰	۱۲۰۵		
شمالی آمریقا	۲۲۴ ۰۰۰ ۰۰۰	۱۵۳ ۰۰۰ ۰۰۰	۶		
تخمیناً جنوبی آمریقا	۱۸۰ ۰۰۰ ۰۰۰	۶۷ ۰۰۰ ۰۰۰	۳		

آدملار تره لاری نینک رنک لاری و یوزلاری نینک شکلیداکی فرق لاری بیلان بش چونک اوروغ یا که جنسکا بولونادورلار . بولار اق اوروغ یا که قافقاز جنسی سریق اوروغ یا که مغول جنسی مالیز جنسی یعنی جکر رنک اوروغ قرا اوروغ یا که زنکی جنسی و قزیل اوروغ یا که امریقا جنسی دورلار آق جنسیدین بولغان خلق آوروپادا آسیا مغرب جنوبی و آفریقانینک شمال بیلان جنوب طرفلاریده و آمریقانینک تولا یرلاریده تورادور . بولار مدنیت علم و هنر توغراسیدین دنیانینک برنجی خلقی دورلار . مغول جنسیدین بولغان خلقلار آسیانینک مشرق بیلان شمال طرفلاریده و آروپا بیلان آمریقانینک شمال طرفلاریدا تورادورلار . مالیز جنسیدین بولغان خلقلار مالاقا یاریم جزیره سیده و اینک جنوب مشرق طرفیداکی جزیره لارده تورادورلار . قرا خلق آفریقادا و هم آمریقانینک بعضی یرلاریده تورادور . قزیل اوروغدین بولغان آدملار آمریقادا توروب شو قطعە نینک اصل خلقی دور .

## آدم نینک تیریکچیلیکی

یر یوزیداکی آدملار تیریکچیلیکی جهتیدین اوج چونک درجه کا بولونورلار یعنی وحشیلار بدوی یا که پاته چی خلق و مدنیلار . وحشیلار یرنی تیریمای جنکلاردا یوروب میوه یب آو بیلان بلیقچیلیق برله تیریکچیلیک قیلورلار . بدوی و پاته چی خلقلار عمارت اوی سالمای کوچوب یوروب مال باقماغلیق برله تیریکچیلیک قیلورلار . مدنیلار یرنی تیریب عمارتلار سالیب تجارت و هنر قیلیب تیریکچیلیک قیلورلار اولار مدنیت و علم توغراسیدین تولا درجه کا بولونادورلار .

## حکومت

حکومت یا که اداره اوج قسم بولور یعنی اداره مستقله اداره مشروطه و اداره جمهوریه . بولارنی هم حکومت مستقله حکومت مشروطه و حکومت جمهوریه دیرلار .

اداره مستقله ده سلطنت قیلادورغان کشی کامل اختیار برله اوزی خواهلایدورغان حکم فی قلیب یورکوزور .

اداره مشروطهده سلطنت قبلادورغان کشی نینک قوت و اختیاری نظام لار و قانونلار بیلان توختاتیلیب محدود قیلینغان دور.  
اداره جمهوریهده پادشاه یا سلطان دیکان کشی یوق دور لیکن خلق اوز ارالاریدین تعین وقت اوچون لایق بر کشی نی ایلغاب انکا تابع بولوب تورادور.  
انداغ کشی نی راس جمهور دیرلار.

## I

### آسیا

شمال طرفیده بحر محیط شمالی مشرق طرفیده بحر محیط کبیر جنوب طرفیده بحر محیط هندی و مغرب طرفیده قزیل تینکیز آق تینکیز قراتینکیز قافقاز تاغلاری کاسپی تینکیزی اورال دریاسی و اورال تاغلاری سرحدلاری دور.  
آسیا قوروق یرنینک تخمیناً اوج حصه دین بری دور و خلقی تخمیناً ۱۰۱۹۰۰۰۰۰۰ ( بر مینک اون توقوز میلیون بولادور).

آسیانینک چتلاریده بولونک یوچقاقلاری تولادور شمال طرفیده ساموید تایمور دیکان یاریم جزیره لار و بولارنینک اراسیدا اوئی ینهسی کورفلاری مشرق طرفیده بهرنک تینکیزی قامچاتقا یاریم جزیرهسی اوخوچقه تینکیزی یاپون تینکیزی کوریه یاریم جزیرهسی سریغ تینکیز مشرق و جنوب چین تینکیزلاری و طونکین کورفزی جنوب طرفیده هندچینی هندستان و عربستان یاریم جزیره لاری سیام کورفزی بنکاله کورفزی عمان کورفزی عربستان (عمان) تینکیزی ایران تینکیزی عدن کورفزی و مغرب طرفیده اناطولی یاریم جزیرهسی باردور.

آسیا قطعه سیدین سانالادورغان جزیره لار هم تولادورلار. شمال طرفیده ینکی سبیریا طاقم جزیرهسی مشرق طرفیده ساخالین جزیرهسی قوریل و یایونیا طاقم جزیره لاری فورموزه حاینان جزیره لاری جنوب طرفیده فیلیپین سوند ملوک آندمان نیقوبار لاقدیو و مالدیو طاقم جزیره لاری و سیلون جزیرهسی و مغرب طرفیده قمبریس جزیرهسی باردور.

بوغازلار — آسیانی آمریقادین آیریغان بهرنک بوغازی چین تینکیزی برله بحر محیط هندی قوشقان مالاقا بوغازی هندستان یاریم جزیرهسی برله سیلون جزیرهسی نینک

اراسیده یالق بوغازی عمان کورفری برله ایران تینکیزی قوشقان هرمز بوغازی عدن کورفری برله قزیل تینکیزی قوشقان باب‌المنذب بوغازی قزیل تینکیز برله آق تینکیزی قوشقان سویس قنالی آطه‌لار تینکیزی مرمره تینکیزیکا قوشقان دردانیل بوغازی و مرمره تینکیزی قراتینکیزکا قوشقان استانبول (بوسفور) بوغازی باردور. تاغلار — آسیانینک تولا یرلاریده ایکیز تاغلار باردور مشرق برونیدین باشلاب بابا برونغچه توتاشیب تیزیلغان تاغلارینک مشهورلاری اوشبودورلار: استانونوی یابلونوی آلتای تیانشان پامیر هندکوه خراسان البرز آرارت و طوروس تاغلاری. هندکوه دین مشرق طرفیکا توغری همالایا و قراقورام دیکان ایکی سلسله آریلغان دور و آوروپا سرحدیده اورال و قافقاز تاغلاری باردور. تاغلارینک مونداغ توروشی بیلان آسیا اوج سطح مائده بولونادور برنجی سی شمال سطح مائلی دور اندا اوبی ینه سی ولینا دیکان دریالار مشهوردور. ایکنجی سی مشرق سطح مائلی دور اندا خوانکخو یانکچیکیانک دیکان دریالار مشهوردور. اوچونجی سی جنوب سطح مائلی دور اندا مقونک دریاسی چین تینکیزیکا منام دریاسی سیام کورفریکا آیراوادای برهما پوتره غانج دیکان دریالار بنکاله کورفریکا هندستان دریاسی عمان تینکیزیکا فرات برله دجله‌نینک قوشولغانیدین حاصل بولغان شط‌العرب دریاسی ایران کورفریکا قویولادور. آسیادا کول‌لار هم تولادور بايقال بالقاش ارال ایسیق کول رومیه وان بحر لوط دیکان کول‌لار مشهورلاریدین دور.

## هوا محصولات طبیعیہ

آسیانینک تولا یرلاری ایکیز صحرا‌لار دور. چونکلو قیغه قایلاندا تینکیزلارینک قوروققه کیریپ تورغان یرلاری تولا ایماس. قطعه‌نینک ایچیداکی ایکیز یورت‌لارینک هر طرفی رطوبتلیک شمال‌لارنی توسادورغان ایکیز تاغلار بیلان قورشالغان اوچون هواسی قوروق دور. آسیا یری نینک ایکیز یتست فرقی تفاوتی و هوا جهتیدین بش چونک جز‌کا بولونادور یعنی مشرقی آسیا اوترا آسیا شمالی آسیا جنوبی آسیا مغربی آسیا

مشرقی آسیانینک تولا یرلاری تینکیزکا یقین بولغاچ هواسی رطوبتلیک بولادور و زراعت‌کا یتکودیک یامغور یاغین باردور. شمال طرفیداکی یرلارده قیش سوغاق دور لیکن یاز وقتی هر یرده تولا ایسیق بولادور. جنوب طرفلاریده همیشه کوک



تورادورغان درختلار باردور شمال طرفلاریده یاپرماغلیق درختلار کوزده غزانک لارینی توشورادور. مشرقی آسیادا یاوا حیوان تولا ایماس لیکن شمال طرفلاریده بوغا و جنوب طرفلاریده میمونلار باردورلار. چین یله قورتینک اصل یری بولادور. **اوترا آسیا** تینکیزدین یراق بولغان اوچون و هر طرفدین کلادورغان رطوبتلیک شماللارنی توسادورغان ایکیز تاغلاری بولغان اوچون آسیانینک همهدین قوروق یری دور. هیچ وقت یامغور یاغمایدورغان یرلار هم بار دور. یاز وقتیدا اوترا آسیادا تولا ایسیق بولادور لیکن قیش وقتی سوغاق دور. اوترا آسیانینک تولا یرلاری چول دور انداغ یرلارده درخت کیهلار آز دور لیکن دریالاردین سوغاریلادورغان یرلارده هر قسم درخت کیهلار بولادور شونداغ یرلارده آشلیق هم کنکرو بولادور. یاوا حیوانلار اوترا آسیادا بولادور. قولان یاوا اط و یاوا تیوه بعضی یرلارده تولا دور. چوللارده و جنکللاردا کیک بوغا و یاوا تونکوز باردور و تاغلاردا یاوا قوتاز قوی و اچکو هم بار دور. یرتقوچی حیوانلاردین بوری آییق یولبارس و تولکی بار دور.

شمالی آسیانینک تولاراق یرلاری توز یر دور و ایکیز تاغلار آزدورلار. شمال چتلاری بحر محیط شمالیغه یانداشادور. شو یرلارده قیش نهایت اوزون و یاز وقتی تولا قیسقه بولادور شونداغ که موک (پوژر) دیکان اوتدین باشقه هیچ کیهل یوق دور. تمام شمالی آسیادا قیش وقتی نهایت سوغاق هم اوزون بولادور اما یازی قیسقه بولسه هم تولا یرلارده انداغ ایسیق بولادور که بعضی یمیشلار بیشادور. تولا یرلارده یازدا اوت نهایت اوبدان بولادور اینک اوچون خلق تولا مال باقادور. یاغین انچه جیق بولماسه هم درخت کیهلغه یتکودیک بولادور. سبیریانینک مغرب طرفلاریده خلق دهقانچیلیق بیلان تیریکیچیلیک قلیب تولا بغدادی و باشقه آشلیق تیریدور. مشرق طرفلارده نهایت کنکرو جنکللار باردور. جنکللاردا تولا یاوا حیوانلار یورادورلار مثلاً بوغا شمال بوغاسی آییق بوری یاوا تونکوز تولکی سمور و قاقم دیکان حیوانلار.

**جنوبی آسیا** هند چینی بیلان هندستان یاریم جزیره لاری و بولارینک مشرق جنوبی طرفیداکی جزیره لار بیلان تمام بولادور. جنوبی آسیانینک تولاراق یرلاری تاغلیق دور لیکن هندستاندا توز یرلار هم بار دور. جنوبی آسیانینک هواسی هر وقت ایسیق دور و قیش هیچ بولمایدور. یل

نینک ایکی فصلی بولادور یعنی قوروغلو ق فصلی و یامغور فصلی . قوروغلو ق فصلیدا قورو ق طرفیدین موسم (مونسون) دیکان قورو ق شمال کونده ایساب تورادور اول وقت هیج یامغور یاغمایدور. یامغور فصلیدا تینکیز طرفیدین بر رطوبتلیک شمال (موسم) ایساب تورادور و یامغور نهایت تولا یاغادور.

یامغور تولا یرلارده جنکل لار کنکرو دور. هر قسم درخت و گیاهلار باردور مثلاً خرمانینک هر نوعی دارچین یانکغاق قرنفل (قلنفور) صندل شمشاد رزینا شال کبز چای هند قموشی شکر قموشی دیکان درخت و گیاهلار مشهورلاریدین دور. جنکل لاردا یاوا حیوانلار تولا دور مثلاً شیر یولبارس بارس بوری کرکدن فیل میمون و هم تمساح (نهنگ) و نهایت زهرلیک یلانلار.

غربی آسیانینک تولاراق یرلاری تاغلیق دور لیکن یت و توز یرلار هم باردور بولارینک چونکراقی الجزیره دور.

مغرب آسیانینک هواسی باشته باشته یرلارده بولک بولک بولادور اناطولی نینک و شام نینک کناره لارید، یاز وقتی ایسیق و قورو ق بولادور قیش وقتیدا یامغور یاغادور لیکن سوغاق بولمایدور. مغرب آسیانینک ایکیزراک و تینکیزدین یراغراق یرلاریدا یاز تولا ایسیق و قیش سوغاق بولادور. جنوب طرفلارده همیشه تولا ایسیق دور قزیل تینکیز بیلان ایران تینکیزی نینک کناره لاری یر یوزی نینک همه دین ایسیق یرلاری نینک قطاریدا بولادور. عربستان نینک تولاسی چول دور. اندا یاغین تولا آز دور.

بعضی تاغلیق یرلارده جنکل بولغانی برله جنکل لار خلی آز دورلار. یاوا حیوانلاردین شیر چقال صنبع بار دور.

## چین مملکتی یا که خاقان

چین مملکتی آسیانینک مشرق طرفیده دور. شمال طرفیده سیریا، مشرق طرفیده مشرق و جنوبی چین تینکیزلاری، جنوب طرفیده طونکین بیرما هندستان و مغرب طرفیده شمالی هندستان و روسیه ترکستانی سرحدلاری دور.

چین حکومتی خلقی نینک عددی جهتیدین یر یوزیداکی حکومتلارینک ایکنجی درجه سیده بولادور و زمینی نینک کنکرو لوقیغه قایلاندا چونکراق حکومت لاری نینک قطاریدا بولادور. اداره سی جمهوریه دور.

چین مملکتی بش چونک پارچه بیلان تمام بولادور. بولار اصل چین چین ترکستانی مانجوریه مغولستان و قیامت دورلار.

## چین ترکستانی یا که شینجانک ولایتی

چین ترکستانی ولایتی اصل چین نینک مغرب طرفیده دور. اوچ طرفی تاغ و بر طرفی چول دور. شمال طرفیده الطای و قیامانشان تاغلاری مشرق طرفیده کویچی چولی جنوب طرفیده التون تاغ کویچی لون و قرا قورام تاغلاری و مغرب طرفیده پامیر و الای تاغلاری باردور. شمال طرفیده سیریا و مغولستان، مشرق طرفیده مغولستان و قانسو ولایتی، جنوب طرفیده تبت و کشمیر و مغرب طرفیده روسیه ترکستانی سرحدلاری دور.

بو ولایت تولا کنکرو بولغانی برله آباد یرلار خلی آز دورلار. یورت نینک تولاسی چول دور موندکی تکلی مکیان دیکان چول چونک کوی نینک مغرب طرفیدکی اوچی دور. یورت نینک ایچی قدیم زماندا تینکیز بولغانیغه تولا نشانلار باردور. تاغلاردا و تیانشان نینک شمال طرفیدکی ایلی دیکان یورتدا یاغین تولا بولادور باشقه یرلارده یاغین نهایت آز بولادور دریالار نینک سوی یرنی سوغارماسه زراعت قیلغانی بولماس ایردی.

مذکور تاغلار دین تولا دریالار کلادور. دریالار اقیب تورادورغان یورتلار تولا آباد دور. چونک قراق دریالار نینک ایغی قوشولوب آخری بر چونک دریا بولوب طاریم دریاسی اتانور. طاریم لوب نور کولیکا اقیب قویولادور.

## مشهور دریالار

ایلدیچی. یا که ختن دریاسی تبت طرفیدین کوی لون تاغلاردا پیدا بولوب ختن یورقی و تکلی مکیان چولیدین اوتوب طاریمغه قوشولادور. قراقاش دریاسی هم مذکور تاغلاردا پیدا بولوب ختن نینک شمال طرفیده ختن دریاسیغه قوشولادور. قوشولغان یرینی قوشلاش دیرلار.

یارکند دریاسی شینجانک نینک همه دین چونک دریاسی دور. اول قرا قورام و پامیر تاغلاریدا پیدا بولغان بر مونجه چونک کچیک جلغه لاردین حاصل بولوب دور انکا قوشولادورغان سولار نینک مشهورلاری زرششان بیلان سریقول دور. بو

ایکی دریا قوشولغاندین کین یارکند دریاسی اول شمال طرفیکا اندین مشرق طرفیکا اقیب طاریم اتانیب آخری لوب نور کولیکا قویولادور.

**کاشغر دریاسی** پامیر آلائی و تیانشان تاغلاریدین کلادورغان قزیل و قوممان دیکان ایکی دریانینک قوشولغاندین حاصل بولغان دور. بو ایکی دریا کاشغر شهری نینک مشرق طرفیده قوشولغاندین کین مشرق طرفیکا اقیب مراهباشی نینک مشرق طرفیده یارکند دریاسیغه قوشولادور.

**اقسو دریاسی** تیانشاندکی ہوز تاغ دیکان تاغ طرفیدین کلیب جنوب طرفیکا اقیب طاریمغه قوشولور.

**طاوشدقان دریاسی** تیانشان تاغلاریدکی آق سائی طرفیدین پیدا بولوب اوج طرفان یورتیدین اوتوب آقسو شهری نینک جنوب طرفیده آقسو دریاسیغه قوشولادور. مذکور چونک دریالار قوشولوب بر دریا بولغاندین کین **طاریم** و بعضیدا یارکند دریاسی اتانیب اول مشرق اندین مشرق جنوب طرفیکا اقیب لوب نورغه قویولور. ایلمی **دریاسی** تیانشان نینک باشقه باشقه طرفلاریده پیدا بولغان اوج دریادین حاصل بولوب ایلی یورتیدین اوتوب روسیہ ترکستانیدکی بالقاش کولیکا قویولادورغان چونک بر دریادور.

### کچیکراک دریالار نینک مشهورلاری :

**چرچن دریاسی** تبت تاغلاریدین کلیب شمال طرفیکا اقیب لوب نور کولیکا قویولادور.


**کریبہ دریاسی** ہم اول تاغلاردین کلیب شمال طرفیکا اقیب تکلی مکان چولیده یوقالادور.

**سانجیو دریاسی** قرا قاش دریاسیدین آریلیب کوما شمال طرفیده چول نینک قومیدا ییتب کتادور.

**تیزناف دریاسی** تبت تاغلاریدا پیدا بولوب قارغہ لیق تابعلاریدین اوتوب مرکت طرفیکا اقیب یوقالادور.

**تیویز بیلان کین قول** دیکان ایکی دریا جنوب و مغرب جنوب طرفلاردین کلیب ینکی حصار طرفلارینی سوغارادور.

**کز دریاسی** پامیر تاغلاریدین کلیب کاشغر بیلان ینکی حصار نینک ارا لیقیدا کی یورتلارنی سوغاریب توبنیده تاشمالیق و خان اریق دریاسی اتانور.



مزار هدایت‌الله ایشان خواجه آفاق کاشغر



چاقماق بیلان ارتوش دیکان ایکی دریا تیانشان تاغلاریدین کلیب کاشغر طرفیکا اقادور لیکن کاشغر دریاسیغه قوشولمايدور.  
یوقاری سی موزرات و ایاغی شاخیمار دیکان دریا تیانشان تاغلاریدین کلیب شاخیمار شهریدین اوتوب طاریمغه قوشولادور.  
کوکسو هم تیانشان تاغلاریدین کلیب بابا کولیکا قویولادور.  
خایدیک قول تیانشان تاغلاریداکی کچیک و چونک یولدوز دیکان ایکی ساسلیق دین کلیب جنوب مشرق طرفیکا اقیب باغراش کولیکا قویولادور.

## تاوییلان شهرلار

شینجانک سکز تاوغه بولونا دور بوتاولارنینک تورتی تیانشان نینک شمال طرفیده و تورتی تیانشان نینک جنوب طرفیده بولادور.  
جنوب طرفیده کیلار کاشغر ختن اقسو و قراشهر دورلار. شمال طرفیدا کی لار اورومچی ایلی چوچک والطای هر تاو بر تاو دین یا که تاو طای (دوطی) دیکان منصبدارنینک قولیده تورادور هر تاوغه یته سکز شن تابع بولادور تمام شینجانکدا قرق توقوز شن باردور. شن لارنینک اوج درجه سی بار برنجی درجه دین بولغان شهرلار تمام شینجانکدا الله بولادور و بولار اورومچی شوله یا که کاشغر نینک ینکی شهری یارکند اقسو ینکی شهری قراشهر و ایلی دورلار.  
هر برش شن کوان (شنکان) دیکان بر امبال نینک قولیدا تورادور.  
مذکور قرق توقوز شهر دین باشقه اون اوج کچیکرک شهر باردور. بولار فن شن اتانورلار و اولارنینک امبال لاری شنتسو اتانورلار.  
\* تمام چین ترکستانی نینک والیسی یا دودوسی (جانک جونک) اورومچی ده تورادور تمام یورت نینک اختیاری اینکده دور خواه قلم منصبدارلاری و خواه علم منصبدارلاری بولسه انکا قایلایدورلار.

## تیانشان تاغلاری نینک جنوب طرفیداکی تاو شهرلار.

کاشغر تاوسی شینجانک نینک جنوب مغرب طرفیده دور.  
کاشغر شهری خاقانی تولید شو فو شن اتانور اول شهر تومان دریاسی نینک بویدا بولوب کاشغر تاو نینک چونک شهری دور. شهر اوزیده خلق نینک عددی تخمیناً ۸۰۰۰۰

(سکسان مینک) دور بو شهر دین روسیه تابع سیغه چونک کاروان یولی بار دور. روسیه ترکستانی نینک یولی توپه سیده اولوغ چیات دیکان بر فن شن یا که کچیک شهر بار دور. شوله یا که کاشغرنینک ینکی شهری کاشغرنینک جنوب مشرقی طرفیده دور بو ایکی شهر نینک اراالقی بر تاشچه یول دور شوله شنی برنجی درجه دین دور مشرق جنوب طرفیده بر کونلوك مسافت ده خان اریق دیکان چونک بازار بار دور. ینکی حصار کاشغرنینک جنوب طرفیده ایکی مسافت ده بر شهر دور خلقی نینک عددی اون مینکچه دور.

سریقول یا تاشقورغان خاقانی تیلیده یولی دیکان شهر پامیر تاغلاریدا دور. اول شهر اوزی کچیک بولغانی برله روسیه افغانستان و هندستانغه تابع بولغان یورت لاریغه بارادورغان یولی نینک توپه سیدا بولغانی اوچون تولا ضرور بر جای ایکان. یارکنده شهری یارکنده ریاسی نینک مغرب طرفیده دور. اینک هم کهنه هم ینکی شهری بار دور. قدیم زماندا بعضیدا یورت نینک پای تختی ایردی. بو شهر هندستان و افغانستان بیلان الته شهر نینک سوداسیغه واسطه دور. خلقی نینک عددی بر یوز مینکچه دور. یارکنده نینک شمال طرفیده هم کیت دیکان چونک بر بازار بار دور. قارغه لیق (یه چینک) یارکنده نینک جنوب طرفیده ایکی کونلوك مسافت ده دور. بو شهر دین تبت یولی برله هندستانغه بارادورغان کاروانلار چیقادر.

هندستان نینک یولیدا قارغه لیق دین ایکی کونلوك مسافت ده کوکیمار دیکان مشهور بر کنت بار دور و یارکنده بیلان قارغه لیق نینک آرایقیدا پوسکام دیکان بر کچیکر اک شهر بار دور. کوما (بیشان) دیب کچیک بر شهر قارغه لیق بیلان ختن نینک ارایقیدا دور. تاغدا هندستان یول لاری توپه سیده کیدلیان و ساندجو دیکان مشهور جای لار بار دور. مرالباشی (پاچو) شهری کاشغرنینک مشرق طرفیده الته کونلوك مسافت ده بار دور. اول شهر نینک اطرافیدا اوزیدین پیدا بولغان چونک کچیک کول لار و ساسلیق لار بار دور. جنکل لار هم کنکرو دور جنکل لاریدا بارس پلنک بوغا مرال بار دور. اول یورت نینک خلقی فی دولان دیرلار.

فیض اباد (چیاژ) دیکان بر شهر کاشغرییلان مرالباشی نینک ارایقیدا دور. اقسو تاوسی کاشغر تاوسی نینک شمال طرفیده دور.

اقسونینک کهنه شهری و ینکی شهری بار کهنه شهرینی اودین سو و ینکی شهرنی آسوق یا که اقسو دیرلار. ایکی شهر خلقی نینک عددی تخمیناً الیک مینک بولادور.



اوج طرفان شهری اقسونینک مغرب طرفیدا ایکی کونلوك مسافتده طاوشقان  
دریاسیغه یقین دور.

کوچار اقسونینک مشرق طرفیده الله کونلوك مسافتده کوك سو یا که کونکای درسی  
نینک بویدا خلی چونک بر شهر دور.

بای دیکان شهر اقسو کوچار نینک ارا یقیدا دور. شمال یمار (شاخیار) کوچار نینک  
جنوب طرفیده موزارت دریاسی نینک بویدا و بوورکه کوچار نینک مشرق طرفیده دور.  
ختن تاوسی ترکستان نینک جنوب مشرق طرفیده دور.

ایلدیچی یا که ختن ایلچی دریاسی نینک بویدا کی چونک بر شهر دور قدیم  
زماندین تارتیب ختن خلقی هنر توغراسیدین مشهور دور. زیلچه کاغذ ماشوت ابرشیم ییی  
میسدین اتکان هر قسم قاچالار و یونکدین قیلینغان نرسه لار وهم سوتاشیدین یاسالغان نرسه لار  
ختن دین چیقادور. ختن طرفیدین بعضی یرلاردین التون هم چیقادور.

قراقاش قراقاش دریاسی نینک بویدا کی بر شهر دور.

پولو ختن نینک جنوب طرفیده دور

لوپ و چپرا ختن نینک مشرق طرفیده دور.

کیریه ختن نینک مشرق طرفیده تورت کونلوك مسافتده کیریه دریاسی نینک  
بویدا دور یا یلاقلاری تولا بولغاج خلقی تولا چهار پای مال باقادورلار. اول یر نینک  
یونکی یخشیلیتی بیلان مشهور دور اول طرفدا کی تاغلاردا التون کانلاری باردور.

چرچن یورت نینک جنوب مشرق طرفیده بچن یولی نینک توپه سیده دور.

قراشهر (ینجی) تاوسی ختن تاوسی نینک شمال طرفیده دور.

قراشهر باغراش کولی نینک شمال طرفیده دور. قرا شهر آطلاری مشهور دور.

کورلی شهری هم باغراش کولیکا یقین دور. اول شهر نینک جنوب طرفیده

شیمیک پدین دیکان کچیک بر شهر بار دور

کهنه طرفان شهری قرا شهر نینک مشرق شمال طرفیده دور قدیم زماندین

تارتیب مشهور شهر ایکان. اول یر نینک هواسی یازوقتیدا نهایتی ایسیق بولادور. اول طرفده  
پیدچان دیکان بر شهر بار دور.

خامی (قومول) و تاش بولاق یا که چین شا دیکان شهرلار ترکستان ولایتی

نینک همه دین مشرق طرفیده و کانسو ولایتیکا یقین دور جنوب طرفیده و چرچن نینک

مشرق طرفیده چاقلیق دیب کچیک بر شهر باردور

## تيانشان تاغلاری نينك شمال طرفيداکی تاو شهرلار

اورومچى تاوسى تيانشان تاغلاری نينك شمال طرفيده وچين ترکستانى نينك مشرق طرفيده دور

اورومچى (تيخوا) ترکستان نينك مرکز ادارهسى يعنى تمام ترکستان نينك اوستيده حکومت قىلادورغان کشى اولتورادورغان شهرى دور اول شهرده هم دودو هم بر تاوين تورادور.

کوچن (کيتای) شهرى اورومچى نينك مشرق طرفيده دور. انکا يقين لاوکيتای يعنى کهنه کوچن و فويووعن ديگان جايلار باردور. تخی هم مشرق طرفيده بارکول (چنشى) ديگان شهر بار دور.

مناس (سوی لای) اورومچى نينك شمال مغرب طرفيده و مناس نينك مغرب طرفيده شينخو (اوسو) و مشرق شمال طرفيده ساون ديگان شهرلار باردور. ایلدى تاوسى هم تيانشان تاغلاری نينك شمال طرفيده و اورومچى نينك مغرب طرفيده دور.

ايلدى ياکه غولججه شهرى ایلدى درياسى نينك بوييده روسيه ترکستانى سرحدیکا يقين بر چونک شهر دور.

صوى دونک و کوره ديگان شهرلار غولججه نينك شمال مغرب طرفيده روسيه ترکستانى سرحديده دور. مشرق طرفيده جيهنگ ديگان شهر بار دور. طاچينک تاوسى چين ترکستانى نينك شمال طرفيده دور.

چوچک (چو کوچاک ياکه طاچينک) شهرى سبيرييه نينك سرحديده دور. اول شهر قديم زمانده مغولستانغه تابع ايردى. روسيه تابع لاری برله سودا معاملهسى چونک بر شهر دور. اول شهرکا يقين دوروجينک (خوشانک) ديگان کچیکراک بر شهر باردور. بوغور ديگان بر اباد تاغلیق جای چوچک بیلان ایلدى نينك ارا ليقيدا دور.

الطای تاوسى شينجانک نينك شمال مشرق طرفيده دور اول تاو نينك همهسى بالدور مغولستانغه تابع ايردى لیکن ايمدی شينجانکغه قوشولغان دور.

الطای (چينکخاسى) شهرى اول تاو نينك چونک شهرى بولادور اينکدين باشقه چامولای اوروموحو و ينه برنچه کچیک شهرلار باردور.

شينکجانک خلقى نينك عددی بش الله ميليون دور. خلق نينك تولاسى قىرک

نوعیدین دور دینی اسلام و تیلی ترکی تیلی نینک چغتای شیوه سی دور. خلق نینک باشلیق کسبی دهقانچیلیق و مال باقماغلیق دور ترکلاردین بولک خطای مغول قهرغیز و باشقه خلق لار هم بار دور.

## اصل چین

( خلقی ۳۰۰ میلیونین زیاده )

چین مملکتی نینک مشرق جنوبی طرفلارینی اصل چین دیرلار شمال طرفیده مغولستان و مانجوریه مشرق طرفیده چین تینکیزلاری جنوب طرفیده طونکین و بیرما مغرب طرفیده تبت و چین ترکستانی سرحدلاری دور. اصل چین مغولستان بیلان مانجوریه دین سید چین دیکان اوزونلوقی تخمینا ۶۰۰ یوطی بر سفیل بیلان آیریلادور اول سفیلنی چین خلقی قدیم زماندا اوز مملکتی فی مانجوریه و مغولستان خلقیدین ساقلاماق اوچون سالغان دور. اصل چین نینک بعضی یرلاری تاغلق و بعضی سی توزدور شمال طرفیده ایندیشان میادیشان بیلان و وسطای شان مشرق جنوبی ده قایوشان جنوب طرفیده نانشان و مغرب طرفلاریده یوزلمه نیک ناپاشان چین لیمه نیک شان مین شان و نانشان تاغلاری باردور. یورت نینک مشرق بیلان اوترا طرفلاریده کنکرو توز دره لار بار ایکن. اصل چین نینک دریالاری تولادور خوانکنکو یانکن چچی جانکن ( یانکچیکیانک ) و شی جانکن ( صیکیانک ) دیکان دریالار مشهور دور.

خوانکنکو یا که سریق دریا تبت تاغلاریدین کلیب اول شمال طرفیکا قایریلب اندین مشرقه اقیب چلی کورفریکا قویولادور بالدور سریق تینکیزکا قویولور ایردی لیکن تاریخ میلادی ۱۸۵۲ نجی یلی باشقه طرفکا اقیب کتی. سریق توپاسی بار یرلاردین اوتوب تورغانی اوچون سویی سریق بولادور اوتوب تورغان یرلار تولا جایلارده دریادین یستراک دور اول یرلار نهایت حصول لوق دور لیکن سو اولوغ بولغان چاغدا بعضیدا تاشیب کتیب یورتنی باسیب تولا ضرر قیلادور.

ویکنو دریاسی خونکنوغه قوشولادور

یانکنکچی جانکن یا که کوک دریا هم تبت تاغلاریدین کلیب جنوب طرفیکا قایریلب اندین مشرقه اقیب مشرق چین تینکیزیکا قویولادور اول دریا یر یوزیداکی همه دین اولوغ دریالار نینک بری دور اوتوب تورادورغان یرلاری نهایت حصول لوق و اباد دور. دریا کنک چوقورو اهسته اقادورغانی اوچون ایننک برله هرچونک که لار نچه یوز

یوٹپی یورت ایچیکا بارالایدور .

یونخو دیکان چونک قنال بیکنیدین یانکچی جانگه قازغانیب دور اول قنال  
بیلان هم که مانکادور .

چین چانک جیالینک ووجانک یوانجیچانک وینه برنچه دریالار  
یانکچی جانگه قوشولادور .

شی جانک (سیکیانک) یاکه چوجانک جنوب چین تاغلاریدا پیدابولوب  
مشرق طرفکا اقیب جنوب چین تینکزیکا قویولادور .

یونخو دیکان کچیکراق بردریا شمال چینداکی تاغلاریدین کلیب بیکن بیلان تیان  
چین شهرلاریدین اوتوب چی لی کورفزیکا قویولادور .

اصل چین نینک اوتراومشرق طرفلاریده تونک تینک پویانک طای خو  
خونکچی پایدینک خو وباشقه چونک کچیک کول لارباردور .

شمال بیلان اوترا طرفلاری نینک هواسی معتدل جنوب طرفلاری تولا ایسیق و  
یری نهایت حصول لوق دور باشلیق کسبی دهقانچیلیق دور و چین خلقی اوز یرینی نهایت  
اوبدان ایشلایدور مملکت نینک شمالیدا تولاراق تریق و بغدادی تریدور یانکچی جانک  
دریاسی سوغارادورغان یرلارده شال تریدور . چین خلقی تولاراق ییدورغان اشلیق کورونج  
بیلان سوک دور تاغلارنینک پستراک یرلاریده کبز و چای تریدور چای نی بر قسم کچیک  
درخت نینک یاپرماقلاریدین طیار قیلورلار چای درختی نی افتاب تولا توشادورغان یرلارکا  
کوچورادور اینک ایکیزلیکی تخمینا ایکی متره بولادور یاپرماقلارینی یلدا اوج مرتبه  
درخت دین الیب اهسته کویادورغان اوت نینک تویه سیده قوروب طیار قیلورلار ایرته یازدا  
الغان یاپرماقدین همه دین اوبدان چای بولادور . چین خلقی پله باقماغلیق توغراسیدین یر  
یوزیداکی همه دین برنجی خلق نینک بری بولغان اوچون تولا اوچمه درختی هم ساقلایدور .  
چین نینک ییاکی هریرده مشهور دور بعضی یرلارده شکر قموشی هم تریدورلار اینک دین  
قند چیقادور تما کو کیهی هم تولا تریلادور

چین نینک تاغلاریدا تولا کانلار باردور مثلاً التون کوموش میس و قاغوشون  
کانلاری بار تولا یرلاردین تاش کمورهم چیقادور خطایلار سوداگرچیلیقه و هنرکا تولا کامل دور  
اولار چیقارادورغان چینی کاغذ سیاه باشقه باشقه یورتلاردا مشهور بولوب ساتیلادور  
لیکن تولاراق ساتیلادورغان ماللاری چای بیلان ماشوت دور .

اصل چین نینک خلقی سریغ اوروغدین یا که مغول جنسیدین بولوب خطای

اتانادور قديم وقتدين تارتیب اولار هنر علم توغراسیدین مشهور دورلار موندین  
ایکی اوج مینک یل ایلکاری چونک علما و دانشمندلاری بار ایردی بولار تولا کتابلار  
یازار ایردیلار و بو کتابلار تخی تولا اوقولادور.

بعضی ایشلاری مثلا کتاب باسیش کاغذ چینی و میلتيق داروسی نینک طیار  
قیلینادورغان طریقه لارینی چین خلقی باشقه خلقدین ایلکاری بیلور ایردی. دهقانچیلیق و  
باغبانچیلیق باره سیدین هم تولاراق باشقه خلقدین اوستا ایردی کینراک باشقه اقلیم  
بیلان هیچ معامله قیلماغانی اوچون و باشقه طایفه لاردین بر نمه اورکانماکانی اوچون  
آوروپانینک خلقیدین کین قالب دور لیکن کینکی یل لاردا آروپا امریقا خلق لاریدین علم  
هنر اورکانکالی قوپوب تولا ینکی ایشلارنی اوزیورتیغه کیرکوزوب دورلار تمور یول  
لار سیم وزاود یاساب دورلار.

چین خلقی ایشدین زیریکمایدورغان هر وقت راضیلیق قیلادورغان و قری  
کشیکا حرمت قیلادورغان بر خلق دور.  
عام خلق نینک تولاسی بوده دینیده تورادور چونک لار و علم اوقوغانلار  
قونفوجی دینیده دورلار مسلمان خلق هم باردور اولارنی تونکان دیرلار. مسیحی  
جماعتلاری تولا یرلارده هم باردور.

## ولایت لار بیلان شهرلار

اصل چین اون سکز ولایت یا که سنک بیلان تمام بولادور. یعنی چی لی  
شان تونک شان شی شن شی کان سو خوانان خویه ان خوه جانک سو چی جانک فوجن  
جانک شی خونان کوئی چو زه چوان کوانک تونک کوانک شی و یون نان .  
چی لی سنکی اصل چین نینک مشرق شمالیدا دور. اول ولایت نینک هواسی  
یاز وقتیدا ایسیق بولسه هم قیشدا تولا سوغاق بولادور.

## مشهور شهرلار

بیکن یا که پچین ( خلقی نینک عددی بر یاریم میلیونجه ) اول شهر چی لی  
کور فزی نینک مغرب شمالیدا بیخو دیکان دریانینک بویدا دور. بیکن چین مملکتی  
نینک پای تختی دور. اینک سفیل لاری ایکیز و محکم دور. شهر نینک ایچیده  
یونک جا کوانک یعنی خانلار نینک اورداسی باردور. اول اوردادا چونک

چرايلىق عمارت لارى باغلارلى كۆل لارى بىلان بىر سڧىل بىرلە احاطە قىلىنىپ شەھەر ايجىداكى بىر شەھردور. اول شەھرنى زى جىنك چىمىنك دىرلار. خانلارنىنك وقتىدا ھىچ يات آدمنى زى جىنك چىنككا كىرگوزماس ايردىلار. بىجىننىنك معنسى شىمال اورداسى بولور. بىرنچە باشقە چونك چرايلىق عمارت لار ومياولار بىكىننىنك ايجىدە باردور.

قىمان چىمىن شەھرى (خلقى نىنك عددى ۸۰۰ مىنكچە) بىخو درياسى نىنك منىيىغە يقىن دور. اول شەھەر بىكىننىنك اسكلەسى يعنى كەلارى كلىب چىقا دورغان جايى ياكە لىمانى بار شەھرى بولوب سودا توغراسىدىن شىمال چىننىنك ھەمدىن ضرور شەھرى دور. تىان چىنكا يقىن چىلى كورفزى نىنك بويدا تاكو دىكان شەھر باردور.

پاوتىمىنك شەھرى چىلى ولايتى نىنك مركزاد ارەسى بولور. اول شەھەر بىكىندىن جنوب طرفىكا بارادورغان تىمور يولى نىنك يانيدا دور.

(ولايت نىنك جنوب طرفىدە ھەم خوجىن چىنك تىنك شونته كوانك بىنك و تامىنك دىكان چونكر اق شەھرلار باردور و شىمال طرفىدە يونك بىنك چىنك تە چاويانك سونكاخوا و كلكان دىكان شەھرلار باردور. كلكان شەھرى سد چىننىنك چونك بىر دروازە سىدە دور.)

چىلى خلقى تخىمىن ۳۵ مىليون دور.

شىمان تونك سنكى چىلى و چىلى كورفزى نىنك جنوب طرفىدە دور مشرق طرفى شان تونك يارىم جزىرەسى بولور.

### مشھور شەھەرلەر

چىمىنان شەھرى خوانك خونىنك بويدا بولوب شان تونك نىنك مركزاد ارەسى دور. اول شەھردىن بىكىن شانك خاى و چىنك تاوغە تىمور يول لارى بار دور. (ووتىنك لاي چو چىنك چو تونك چانك يىن چو چاوجو بىلان اىچو وىنە بىرنچە شەھرلار شان تونك ولايتىدە دور.)

(شان تونك يارىم جزىرەسى نىنك شىمال كئارەسىدە انكلىزكا تابع بولغان ووئى خاى ووئى شەھرى باردور و شول يارىم جزىرە نىنك جنوب كئارەسىداكى چاوجو بىلان چىنك تاو شەھر لارى بالدور جرمانىاغە تابع ايردى.)

شان تونك خلقى نىنك عددى تخىمىن ۳۰ مىليون دور.

شان شى سنكى چىلى نىنك مغرب طرفيده و مغولستان نىنك جنوب طرفيده دور.  
اول ولايت نىنك تولاي رلارى تاغلق دور. تاغلاردا تاش كور و باشقه باشقه كانلار بار  
دور. بعضى يرلار دىن تولا توز هم چىقادور.

### مشهور شهرلار

تاي يوان شهرى شان شى نىنك مركز اداره سى دور.  
( تاتونك سويىنك نىنك و و فىنك چو پىنك يانك لونكان چه چو پوچودى كان شهر  
لار اول ولايت نىنك چونكراق شهرلارى دور.)  
شان شى سنكى شان شى نىنك مغرب طرفيده و مغولستان نىنك جنوب طرفيده  
دور. اول ولايت نىنك جنويدا شى نىنك لى نىنك دىكان مشهور تاغلار بار دور.

### شهرلار

شى نىنك شان شى نىنك مركز اداره سى بولوب چونك بر شهر دور خلقى  
نىنك عددى ياريم ميليون دىن زياده دور ميش. اول شهر قديم زماندا چىن مملكتى نىنك پاي  
تختى ايردى. اصل چىندىن شى نىنك بار ادورغان كاروان يولى شو شهر دىن اوتادور.  
(يولن يه نان تونك چو فنك شانك خان چونك و خىنكان شهرلارى مشهور دورلار.)  
كانسو سنكى اصل چىن نىنك مغرب يده دور. شمال طرفيده مغولستان و جنوب  
مغرب طرفيده تىت دور. شو ولايت نىنك تولاسى تاغلىق دور تىت سر حديدان فاندشان  
تاغلارى بار دور.

### شهرلار

لان چوفو كانسونىنك مركز اداره سى دور و شى نىنك كان چو سوچو  
ولايت نىنك مغرب يده نىنك شيا شماليده و چىنك يانك پىنك لىانك و كونك چانك مشرق  
طرفلار يده دور.  
زه چوان سنكى هم چىن نىنك مغرب يده شان شى بىلان كانسونىنك جنوب  
طرفيده و تىت نىنك مشرق طرفيده دور. زه چوان اصل چىن نىنك همه دىن چونك  
و خلقى تولا ولايت لارى نىنك برى دور. خلقى ۳۵ ميليون دىن زياده دور. مغرب  
طرفلارى نهايت تاغلىق دور اندا خلق آز دور. شماليده قاپاشان دىكان تاغلار

باردور. ولایت نینک مشرق طرفلاری تولا حصول لوق و خلقی نهایت تولا دور. تولاراق تریدورغان نرسه قوناق شال چای و شکر قموشی دور. خلق پله تولا باقادور و بر قسم آق موم یغیب طیار قیلادور. تاش کمور تمور و هم التون کانلاری بار دور.

### شهرلار

چونک تو شهری زه جوان نینک مرکز اداره سی بولوب چونک چرایلیق بر شهر دور کوچه لاری توز و کنکرو دورلار و خلقی هنر توغراسیدین مشهور بر خلق دور.

چونک جینک یانک چی جانک دریاسی نینک بویدا کی چونک بر شهر دور. ینه شو دریانینک بویدا کوی چو و وان سیافو دیکان شهرلار باردور. سوی نینک شون جینک تونک چوان پاونینک لونکان دیکان شهرلار ولایت نینک شمال طرفیده دورلار.

جاتینک یاچو یورت ایچیده دور و لیتانک بیلان باتانک مغربیده دور. (باتانک دین تیبیت کا بارادورغان چونک بر یول اوتادور.)

زه جوان نینک مغرب طرفلاریده خطایدین باشقه تیبیلیک لولو و سیفان دیکان طایفه لار اولتورادور. اولار نینک خاص زبانه لاری بار دور.

خوپه سنکی چین نینک اوتراسیدا دور مغرب دین مشرقچه یانک چی جانک دریاسی شو ولایت دین اقیب اوتادور. اول دریانینک دره سی تولا حصول لوق دور و خلقی نهایت تولا.

### شهرلار

ووچانک یانک چی جانک نینک بویدا کی چونک بر شهر و خوبه نینک مرکز اداره سی دور.

خانقو شهری یانک چی جانک نینک بویدا و هم ووچانک نینک اوتوریدا دور. اول شهر چین نینک همه دین چونک شهرلاری نینک بری دور. خلقی نینک عددی بر یاریم میلیونجه دور. چای سوداسی باره سیدین چین نینک برنجی شهری دور. خان یانک شهری خانقوغه یقین و یانک چی جانک نینک بویدا دور



اول هم بر چونك شهر دور. بعضی خلق و وچانك خاتقو بیلان خان یانك بو اوج شهرنی بر ایتیب ووخان دیرلار.

خوانك چو چینك چو و ایچمانك دیکان شهرلار هم یانك چی جانك نینك بویدا دور لار.

(ان لو شانك یانك و یون یانك شهرلاری خان دریاسی نینك بویدا دورلار. ته یان شهری فوخو دیکان دریانینك بویدا دور.)

خوانان سنکی هم اوترا چیندا بولوب خویه نینك شمال طرفیده دور. اول ولایت نینك بعضی یرلاری تاغلیق دور فوینو بیلان لوخان تاغلاری مشهور دور. ولایت نینك شمال طرفیدین خوانكخو دریاسی اوتادور اول یرلارده اشلیق کنکرو بولادور لیکن یامغور آز بولسه اچاچیلیق بولادور. یامغور زیاده بولسه دریانینك سوی تاشیب کتیب یورتنی باسادور اول وقت هم آچاچیلیق بولادور. تاغلیق یرلارده کبز و کندر تولا تریدورلار.

### شهرلار

قای فذك شهری خوانكخوغه یقین دور. اول خوانان نینك مرکز اداره سی دور.

(خوای جینك و خوانان فو هم خوانكخوغه یقین دور. چانك ته بیلان ووئی خوئی شهرلاری اول دریانینك شمال طرفیده دورلار. کوئی ته چن چو جونینك و نان یانك ولایت نینك مشرق و جنوب طرفلاریده دورلار.)

ان خوئی سنکی خویه بیلان خوانان نینك مشرق طرفیده دور. جنوب طرفیدین یانكچی جانك اوتادور و شمال طرفیده خوای خو دریاسی اوز تولا چونك و کچیک جلغه لاری بیلان بار دور. دریالار نینك دره لاریده جیق اشلیق تریدورلار. ان خوئی نینك بعضی یرلاریده تاش کمور و التون کموش میس کانلاری باردورلار.

### شهرلار

ان چینك شهری یانك چی جانك نینك بویدا دور اول ولایت نینك مرکز اداره سی بولادور. (مذکور دریانینك بویدا تایی نینك تاتونك و چه چو دیکان شهرلار

هم باردورلار. خوئی چو نینک کوه لوچو فونک یانک و ینک چو هم مشهور  
شهرلار دورلار.)

جانک سو سنکی چین نینک مشرق طرفیده سریق تینکیز نینک بویدا دور.  
یانک چی جانک دریاسی نینک منصبی بو ولایت نینک جنوب طرفیده دور. بر مونچه  
چونک کچیک کوللار هم باردورلار. اول ولایتده خلق نینک باشلیق کسبی  
دهقانچیلیق سوداگرچیلیک و کمهچیلیک بولادور. زاود ایشلاری هم تولادور.


### شهرلار

نان جینک دیکان یانک چی جانک بویدا کی چونک بر شهر دور. نان جینک  
دیکان نینک معنی سی جنوب اورداسی دور. اول شهر هم بر وقت چین نینک  
پای تختی ایردی. چونک مدرسه لاری و زاودلاری بیلان مشهور بولغان بر شهر دور.  
شادک خای شهری یانک چی جانک نینک منصبیغه یقین کچیکرک بر دریا  
نینک بویدا دور. خلقی نینک عددی بر یاریم میلیونجه دور. شانک خای چین نینک  
همه دین ضرور اسکله سی دور. ماشوت و چای سوداسی نهایت چونک دور و  
زاودلاری تولا دورلار. چینغه بارغان آور و پالیق لار نینک تولاسی شو شهرده  
اولتورادورلار. (چینک جانک یانک چو و چانک چو شهرلاری یانک چی جانک نینک  
بویدا و خوی ان بیلان سوچو ولایت نینک شمال طرفیده دورلار.)  
چه جانک سنکی جانک سونینک جنوب طرفیده و مشرق چین تینکیزی  
نینک بویدا دور.


### شهرلار

خانک چو شهر چه جانک نینک مرکز اداره سی دور. نینک پو و ووئن چو  
تینکیز نینک بویدا کی ایکی ضرور شهر دور.  
(تای چو شاو خینک کاشینک خوچو ین چو جین خوا و چوچو شهرلار  
مشهور دورلار.)


فوجین سنکی چه جانک نینک جنوب طرفیده و فورموزه بوغازی نینک  
بویدا دور. اول ولایتده تولا باشقه باشقه کانلار بار دور. دهقانچیلیق هم تولا



تېمىلىك ( صحيفه ۳۲ )



چاي درختى نىك برشاخى ( صحيفه ۲۲ )



فانطون درياسی (صحنه ۲۹)

قېلىنادور بعضى يرلاردىن تولا كافور هم چىقادور.  
 فوچو شھرى مركزادارەسى دور. (سان توۋاۋ چانك چو اموى چوان چو  
 خىنك خوا فويىنك جن نىنك ين پىنك هم چونك شھردورلار.)  
 جامانك شى سنكى چىن نىنك ايجىدە يانك چى جانك نىنك جنوب طرفىدە دور.

### شھەرلەر

نان جامانك شھرى جانك شى نىنك مركزادارەسى دور. جىو جانك و  
 كان چو ايكى ضرور شھر دور.  
 ( جىنكان نانكان جيان چانك فوچو ياوچو نان كانك يوان چو و يىنە  
 بر نچە چونك شھرلار بار دورلار).  
 خونان سنكى هم چىن نىنك ايجىدە و يانك چى جانك نىنك جنوب طرفىدە  
 دور. اول خلقى تولا بر ولايت دور ( ۳۰ مىليوندىن زيادە ).

### شھەرلەر

چانك شىا مركزادارەسى بولوب چونك بر شھر دور.  
 (خن چو چانك تە پاوجىنك يوچو يونك شون شىن چو يوان چو يونك چو  
 و يىنە بر مونچە چونك كچىك شھرلار خونان ولايتىدە دورلار).  
 كوانك تونك سنكى چىن نىنك ھەمدىن جنوب طرفىدە و جنوب چىن  
 تىنكىزى نىنك بويىدا دور.

### شھەرلەر

قانطون شھرى شى جانك و قانطون دريالارى نىنك منصبىغە يقين بولوب  
 كوانك تونك نىنك مركزادارەسى دور. خلقى تخمىنأ بر مىليون دور. سودا توغراسىدىن  
 جنوب چىن نىنك برنجى شھرى دور. قانطون درياسى چونك كچىك كەلەر  
 يىلان تولغان دور بولارنىنك ھر بىرىدە بر اريلوك خلق ھەمە مال سرانجام  
 لارى يىلان اولتوروغلوق دور. ھر بر كەمە بر حويلىدىك دور. اندا  
 توخى غاز اورداك و اولارغە اوخشاش جانورلارنى باقادورلار. تولا خلق  
 تمام عمرىنى كەلەردە اوتكوزادورلار. انداغ كەمدىن اوچ يوز مىنكچە بار ايمىش.

شهر نینگ کوچەلاری شونداغ تاردورکه بر غولاچدین کنک یرلاری آز دورلار.  
(تینکیز نینگ بویداکی سواتو لوی چو پاخوی ولیم چو و یورت ایچیداکی

کاوچو شوخینک چاوچو و شیوچو دیکان شهرلار مشهور دورلار.)

خای فان دیکان جزیره کوانک تونکغه تابع دور. اول جزیره ده برنچه

شهرلار بار دور چونکراقی جوندک چو دور.

حاشیه - جنوب چین تینکیزی نینگ بویداکی حونک قونک انکلیرغه و ماقاو

یورتو کالیه کا و کوانک چو فرنسه کا تابع دور.

کوانک شئی سنکی کوانک تونک نینگ و طونکین نینگ شمال طرفیده دور.

### شهرلار

کوئی لیمن شهری ولایت نینگ مرکز ادارهسی دور.

(نان نینگ ووچو جینک یوان زه چنک چەنان تای پینگ لیوچو پینگ لو

سون چو چونک شهرلار دورلار.)

کوئی چو سنکی کوانک شئی نینگ شمال طرفیده دور.

### شهرلار

کوئی ییادک شهری اول ولایت نینگ مرکز ادارهسی دور.

(صون یی زەنان تاتینگ تونکین زه چو چن یوان لی پینگ ان شو تو یون

شینک یی شهرلاری کوئی چونینگ چونکراق شهرلاری دور.)

یون فان سنکی اصل چین نینگ مغرب طرفیده دور جنوب طرفیده

طونکین و مغرییده هندستان سرحدلاری دور. یون فان تولا تاغلیق بر ولایت

دور. کانلار توغراسیدین چین نینگ برنجی ولایتی دور التون کموش میس تمور

و باشقه کانلار اندا تولادور. بعضی یرلاریده دهقانچیلیق هم اوبدان بولادور.

یون فان نینگ چایی مشهور دور.

### شهرلار

یون فان فو ولایت نینگ مرکز ادارهسی بولادور. طونکیندین شو شهرکا

تمور یولی بار دور.

(یونگ نینگ لی جانگ چاو تونگ تونگ چوان تالی یونگ چانگ کوانگ نان چینگ چانگ سون نینگ لینگان چوچینگ کای خوا و ینه بر نچه چونگ شهرلار بار دورلار.)

## مانجوریه

چین مملکتی نینگ مشرق شمالیدا مانجوریه دیکان ولایت باردور. امور و اوسوری دریالاری بیلان سبیریهدین ایریلغان دور. مغرب طرفیده خیمگان تاغلاری و مشرق جنوبیدا شامانیمان تاغلاری باردور. سونکاری دریاسی اموردریاسیغه قوشولادور ایننگ جلغلاری خیمگان بیلان اوسوری تاغلاریدین کلادور. جنوب طرفیده یالو بیلان قوممن دریاسی کوریه نینگ سرحدیدادور اول یورتدا جنکلارویاوا حیوانلار تولادورلار. اصل یورت خلقی مانجوردور اولار خطای برله بر جنس دور و دینی خطای نینگ کیغه اوخشاش دور اولار نینگ عددی اوج تورت میلیون دور قالغان خلق نینگ تولاسی اصل چیندین کوچوب کلکان خطای دورلار اولار دهقان چیلیق قیلیب تریکچلیک قیلورلار. مانجوریه نینگ همه خلقی اون میلیونچه دور. روسیه تابع لاریدین تمور یوللار یورتدین اوتوب چین تابعیغه و ژاپونیا تینکیزی نینگ بویغه بارادور.

مانجوریه اوج سنک بیلان تمام بولادور. شمال طرفیده خی لونگ جانگ مشرقیدا کیردین یا که چی لین و مغرب جنوبیدا فنک قیمان سنکی دور.

## مشهور شهرلاری

موقدین (خلقى ۱۶۰ مینکچه) اول یورت نینگ مرکز اداره سی بولوب جنوب طرفیده دور. اول یرده مانجور خلقیدین بولغان چین خانلاری نینگ قبرملاری باردورلار. ایکون امور دریاسی نینگ بوییدا دور خاربین و زیزى خار یورت نینگ اوتراسیدادور موقدین بیلان خاربین نینگ اراقیدا کیردین شهری باردور. پورت ارتور چیلی کورفزی نینگ بوییدا نهایتی محکم بر قلعه دور اول قلعه حاضر ژاپونیا حکومتیکا تابع دور.

## مغولستان

مغولستان مانجوریه نینگ مغرب طرفیده دور جنوب طرفیده اصل چین مغرب طرفیده چین ترکستانی بیلان سبیریه و شمالیدا سبیریه سرحدلاری دور. مغولستان نهایت کنکرو

دور لیکن تولا یرلاری چول دور همه دین چونک چولی نی شامو یا که کویبی دیرلار. مغرب طرفلارده الطای خانکای تازم تاغلاری و مشرقدا خمینکان تاغلاری باردورلار. دریا لار از دور کرولمن دریاسی مشرق طرفکا اقیب امور دریاسیغه قوشولادور سیلنکان و اورخون دیکان دریالار یوت نینک مغرب طرفیداکی تاغلاردین کلیب قوشولوب بر بولوب شمال طرفیکا اقیب بايقال کولیکا قویولادور. یورت خلقی مغول بولادور اولارنینک عددی ایکی اوج میلیون دور ودینی بوده دور. دهقانچلیق اول یورتدا نهایتی آز دور خلق نینک تولاسی مال باقماغلیق بیلان تریکچمیلیک قیلادور باشلیق مال لاری تیوه کله اط و قوی دور. خلق بر یرده تورمای یردین یرکا کوچوب پاته لارینی باقیب اق اویلارده اولتورادور تولاراق بیدورغان طعامی قوی کوشتی و ایچکولوکی چای بولادور تولا یرلارده پل نینک اورنیدا بخته چای ایشلاتادورلار.

اورغا شهری مغولستان نینک مرکز اداره سی دور. اول شهرده چونک بر لاما یعنی اولوغ بوده کاهنی اولتورادور مغولستان نینک هر یریدین خلق کلیب انکا زیارت قیلادور. سبیریه نینک سرحدیداکی مایماچین شهری سبیریه بیلان قیلینادورغان چای سوداسیغه واسطه دور. مغرب طرفده قوربدی دیکان شهر بار دور.

## تیبِت

تیبت ولایتی اصل چین نینک مغرب طرفیده دور هندوستان دین همالایا و قراقورام تاغلاری بیلان ایریلغان و هر طرفیدین ایکیز تاغلاردین قور شالغان تاغلیق بر یورت دور. بو ولایت یر یوزیداکی همه دین ایکیز یورت دور اینک پستراک یرلاری اورویانینک ایکیز تاغلاری بیلان برابر کلادور. تیبت تاغلاریدین آسیانینک برنچه چونکراق دریالاری حاصل بولادور بعضی یرلارده خلق اولتورالمایدور یورت نینک جنوب مشرق طرفلاری آباد راق دورلار. خلقی مغول جنسیدین بولوب تیبتلیک اتانیب بوده دینیده دور عددی تعین معلوم ایماس لیکن ایکی میلیون دین زیاده دور. باشلیق کسبی مال باقماغلیق دور. تیبت یونک لاری نهایت ینکیچکا و تازا آچکولاری بیلان و هم قوتازلاری و ایبار چیقادورغان کیل لاری برله مشهور دور. بعضی یرلارده دهقانچلیق هم قیلینادور.

لاسما دیکان شهر تیبت نینک مرکز اداره سی دور شو شهرده بوده دینی نینک اولوغ رئیس بورا دور اول رئیس دالای لاما اتانیب اوز خلقیدین مقدس سانلادور.



چین مملکتیدین اصل چین بیلان مانجوریه مشرقی آسیادا و شینجانک مغولستان و تبت اوترا آسیادا دور.

## ژاپونیا (یاپونیا) مملکتی

(خلقی نینک عددی ۸۰ میلیون)

ژاپونیا مملکتی آسیانینک همه دین مغربیدا دور. اول شمالدین جنوبغه قامچاتقا یاریم جزیره سیدین فورموزه جزیره سیغچه تیزیلغان تورت مینکچه جزیره دین و کوریه یاریم جزیره سیدین عبارت دور. بو جزیره لار نینک مشرق طرفیده بحر محیط کبیر و مغرب طرفیده اوخوچقه تینکیزی ژاپونیا تینکیزی و مشرق چین تینکیزی دور.

## کسب صنعت و محصولات

ژاپونیا خلقی نینک تولاسی زراعت بیلان تیریکیچیلیک قیلا دور. بر اوزی انچه حصول لوق بولماسه هم خلق انی اوبدان ایشلاکانی برله جیق حصول تاپادور کبیر هر قسم عیش لار شکر قهوه شی ارپا بغدادی قوناق و باشقه آشلیق ترییدور لار لیکن تولاراق شمال ترییدور لار. تولاراق ییدورغان طعامی کورونج دین بولادور. چای بیلان اوچمه درختی تولا تریلا دور. جیق خلق پله باقماعلیق بیلان تیریکیچیلیک قیلا دور بعضی برلارده روغن درختی دیکان بریانکزه درخت دین تولا بار دور اول درخت دین سرغه ایشلاتادورغان اوبدان بر یاغنی چیقارور لار ژاپونیا تاغلیق بر یورت دور و تاغلاردا باشقه قسم کانلار باردور مخصوصاً میس و تاش کور تولا چیقادور.

کین کی یل لاردا هر یرده چونک زاود لار پیدا بولوب دور. چیت بوز طاوار ماشوت (اوروس) کورکورد چیننی کاغذ و باشقه نرسه یاسایدور لار.

ژاپونیا نینک قهوه چای رواجلیق دور. زاود لاردا ایتکان نرسه لار دین و هم میس و چایدین باشقه خلق لارغه تولا ساتادور لار. چونک راق شهرلاری نینک ارا لیقیدا تمور یول لاری بار دور.

ژاپونیا خلقی مغول جنسیدین دور و خطایغه اوخشایدور لیکن آوروپالیق و آمریقایی لار دین تولا علم هنر اور کانبی بعضی ایشلاردا اولار بیلان تنک بولوب دور. اولار غیرتلیک اوز یورقنی اوبدان کورادورغان و اوزینی پاکیزه توتادورغان

و ايشدين زيريكمايدورغان بر خلق دور. تولالارى نينك دىنى بوده دور ليكن مسيحيلىك هم هر يزدى جارى بولوب دور.

## جزء و شهرلار

ژاپونيا مملكتى ايكى چونك جز بيلان تمام بولادور. بولار جزيره لار و اصل آسياداكى مستملكاتى بولادور.


جزيره لار نينك ضرور راقى ~~بزرگ هوندو~~ (ژاپون) سيقون و كيو سيو دور. بولار تولا تاغلىق دور و بر نچه موز تاغ و ينار تاغلارى اندا باردور. هوندو جزيره سيداكى فوزياما تاغى هم موز تاغ هم ينار تاغ بولوب تولا مشهور دور. مذكور جزيره لار نينك شمال طرفيداكى قومريل طاقم جزيره سى و ساخالين جزيره سى نينك ياريمى ژاپونيا غه تابع دور و هم جنوب طرفيداكى ليوكيو طاقم جزيره سى بيلان فورموزه جزيره سى. فورموزه ياكه تىماى وان چونك و تاغلىق بر جزيره دور اول بالدور چينغه تابع ايردى.

## شهرلار


توكيو شهرى هوندونينك بر كور فزيكا يقين بولوب مملكت نينك پاى تختى دور. خلقى نينك عددى ايكى ياريم ميليونچه دور. يوكوهاما توكيو غه يقين مذكور كور فز نينك بويدا دور. اول توكيونينك اسكله سى بولوب سودا توغراسيدى چونك بر شهر دور خلقى ۴۲۵ مينكچه دور. اول طرفلارده قاتيق زلزله لار پات پات واقع بولادور. قوبه شهرى هوندونينك جنوب طرفيده تينكيز بويداكى چونك بر شهر دور. خلقى ۶۰۰ مينكچه دور. اول شهر سودا توغراسيدى ژاپونيانينك برنجى سى دور.

اوساكا قوبه غه يقين دور. خلقى بر ياريم مليون. اول شهر چونك زاودلارى بيلان مشهور دور.

كيوتو هوندونينك ايجيده ديواقو ديكان كولكا يقين دور. اول قديم زماندا مملكت نينك پاى تختى ايردى ذاكويا قنار اوا و تولا باشقه چونك كچيك شهرلار هوندو جزيره سیده بار دورلار



ڈایونیا اداکی بر کو بروک و فورسیا ما موز تانفی ( صحیفہ ۳۴ )



سیلون جزیره‌سی : خرما و موز درختی ( صحیفه ۴۰ )

حاقوداته يزودا و قوچى سيقوقدا دور.  
 فاكازاكي ديكان مشهور بر شهر كيوسيو جزيره سیده دور.  
 تاي نان تاي چو و كي لونك فورفوزه جزيره سیده دور.  
 اصل اسيدانكي مستملمكياتي كوريه ياريم جزيره سي بيلان سريق  
 تينكينز بويداكي پورت ارتور قلعه سي دور.

## كوريه

كوريه آسيانينك مشرق طرفيده بر ياريم جزيره دور. مشرق طرفيده  
 ژاپونيا تينكينزي جنوب طرفيده ژاپونيا بوغازي مغرب طرفيده سريق تينكينز دورلار و  
 شمال طرفيده تومن و يالو دريالاري بيلان مانجوريه دين آيريلا دور. جنوب  
 طرفيده چونك كچيك نهايت تولا جزيره لار باردور. كوريه اون مينك جزيره  
 نينك يورقي ديكان بولور. يورت اوتراسيدا تولا ايكينز تاغلار بار دور. ليكن  
 زميني نهايت يخشي و حصول لوق يرلاري هم باردور. يورت نينك هواسي قيش  
 وقتدا خيلي سوغاق بولادور.  
 كوريه خلقى مغول جنسيدين دور. ديني خطاي لارينك كي غه اوخشاش  
 بولادور. كين كي يل لاردا مسيجيلار نهايت تولا بولوب قالغان دورلار.  
 كوريه بالدور اوز الديغه بر حكومت ايدى اما حاضر ژاپونياغه تابع  
 دور. خلقى نينك عددى ۱۷ ميليونچه دور.

## شهرلار

سيمول شهرى يورت نينك ايچيده **حان كانك** درياسى نينك بويدا بولوب  
 مملكت نينك پاي تختى دور. خلقى ۳۰۰ مينك دور. مشرق طرفيده فوزان بيلان  
 ووانسان و مغرب طرفيده چين نان چيموليو كون سان و ينه بر نچه شهر  
 لار بار دورلار.  
 ژاپونيانينك ادارسى مشروطه دور و يادشاهى ميقادو اتانور.

## جنوبى اسيا

جنوبى اسيا هند چيني بيلان هندستان ياريم جزيره لاري و بولار نينك

مشرق جنوبی طرفیدا کی جزیرہ لاری بیلان تمام بولادور.  
جنوبی آسیادا الہ چونکراق حکومت باردور یعنی:

- |   |                               |
|---|-------------------------------|
| ۱ | انکلیز ہندستانی               |
| ۲ | فرانسہ ہند چینی               |
| ۳ | ہولانڈی مستملکاتی             |
| ۴ | پورتو کالیہ مستملکاتی         |
| ۵ | جماہیر متفقہ آمریکا مستملکاتی |
| ۶ | سیام پادشاہ لیقی              |

## ہندستان

انکلیز ہندستانی ہندستان یاریم جزیرہ سی و ہند چینی یاریم جزیرہ سیدین  
بر جز بیلان بر نچہ جزیرہ لاردین عبارت بولور شمال طرفیدہ تیبٹ مشرق طرفیدہ  
چین بیلان بیرما مملکت لاری جنوب طرفیدہ بحر محیط ہندی مغرب طرفیدہ عمان یا کہ  
عرب تینکیزی بلوچستان و افغانستان سرحد لاری دور.

ہندستان نینک شمال بیلان مغرب طرف لاری تاغلیق دور اوترا بیلان مشرقی  
نینک بعضی یر لاری توز دور. دنیا کی ہمہ دین ایکیز ہمالایا دیکان تاغلار ہندستان  
بیلان تیبٹ نینک ارا لیقیدا دور ہمالایا نینک کوریز افقار دیکان ہمہ دین ایکیز چوچہ سی نینک  
ایکیز لیک کی سکز مینک سکز یوز مترہ دور. مغرب شمال ہندستاندا **سلیمان**  
تاغلاری بار دور.

آسیانینک مشہور دریالاریدین **براہما پوترا غانج (کانکز) و ہندوس**  
یا کہ **سیند** دیکان دریالار ہندستاندا دور. ہندوس دریاسیغہ ینہ تورت دریا  
قوشولادور. بوش دریا سوغارادورغان یورت **پنج آب** اتانور جنوب طرفیدہ  
بنکالہ کورفریکا اقادورغان **قیمستما** دیکان بر دریا بار دور انینک قومیدین التون  
الماس چقادور. بیرما مملکتیدین **ایراوادای** دریاسی اوتادور.

**سیلون** جزیرہ سی یالق دیکان بوغاز بیلان ہندستاندین آیریلادور. اول  
جزیرہ کا یقین لاقدیو و مالدیو دیکان طاقم جزیرہ لاری بار دور.  
ہندستان نینک آب و ہواسی ہر یردہ اوخشاش ایماس. تاغلیق یرلار  
نینک ہواسی معتدل اما توز یرلار نینک ہواسی نہایت ایسیق دور. یامغور تولا

یرلارده جنکل تولا دور و زراعت اوبدان بولادور لیکن هواسی آدمغه و خصوصاً باشقه یورتلاردین کلکان خلققه ضررلیق دور. غانج دریاسی نینک بوییداکی یورتلار وبا دیکان کسل نینک همه دین اول پیدا بولغان یری دور و بنکاله کورفرزی نینک بوییداکی یورتلاردا بزکک تولا بولادور.

هندستان نینک یری نهایت حصول لوق دور. بعضی یرلارده اشلیق یلدا ایکی اوج مرتبه پشادور. شمال بغدادی قوناق و باشقه اشلیق تولا بولادور. چای قهوه شکر قهوشی خرما انجیر قرامرچ کبزی تولا بولادور. بنکاله دین ذیل دیکان رنک چقادور.

خلق باقادورغان حیوان تولاراق اط کله جاموس یا که سوکله سی قوی اچک و هم ذیل و نیمه دور. جنکللاردا هر قسم یاوا حیوانلار بار دور مثلاً شیر یولمارس دوری کرکدن ذیل میمون تمساح (نهنگ) و زهرلیک یلانلار.

هندستان تاغلاریدا هر قسم کانلار بار دور. التون الماس و باشقه قیمت بها تاشلار تولا تاییلور. پالق بوغازیدین مروارید الورلار. تاش کمور هم تولا تاغلاردین چقادور.

هندستان نینک هنرلاری قدیم زماندین تارتیب مشهور بولغان دور. شمال کیلام و نقش قیلینغان میس و کوموش قاچالاری تولا یاساب دورلار. کینکی وقتلارده چونک زاودلار تولا یرده پیدا قیلیب دورلار.

باشقه یورتلار بیلان قیلینادورغان سوداسی تولاراق انکلیزلار نینک قولیدا دور. پاخته کورونج بغدادی و چای تولا ساتیلادور. هندستان نینک تمور یول لاری تولادور. بولار بیلان مال یورت ایچیدین تینکیز بوییداکی شهرلارکا اسانلیق بیلان الیب باریلادور.

هندستان نینک تولاراق خلقی رنکی قرامتول بولسه هم اق اوروغدین یا که قافقاز جنسیدین بولور. شمال و مشرق طرفیده مغول خلقلار بار دورلار و جنوب طرفیده هندستان اصلی خلقیدین قالغان زنکیغه اوخشاش دراویده دیکان طاقه لار باردورلار. بولار نینک عددی ۶۵ میلیونجه دور. تولاراق خلق براهمن دیشده دور. بولاردین باشقه ۷۰ میلیونجه مسلمانلار و برنجه میلیون مسیحیلار هم بار دورلار. بیرمانینک خلقی

بوده‌ی دور. تمام هندستان خلقی ۳۲۰ میلیون دور.

براهمن لار بر مونچه فرقه‌ه بولونکان دورلار. بر فرقه‌دا توغولغان کشی  
ینه بر فرقه‌ه اوتالمایدور. همه‌دین مسکین لاری فرقه‌لاردین هم تاشقاری دور.  
قالغانلار بولار بیلان هیچ معامله قیلماسلار.

براهمن لارنیک دین کتاب لاری و همه کهنه کتاب لاری سانسکریت  
دیکان قدیمی بر تیلدا دور. هندیلارنیک اوزیکا خاص تیل لاری بار دور و  
مسلمانلار تولاراق اوردو و فارسی تیلی برله سوزلاشورلار.

### حکومت لار.

هندستان نیک بعضی یورت ولایت لاری انکلیر مستملکاتی بعضی سی انکلیر  
نیک حمایتیده تورادور و بعضی سی مستقل یعنی اوز الیددا پادشاهلیق قیلادورغان  
حکومت دورلار. هندستان نیک اوز امیرلارینی راجا و چونکراق حکومت نیک  
امیرلاری بولسه ماهاراجا دیرلار.

انکلیر مستملکاتی انکلیر حکومت دین قویولغان بر والی یا که فائب پادشاه  
سوراب تورادور. انکلیر پادشاهی هندستان نیک ایمپراطوری اتانور.

### مشهور شهرلار


هندستان یاریم جزیره سیداکی شهرلار:

بومبای خلقی بر میلیون دین زیاده بر شهر عمان تینکیزی نیک بویدا  
دور. سوداسی و چونک زاودلاری بیلان مشهور بر شهر دور. آوروپادین  
هندستانه بارادورغان که لارنیک تولاسی شو شهرکا بارادور.  
مادراس (خلق یاریم میلیون) بنکاله کورفزی نیک بویدا دور سوداسی  
چونک بر شهر دور.

حیدر اباد یورت نیک ایچیده دقان دیکان یرداکی بر شهر دور. (خلق ۴۰۰  
مینک) اول شهر حیدر آباد دیکان چونک راجالیق نیک مرکز اداره سی دور. اول  
یر الماسلاری نیک تولالیقی برله مشهور دور.

مایصور شهری جنوب هندستاندا بولوب مایصور دیکان راجالیق نیک  
مرکز اداره سی دور.






هندی پالیزلار ( صحنه ۳۷ )



بندوی عرب ( صحیفه ۴۶ )



عرب خاتون ( صحیفه ۴۶ )

### غانج درياسی نينك دره سیداکی شهرلار:

قالکوتہ غانج نينك منصبیغه يقين بنکاله ولايتیده دور. ( خلقی بر ميلوندين ارتوق ) سودا توغراسیدین هندستان نينك برنجی شهری دور. ۱۹۱۲ نجی يليغچه اسیاداکی انکلیز مستملکاتی نينك مرکز ادارهسی ایردی.

بنارس غانج درياسی نينك یوقاریراق طرفیده بولوب براهمن لار نينك همه دین اولوغ و مقدس سانالغان شهری دور. شو یرده دریاغه توشماک نينك چونک منفعتی باردیب اعتقاد قیلورلار.

الده اباد جمنا دیکان دریانينك غانجغه قویولادورغان یریداکی چونک بر شهر دور اول هم اولوغ سانالادورغان بر شهر بولادور. بومبای بیلان قالکوتهدین کلکان تمور یوللاری شو شهر دین اوتادور.

لوکنوو دیکان شهر غانج نينك شمال طرفیده بولوب داکه زاودلاری بیلان مشهور دور.

دلھی ( خلقی ۳۰۰ مينك ) جمنا درياسی نينك بوییدا دور و ایمدی انکلیز هندستانی نينك مرکز ادارهسی دور. اول شهر مغول پادشاهلاری نينك پای تختی ایردی. اولار نينك وقتیدین قالغان چرایلیق اوردالار و مسجدلار بو وقتغچه بار دورلار. مشهورراقی دیوانی خاص دیکان اوردادور.

اغرا شهری دلھی نينك جنوب طرفیده دور. اول هم مغول پادشاهلاری نينك پای تختی ایردی. اول شهرده هم مذکور پادشاهلار نينك زمانیدین قالغان مسجد و اوردالار بار دور. مشهورراقی تاج محال دیکان عمارت دور. اول دنیاداکی همه دین چرایلیق عمارت لار نينك بری دور دیب سانالور.

### هندوس درياسی طرفیداکی شهرلار:

کاراچی عمان تینکیزی نينك بوییدا و هندوس نينك منصبیغه يقين بولوب مغرب هندستان نينك اسکلهسی دور.

احمد اباد مغرب هندستاندا کجرات یاریم جزیره سیکا يقين بر شهر دور اول هم بر وقت اسلام خانلاری نينك پای تختی ایردی.

لاهور پنج آب ولایتی نينك مرکز ادارهسی دور. بالدور سیخ حکومتی نينك پای تختی ایردی. لاهورغه يقين امرتسار دیکان ضرور بر شهر دور.

راوالپنډی هم پنج آبداء دور. پشاور شهری افغانستان نینگ سرحدیدا دور.  
 سریندکار شهری شمال هندستانداکی کشمیر راجالیتی نینگ پای تختی  
 دور اول راجالیتی انگلیز نینگ حمایتیده دور. بالتمستان بیلان لاداخ کشمیرکا  
 تابع دور لاداخ نینگ مرکز ادارهسی لیج دور.

هونزاییلان نکر دیکان ایکی کچیک حکومت کشمیر بیلان چین ترکستانی نینگ  
 ارا لقییدا دور.

### باشقه انگلیز تابع لاری

سیلون هندستان نینگ جنوب طرفیداکی چونک بر جزیره دور. سیلون  
 نینگ نهایت خوش هوا و یری تولا حصول لوق بر یورت دور. سیلون چایی  
 بیلان قهوهسی یخشیلیقی اوچون هر یرده مشهور و مقبول دور. موندا خرما هم  
 تولا بولادور. قیمت تاشلار تاش کمور و باشقه کانلاردین هم تولا بار دور.  
 قولومبو شهری سیلون نینگ مرکز ادارهسی بولوب آوروپادین مشرقی  
 آسیاغه بارادورغان کمه لارکا کمور و باشقه نرسه لار الیب قویماق اوچون ضرور  
 بر شهر دور.

بلوچستان انگلیز نینگ حمایتیده تورادورغان بر خانلیق دور. شمال  
 طرفیده افغانستان مشرق طرفیده هندستان جنوب طرفیده عمان تینکیزی و مغرب  
 طرفیده ایران سرحدلاری دور. بو مملکت نینگ تخمیناً ایکی میلیون خلقی بار دور.  
 یری تاشلیق و قوم لوق دور. خلقی قافقاز جنسیدین تولاراقی مسلمان دور. قالغانی  
 بت پرست بولادور. بدوی خلق بولغان اوچون کوچوب یوروب مال باقیب  
 تیریکچیلیک قیلورلار.

کیلات یورت نینگ پای تختی بولادور.

دیبر ما هند چینی یاریم جزیره سیده بولوب انگلیزکا تابع دور. مرکز ادارهسی  
 رانگون شهری دور اول شهر ایراوادای دریاسی نینگ منصبیغه یقین مارتابان کورفری  
 نینگ بویدا دور. یورت نینگ ایچیده مذکور دریانینگ بویدا مازداله شهری مشهور دور.  
 مرکزی اندامان و ذیقوبار جزیره لاری هم انگلیزکا تابع دورلار.

بوغاز ادارهسی مالاقا بوغازی نینگ بویی و شو بوغازداکی برنچه جزیره دین

عبارت بولادور. مرکز اداره سی جورج تباون دور. لیکن چونک شهری کچیک بر جزیره  
داکی سینکاپور دیکان شهر دور. اول شهر چونک سوداسی برله و هم ضرور جنک کمه  
لیمانی بولغانی برله مشهور دور. خلقی نینک عددی ۲۵۰ مینک دور تولاسی خطای دور.  
مالاقا یاریم جزیره سیداکسی کچیک ممالیز حکومت لاری انکلز نینک  
حمایتیده تورادور لار.

بورنئو جزیره سی نینک شمالی بیلان لادوان جزیره سی انکلز کا تابع دور.

## فرانسز هند چینی

(خلقی ۲۰ میلیون)

فرانسه نینک هند چینی یاریم جزیره سیداکسی مستملکاتی نی بر قوشوب  
هند چیننی دیرلار. هند چینی تورت حکومت بیلان تمام بولادور. همه سی  
مذکور یاریم جزیره نینک مشرق طرفیده دور:

۱. طونکیمن طونکین بوغازی نینک بویدا. شهری: هانوی شهری اول  
شهر هم تمام هند چینی نینک مرکز اداره سی دور. خلقی ۱۵۰ مینک دور.
  ۲. اندام جنوب چین تینکیزی نینک بویدا. شهری: هوئی.
  ۳. قوچین چین مقونک دریاسی نینک منصبی چوره سیده دور. شهری: سایغون.
  ۴. قامبوج مذکور دریانینک یوقاریراقیدا دور. شهری: پنومپنک.
- هند چینی خلقی مغول جنسیدین و دینی بوده دور.  
حاشیه. — ینه فرانسه کا تابع بولغان پوندی شیری قاری قال ماهه  
و ینه بر نچه شهرلار هندستان نینک چت لاریده دور.

## هولانندی مستملکاتی

(خلقی ۵۰ میلیون)

چونک و کچیک سوند و ملوک طاووم جزیره لاری هولانديه کا تابع  
دور. بو جزیره لار نهایت تولادورلار. مشهورراقی بورنئو او صوماترا جاوا و سلب  
دور. همه اول جزیره لار نینک هواسی نهایت ایسوق دور و یرلاری تولا حصول لوق دور.  
سوند جزیره لاریده تولا شمال شکر قموشی چای قهوّه تریدورلار.

کینا درختی دیکان بر درخت دین هم تولا باردور اینک قوبزاقیدین بزکاک داروسی  
چیقاریلور. ملوک جزیره لاریده قردنقل و هندستان جوزی دیکان دارولاری  
بیان مشهور دور.

بو جزیره لارنینک تولاسی تاغلیق دور و تاغلاردا کانلار باردور. بورنه اودا  
التون صوماتر ادا تاش کیمور و بانقا دیکان کچیکر اک بر جزیره ده قلعهی تولا باردور.  
همه دین آباد بولغان جزیره جاوا بولادور. اینک خلقی اوتوز بش میلیون دین  
زیاده دور. جاوا دا قرق یانار تاغی بار دور.

## خلق و شهرلار

مذکور جزیره لارنینک خلقی مالیز جنسیدین دور. اولار دهقانچیلیقه و کمه  
چیلیککا اوستادورلار. مخصوصاً جاوا خلقی نینک کهنه مدینتی بار دور. خلق نینک تولاسی  
مسلمان دور مسیحیلار هم تولا ایکان. بعضی یرلارده بت پرست لار هم باردور.  
بانانویا شهری جاوا نینک شمال طرفیده تینکیز نینک بوییدا دور. اول  
هولانندی هندستانی نینک مرکز اداره سی دور. خلقی ۲۵۰ مینک دور.  
سوراباجا شهری هم جاوا نینک شمال طرفیده بولوب سوداسی چونک بر شهر دور.  
پوتیاناق دیکان شهر بورنه اودا و ماقاصار شهری سلبده دور.

## پورتو کالیه مستملکاتی

دیو بیان کوا شهری هندستاندا عمان تینکیزی نینک بوییدا و کچیک سوند  
جزیره لاری نینک اراسیدا کی طیمور جزیره سی نینک تنکی پورتو کالیه کا تابع دور.

## جماهير متفقہ امریقا مستملکاتی

( خلقی ۱۱ میلیون )

فیلپینین طاقم جزیره سی جماهير متفقہ امریقاغه تابع دور. اول  
جزیره لار ملوک و سوند جزیره لاری نینک شمال طرفیده دورلار. چونک راقی  
لوزون و مینداناو دور بولاردین باشقه بر مینک ایکی یوز چونک کچیک جزیره  
فیلیپین قطاریدا بولادور.  
فیلیپین نینک محصولاتی سوند و ملوک جزیره لاری نینک کی غه اوخشاش دور.

فیلیپین خلقی مالیز جنسیدین بولوب تماکال آتانور. بعضی یرلارده اول طرفلارنیک اصل خلقیدین قالغان ذمکریتم دیکان قرا و یاوا خلق بار دور.

### شهر

ماذیلا شهری لوزون جزیره سیده دور. اول شهر فیلیپین نیک مرکز اداره سی بولور. چونک تماکو فبریکالاری یرله مشهور دور. خلقی ۳۰۰ مینکچه دور. فیلیپین جزیره لاریده و هم بورنه او بیلان صوماترادا کچیکراک مستقل مالیز حکومت لار بار دور.

## مستقل حکومت لار

### ۱ سیام پادشاهلیقی

سیام پادشاهلیقی هند چینی یاریم جزیره سیده و مالاقا یاریم جزیره سیده دور شمال طرفیده بیرما بیلان طونکین مشرق طرفیده هند چینی جنوب طرفیده سیام کور فزی بیلان مالاقا مالیز حکومت لاری و مغرب طرفیده بیرما سرحدلاری دور. منام دریاسی سیام دین اوتادور. اول دریا سوغارادورغان یرلاری نهایت حصول لوق دور شال و باشقه آشلیق تولا کنکرو بولادور. سیام خلقی نیک تولاسی مغول جنسیدین دور عددی ۹ میلیونچه دینی بوده دور. اول یورتدا بر قسم آق فیل لار بار دور شولارنی خلق تولا اعتبار قیلیب مقدس دیب ایتورلار.

### شهر

باندقوف شهری منام منصبیغه یقین دور. اول سیام نیک پای تختی بولادور. تولا عمارت لاری دریا دا توبروک لار اوستیده یاسالغان دور. خلقی نیک عددی ۶۰۰ مینک دور بولارنیک اوچدین بری خطای دور لار. سیام نیک اداره سی مستقله دور و پادشاهی تنکریدیک عزت قیلیندور.

### ۲ نپال راجالیقی

اول مملکت هندستان نیک شمال طرفیده همالایا تاغلاریدا دور. خلقی هندی

و مغولدين آراش بر خلق دور عددی ۵ ياريم ميليون دور. فاتماند و شهری مملکت نينک پای تختی دور.

### ۳ بوتان راجالیتی

اول مملکت هم همالایا تاغلاریدا و نپال نينک مشرق طرفیده دور. بو مملکت نپالدين تولا کچیک خلقي ياريم ميليونچه. شهر: پوناقا.

### مغربی آسیاداکی مملکت لار

مغربی آسیادا توقوز مملکت بار یعنی افغانستان، ایران، الجزیره، عربستان، فیلیسطينا، شام یا که سوریه، انطاولی، ارمنیه و قافقاز. بلوچستان هم مغرب آسیاداکی مملکت لاری نينک قطاریدا سانالور.

### افغانستان

( خلقي ۶ ميليونچه )

افغانستان ایران مملکتی نينک مشرق شمالی طرفیده دور شمال طرفیده روسیه ترکستانی مشرق طرفیده هندستان جنوب طرفیده بلوچستان و مغرب طرفیده ایران سرحد لاری دور. بو مملکت نينک شمال طرفیداکی کافرستان ديکان ولایت هم افغان حکومتیکا تابع دور بو یورت نينک شمال بیلان مشرق طرفلاری تاغلیق و جنوب بیلان مغرب طرفلاری چول دور جنوب طرفلاری نينک هواسی ایسیغراق بولسه هم شمال طرفلاری نينک هواسی معتدل و یری حصول لوق دور خلقي قافقاز جنسیدین بولوب افغان یا که پوختانه آتانورتیلی پوشتو تیلی دور. کافرستان خلقي بت پرست دور اولاردین باشقهسی تمام اسلام دینیدا دور. افغانلار نينک بعضیسی کوچوب یوروب تیریکچیلیک قیلورلار و بعضیسی دهقانچیلیق قیلورلار. پای تختی کابل شهری دور. جلال آباد غزنه قندهار هرات ديکان شهرلار مشهور شهرلاریدین دور. قدیمی بلخ قوندوز بدخشان خانلیق لاری حاضردا افغانستانغه تابع دور.

فیض آباد بدخشاندا مشهور بر شهر دور. کافرستان نينک مرکز ادارهسی

چیترال شهری دور



## ایران

( خلتی ۹ میلیون )

بو مملکت نینک شمال طرفیده روسیه کاسی تینکیزی (بحر خزر) مشرق طرفیده افغانستان بیلان بلوچستان جنوب طرفیده عمان کورفزی مغرب طرفیده الجزیره سرحدلاری دور. شمال طرفلاری بیلان مغرب طرفلاری تاغلیق جنوب بیلان مشرق طرفلاری توزراک دور. آسیانینک مشهور تاغلاریدین خراسان تاغی ایراندا دور. جنوب بیلان مشرق طرفلاری نینک یری چول دور هواسی ایسیق اما شمال بیلان مغرب طرفلاری نینک هواسی معتدل و یری هم حصول لوق دور. خلتی نینک بعضی سی مدنی و بعضی سی بدوی دور. بو مملکت نینک ایچیداکی ترک لار بیلان عربلاردین عبارت بولغان بدویلار مال باقماق هم بولانچیلیق بیلان تیریکچیلیک قیلورلار. پادشاهی فی شاهه دیرلار. ایران حکومتی مستعمل بر حکومت دور. یریدین لیمون بادام افیون و بولاردین بولک هرخیل میوه لار و خوشبوی عطرلار یاسالادورغان هر تورلوك چچاک لار و هم آشلیق لار چیقادور. حیوانلاردین نوکه و یذکیچکه یونکلوک قوی لاری بیلان اچکولاری مشهور دورلار.

ایران خلتی اسلام دینیدا و شیعه مذهبیده دور. بولار اوشبو زمانهده جاری بولغان علم و هنردین محروم بولغانی اوچون اوزلاریده زاودلار و اولارنینک مال لاری یوق دور مونداغ مال و متاعی نی باشقه مملکت لاردین تولاسی نی انکلیز بیلان روسیه دین الورلار. شونداغ بولسه هم کهنه طریقه بیلان یاسالغان بعضی نرسه لاری خصوصاً زیلچکه بیلان شمال لاری هر طرفه مقبول و مشهور دور.

## مشهور شهرلاری

طهران (خلقی ۲۲۰ مینک) ایران نینک شمال طرفیده و مملکت نینک پای تختی دور. تبریز (خلقی ۲۰۰ مینک) مغرب شمال طرفیده ارمنیه تاغلاریدا بولوب سوداسی نینک چونکلوکی بیلان مشهور بر شهر دور. اول شهر کا قراتینکیزدین و هم ایران ایچیدین کلادورغان کاروان یول لاری بارا دورلار.

دوشیبر (ابوشهر) شهری ایران کورفزی نینک بویدا دور. بولاردین باشقه یورت ایچیده همدان، اصفهان، شیراز بالفروش، نیشابور، کرمان و یزد دیکان مشهور شهرلار بار دور.

## عربستان

( خلقی تورت بش میلیون )

عربستان یاریم جزیره سی آسیانینک مغرب جنوبی طرفیده دور. اول یر یوزیداکي همه دین چونک یاریم جزیره دور. شمال طرفیده شام و الجزیره مشرق طرفیده ایران کورفزی و هرمنز بوغازی جنوب طرفیده عرب تینکیزی عدن بوغازی و مغرب طرفیده قزل تینکیز دور.

عربستان نینک تولاراق یری قوملوق چول دور. هواسی نهایت ایسیق قار هیچ یاغمایدور و یامغور هم تولا آز یاغادور. دریالاری هم یوق دور. شونداغ بولسه هم یریکا موافق محصولات ی باردور. خرما شکر قهوه شی و قهوه سی یخشی بولادور.

عربستان خلقی اف اوروغ نینک سامی نوعیدین بولوب عرب اتانورلار بعضی سی مدنی و دهقان و بعضی سی بدوی دورلار.

عربستاندا بو حکومت و ولایت لار بار دور:

۱. کراک (ترانسیموز داندیا) پادشاه ایقی اردن دریاسی نینک مشرق طرفیده دور. اول ینکی بر حکومت بولوب انکلین نینک حمایتیده تورادور. شهرلاری کراک و معان دور.
۲. حجاز پادشاه ایقی کراک نینک جنوب طرفیده و عقبه کورفزی بیلان قزل تینکیز نینک مشرق طرفیده دور. خلقی نینک عددی بر میلیون دین تولادور. حجاز اوزون وقت ترکیه کا تابع ایردی اندین انکلین حمایتیده بر پادشاه لیق بولدی و ایمدی نجد سلطانیغه تابع بولوب دور.

## شهرلار

مکه دیکان مشهور شهر مملکت نینک پای تختی دور. خلقی ۸۰ مینکچه دور. قزل تینکیزداکی جدّه شهری مکه نینک اسکله سی بولادور. بو ایکی شهر نینک ارا لیقی ۸۰ کیلومتره دور. مکه نینک شمال طرفیده مدینه دیکان مشهور شهر بار دور. اینک خلقی ۳۵ مینکچه دور. مدینه کا دمشق دین تمور یولی باردور.

۳. یمن امام لیکلی حجاز نینک جنوب طرفیده و قزل تینکیز نینک بویدا دور. شمال طرفی نی عسیر دیرلار. سلطنت قیلادورغان کشی نی امام دیرلار. پای تختی صنعها شهری دور. جنوب طرفیده قزل تینکیز نینک بویدا مکه شهری بار دور.

اول یردین یخشیلیقی بیلان مشهور بولغان **مخا** قهوه سی چیقاق دور. یمن بیلان عسیر خلقی ایکی میلیونچه دور.

۴. **عمان سلطنتی** عربستان نینک مشرق جنوبی طرفیده دور. پای تختی هرمز بوغازی نینک بویداکی **مسقط** شهری دور.

۵. **نجد سلطنتی** عربستان نینک ایچیده حجاز نینک مشرق طرفیده دور.

**الحسا** ولایتی ایران کورفزی نینک بویدا بولوب نجدکا تابع دور. نجد خلقی ۴۰۰ مینک دور. اول یورت نینک یایلاقلاری اوبدان و **اطلاری** قدیم دین تارتیب مشهور دورلار. ایران کورفزی دین بحرین جزیره سی چوره سیدین اوبدان **مروارید لار** چیقاق دور. ۶. **نجد یورتی** نجد نینک شمال طرفیده دور. خلقی نینک عددی ۲۵۰ مینکچه دور. عربستاندا ینه بر نچه مستقل شیخلیق بار دور.

۷. **عدن مستمملکاتی** یمن نینک جنوب طرفیده باب المندب بوغازی نینک بویدا دور. اول یر اوزون وقت دین بری انکلیزکا تابع دور. مرکز اداره سی عدن شهری دور. اندا نهایت محکم بر قلعه بار دور.

## سوریه یا که شام

( خلقی ۳ میلیونچه )

**سوریه ولایتی** بالدور ترکیه کا تابع ایردی لیکن ایمدی فرانسه نینک حمایتیده تورادورغان بر حکومت دور. شمال طرفیده اناطولی مشرقیدا الجزیره بیلان شام چولی جنوبیدا شام چولی بیلان فلیسطینا و مغرییدا آق تینکیز سرحدلاری دور. سوریه نینک تولا یرلاری تاغلیق دور. اندا **لبنون** بیلان **جبل الشیخ** و **جبل الشیخ** دیکان ایکیز تاغلار باردورلار. یورت نینک مشرق طرفلاریده چول لار تولادور. شام نینک خلقی عرب لار و سوریدانیدیلار دورلار. عرب لار مسلمان و سوریدانیلار نینک تولاسی مسیحکی دورلار **یهودی لار** هم تولادورلار. خلقی نینک رسجه زبانی **عربی** دور.

## شهرلار

**دمشق** (شام) شهری جبل الشرقی نینک مشرق طرفیده بولوب سوداسی و خلقی نینک هنری بیلان مشهور کهنه بر شهر و سوریه نینک پای تختی دور. خلقی نینک

عددی ۲۵۰ مینک دور. دمشق دین بیروتقه و مکه کا تمور یول لاری باردور.

دیجروت آق تینکیز نینک بوییدا دور خلقی نینک عددی ۱۵۰ مینک. اول شهر دین دمشققه تمور یولی باردور. اندا هم آمریقالیق لاردین سالیانغان مشهور بر مدرسه جامعی بار دور اینک تولا طالب لاری مسلمان خلقیدین دورلار.

حلب یا که الپو دیکان یورت نینک شمال و ایچی طرفیده بولوب سوداسی چونک بر شهر دور. اول شهر نینک جنوب طرفیده حما و حمس شهر لاری و باله بیک دیکان جایدا هیلو یولیس دیکان قدیم قی شهر نینک ویرانه لاری باردورلار. آق تینکیز کا یقین انطاکیه بیلان طرفه بلیس شام دیکان شهر لاری باردور. صور و صیدا دیکان شهرلار هم آق تینکیز نینک بوییدا دورلار.

## فلیسطينا

( خلقی  $\frac{۳}{۴}$  میلیونچه )


فلیسطينا شام نینک جنوب طرفیده و آق تینکیز نینک بوییدا دور. اول یورت هم ترکیه کا تابع ایردی لیکن ایمدی یهودیلارغه بریلیب دور و انکلین نینک حمایتیده تورادورغان بر مملکت دور. یورت نینک تولاسی تاغلیق دور. مشرق طرفیده بر دره بار دور شو دره نینک شمال طرفیده جنیه سارت قینکیزی دیکان کول بار دور و جنوب طرفیده بحر لوط دیکان تینکیز بار دور. شریعت الکبیر یا که اردن دیکان دریا جبل الشرقیدین پیدا بولوب جنیه سارت تینکیزیدین اوتوب بحر لوط غه اقادور.

اردن دره سی شور دریانینک یوزیدین تولا پست دور و بحر لوط بیلان اینک اطرافی یر یوزی نینک همه دین پست جایی بولوب شور دریانینک یوزیدین تخمیناً اوج یوز توقسان متره پست دور.


فلیسطينانینک تولاراق خلقی عرب خلقیدین دور. بولار مسلمان دورلار. مسیحیلار بیلان یهودیلار هم تولادورلار. هر یل برنچه مینک یهودی باشقه باشقه یورت لاردین چیقیب اوز وطنیکا باریب اندا اولتورادورغان بولورلار. یورت دا تولاراق استعمال قیلینادورغان زبانلار عربچه عبرانیچه و انکلیزچه دور.

## مشهور شهرلار


اورشلیم یا که قدس شهری یورت نینک جنوب طرفیده دور. خلقی



اورشلیم شہری (صفحہ ۴۸)



خربزہ ہیروسی



قافقاز تاغلاریداکی بر یول ( صحیفه ۵۱ )

۶۵ مینکچه. شو شهرده بیتالقدس بار ایردی. اورشلیم فلیسطینانینک پای تختی دور مصرغه و یافه کا تمور یوللاری برله قوشولغان دور. یافه شهری آق تینکیزنینک بویدا بولوب اورشلیم نینک اسکلهسی دور. حیفا هم آق تینکیزنینک بویداکی ضرور بر شهر دور. بیت لکم اریکا نابلس و طبریة کچیکراک لیکن قدیم وقت دین مشهور شهرلاردورلار. فلیسطینانینک اردن دریاسی نینک مشرق طرفیداکی تابع لاری ایمدی کراک یا که ترانسوردانیا دیکان پادشاهلیقه تابع دور.

## الجزیره یا که عراق پادشاهلیقی

( خلقی اوچ میلیونچه )

فرات بیلان دجله دریالاری سوغارادورغان یورتنی الجزیره دیرلار. اول بالدور ترکیه کا تابع بر ولایت ایردی لیکن حاضر انکلیزنینک حمایتیده تورادورغان عراق دیکان بر پادشاهلیق دور. شمال طرفیده اناطولی مشرقیدا ایران جنوبیدا عربستان و مغرب طرفیده شام سرحدلاری دور. ایلکاریکی زماندا الجزیره تولا آباد بر یورت ایردی لیکن کینکی وقتلاردا دریالاردین آیریلب یورتنی سوغارادورغان اوستانک و اریق لار بوزولوب کتکانی برله یورت نینک تولاسی چول بولوب قالغان دور. حاضر انکلیزلار اوستانک لارنی ینه راستلاتیب یورتنی آباد قیلغالی تورورلار. عراق نینک تولاراق خلقی عرب و مسلمانلار دورلار. اولاردین باشقه مسیحی بولغان آشوری و ارمنلیک هم بار دورلار. خلق نینک باشلیق کسبی دهقانچیلیق بیلان مال باقماغلیق دور.

### شهرلاری

بغداد ( خلقی ۱۵۰ مینکچه ) دجله دریاسی نینک بویدا بولوب عراق نینک پای تختی دور. ایلکاری خلفاً عباسیه نینک زمانیدا هم پای تخت ایردی. حاضر سوداسی بیلان مشهور دور. جنوب طرفیده فرات دریاسی نینک بویدا بابل دیکان قدیم قی شهر نینک خرابه لاری تورادور. موصل شهری هم دجله نینک بویدا بار ضرور بر شهر دور. ایننک اوتوریدا و دجله نینک مشرق طرفیده قدیم قی نیموا دیکان مشهور شهر نینک خرابه لاری باردور. بصره بیلان کربلا شهرلاری هم مشهور دورلار.

## اناطولی

( خلقی اون میلیون )

اناطولی دیکان آسیانینک مغرب طرفیداکی چونک بر یاریم جزیره دور. اول یاریم جزیره ترکیه مملکتی نینک آسیادا قالغان مستملکاتی دور. شمال طرفیده قرا تینکیز مشرقیدا ارمنیه بیلان ایران جنوبیدا الجزیره شام و آق تینکیز و مغرب طرفیده اطه لار تینکیزی سرحد لاری دور. اول یورت نینک هواسی یخشی و یری حصول لوق دور. تولاراق خلقی عثمانیه ترک لاری دورلار و اولار نینک دینی اسلام دور تولالاری دهقانچیلیق و مال باقماغلیق بیلان تیریکچیلیک قیلورلار.

## مشهور شهرلار

آنقره شهری یورت نینک ایچیده دور. اول شهر حاضر ترکیه جمهوریتی نینک پای تختی دور. اینک اطرافی قدیم زماندین تارتیب توکی نهایت ینکچکه و یخشی اچکولاری بیلان مشهور دور.

ازمیر ( خلقی ۳۰۰ مینکچه ) ولایت نینک مغرب طرفیده اطه لار تینکیزی نینک بویداکی سوداسی چونک بر شهر دور. ازمیر نینک انجیری و زیلچه لاری هر یرده مشهور دور.

اسکدر شهری بوسپور بوغازی نینک بویدا و استانبول نینک اوتوریدا دور. اول شهر ترک لار نینک چونک بر قبرستانلیقی بیلان مشهور دور. قزلبزون شهری قرا تینکیز نینک بویدا دور. اول شهر نینک ایران بیلان قیلادورغان سوداسی چونک دور.

اطه لار تینکیزیداکی جزیره لار نینک تولاسی یونانستانغه تابع دورلار و روس دیکان جزیره ایتالیاغه تابع دور.

## ارمنیه

قافقاز تاغلاری نینک جنوب طرفیده ارمنیه یا که ارمنستان دیکان



یورت باردور. اول یورت تولا تاغلیق دور مشهورراق تاغی ارارات دیکان تاغ دور اینک ایکیزلیکی تخمیناً بش مینک متره دور.

ارمنیه نینک خلقی ارمنی بولوب مسیحی دورلار. اولار نینک یورتیدا مسلمان بولغان کردلار هم باردور. ارمنیلار سوداگرچیلیک کا اوستاد بر قوم دور. تولا ارمنیلار اوز وطنی فی قویوب تمام مغربی آسیاغه و هم آوروپانینک بعضی یورتلاریغه باریب ساکن بولغان دورلار.

اصل ارمنیه نینک بعضی سی ترکیه کا بعضی سی ایرانغه و ینه بر پارچه سی روسیه کا تابع بولغان دور. کینکی یللاردا بر پارچه سی اوز الیدایکی بر حکومت بولوب دور انی ارمنیه جمهوریتی دیرلار شو جمهوریت روسیه کا تابع دور. خلقی نینک عددی بر ایکی میلیون دور.

### شهرلار

اراضروم شهری ارارات نینک مغرب طرفیده دور قرا تینکیزدین و ایران دین شو شهر کا کاروان یوللاری بارادور اینک بیلان سودا توغراسیدین ضرور بر شهر دور. ایزدیوان شهری ارمنیه جمهوریتی نینک تابعیدا دور.

### قافقاز

قافقاز دیکان نهایت تاغلیق بر یورت قرا تینکیز بیلان کاسپی تینکیزی نینک اراسیدا و آسیا بیلان آوروپانینک سرحدیدا دور. قافقاز بر نچه حکومت کا بولونکان دور بولار نینک بعضی سی قافقاز نینک شمال طرفیده بولوب آوروپاغه تعلق دور و بعضی سی قافقاز نینک جنوب طرفیده بولوب آسیاغه تعلق دور لیکن همه سی روسیه کا تابع دور. قافقاز نینک شمال طرفیده البرز دیکان تاغ باردور اینک ایکیزلیکی ۵۶۰۰ متره دور. قافقازدا بر نچه طائفه آدملار بار دور مشهورراقی چرکس کورجی لژکی قاتار و ارمنی دورلار.

قافقاز نینک تولا تاغلاریدا همیشه موز قار تورادورغان اوچون یورت نینک هواسی معتدل بولادور و یری حصول لوق دور. خلق باغچیلیق دهقانچیلیق و مال باقماغلیق برله تیریکچیلیک قیلادور.

## قافقاز نینک جنوب طرفیدا کی حکومت لار

### ۱ کورجستان جمهوریتی

کورجستان قافقاز نینک جنوب طرفیده و قراتینکیز نینک مشرق طرفیده دور. خلقی ایکی یاریم میلیونچه دور. تولاراقی کورجی دورلار لیکن تولا باشقه خلق هم بار دور.

### شهرلار

تفلیس ( خلقی ۳۳۰ مینک ) یورت نینک ایچیده و قور دریاسی نینک بویدا بار سوداسی چونک و زاودلاری تولا بر شهر دور. شو شهر نینک خلقی تولا طائفه دین مرکب بولغان اوچون قسم قسم تیللار بیلان سوزلاشورلار اندا قرق یانکده زبان بیلان سوزلاشور ایمشلار. باطوم شهری قرا تینکیز نینک بویدا دور.

### ۲ آذربایجان جمهوریتی

بو مملکت کورجستان بیلان ارمنیه مملکت لاری نینک مشرق طرفیده و کاسپی تینکیزی نینک مغرب طرفیده دور. خلقی نینک عددی ایکی میلیونچه دور.

### شهرلار

باکو ( خلقی ۲۰۰ مینکچه ) کاسپی تینکیزی نینک بویدا بولوب یر یاغی نینک تولالیقی بیلان مشهور دور. یر یاغی یر نینک ایچیده اوت خس درخت و باشقه نرسه لار نینک ساسیماقیدین حاصل بولادور. کاهیدا یاغ یر نینک اوستیکا چیقیب کچیک کچیک کول لار بولادور کاهیدا کاز پیدا بولادور. اکر کاز کا اوت تکسه تولا ییللار اوچمای کویوب تورادورغان بر اوت بولادور. یر یاغی چیقارماق اوچون یرنی یاغ بار طبقه ( قات ) غه یتکونچه کورلاب طولومبه دیکان سو و یاغ تارتادورغان ماشینه ایشلاتادور بعضی وقت دا یاغ اوزی یردین اتیلیب چیقیب ایکیزلیکی ۵۰ متره مقدار یچه ساچرایدور. چیقارغان یاغنی تموردین ایتکان نهایت چونک تونکلارغه

یغیب اندین نورلار بیلان باکو شهریکا ایلب باریب اندا تازالاب طیار قیلادور  
 طیار بولغاندا یاغنی رحیل بیلان قرا تینکیزکا ایلب باریب یاغ توشوغالی خاص بولغان  
 زور کهلارکا قویوب هر طرفکا ایلب باریب ساتادورلار. حاضردا یاغ یتکوزماک  
 اوچون باکودین قراتینکیز بویغچه چونک نورلار سالینغان دورلار. یاغ بو  
 نورلار بیلان اقیب بارادور مذکور نورلارینک اوزونلوقی ۷۰۰ کیلومتره یعنی  
 ۱۴۰ پوطی دین آرتوق دور.

شوشا شهری یورتینک جنوب طرفیده دور.

## روسیه اوترا بیلان شمالی آسیا

روسیه اوترا و شمالی آسیا روسیه ترکستانی بیلان قیرغیز صحراسی  
 و سبیریا بیلان تمام بولادور.

روسیه ترکستانی بیلان قیرغیز صحراسی نینک شمال طرفیده سبیریا مشرق  
 طرفیده چین ترکستانی جنوب طرفیده افغانستان بیلان ایران و مغرب طرفیده  
 کاسپی تینکیزی بیلان اورال دریاسی سرحدلاری دور. مشرق طرفیده تیانانشان  
 بیلان پامیر تاغلاری بار دور تیانانشانین ایلی دریاسی چین ترکستانی تابع لاریدین  
 کلب بالقاش کولیکا قویولادور. تیانانشانین هم سیر (سیکون) دریاسی  
 پامیرین امو (جیکون) دریاسی ارال کولیکا اقادور. شمال بیلان مغرب  
 طرفلاریده ایسیق و سوسز قوملوق یرلاری تولادور.

بو یورتلارینک خلقی تاجیک اوزبک ترکمان قزاق و قیرغیز  
 دین و هم اوروسلاردین عبارت بولادور. مذکور دریالار سوغارا دورغان یرلاری  
 حصول لوق دور اندا خلق دهقانچیلیق قیلیب بغدادی قوناق شمال اریا اوزوم  
 افجیر و باشقه هر خیل اشلیق و یمیشلار چیقاریب تیریکچیلیک قیلادورلار. بعضی یرلارده  
 ماشوت زیلچیه و شونیکغه اوخشه مال لاری تولا یاساب ساتادورلار.  
 روسیه ترکستانی بر نجه حکومت کا بولونکان دور ضرور راقی بولاردورلار:

## ۱ ترکستان جمهوریتی

اول مملکت روسیه ترکستانی نینک مشرق طرفیده بولادور.

## شهرلار

تاشكند سیر دریاسی نینک شمال طرفیده بولوب یورت نینک مرکز ادارهسی دور. خلقی ۲۴۵ مینک دور. اول شهر دین اوج طرفکا تمور یول لاری کتادور.

سمرقند یورت نینک جنوب طرفیده زرفشان دریاسی نینک بویدا دور. اندا تمور لیکان مشهور پادشاه نینک قبری بار دور اینک زمانیدا سمرقند پای تخت ایردی. خلقی ۹۵ مینک دور.

خوقند سیر دریاسی نینک جنوب طرفیده دور. بو شهر خانلار نینک زمانیدا پای تخت ایردی.

ترکستان شهری سیر دریاسی نینک بویدا و غزلی (غزالنسق) شهری مذکور دریانینک منصبیغه یقین دور.

اندیجان سیر دریاسی نینک یوقاری سیدا بولوب روسیه بیلان چین ترکستان نینک سوداسیغه واسطه دور. روسیه طرفیدین اول شهرکا تمور یول باردور. اوش شهری اندیجانغه یقین دور اول شهر قدیم دین تارتیب کاشغر کاروانلاری توختاب چیقادورغان شهری دور. چیمکند شهری اندیجانغه یقین دور. مرغونان اف مسجید نمینکان خجند الماتی و توقماق شهرلاری هم روسیه ترکستانیدا دور لار.

## ۲ بخارا

بخارا مملکتی امو دریاسی نینک بویدادور. مشرق بیلان شمال طرفیده ترکستان جنوب طرفیده افغانستان و مغرب طرفیده ترکمان چولی بیلان خیوه دور یورت خلقی اوج میلیونچه دور.

## شهرلار

بخارا شهری (خلقی ۷۵ مینک) یورت نینک مرکز ادارهسی دور اول شهرده مشهور مدرسه لار تولا دور لار. بخارا کهنه بر خانلیق دور و خان اولتورادورغان شهر کرمذیه دور. مرو بیلان عشق ابدان شهرلاری هم اول طرفلارده دور.

### ۳ خیوه

اول مملکت بخارائینک مغرب طرفیده دور خلقی نینک عددی یاریم میلیونجه دور. یورت نینک مرکز اداره سی خیوه شهری دور. خلقی الله مینکچه دور. قراسندوودسقی بیلان علیکساندروودسقی دیکان شهرلار کاسیی تینکیزی نینک بوییدا دور.

بخارا و خیوه نی حاضر ترکمان و اوزبک جمهوریت لاری هم دیرلار. ترکمان نینک و اوزبک یورت لاری قوشولسه اول ایکی جمهوریتی نینک خلقی الله میلیونجه بولادور.

### ۴ قیرغیز جمهوریتی

اول مملکت قیرغیز صحراسیدا بخارا بیلان خیوه نینک شمال طرفیده دور. تولاراق خلقی قیرغیز بولوب مال باقماغلیق بیلان تیریکیچیلینک قیلورلار.

### سبیریا

سبیریا بارچه شمالی آسیا بیلان تمام بولادور. شمال طرفیده بحر محیط شمالی مشرقیدا بهرنک بوغازی بیلان بهرنک تینکیزی و اوخوچقه بیلان ژاپونیا تینکیزلاری جنوبیدا مانجوریه مغولستان و روسیه ترکستانی و مغرب طرفیده اورال تاغلاری سرحدلاری دور.

سبیریا تمام آوروپادین کنکرو بولغانی بیلان خلقی اون میلیون دین زیاده بولمایدور. شمال طرفلاری انداغ سوغاق دورکه یرنینک تونکی هیچ وقت ایریمایدور. اما جنوب طرفلاری نینک هواسی معتدل و زمی تولا یرلارده نهایت حصول لوق دور اندا دهقانچیلیق اوبدان بولادور. اوترا سبیریا دا هر چونک چونک درخت لاری بار نهایت کنکرو جنککل لار بار دور. جنکل لارده یاوا حیوانلار مثلاً بوزی تولکی و باشقه تولادورلار. شو یرلارداکی خلق صیادلیقی بیلان تیریکیچیلینک قیلورلار. شمال طرفلارده آشلیق پشایدور اندا مال باقماغلیق بیلان تیریکیچیلینک قیلورلار.

سبیریا نینک جنوب مشرق طرفلاریده تاغلاری تولادورلار ضرورراق

تاغلاری استانبول و وئی بیلان الطای تاغلاری دور. تاغلاردا التون کموش میس قاغوشون تمور کاندلاری و هر قسم اصل و قیمت قاشلار بار دور. قامچاتقا یاریم جزیره سیداک تاغلار اراسیدا اون تورت یانار تاغ بار ایکن. اولارنیک مشهورراقی قلمیچف دور. بو تاغ ۴۸۰۰ متره ایکن بولغانی برله آسیانیک همه دین ایکن یانار تاغی بولادور. قامچاتقا هواسی نهایت سوغاق بر یورت بولسه هم اندا سوی ایسیق تولا بولاق و کوللار باردور. تاغلاردا برنجه دریالار پیدا بولادور ضرورراقی بحر محیط شمالیغه اقادورغان اوب ینده سی و لینا و اوخوچه تینکیزیکا قویولادورغان امور دریاسی دور بو دریالارنیک هر بری نیک اوزونلوقی تورت مینک کیلومتره دین آرتوق دور. ایرتیش دریاسی اوبغه قوشولادور خاتانکا اوله نقی یانا اندیکیرقا و قولیما دیکن دریالار هم بحر محیط شمالیغه قویولورلار. بایقال کولی سیریانیک همه دین مشهور کولی دور.

سیریادا هر قسم خلق دین باردور مثلاً اورسلار قالماق مغول مانجور اوستییاک صامویدین چوچکی یاقوت دیکن طائفه لاردین بار دور. بولارنیک بعضی سی مسیحی بعضی سی مسلمان و ینه بعضی سی بت پرست بولا دورلار. سیریا برنجه جمهوریتیکا بولونکان دور بولارنیک همه سی روسیه کا تابع دورلار.

### مشهور شهرلار

طومسق شهری اوبغه یقین طوم دیکن دریانیک بویدا بولوب سیریانیک همه دین ضرور شهرلاری نیک بری دور. خلقی ۱۱۵ مینک دور. اومسق ایرتیش دریاسی نیک بویدا دور. خلقی ۱۴۰ مینک. تودولساق شهری شمال طرفه راک مذکور دریانیک بویدا دور. ایرتوتساق شهری بایقال کولی نیک مغرب طرفه سیریانیک تمور یولی نیک اوستیده دور. بو شهر سودا توغراسیدین سیریانیک همه دین ضرور شهری دور. خلقی ۱۰۰ مینک دور. یاقوتساق لینا دریاسی نیک بویدا دور. بو شهر بر یوزیداک همه دین سوغاق یرلاری نیک بری دور. اصل مویلوق تره لار سوداسی بیلان مشهور دور.

ولادیواستوق ژاپونیا تینکیزی نینک بویدا روسیه نینک بحر محیط کیرداکی  
 حرب لیمانی دور. اول شهر کا لینینکرادین یر یوزیداکی همه دین اوزون تمور یولی  
 بارادور. ولادیواستوق قیش وقتی تولا سوغاق بر یر دور.

## آسیانینک خلقی

یر یوزیداکی آدم لار عددی نینک تنکیدین زیاده آسیادا باردور. تولاراقی  
 قطعه نینک مشرق جنوبی طرفلاریده اولتورادورلار اصل چینده ۳۵۰ میلیون  
 زیاده خلق باردور و هندستان نینک خلقی ۳۲۰ میلیون دور. شمال طرفلارده  
 و چوللارده و ایکیز تاغلیق یورتلاردا آدم از بولادور.

آسیادا اوچ اوروغ خلق باردور یعنی آق اوروغ یا که قافقاز جنسی سریق  
 اوروغ یا که مغول جنسی و مالیز جنسی. خلق نینک عددی نینک اوچدین بری  
 قافقاز جنسیدین بولادور.

قافقاز جنسی ایکی نوعه بولونادور یعنی هندی اوروپا نوعی و سامی  
 نوعی. هندی ایرانلیق و افغان ارمنی و کورد و آوروپادین کوچوب بارغان  
 آوروپالیق لار هندی آوروپا نوعیدین بولورلار.

عرب لار سوریا نیلار و یهود نیلار سامی نوعیدین بولورلار.

مغول جنسیدین بولغان خلق لار آسیا خلقی نینک بشدین اوچی بولادور  
 لار. بولار خطای ژاپونیا لیق و کوریه لیق

هند چینیداکی خلق لار یعنی دیرمالیق سیام لیق و باشقلار  
 اوترا آسیاداکی صحرالاردا اولتورادورغان خلق لار یعنی قیرغیز ترکمانی  
 قالماق و باشقلار

شمالی آسیاداکی خلق لار یعنی صاموید طونکوز و باشقلار مغربی  
 آسیاداکی ترکلار.

مالیز لار: بولار مالاقا یاریم جزیره سیده و اول طرفیداکی جزیره لارده دورلار.  
 بعضیلار اولارنی مغول جنسیکا قوشوب سانایدورلار.

آسیادا هم ز نکییکا اوخشاش خلق لار بار یعنی جنوبی هندستانداکی دراوید  
 طائفه لاری و سوند بیلان فیلیپین طاقم جزیره لاریداکی نیکریتو دیکان طائفه لار.

## دین لار و مدنیت

آسیادا هر قسم دیندا آدم لار باردور تولاراق تارالغان دین لار بوده و برآهمن دین لاری دور. بوده هیلار همه دین تولادورلار اولار مشرق ییلان مشرق جنوبی آسیادا دورلار. برآهمن لار هندستاندا دور. مغربی ییلان اوترا آسیادا و هم هندستاندا مسلمان تولادورلار. آسیانینک شمال طرفیداکی تولا خلق بت پرست دور. آسیانینک تولاراق یرلاریده مسیحکیلار هم باردور خصوصاً قفقاز ارمنیه سوریه هندستاندا و چیندا و فیلیپین جزیره لاریده .

آسیانینک بعضی طائفه لاری قدیم زماندا علم و هنر توغراسیدین نهایتی اوستا بولغان ایکان مثلاً چین هندستان الجزیره و شام نینک خلقی بر وقت آروپا خلقیدین ایلکاری ایردی. خط پتوشی پل ضرب قبلیشی آی یل نینک حسابی اول آسیادا پیدا بولدی لیکن اندین آروپالیق لار آسیالیق لاردین ایلکاری بولدی. کین کی وقت لاردا آسیانینک خلق لاری آروپالیق لار دین علم و هنر اورکانکالی قوپوب ینه ترقی قیلغالی تورادورلار.

## آسیاداکی مملکت لار

مستقل یعنی اوز الیددا توراورغان حکومت لار.

۱ چین یا که خاقانی جمهوریتی

۲ ژاپونیا ایمپراطورلوقی

۳ سیام پادشاهلیقی

۴ ایران پادشاهلیقی

۵ افغانستان خانلیقی

۶ ترکیه جمهوریتی

۷ عربستان

غیر حکومت لارکا تابع یا اولارنیزده حمایتیده توراورغان مملکت لار

۱ انکلیز تابع لاری:

۱ هندستان ایمپراطورلوقی ییلان ایران طرفیداکی بلوچستان و مشرق

هندستانداکی بیرما

۲ سیلون جزیره سی



- ۳ مشرقی آسیاداکی انکلینز تابع لاری یعنی مالاقا یاریم جزیره نینک جنوب طرفی بیلان بورنه او جزیره سی نینک شمال طرفی و چینداکی خونک کونک جزیره سی
- ۴ مغربی آسیاداکی انکلینز، تابع لاری یعنی قبریس جزیره سی عدن شهری بیلان یریم جزیره سی و بحر محیط هندیداکی برنچه کچیکراک جزیره لار.
- ۵ الجزیره یاکه عراق پادشاه لیقی
- ۶ فلیسطینا

۲ روسیه تابع لاری :

- ۱ قافقاز
- ۲ سمیریا
- ۳ روسیه ترکستانی بیلان قیرغیز صحراسی
- ۳ فرانسه تابع لاری :
- ۱ فرانسز هندچینی
- ۲ پونده شیری قاریقال و ینه برنچه شهرلار هندستان یاریم جزیره سیده
- ۳ شام

۴ فلمنک یاکه هوللانڈیہ تابع لاری :

- ۱ سوند طاقم جزیره لاری نینک تولاسی یعنی بورنه او جزیره سی نینک شمالیدین و طیمور جزیره سی نینک تنکیدین باشقه سوند جزیره لاری نینک همه سی هوللانڈیہ کا تابع دور
- ۲ ملوک طاقم جزیره لاری

۵ پورتوگالیہ تابع لاری :

- ۱ کوا و دیو دیکان شهرلار هندستان یاریم جزیره سیده
- ۲ طیمور جزیره سی نینک یاریمی
- ۳ ماقاو شهری چیندا

۶ امریقا تابع سی :

- ۱ فیلیپین طاقم جزیره سی جماہیر متفقہ آمریقاغہ تابع دور

۷ یونانی تابع سی :

- ۱ اناطولی نینک مغرب طرفیداکی برنچه جزیره لار

۸ ایتالییا تابع سی :

- ۱ رودوس جزیره سی .

## II

## آوروپا

آوروپاينىك شمال طرفيده بحر محيط شمالى جنوب طرفيده قرا تىنكىز بيلان آق تىنكىز مغرب طرفيده بحر محيط اطلاسى سرحدلارى دور. مشرق طرفيده آسيا بيلان توتاش دور. آوروپا اوستراليا دىن باشقه همه قالغان قطعه لاردىن كچىك بولسه مدنيت جهتيدىن برنجى بولادور و خلقى نىنك تولالىقى نىنك جهتيدىن ايكنجى دور. خلقى تخمينا ۴۷۰.۰۰۰.۰۰۰ (تورت يوز يتميش مليون) دور.

## آوروپاداكى تىنكىزلار

آوروپانى قورشاب الادورغان بحر محيط لاردىن برنجه تىنكىز حاصل بولغان دور. شمالى اق تىنكىز بىكرمكحيط شمالى دىن و شمال تىنكىزى اسقاكراق تىنكىزى بالاطيق تىنكىزى ايرلاندى تىنكىزى مانىش تىنكىزى و اق تىنكىزى بىكرمكحيط اطلاسيدىن حاصل بولغان دور. تيره دىن تىنكىزى ادرياتيق تىنكىزى يونان تىنكىزى اطه لار تىنكىزى مرمه تىنكىزى و قرا تىنكىزى اق تىنكىزى دىن حاصل بولغان و ازاق تىنكىزى قرا تىنكىزى دىن حاصل بولغان دور.

## كورفزلار

آوروپاداكى مشهور كورفزلار اوشبو دورلار: بالاطيق تىنكىزى دىن حاصل بولغان بوطنى كورفزى فنلاندى كورفزى و ريكا كورفزى، بىكرمكحيط اطلاسيدىن حاصل بولغان بسقايه (كاسقونىما) كورفزى، آق تىنكىزى دىن حاصل بولغان لىيون جنووه و تازانت كورفزلارى.

## مشهورراق بوغازلار

شمال طرفيده قاتناكات اوره چونك بىلت بيلان كچىك بىلت بوغازلارى اسوج بيلان دانىمارقه نىنك ارالىقدا دورلار. قاله بوغازى انكلتره بيلان فرانسىنى آيرىب

شمال تینکیزی بیلان مانیش تینکیزی توتاشتورا دور. جبل الطارق بوغازی اسپانیا یاریم جزیره سی فی آفریقادین آریب آق تینکیز برله بحر محیط اطلاسی فی قوشادور. بونی فاجیو بوغازی قورسیقا بیلان ساردینیا جزیره لارینی بربریدین آریدور. میسینا بوغازی سیجیلیا جزیره سی فی ایتالیا یاریم جزیره سیدین آریدور. اوترانت بوغازی آدریاتیق تینکیزی بیلان یونان تینکیزی فی توتاشتوروب ایتالیا یاریم جزیره سی فی بالقان یاریم جزیره سیدین آریدور. داردانیل بوغازی آطه لار تینکیزی بیلان مرمره تینکیزی و استانبول یاکه بوسپور بوغازی مرمره تینکیزی بیلان قراتینکیزی توتاشتوروب آسیا قطعه سی فی آروپا قطعه سیدین آریدور.

### مشهور جزیره لار

ناویا زیملیا بیلان قولغویف جزیره لاری روسیه نینک شمال طرفیده بحر محیط شمالیدا دور. ایسلانده جزیره سی بحر محیط اطلاسی نینک شمال طرفیده و بریتانیا طاقم جزیره سی هم بحر محیط آتلاسیدا آروپانینک مغرب طرفیده دور. بالطیق تینکیزی کوتلانده تولانده سیلانده و باشقه چونک کچیک جزیره لار بار دور. آق تینکیزیده بالهارطاقم جزیره سی قورسیقا ساردینیا سیجیلیا کرید جزیره لاری و یونان طاقم جزیره سی بار دورلار.

### یاریم جزیره لار

شمالی بیلان اوترا آروپادا اسقاندیناویا قولا و یوتلانده یاریم جزیره لاری و جنوبی آروپادا پیره نه ایتالیا و بالقان یاریم جزیره لاری بار دور.

اسقاندیناویا یاریم جزیره سی بالطیق تینکیزی و بوتنی کورفزی بیلان بحر محیط اطلاسی نینک آرالیقیدا قولا یاریم جزیره سی شمال آق تینکیز بیلان بحر محیط شمالی نینک آرالیقیدا و یوتلانده شمال تینکیزی بیلان بالطیق تینکیزی نینک آرالیقیدا دور. پیره نه یاریم جزیره سی بحر محیط اطلاسی بیلان آق تینکیز نینک آرالیقیدا ایتالیا یاریم جزیره سی تیره نین تینکیزی بیلان آدریاتیق تینکیزی نینک آرالیقیدا و بالقان یاریم جزیره سی آدریاتیق تینکیزی و یونان تینکیزی بیلان آطه لار تینکیزی و قرا تینکیز نینک آرالیقیدا دور.

## بوروئلار

نوردکاپ یا که شمال بورنی سن و نسان تاريفا و ماتابان بورونلاری آروپا نینک مشهورراق بورونلاری بولادور.

نوردکاپ اسقاندیناویا یاریم جزیره سی نینک شمال طرفیده بحر محیط شمالیغه سن و نسان بورنی پیره نه یاریم جزیره سیداکی مغرب طرفیده بحر محیط اطلسیغه تاريفا بورنی مذکور یاریم جزیره سی نینک جنوب طرفیده جبل الطارق بوغازیغه و ماتابان بورنی بالقان یاریم جزیره سی نینک جنوبیدا آق تینکیزکا اوزالغان دور.

## مشهورراق دریالار

پیدچورا دریاسی بحر محیط شمالیغه و دوینا دریاسی شمالی آق تینکیزکا قویولادور. دونا نیه من ویسیل بیلان اودر دیکان دریالار بالطق تینکیزیکا قویولادور. البه و هزر بیلان رهن دریالاری شمال تینکیزیکا و سن دریاسی مانیش تینکیزیکا قویولادور.

لوار بیلان کارون دریالاری بسقابه کورفزیکا و تاج دریاسی بحر محیط اطلسیغه قویولادور.

ابرو زون و پو دیکان دریالار آق تینکیزکا قویولادور.

طونه (دانیموب) دینیسستر و دینیه پیر دریالاری قراتینکیزکا و دون دریاسی آزاق تینکیزیکا قویولادور.

وولکا بیلان اورال دریالاری کاسپی تینکیزیکا قویولادور. مذکور دریالاری نینک همه دین چونکی وولکا و ایکنجی سی طونه بولادور.

## چونکراق کول لار

آروپادا برنچه چونک کول لار بار دور. اولار نینک اراسیدا روسیه داک لاروکا بیلان اونه کا اسوچداکی و نرن و نرن و ملارن فنلاندیه داک ساییمن اسویچره داک جینوه و اسویچره بیلان جرمانینینک سرحدیداکی بون دیکان کول لار ضرورراقی دورلار.

## تاغلار

شمالی آروپادا اسقاندیناویا تاغلاری اوترا آروپادا قاریبات  
بیان آلپ تاغلاری و جنوبی آروپادا پیرهنه ایه ذمین و بالقان تاغلاری  
مشهورراق دورلار.

آروپادا برنجه یانار تاغ باردور یعنی هفلا وه زوو اتنا و  
استرامبولی. هفلا شمالی آروپاداکی ایسلانده جزیره سیده دور. قالغانلار جنوبی آروپادا  
دورلار وه زوو ایتالیا یاریم جزیره سیده ناپولی شهریکا یقین آتنا سیجیلیه جزیره سیده  
و استرامبولی تیره نین تینکیزیداکی بر جزیره ده دور.

## آروپانینک خلقی

آروپانینک خلقلاری اف اوروغدین یعنی قاتقاز جنسیدین دور.  
بولار اوج چونک نوعه بولونادورلار یعنی جرمان نوعی لاتین نوعی و اسلاو  
نوعی. بولاردین باشقه سامی (یهودیلار) مغول و طوران خلقلار هم باردور.

## خلق نینک دینی

آروپانینک تولاراق خلقی مسیحی دینیک یاکه خریستیان دینیدا دورلار.  
اولار نینک اوج چونک مذهبی بار یعنی قاتولیک پروتستانت و اورتودوکس  
مذهبی. لاتین نوعی نینک تولاسی قاتولیک مذهبه جرمان نوعی پروتستانت و اسلاو  
نوعی نینک تولاراق خلقی اورتودوکس مذهبه دورلار. بالقان یریم جزیره سیده و روسیه  
نینک مشرق بیان جنوب طرفلاریده اسلام دینیده خلق هم باردور.

## شمالی اوروپا

اسقاندیناویا یاریم جزیره سی بیان فنلانده شمالی آروپا دیلور.  
شمال طرفیده بحر محیط شمالی مشرق طرفیده روسیه بیان بالطیق تینکیزی جنوب  
طرفیده فنلانده کورفزی بیان بالطیق تینکیزی مغرب طرفیده قاتا کات اسقاکراق و  
بحر محیط اطلسی شمالی آروپانینک سرحدلاری دور. مغرب طرفیده اسقاندیناویا

تاغلاری اوزالغان دور. مشرق و جنوب طرفلاریده هم یستراک تاغلار هم توز یرلار باردور.

## حکومت لار

شمالی آروپادا اوج حکومت باردور یعنی اسوچ پادشاه لیبقی نوروج پادشاه لیبقی و فنلانڈیه جمهوریتی

### اسوچ یاکه سودیه

(خلقی الله میلیون)

بو مملکت اسقاندیناویا یریم جزیره سی نینک مشرق طرفیده دور. شمالیدا فنلانڈیه مشرقیدا بوتنی کورفزی بیلان بالطیق تنکیزی مغربیدا قاتا کات و اسقا کراق بیلان نوروج سرحدلاری دور. بالطیق تنکیزی داک کولاند بیلان تولاند دیکان ایکی ضرور جزیره اسوچکا تابع دور.


اسوچ چونک کچیک دریالاری و کوللاری نهایت تولا بر مملکت دور. همه دین چونک دریالاری طورده اوله اونکیزمان و دال دیکان دریالار بولادور. بولار نینک همه سی اسقاندیناویا تاغلاریدا کی کوللاریدین حاصل بولوب بوتنی کورفزیکا قویولادورلار. دریالاردا شاقیرامالاری تولا بولغان اوچون مناظره سی نهایت چرایلیق دور.

کوللاریدین و فزن و فزن ملارن و یلمارن مشهور راق دور. تاغلیق یرلارده جنکللار نهایت کنکرو دور. تنکیز و دریا چت لاریدا کی یرلار و باشقه توز یرلار حصول لوق و دهقانچیلیدیق تولا موافق دورلار.

هواسی سالقین قیش وقتی اوزون و شمال طرفیده تولا سوغاق دور یاز وقتیدا یامغور و قیشدا قار تولا یاغادور. یازی قیسه بولسه هم کون اوزون هم ایسیق بولغان اوچون همه دین شمال طرفیدین باشقه یرلارده اشلیق اوبدان پشادور. اشلیق پشایدورغان یرلارده جنکللار و یایلاقلار کنکرو دورلار. اندا خلق مال باقماغلیق و یغاج کسما کدیک بیلان تیریکیچلیک قیلادور. بعضی یرلارده تمور کانی تولادور. شمال طرفیدا کی یلیوارا و کپرونا دیکان جای لار تمور کانی بیلان مشهور دور. اسوچدین باشقه اقلیم لارغه تولاراق



اسوچداکی تنفورسن دیکان شارقیراما ( صحیفه ۶۴ )




هاردانکر دیکان کورفز نوروچده ( صحیفه ۶۶ )



پادشاه نینک اورداسی استوقھولمدا ( صحیفه ۶۵ )

(۳۰۰) (۱۰۰) (۱۰۰) (۱۰۰) (۱۰۰) (۱۰۰) (۱۰۰) (۱۰۰) (۱۰۰) (۱۰۰)



قرمل موسقو ادا ( صحیفه ۷۲ )

(۳۰۰) (۱۰۰) (۱۰۰) (۱۰۰) (۱۰۰) (۱۰۰) (۱۰۰) (۱۰۰) (۱۰۰) (۱۰۰)



ساتیلادورغان نرسه‌لار تمور بیلان ییغیچ و تمور بیلان ییغیچدین یاسالغان هر قسم اسباب و سرانجام‌لار بولادور. اسوچ تمورلاری هر یرده مشهور و معقول دور. اسوچ نینک کبریت یعنی کوکوردلاری هم تمام یر یوزیده مشهور دورلار. بو مملکتده تمور یول‌لار تلیراف و تلیفون (سیم) نهایت تولادور.

اسوچ خلقی جرمان نوعیدین رسمی مذهبی پروتستانت و نیلی اسوچ نیلی دور. شمال طرفیده مغول جنسیدین بولغان لاپ و فن دیکان طائفه‌لاردین هم خلق بار دور. بولار هم مسیحی بولوب پروتستانت مذهبیده دور اولار مال خصوصاً شمال بوغاسی باقماق برله تیریکچیلیک قیلورلار. اسوچ خلقی علم و هنر توغراسیدین عالم‌داکی همه‌دین برنجی خلقیدین دور. مکتبده او قومایدورغان بلا یوق دور ملا بولماغان خواه ایرکشی خواه مظلوم کشی هم یوق دور.

### شهرلار

استوقهولام (خلقی یاریم میلیونچه) مملکت نینک پای تختی بولوب ملارن کول نینک بوید نهایت چرایلیق و پاکیزه بر شهر دور. اول شهر نینک تولا مدرسه‌لاری و بر مدرسه جامعه‌سی بار ایکان.

کونده‌بورک (خلقی ۲۳۰ مینک) قاتا کات نینک بویداکی سوداسی زاودلاری و که چیلیکی بیلان مشهور بر شهر دور. اول شهرده هم بر مدرسه جامعه باردور. سالمو (خلقی ۱۲۰ مینکچه) مملکت نینک جنوب طرفیده سوداسی و زاودلاری چونک بر شهر دور.

نورکوپینک (خلقی ۶۰ مینک) بالطیق تینکیزی نینک بویدا کزمال زاودلاری تولا بر شهر دور.

هلسینک‌بورک (خلقی ۵۰ مینک) اوره‌سوند بوغازی نینک بویدا اشلیق سوداسی ضرور بر شهر دور.

یابول (که‌فله) بوتنی کورفری نینک بویدا تمور و ییغیچ سوداسی برله مشهور بر شهر دور.

اوپسالا استوقهولم نینک شمال طرفیده و لوند مملکت نینک جنوب طرفیده بولوب بولارداکی چونک مدرسه جامعه‌لار بیلان مشهور شهرلاردور.

یونکو پیمنک دیکان شهر وترن کولی نینک بویدا دور. اول شهر کبریت لاری بیلان هر یرده مشهور دور.

اسوج مملکتیکا خصوصاً شمال طرفلاریکا سیر تماشا قیلماق اوچون باشقه اقلیم لاردین تولا سیماح لار (سفر قیلغوجی) بارادورلار.

## نوروج

(خلقی اوج میلیوتغه یقین)

نوروج یا که نورویکیه اسقاندیناویا یاریم جزیره سی نینک مغرب جزئی دور. شمال طرفیده بحر محیط شمالی مشرقیدا فنلاندیه بیلان اسوج جنوبیدا اسقاکراق کورفزی و مغربیدا بحر محیط اطلاسی سرحدلاری دور. تینکیز بویلاری تولا بولونک پوچقاغلیق بولغان اوچون کورفلاری یاریم جزیره لاری و جزیره لاری نهایت تولادور. شمال طرفیده ما کبریتو جزیره سیده نورون کاپ یا که شمال پورنزی دیکان آوروپانینک همه دین شمال پوچقاقی بار دور.

نوروج نهایت تاغلیق بر مملکت دور مور تاغی هم تولا دورلار. تاغلاردا تولا دریالار پیدا بولادور بولارده هم چونک کچیک شاقیراملار تولا بولادور. چونکراق دریاسی کلوممن دیکان دریادور. نوروچکا هم یاز وقتیدا سیر تماشا اوچون تولا سیماح لار بارادورلار.

نوروج یاغین تولا بر یورت دور اسوج بیلان برابر بولسه هم قیشی ایسیغراق و یازی سالقینراق بولادور. مونینک سببی بحر محیط اطلاسیداکی کولف اقبندی یقیندین اوتوب تورادورغانی دور. یورت تولا تاغلیق بولغانی اوچون اشلیق تریدورغان یرلار آز بولادور. باشلیق کسبی دهقانچیلدیق و مال باغماغلیق بلیق چیلدیق و که چیلدیق دور. نوروج کچیکراک مملکت بولسه هم که چیلک توغراسیدین یر یوزیداکی برنجی مملکت لاری نینک بری دور.

خلقی جرمان نوعیدین دور. دینی مسیحی دیک و مذهبی پروتستانت تیلی نوروج تیلی اداره سی مشروطه دور. علم هنر توغراسیدین اسوج خلقیغه اوخسه همه دین برنجی خلقیدین دور. شمال طرفیده اسوچداکی غه اوخشاش مغول جنسیدین خلق بارا دور.

## شهرلار

اوسلو ( خلقى ۲۶۰ مىڭ ) قريستيانيا كورفزی نينك بويىدا مملكت نينك پای تىختى و زاودلارى سوداسى بيلان كەچىلىكى جەتيدىن برنجى شەرى دور . اندا هم بر مدرسه جامعە بار دور . اوسلوفى ايلكارى قريستيانيا دير ايرديلار .  
 برکين ( خلقى ۱۰۰ مىڭ ) مغرب طرفده بحر محيط اطلاسى نينك بويىدا كەچىلىك و بليق سوداسى بيلان مشهور بر شهر دور .  
 استاواندكر ( خلقى ۴۵ مىڭ ) برکين نينك جنوب طرفده بولوب كە ياساماغليق و بليق سوداسى بيلان ضرور بر شهر دور .  
 ترونديكهم ( خلقى ۵۵ مىڭ ) بحر محيط اطلاسىدىن حاصل بولغان ترونديكهم كورفزی نينك بويىدا دور . اول شهر ايلكارى پای تىخت بولغان . انداكى چونك بر كليسا بيلان مشهور دور .  
 حمامار فست بحر محيط شمالى نينك بويىداكى كچىك بر شەردور . اول ير يوزى نينك همەدين شمال طرفىداكى شەرى دور . اول یرده ياز وقتىدا بر آيدىن اوزونراق مدتده كون پاتمايدور و قيشدا شونچه مدتغچه كون چىقمايدور .

## فنلانديه جمهوريتى

( خلقى اوج ياريم مليون )

بو مملكت نينك تولاسى مشرق آوروپاغە توتاش بر ياريم جزيره دور . شمال طرفىده نوروج مشرق طرفىده روسيه جنويدا فنلاند كورفزی و مغرب طرفىده بوتنى كورفزی بيلان اسوج سرحدلارى دور . تينكىز نينك چت لاريدە . تولا جزيره لار باردور .  
 تينكىز طرفىداكى چت لارده ير پست و توز دور . مملكت نينك ايچنى ايكيزراك بولسه هم ايكيز تاغلار يوق دور . جنك دلار كنكرو دور و اولاردا بورى ايمىق و باشقه يياوا حيوانلار تولادورلار .  
 فنلانديهده چونك كچىك كول لار نهايت تولا دور انينك اوچون فنلانديه مينك كول نينك يورتى هم اتانور . همەدين چونك كولى سايمما ديكان كول دور . فنلانديه نينك اب هواسى شمالى اسوج نينك كىغە اوخشايدور . قيشى تولا سوغاق و ياز وقتى ايسيق بولادور . جنوب و تينكىز طرفىداكى يرلارده خلق

د هقانچيې دېق و مال باقماغليق بيلان تيريكچيلىك قىلورلار. بعضى يرلارده اشليق پشمايدور. اندا مال باقماغليق صيدالايق بليقچيلىق درخت كسما كلىك بيلان تيريكچيلىك قىلورلار. يغاچ و يغاچدين ايتكان نرسه لار فنلانديه نينك باشقه يورت لارغه ساتيلادورغان نرسه لار نينك ضرور راقى بولادور.

فنلانديه نينك تولاراق خلقى مغول جنسيديين بولوب فن آتانور ليكن اسوچليكلار هم تولادور (۳/۱ ميليون) همه يورت خلقى مسيكي و پروتستانت مذهبيده دورلار. رسمي قىلمى فن بيلان اسوچ تىلى دور. علم هنر توغراسيدىن نهايت ايلكارى دورلار. فنلانديه بر وقت روسيه كا تابع بر ولايت ايردى ليكن ايمدى اوز اليدا تورادورغان بر جمهوريت دور.

### شهر لار

هلسينكفوس (خلقى ۲۰۰ مينك) مملكت نينك پاى تختى بولوب زاود و سوداسى برله ضرور بر شهر دور. اندا بر مدرسه جامعہ بار دور.

اوبو شهرى (خلقى ۶۰ مينك) بالطيق تينكيزى نينك بوييدا دور. اندا اسوچليكلار اوچون بر مدرسه جامعہ بار دور. يورت ايجيداكى تامر فوس شهرى زاودلارى برله و فنلانده كورقزى نينك بوييداكى وييمورك شهرى يغاچ سوداسى بيلان مشهور دور.

### مشرقى آوروپا

مشرقى آوروپا شمال طرفيده بحرمحيط شماليغه يتادور مشرقيدا اورال تاغلار بيلان اورال درياسى و كاسپى تينكيزى برله و جنوييدا قافقاز تاغلارى بيلان قرا تينكيز برله آسپادين آريلادور مغرب طرفيده قاريات تاغلار يغه اوترا آروپانينك توز يرلاريكا بالطيق تينكيزيكا و فنلانديه كا يتادور. بحرمحيط شماليدين شمالي اف تينكيز ديكان چونك كورفز حاصل بولغان دور. انينك شمال طرفيده قوللا ياريم جزيره سى دور بحرمحيط شماليدا ناوريا زيمليا بيلان قولغويف ديكان چونك و خالى جزيره لار بار دور. بالطيق تينكيزيده اوسل بيلان داكو جزيره لارى دور. ريكا كورقزى بالطيق تينكيزيدىن حاصل بولغان دور. قرا تينكيزده قريم ياريم جزيره سى دور انينك مشرق طرفيده آراف تينكيزى بار دور.

مشرقی آروپانینک تولاسی اسلاو سهلی (توزیر) دین عبارت بولادور. اول توزیر بحر محیط شمالیدین کاسی بیلان قرا تینکیز غچه یتادور. جنوب طرفیداکی یامغوری آز توزیرلارنی استپ دیرلار.

## کوللار و دریالار

آروپانینک همه دین چونک کوللاری لادوگا بیلان اونه کا و هم پیپوس دیکان چونک کول مشرقی آروپادا دور.

آروپانینک چونکراق دریالاری نینک برنجه سی اسلاو سهلیده دور. بحر محیط شمالیغه پیپچورا بیلان دویما دریالاری قویولادور. فنلاند کورفزیکا نیهوا دریاسی لادوگا کولیدین کلب قویولادور. بالطیق تینکیزیکا دونا دریاسی بیلان نیهمن دریاسی قویولادور. قرا تینکیزیکا دینیهستر بوک و دینیه پیر دریالاری و آزاق تینکیزیکا دون دریاسی قویولادور.

کاسی تینکیزیکا وولکا بیلان اورال دریاسی قویولادور قاما اوقا بیلان موسقوا دریالاری وولکاغه قوشولادور. چونک لوقی جهتیدین وولکا آروپا نینک برنجی و دینیه پیر اوچونجی دریاسی بولادور. یری توزراک بولغان اوچون مشرقی آروپانینک دریالاری آهسته آقب که چیلیککا تولا موافق بولادورلار. وولکا دریاسی نینک چونک بر دلناسی یعنی دریانینک قوم لاییدین تینکیزده پیدا بولغان قوروق یری بار دور.

## آب و هواسی

مشرقی آروپانینک آب هواسی داخلیه یورت نینک کی بولادور قیش وقتی تولا سوغاق و یاز وقتی تولا ایسیق بولادور مخصوصاً مشرق طرفلارده شونداغ بولادور. شمال بیلان جنوب طرفلاری نینک هواسی جهتیدین چونک فرقی بار دور. شمالی آق تینکیزده موز هر یلدا توقوز آی تورادور. لیکن قریمدا اوزوم و انجیر پشادور. بالطیق تینکیزی طرفیده یاغین زراعت کا کنکرو یتکودیک بولادور لیکن مشرق بیلان جنوب طرفلاریده یاغین آران یتادور و کاسی تینکیزی طرفیده نهایت آز بولادور. اول طرفلارده هیچ جنکل یوق دور همه دین شمال طرفیده درخت جنکل هم یوق دور. یرنینک تونکی اندا هیچ وقت تمام ایریمایدور. اول

یرینک یاوا حیوانلاری تولکی شمال بوغاسی و تینکیزده اف ایبق و سو کلهسی بولادور. اول یرلارینک جنوب طرفیده قراغایلیق جنکلار نهایت کنکرو دور. تخی مو جنوب طرفیده راک یا پرماغلیق جنکلار بار دور. اول جنکلاردا بوغا ایبق بوری و باشقه یاوا حیوانلار تولادورلار. مذکور جنکلارینک جنوب طرفیده مشرقی آوروپانینک اوتراسیده زمین دهقانچیلیقه تازا اوبدان کلیشادور. اندا نهایت تولا اشلیق تریدورلار. تولاراق تریدورغان اشلیق بغدادی چاودار دیکان بر قسم بغدادی ازیا و ارپاخان بولادور.

## مملکت لار

مشرقی آروپادا تورت مملکت بار دور یعنی روسیه استونیا لتویا و لیتوان-یسا.

## جماهر متفقہ روسیه

(خلقی ۱۱۰ میلون)

روسیه یاکه اوروسستان کنکرو بر مملکت بولوب چونکلوقیغه قایلاب تمام آوروپانینک تنکی بیلان تخمیناً برابر کلا دور. مشرق بیلان جنوب طرفیده آسیاداکی اوز تابع لاریغه توتاش دور مغرب طرفیده رومانیا پولشه لتویا استونیا فنلاند کورفزی بیلان فنلاندیه سرحدلاری دور. شمال سرحدی بحر محیط شمالی دور.

## خلق لاری

روسیه نینک تولاراق خلقی اسلاو نوعیدین بولوب اوروسلار آتانورلار. شمال بیلان اوترا روسیه داکی خلقی چونک اوروسلار جنوب طرفیداکی خلقی کچیک اوروسلار و مغرب طرفیداکی لاری اف اوروس دیرلار چونک اوروسلار دیکان قالغانلاردین تولا بولورلار. مملکت نینک مشرق جنوبیداکی استپلارده قازاق لار و قیرغیزلار اولتورورلار. قزان شهری نینک طرفیده تاتارلار تولادورلار بحر محیط شمالی طرفلاریده لاپ و صامویدلار باردورلار. روسیه نینک تولاراق خلقی مسیحکی و اورتودوکس مذهبیده دورلار قیرغیزلار بیلان تاتارلار مسلمان و صامویدینک تولاسی بت پرست دورلار. یهودیلار هم تولادورلار.

## خلق نینک کسب و اوقات لاری

دهقانچیلیققه موافق یرلارده خلق زراعت قلیب تیریکچیلیک قیلورلار مال باقماغلیق تولاراق یرلارده و خصوصاً استپلارده قیلینادورغان تجارت دور. شمال طرفلارداکی صاموید شمال بوغالاریدین تولا باقلارلار. مملکت نینک باشقه طرفلاردا کله اط قوی و هم قیوه باقادرلار. دریالارده تولا خلق بلیق چیلیق قلیب تیریکچیلیک قیلورلار.

جنکلارداکی خلق درخت کسب یغیاچ ساتماغلیق بیلان تیریکچیلیک قیلورلار.

اورال تاغلاریدا کانچیلیق خلق نینک ضرورراق کسبی بولادور. اندا التون پلاتینا اصل قاش و باشقه قیمت معدن و تاشلار تاپیلورلار. آزاق تینکیزی نینک شمال طرفیداکی قناروس تاغلاریدین تاش کومور بیلان قنور تولا چیقادر و استپلارداکی کوللاردین تولا قوز الورلار. قافقاز تاغلاریدین یر ییغی چیقادر.

روسیه نینک زاودلاری تولا بولغانی برله یورت خلقی نینک حاجتیکا یتکودیک نرسه ایتالمایدور بلکه باشقه اقلیملاردین تولا نرسه لار الینورلار. بعضی شهرلارده هریل تعین وقتلاردا بر ایکی هفته مدتیده چونک بازارلار بولادور. بو چونک بازارلار سودانینک رواجیکا تولا فائده برادورغان دورلار.

## اجزا و شهرلار

آورویای روسیه حاضر برنچه جمهوریت کا بولونکان دور. ضرورراقی چونک روسیه اوقرایناف روسیه زیریانسقی قاتار مارینسقی چوواش باشقیر و قالماق جمهوریتلاری دورلار.

چونک روسیه کا اوترا بیلان شمالی روسیه نینک تولاسی تابع دور. اوقراینای مملکت نینک جنوب مغرب طرفیده و آق روسیه مغرب طرفیده دور زیریانسقی روسیه نینک مشرق شمال طرفیده تاتار مارینسقی و چوواش جمهوریتلاری قزان شهری نینک چوره سیده وولکا دریاسی نینک بویدا باشقیر جمهوریتی اورال تاغلاری نینک جنوب طرفیده و قالماق جمهوریتی کاسپی تینکیزی نینک بویدا وولکا

دریاسی نینک مغرب طرفیده دور. بو جمهوریت لاردین باشقه ینه بر نجه کچیک حکومت لار روسیه برله بر دور. قاققازداکی کورجستان ازربایجان ارمنیه دا کستان و باشقه جمهوریت لار اصل آسیادا بولغانی برله روسیه برلان بر دورلار.

**موسقوا** (خلقی بر یاریم میلیون) روسیه نینک اوتراسیدا موسقوا دیکان

دریانیک بویدا دور. ایلکاری مملکت نینک پای تختی ایردی و ایمی ۱۹۱۸ نجی یل دین تارتیب ینه پای تخت دور. زاودلاری و مملکت ایچیداکی سودا جهتیدین روسیه نینک برنجی شهری دور. اندین هر طرفکا تمور یول لاری بارا دور. موسقوانینک اوتراسیدا قهرمل دیکان ایکیزراک بر جای بار دور. قهرملدا بر نجه چرایلیق کلیسا و اوردا باردورلار.

**لیدینسکران** (خلقی بر میلیون دین زیاده) فنلاند کورفری نینک بویدا و

نیوا دریاسی نینک منصیدا کوچه لاری کنکرو و عمارت لاری چونک بر شهر دور. اول شهر ۱۷۰۳ نجی یل دین ۱۹۱۸ نجی یلغچه مملکت نینک پای تختی ایردی.

بالدور پتربورغ و پتروگراد اتانغان ایردی. لنینگرادینک مغرب طرفیده فنلاند کورفریداکی بر جزیره قرونستات دیکان محکم بر قلعه و حرب لیمانی باردور.

**ارخانکجل** (ارخانکلسک) شهری مملکت نینک شمالیدا دوینا دریاسی شمالی

آق تینکیزیکا قویولادورغان یریده دور. اول شهر نینک لیماندین یاز وقتیدا تولا یغاج باشقه اقلیم لارغه ساتیماق اوچون ایباریلور.

**طولا** (خلقی ۱۴۰ مینک) و قالوگا دیکان شهرلار موسقوانینک جنوب

طرفیده بولوب زاودلاری بیلان مشهور دور. طولا معدن ایشلاری و قالوگا کون چرم ایشلاری بیلان مشهور دور.

**دیشنی نووکورور** (خلقی ۱۱۰ مینک) وولکا بیلان اوکا دریالاری

قوشولادورغان یریده دور. اول شهرده هر یل تعینلیق وقتدا آوروپانینک همه دین آباد بازاری بولادور. اول وقت از قالسه هر اقلیم دین سودا کرلار اندا جمع بولورلار

**قزان** (خلقی ۲۰۰ مینکچه) مشرق روسیه ده وولکانینک بویداکی سوداسی

و زاودلاری بیلان مشهور بر شهر دور. اول شهر حاضر تاتار جمهوریتی نینک مرکز اداره سی دور. مشرق طرفیده اورال تاغلاری اراسیدا یققاترینبورك دیکان

کانچیلیقی جهتیدین ضرور بر شهر باردور.

**سامارا** (خلقی ۱۵۰ مینکچه) قزان نینک جنوب طرفیده وولکانینک بویدا

دور اول شهر دین سبیریانینک تمور یولی چیقادور. سامارانینک جنوب مشرق طرفیده



اورال دریاسی نینک بوییدا اوردینبورک شهری باردور اندین روسیه ترکستانغه بارادورغان تمور یول چیقادور.

استراخان شهری (خلقی ۱۶۰ مینکچه) کاسپی تینکیزیده وولکانینک دلتاسیداکی بر جزیرهده دور. اول شهر کاسپی تینکیزیداکی کهچلیککا واسطه بولوب بلیقچیلیق بیلان باغچیلیق جهتیدین مشهوردور.

اودسسا (خلقی ۶۳۰ مینک) جنوبی روسیهده قرا تینکیزنینک بوییدا بولوب اشلیق سوداسی توغراسیدین آوروپانینک برنجی شهری دور.

سیدواسستوپول (خلقی ۶۰ مینک) قریم یاریم جزیرهسیده قرا تینکیزنینک بوییدا دور ایننک محکم بر قلعهسی بیلان یخشی لیمانی بار دور.

کییف (خلقی یاریم میلیونچه) اوقراینادا دینهپر دریاسی نینک بوییدا کهنه بر شهردور. اندا متقی اوروسلار زیارت قیلادورغان مناسترلار (خانقاه غه اوخشه جای لار) باردور.

خارقوف (خلقی ۲۶۰ مینک) اوقرینانینک مشرق طرفیده بار تیریک مال و یونک بازارلاری برله تولا مشهور بر شهر دور. مذکور شهرلاردین باشقه تولا چونک کچیک شهرلار روسیه مملکتیده باردورلار.

روسیه نینک ادارهسی بالدور مستقله ایردی و تویهسیده اوز اختیاری برله حکوم قیلادورغان بر ایمپراطوریاکه قیصر بار ایردی. ایمدی ادارهسی جمهوریه دور و مملکت برنچه جمهوریت بیلان تمام بولادور.

آسیادا روسیه نینک کنکرو مستملکاتی باردور لیکن آسیاداکی تابعلاری نینک تولاراق یری نهایشی سوغاق و یا چول یری بولغان اوچون خلقی انچه تولا ایماس. همه روسیه تابعلاری نینک خلقی ۱۴۰ میلیون دور. چونکلوقی جهتیدین روسیه عالمداکی مملکتلار نینک ایکنجی و خلقی نینک تولالیقی جهتیدین اوچونجی مملکتی دور.

## استونیا جمهوریتی

(خلقی بر میلیون)

استونیا فنلاند کورفرزی نینک جنوب طرفیده بار کچیکرک بر مملکت دور.

مشرق طرفیده روسیه جنوب طرفیده لتویا و مغرب طرفیده بالطریق تینکیزی دور. اول تینکیزداکی اوسل بیلان داکا و دیکان ایکی جزیره هم استونیاغه تابع دور. خلق نینک تولاسی استونی دور شهرلارده جرمانلار و جزیرهلارده اسچیچلیق لار هم بار دورلار. همه سی مسیحکی و پروتستانت مذهبه دورلار.

### شهرلار

ریوال ( خلقی ۱۲۵ مینکچه ) فنلاند کورفزی نینک بویدا لیمانی ضرور بر شهر و مملکت نینک پای تختی دور. دورپات ( یوریف ) شهری پیوس دیکان چونک کول نینک بویدا دور اندا بر مدرسه جامعه بار دور.

### لتویا جمهوری

( خلقی ایکی میلیون )

شول مملکت دونا دریاسی نینک و ریکا کورفزی نینک بویدا دور. شمالیدا ریکا کورفزی بیلان استونیا مشرقیدا روسیه جنوبیدا لیتوانیا و مغرب طرفیده بالطریق تینکیزی سرحدلاری دور. خلقی نینک تولاسی لئوی خلقیدین دور. جرمانلار هم تولادورلار. دینی مسیحکیلیق پروتستانت مذهبی دور.

### شهرلار

لتویانینک مشرق تنکی لیوونیا و مغربی کورلانیدا دیرلار. ریکا ( خلقی ۴۰۰ مینکچه ) لیوونیدا دونا دریاسی نینک منصبیدا بولوب مملکت نینک پای تختی دور. شو شهردین تولا اشلیق باشقه باشقه یورتلارغه ساتیلادور. لیدباو شهری ( خلقی ۶۰ مینک ) کورلانیدا و بالطریق تینکیزی نینک بویدا دور. ینه دونابورک بیلان میتا و دیکان ایکی ضرور شهر باردور.

### لیتوانیا جمهوری

( خلقی ایکی یاریم میلیون )

لیتوانیا مملکتی لتویانینک جنوب طرفیده نهم دریاسی نینک بویدا دور.

مشرق بیلان جنوب طرفیده پولشه و مغرب طرفیده جرمانیا تابعی مشرق پروسیا دور. خلقی لیتووای آتانیب قاقولیک مذهبی ماسیحا دورلار. یهودیلار هم تولادورلار.

### شهرلار

کوونو شهری (خلقى ۹۰ مینک) مملکت نینک پای تختی بولادور مدهل شهری بالطیق تینکیزی نینک بوییدا دور.

### اوترا آوروپا

اوترا آوروپانینک شمالیداکی سرحدلاری بالطیق تینکیزی بیلان شمال تینکیزی دور. مغرب سرحدلاری بحر محیط اطلاسی و اینکدین حاصل بولغان بسقایه کورفزی مانیش تینکیزی و قاله یا که دوور بوغازی دور. جنوبیدا آق تینکیز بیلان پیرنه آلپ و سیببورکن تاغلاری سرحدلاری دور. مشرق شمالی طرفیده اوترا آوروپا اسلاو سهلیکا یتادور.

اوترا آوروپانینک جنوب طرفیده آوروپانینک همه دین ایکیز و کنکرو تاغلیق لاری بار دور. آلپلار مغرب آلپ و مشرق آلپ دیب ایکیکا بولونادور بو ایکی تاغلیق اسویچرده بربریکا قوشولادور. مغرب آلپلار فرانسه داکی رون دره سیغچه بارادور. اول دره نینک مغرب طرفیده فرانسه تاغلیقی بار دور. مذکور تاغلیق نینک مغرب بیلان شمال طرفیده فرانسه دینک پست قوزیرلاری دور. بو پستلار بسقایه کورفزی و مانیش تینکیزیغچه یتادور.

آلپلار نینک شمال طرفیده اوج ایکیز توزیرلار بار دور یعنی مغرب طرفیده اسویچره ایکیز قوزیرلاری اوترادا بواریا ایکیز قوزیرلاری و مشرق طرفیده بوهمیا ایکیز قوزیرلاری مذکور توزیرلار ایکیز راک تاغ سلسله لاریدین احاطه قیلینورلار. بو تاغلیق لار نینک شمال طرفیده جرمانیا شمالی پست قوزیرلاری دور. بولار تمام شمال جرمانیا هولاندیه بلچیکا و یوتلاند یاریم جزیره سیکا سوزولغان دور.

اوترا آوروپانینک مشرق طرفیده قارپات تاغلاری بار دور. بولار اوج طرفین مجارییه قوزیرلاری قورشاب تورادور.

آلپ دین و چوره سیداکی تاغلیق یورت لاردین دریالار حاصل بولوب هر طرفکا اقادور. مغرب آلپ دین راون دریاسی کلیب جیمزوه کولیدین اوتوب آق تینکیزکا آقادور. راون دریاسی هم مذکور تاغلاردین پیدا بولوب بودن کولیدین اوتوب شمال طرفیکا اقیب مغرب جرمانیا بیلان هول لاندیه دین اوتوب شمال تینکیزیکا قویولادور.

بوهما ایکیز توزیرلاردین البه دریاسی اقیب جرمانیا پست توزیدین اوتوب شمال تینکیزیکا قویولادور. سوویت و قاریپات تاغلاریدین اودر دریاسی کلیب شمال طرفیکا اقیب بالطیق تینکیزیکا قویولادور.

اوترا آوروپانینک همه دین چونک دریاسی یعنی طونده (دانیوب) دریاسی جنوب جرمانیا تاغلیقیدا پیدا بولوب مشرق طرفیکا اقیب جنوبی جرمانیا آوستریا مجاریه و بالقان یاریم جزیره سی نینک شمال طرفیداکی مملکت لاردین اوتوب قرا تینکیزکا قویولادور.

## مملکت لار

اوترا اوروپا راکی مملکت لار بولار دورلار:

- ۱ دانیمارقه هول لاندیه و بلچیکا پادشاه لیمق لاری اوترا آوروپا نینک شمال مغرب طرفلاریده بالطیق بیلان شمال تینکیزی نینک بویلاریدا
- ۲ جرمانیا اسویچره اوستریا و پولشه جمهوریت لاری اوترا آوروپانینک اوترا بیلان شمال مشرق طرفلاریده
- ۳ چه قواسل و اقیما جمهوریتی مجاریه پادشاه لیمق و رومانیاه تابع بولغان سیبندبورکن ولایتی اوترا آوروپانینک جنوب مشرق طرفلاریده
- ۴ فرانسه جمهوریتی اوترا آوروپانینک مغرب طرفیده.

## دانیمارقه پادشاه لیمق

(خلقی اوچ یاریم میلیونغه یقین)

دانیمارقه آوروپانینک کچیکراک مملکت لاری نینک بری دور. لیکن تولا آباد بولغانی اوچون یورت کچیکلیکیکا قایلاندا خلقی آز ایماس. دانیمارقه ایکی جز بیلان یعنی یوتلاند یاریم جزیره سی و

دانیمارقه جزیره لاری بیلان تمام بولادور. یوتلاند جرمانیاغه توتاشیب شمال طرفیکا چیققان دور. مغرب طرفیده شمال تینکیزی و مشرق طرفیده قاتاكات بیلان بالطیق تینکیزی دور.

جزیره لاری نینک ضرور راقی سیلانند فیونی لولاند و بالطیق تینکیزی داک بوزنهولم دورلار. اوره بوغازی سیلانند جزیره سی فی اسوج مملکتیدین آیریدور. و چونک بیلان کچیک دلت بوغازی دانیمارقه جزیره لاری نینک ارا لیقیدا دور. دانیمارقه دا چونک تاغلار یا جنکلار یوق دور. یوتلاند نینک مغرب طرفلاری تولا قوم لوق دور لیکن مملکت نینک قالغان یرلاری اوبدان و حصول لوق دورلار. اب و هواسی ساحل اب و هواسی بولوب معتدل دور. یاز وقتی نهایت ایسیق بولمایدور قیش هم سوغاق بولمایدور. باشلیق کسب لاری دهقانچیلیق بیلان مال باقماغلیق دور. دانیمارقه کچیک بولغان برله باقادرغان مالی نینک یخشیلیقی توغراسیدین برنجی مملکت لار نینک بری دور.

یورت دا تاش کور و تمور یوق اوچون دانیمارقه نینک زاود ایشلاری انچه تولا بولمایدور. لیکن سوداسی چونک دور. دانیمارقه خلقی جرمان ذوعیدین و اسقاندیناویا فرقه سیدین بولوب دانیمارقه لایق آتاتورلار تیلی دانیمارقه تیلی مذهبی پروتستانت مسیحی لایق و اداره سی مشروطه دور. علم هنر توغراسیدین دانیمارقه لایق لار برنجی خلق لاردین دور. ملا بولماغان کشی یوق دور.

### شهرلار

قومپنھاکن ( خلقی ۷۰۰ مینک ) سیلانند جزیره سیده اوره بوغازی نینک بوییدا بولوب مملکت نینک پای تختی دور بو شهر سودا و هنر جهتیدین مشهور دور. اندا چونک بر مدرسه جامعه هم بار دور. اودانسه شهری ( خلقی ۵۲ مینک ) فیونی جزیره سیده کهنه بر شهر دور. اورهوس ( خلقی ۷۵ مینک ) اولبورک ( خلقی ۴۲ مینک ) یوتلانددا دور و سوداسی بیلان مشهور شهرلار دورلار.

## دانیمارقه مستملکاتی

- ۱ بحر محیط اطلسیدا انکلیزستان نینک شمال طرفیداکی فروغه طاقم جزیره سی ( خلقی ۲۱ مینک )
  - ۲ شمالی آمریقاداکی کروفلاند جزیره سی ( خلقی ۱۵ مینکچه )
- دانیمارقه غه تابع دور .

## ایسلانده پادشاهلیقی

( خلقی ۱۰۰ مینکچه )

ایسلانده بحر محیط اطلسی نینک شمال طرفیداکی چونک بر جزیره دور . اول جزیره نینک اوترا طرفلاری نهایت تاغلیق دور موز تاغی اندا تولادور . برنجه یانار تاغ هم بار دور مشهورراقی ههقلا یانار تاغی دور ایکیزلیکی ۱۵۰۰ متره دور . بعضی یرلارده سوی قیزیق بولاقلار بار دور بولار نینک مشهورراقی کیسیمر دیکان بولاق دور اینک سوی تولا غولغوله بیلان اوتوز قرق متره مقدار یجه ساچراب چیقادور .

ایسلاندهده آشلیق پشامیدور هیچ درخت هم یوق دور لیکن یایلاقلاری اوبدان بولادور . اینک اوچون مال باقماغدیق خلق نینک باشمیدیق کسببی بولادور . تولا خلق هم بلمدیقچیلدیق قلیب تیریکچیلیک قیلورلار .


ایسلانده خلقی قدیم وقتدا نوروچدین کوچوب بارغان خلق نینک اولادی بولادور اولار نینک خاص زبانی بار دور . اولار کتاب او قوشقه تولا خوشی بار بر قوم دور . علم هنر باره سیدین اسقاندیناویا خلق لاریغه اوخشه نهایت ایلکاری دورلار دینی مسیحیلمدیق مذهبی پروتستانذت دور .

ایسلانده مستقل بر حکومت دور لیکن دانیمارقه نینک پادشاهی هم ایسلانده نینک پادشاهی بولادور .


ره ایقناویک شهری ( خلقی ۲۰ مینکچه ) مملکت نینک پای تختی دور .

## هولانده یا که فلمنک پادشاهلیقی


( خلقی یته یاریم میلیونجه )



هولانديہ نينك ساحل لاريڊاڪي سدلار ( صحيفه ۷۹ )



قولونیا شهری نینک مشهور کلیسائی (صحیفه ۸۶)



یونگفرا و موز تاغی سویچره ده (صحیفه ۸۹)



هوللانديه نينك شمال بيلان مغرب طرفيده شمال تينكيزي مشرق طرفيده  
جرمانيا و جنوب طرفيده بلچيقا سرحدلاري دور. اول كچيك ليكن خلقي  
تولا بر مملكت دور.

زويدرزه كورفزي شمال تينكيزيدن مملكت نينك اچيكا كيبرب تورادور.  
مذكور كورفزينك اليدا فرمس جزيره لاري شمال تينكيزيده دور.  
هوللانديه نينك تاغلاري يوق دور. تمام يري توز و پست دور تولا  
يري هم سو يوزيدن توبن دور شونداغ كه قوروقني سو باسيشيدن ساقلاماق  
اوچون سدلار ساليب دورلار. هوللانديه نينك تولاسي اينكدين اوتوب تورادورغان  
دريالارين حاصل بولغان بر دلتما دور. زويدرزه كورفزي قديم زماندا بر كول  
ايردي ليكن سو دولغونلاري نينك هجومي برله تينكيز بيلان كول نينك ارايقيداكي  
قوروق ير كسيلدي و كول كورفز بولدي.

دريالار. رهن درياسي جرمانيادين كليب بر نچه اچاغه بولونوب شمال  
تينكيزيكا قويولادور چونكراق اچالاري و آل بيلان ليك دور. ماس و  
شيدله ياكه اسقوت ديكان دريالار هم هوللانديه دين اوتوب شمال تينكيزيكا  
قويولادور. دريالارني قناللار بيلان بر بريكا قوشوب همه سیده كه يوركوديك حالغه  
اولارني كلتوروب دورلار. تولا يرلارده دريا و قناللار نينك ايكي يانيداكي قوروق  
يرلار سو يوزيدن پست دور.

هوللانديه نينك اب و هواسي ساحل اب هواسي بولادور ياغين  
تولا ليكن سوغاق انچه بولمايدور.

كسبلار. تولا خلق دهقانچيچيلىق بيلان تيريكچيلىك قىلب يرنى  
نهایت اوبدان ايشلارلار ليكن يورت كچيك و خلقي تولا بولغان اوچون اشليقي  
يورت خلقیغه يتمايدور. باغچيچيلىق تولا ضرور دور ميموه اوتدباش و  
خصوصاً لاله سنبل سوسن و بولارغه اوخشه كللارني تيريب باشقه باشقه  
اقليملارغه ساتارلار. يايلاقلاري اوبدان بولغان اوچون مال باقماغدليق نهایت  
ضرور اوقات بولادور. هوللانديه نينك كلهلاري هر یرده مشهور دورلار.  
بليقچيچيلىق شمال تينكيزي بويلاريدا تولا رواجليق بولادور. كه چيچيلىك  
بيلان سودا خلق نينك باشليق كسبلاريدن دور. مملكت نينك آسيا بيلان  
آسترالاداكي مستملكاتيدن حاصل بولغان قهوه شکر قهوشني كرونچ كبز و

بولارغه اوخسه نرسه لار بيلان هول لاندیه نينك سوداكرلارى چونك تجارت قیلورلار.  
 خلق. هول لاندیه نينك خلقى جرمان فوئيدین بولوب جرمانیا و  
 اسقاندیناویا خلقیغه یقین بر قوم دور. تیلی هول لاندیه تیلی تولاسی نينك مندهبی  
 پروتستانت لیکن قاتولیک هم تولار بار دور. هول لاندیه خلقى علم هدر  
 پیاكزه لیک كوشیدش و غیرت توغراسیدین برنجی خلق لاردین دور.

### شهرلار

ههك ( خلقى ۳۸۰ مینك ) شمال تینکیزیکا یقین بولوب مملکت نينك  
 پای تختی دور .

امستردام ( خلقى ۷۰۰ مینك ) زویدرزه کورفزیکا یقین دور .  
 اینکدین شمال تینکیزیکا که مانکادورغان قنال لار بار دور . شهر اوزیده تولار  
 یرلارده کوچه اورنیدا قنال لار بار و قنال لار نينك بر نچه مینك کوبروکی بار دور .  
 امستردام هول لاندیه نينك همه دین چونك شهری بولوب سوداسی بیلان مشهور دور .  
 روتردام ( خلقى ۵۴۰ مینكچه ) رهن دریاسی نينك دلتاسیده دور . اول  
 که چیلیک جهتیدین هول لاندیه نينك برنجی و سوداسی چونك بر شهر دور .  
 اوترهخت ( خلقى ۱۵۰ مینك ) رهن دریاسی نينك بویدا بولوب مشهور  
 بر مدرسه جامعه بار بر شهر دور .

هول لاندیه نينك آسیا بیلان آوسترالیا داکى تابع لاری نينك خلقى ۵۰ میلیونچه  
 دور . مشهور راق مستملکاتی جاوا جزیره سی دور .

### بلچیکا پادشاهلیقی

( خلقى ۸ میلیونچه )

بلچیکا مملکتی هول لاندیه نينك جنوب طرفیده دور مشرق جنوب بیلان جنوب  
 مغرب طرفلاریده جرمانیا بیلان فرانسه بار دور و مغرب شمال سرحدی شمال تینکیزی  
 دور . بلچیکا زمینی کچیک و خلقى تولار بر مملکت دور . زمینی نينك کچیکلیکیکا  
 قایلاغاندا آوروپانینك همه دین آباد مملکتی بولادور .

بلچیقانینك تولاسی توز یر دور لیکن جنوب طرفی تاغلیق و جنکلیق  
 دور . ایکیزراک تاغلاری اردن دیکان تاغلار بولادور . اول تاغلاردا تاش کومور

بیلان قههور كانى تولا دور .

بلچیقانینک اب و هواسی هول لاندیه نینک کیغه اوخسه دور لیکن یاغین

تولاراق دور .

کسب لار: دهقانچیلدیق نهایت ترقی قیلغان لیکن زمینی آز بولغاچ

یورت نینک اوز اشلیقی خلقیغه یتهایدور اینک اوچون باشقه اقلیم لاردین تولا

اشلیق الماق لازم کلا دور . باشلیق کسبی زاود ایشلاری بیلان کانچیلدیق

بولا دور هر قسم ماشینه لار و بوز زغر و ماشوت یبیدین توقولادورغان نرسه

لاری نینک هر نوعیدین تولا یاسالور . اندا توقولادورغان بروسل زیلدیچه لاری

هر یرده مشهور دور .

خلقی جبرمان بیلان لاتین نوع لاریدین و تولاسی قاتولیدک

مدهبیدین دورلار . مملکت نینک شمال طرفیده خلق فلمندک بولوب هول لاندیه

تیلدی بیلان سوزلاشور لار . جنوب طرفیداکی خلق والون اتانیب فرانسزچه

تیلدی بیلان سوزلاشورلار .

### شهر لار

بروسل ( خلقی ۸۰۰ مینک ) یورت نینک اوتراسیدا بار سوداسی و

زیلدیچه لاری بیلان مشهور بر شهر و مملکت نینک پای تختی دور .

اندورس یا که اندورپین ( خلقی ۴۲۰ مینک ) شلده دریاسی نینک

منصبیغه یقین سوداسی جهتیدین آوروپانینک ضرورراق شهرلاری نینک بری دور .

کاند ( خلقی ۱۶۰ مینکچه ) شلده نینک بویداکی خرید زاودلاری بیلان

مشهور بر شهر دور .

لیوتیش یا که لیده ژ ( خلقی ۱۷۰ مینک ) بلچیقانینک مشرق طرفیده ماس

دریاسی نینک بویدا بولوب توپ ملتیق و شونینکغه اوخشاش اسباب لاری یاسایدور

غان زاودلاری بیلان مشهور بر شهر دور .

بلچیقانینک آفریقاداکی قوڈکو دیکان مستملکاتی نینک خلقی اون بر یاریم

میلیون دور .

### لوکسمبورک حکومتی

لوکسمبورک بلچیقا فرانسه بیلان جرمانیا مملکت لاری نینک ارالیقیداکی کچیک

کنه بر مملکت دور. خلقی ۲۷۰ مینک دور تولاسی جرمان دورلار قیدی جرمان  
 بیلان فرانسه و مدھی قاقولیک دور. اول یورتدا قهور کاندلاری تولادور.  
 لوکسمبورک شهری پای تخت دور.

## جرمانیا (المانیا) مملکتی

( خلقی ۶۰ میلیونین زیاده )

جرمانیا چونکلوقی توغراسیدین آوروپانینک تورتونجی لیکن خلقی نینک  
 تولالیقی جهتیدین آوروپانینک ایکنجی مملکتی بولادور.

جرمانیا آوروپانینک اوتراسیدا دور. شمال طرفیده بالطیق بیلان شمال  
 تینکیزی و جنوب طرفیده آلپ بیلان بوهمیاتاغلاری دور. چوره سیداک مملکت  
 لار شمال طرفیده دانمارقه مشرقدا پولشه جنوبدا چه قواسلو و اقیانیا بیلان اسویجره  
 و مغرب طرفیده فرانسه لوکسمبورک بلجیقا بیلان هوللاندیه. مشرق پروسیا  
 ولایتی اراسیغه کیرب تورادورغان پولشه تابع لاریدین جرمانیانینک قالغان یر  
 لاریدین ایریلغان دور.

جرمانیانینک شمال طرفلاری نینک تولاسی توز و پست یرلار دور.  
 بعضی سی حصول لوق لیکن بعضی سی قوم لوق دور. اوترا طرفلاری ایکیزراک و  
 حصول لوق دور اندا جنکل لار و تاغلار بار دور جنوب طرفلاری نینک تولاسی  
 تاغلیق دور.

مملکت نینک جنوب مغرب طرفیده اشوارتسوالد (قرا جنکل)  
 تاغلاری چه قواسلو و اقیانینک سرحدلاریدا بوهمیایا فیختیل کیبرکه ارز کیبرکه  
 و ریزن کیبرکه دیکن تاغلار بار دور. بولار نینک بعضی سیدا تولا کاندلار  
 بار دور. مغرب شمال طرفیداکی همارز دیکن تاغ قهور قاغوشون کموش و میسر  
 کاندلاری بیلان مشهور دور هارزنینک جنوب طرفیده تورینکر و والد تاغلاری  
 باردور. همه تاغلاردا کنکرو جنکل لار هم بار دور.

### دریالار

جرمانیانینک تولا چونک کچیک دریالاری بار دور.  
 بالطیق تینکیزیقا قویولادورغان دریالار:

نیمه من یا که میمیل اسلاو سهلیدین کلیب کوریشیشیس ههاف دیکان کورفزیکا قویولادور.

اودر دریاسی سودیت تاغلاریدین کلیب استه تیدر ههاف دیکان کورفزیکا قویولادور. وارته دریاسی اودرکا قوشولادور.

### شمال تینکیزیکا قویولادورغان دریالار :

البه دریاسی ریزن کیرکه نینک جنوب طرفیدین کلیب بوهمیادین اوتوب اندین شمال مغرب طرفیکا اقب شمال تینکیزی نینک بر کورفزیکا قویولادور مولداو اکر ساله ههاول و اسپره دیکان دریالار البه کا قوشولادور. وزر بیلان امس دریالاری البه نینک مغرب طرفیده شمال تینکیزیکا قویولادور.

رهن دریاسی اسویجره داکا الپ موز تاغیدین پیدا بولوب شمال طرفیکا اقب هول لاندیه مملکتیدین اوتوب شمال تینکیزیکا قویولادور. اسویجره ده ار دریاسی و جرمانیادا موسل نغار و مایجن دریالاری رهنکا قوشولادور. رهن کنکرو بولوب تولاراق یرلاریده آهسته اقادورغانی برله که چیلیککا تولا موافق بولادور. اول نهایت آباد و چرایلیق یرلاردین اوتادور.

قرا تینکیزکا طونه (دانیوب) دریاسی آقادور. اول دریا اول اشوارتسوالد تاغلاریدا پیدا بولوب آوستریا بیلان مجاریه دین اوتوب قرا تینکیزکا آقادور. ال لیمنج و این دریالاری الپ دین کلیب طونه کا قوشولادور. جرمانیانینک دریالاری قنالار بیلان بربریکا قوشولغان دورلار مونیکن برله یورت ایچیده که مانکادورغان یوللار هر یرده بار دور.

جرمانیانینک هواسی معتدل دور. یاغین زراعت کا یتکودیک بولادور. تاغلیقلاردا قراغایلیق جنکللار باردور بیایر ماغلیق جنکللار هم تولادور رهن نینک دره سیده قال اوبدان بولادور و اوزوم پشادور. جنکللارده بوغما و شونینکغه اوخسه حیوانلار تولادورلار.

## کسلار

دهقانچیلیق و مال باقماغلیق باشلیق کسلاری نینک بری دور. لیکن خلقی تولالیقیدین مملکته حاصل بولادورغان اشلیق یتیشمایدور. بغدادی

آرپا و بولارغه اوخشاش اشلیق و مخصوصاً کارتوشکا بیلان شکر پانجاری (شکر قزلیچی سی) تولا تریلور. پانجاری قندی ایتیش توغراسیدین جرمانیا برنجی مملکت بولادور.

جرمانیا خلقی جنکدلاریدین تولا فائده تاپارلار لیکن اینکدین کادچیلدیق تخی ضروردور. هر قسم کانلار و خصوصاً تمور بیلان تاش کمور نهایت تولا دور.

زاود ایشلاری نهایت ضرور شونداغکه جرمانیادا زاود ایشلاری بیلان تیریکیچیلیک قیلادورغان خلق دهقانچیلیق قیلادورغاندین تولا دورلار. تولاراق یاسالادورغان نرسه لار تمور بیلان قوروجدیین اینکان اسباب لار بیلان کزمال بولادور.

جرمانیانینک سوداسی چونک دور باشقه اقلیم لارغه زاودلاردا طیار قیلینغان نرسه لار تولا ساتیلادور و تولا اشلیق وهم زاودلارغه لازم کلا دورغان نرسه لار الینادور. مملکت ده تمور یوللاری و کمه مانکادورغان دریا و قنال لار تولا بولغانی برله تجارت معامله سی آسان قیلینادور.

خلقی: جرمانیانینک خلقی جرمان نوعیدین بولوب جرمان اتانورلار تیلی جرمان تیلی و دینی مسیحیلمدیق دور. مملکت نینک شمال طرفداکی خلق نینک تولاسی پروتستانت مذهبیله و جنوب طرفداکی لار قاتولیک مذهبیله دورلار. چونک شهرلارده تولا یهودیلار باردورلار.

علم هدر جهتیدین جرمانلار برنجی خلق لار نینک قطاریدا بولادور یته یاشقه کیرکان همه بلانی مکتب کا برماک حکومت طرفیدین بیورولغان ایش دور. جرمانیادا یکرمه اوچ مدرسه جامعه بار دور.

## حکومت و شهرلار

جرمانیا مملکتی بر جمعههیر متفقه دور و اون سکر جمهوریت بیلان تمام بولادور. بو حکومت لار نینک هر بری نینک اوز نظام و رائس جمهوری بار دور. لیکن همه سی نینک توپه سیده تمام مملکت نینک بر رائس جمهوری بار و اوروش وقتیدا همه سی اتفاق برله اوز یورت لارینی ساقلارلار.

مذکور جمهوریت لار نینک ضرور راقی جرمانیانینک شمالی طرفداکی پروسیا

اوترا طرفدا کی ساخسین و جنوب طرفدا کی بایدرن وورتمبرک و بادن بولادور .

## پروسیا

پروسیا جرمانیانینک همه دین چونک حکومتی دور . خلقی ۳۸ میلیون .

شهرلار: برلین ( خلقی ۴ میلیونجه ) یورت نینک ایچیده بولوب پروسیانینک و هم بارچه جرمانیانینک پای تختی دور . اول شهر سوداسی و زاود لاری بیلان مشهور دور . اندا تولا چونک عمارت لار عجایب خانه لار و هم جرمانیانینک همه دین چونک مدرسه جامعه سی باردور . برلینکا یقین پوتسدام شهری بار اول چرایلیق اوردالاری و باغلاری بیلان تولا مشهور دور .

دراسدلاو ( خلقی یاریم میلیون دین زیاده ) اشله سیا ولایتیده اودر دریاسی نینک بوییدا کی سوداسی چونک و زاودلاری تولا بر شهر دور .

استنتین ( خلقی ۲۵۰ مینک ) اودر دریاسی نینک منصبیغه یقین لیمانی چونک و که چیلیکی ضرور بر شهر دور .

کودیکسبرک ( خلقی ۲۶۰ مینک ) مشرق پروسیا بالطیق تینکیزی نینک بوییدا کی اشلیق سوداسی بیلان مشهور شهر دور .

لوپک و کیدال دیکان بالطیق تینکیزی نینک بوییدا که چیلیکی تولا ایکی شهر دور . هاندووز ( خلقی ۴۰۰ مینک دین زیاده ) پورت ایچیده بار تمور یول لاری

و زاودلاری تولا بر شهر دور .

هامبورک ( خلقی بر میلیون دین تولا ) البه دریاسی نینک منصبیغه یقین دور . هامبورک اوزیکا خاص بر جمهوریت بولوب سوداسی و که چیلیکی نهایت ضرور بر شهر دور . جرمانیانینک باشقه مملکت لار بیلان قیلادوزغان سوداسیغه ضرور راق واسطه هامبورک بولادور .

برلین ( خلقی ۳۴۰ مینک ) وزر دریاسی نینک بوییدا کی که چیلیکی

و زاودلاری جهتیدین چونک شهر دور . برلین هم خاص بر جمهوریت بولادور .

ماکدیبورک ( خلقی ۳۰۰ مینک ) پروسیانینک جنوب طرفیده البه

دریاسی نینک بوییده دور . اول شهر چونک قند زاودلاری بیلان ضرور دور .

امسن ( خلقی ۴۶۵ مینک ) رهن دریاسی طرفیده دور . اندا هر قسم

تمور و قورچ نرسه‌لاری یاسایدورغان زاودلاری تولادور.

دویسسدورک (خلقی ۲۵۰ مینک) رهن دریاسیدا دور. اول شهرده عالم نینک همه‌دین چونک اقین دریا لیمانی باردور.

البرفلد-بارمن رهن دریاسی نینک مشرق طرفیده بولوب یاخته زاودلاری تولا بر شهر دور.

دوسلدورف (خلقی ۴۰۰ مینکدین تولا) رهن دریاسی نینک بویدا بار و زاودلاری تولا بر شهر دور.

قولونیا (خلقی ۷۲۰ مینک) رهن نینک بویدا دور. اول شهر نهایت چونک و چرایلیق بر کلیسای بیلان و اندا ایتادورغان قرال سوی دیکان عطرلار بیلان مشهور دور.

فردکفورتام مایین (۴۴۰ مینک) ماین دریاسی نینک بویدا بولوب سوداسی چونک بر شهر دور.

دورتمووند (خلقی ۳۰۰ مینک) رهن نی شمال تینکیزیکا قوشولادورغان بر قنال نینک بویدا دور.

## ساخسین

بو حکومت جرمانیانینک اوتراسیدا دور — شهرلار:

درسدن شهری البه دریاسی نینک بویدا دور (خلقی ۶۰۰ مینک) بو شهر ساخسین نینک پای تختی بولوب نقاشلیق هنری بیلان مشهور دور.

له‌ایپمسیک شهری (خلقی ۶۶۰ مینک) سوداسی و زاودلاری چونک و بازارلاری مشهور بر شهر دور. باسمه خانه‌لاری و کتاب سوداسی جهتیدین له‌ایسیک جرمانیانینک ضرور راق شهری دور. بر چونک مدرسه جامعه‌سی هم باردور.

چیمینیتس شهری (خلقی ۳۲۵ مینک) ماشینه و بوز زاودلاری چونک بر شهر دور.

## باییرن

باییرن حکومتی جرمانیانینک جنوب مشرقی طرفیده دور — شهرلار:

میونخین یاکه مونیچ شهری (خلقی ۶۸۰ مینک) باییرن نینک پای تختی



بولوب نقاشلیق هنری و عجایب خانه لاری مشهور بر شهر دور،  
 فیورنبروک (خلقی ۴۰۰ مینکچه) و اوکسمبروک شهرلاری سودا و  
 زاودلاری بیلان مشهور دورلار.

## وورمبرک

بو حکومت بایرن حکومتی نینک مغرب طرفیده دور — شهر:  
 اشنتوتکارت شهری (خلقی ۳۴۰ مینکچه) مملکت نینک پای تختی بولوب  
 باسمه خانه لاری و کتاب سوداسی چونک بر شهر دور.

## بادن

شهرلار: کارلسروهه شهری رهن دریاسی نینک مشرق طرفیده بولوب  
 بادن جمهوریتی نینک پای تختی دور. اینک شمال طرفیده هایدلمبرک دیکان شهر  
 باردور. اول شهر چرایلیق ایه چوره لاری بیلان و مدرسه جامعہ سی بیلان  
 مشهور دور.

مانچهایم شهری رهن دریاسی نینک بویدا دور اول زاود بیلان  
 سودا جهتیدین بادن نینک همه دین ضرور شهری دور.  
 مذکور شهرلاردین باشقه ینه چونک کچیک شهرلار جرمانیا مملکتیده  
 باردورلار.

## پولشه یا که لهستان جمهوریتی

(خلقی ۲۸ میلیون)

پولشه یا که لهستان و هم پولاند دیکان اقلیم بر داخلیه مملکت یعنی تینکیزدین نری  
 قوروق نینک ایچیداکی بر مملکت بولوب ویسیل دریاسی و اینک جلغه لاری سوغارغان  
 یریده دور. شمالیدا کچیک کنه بر یری بالطیق تینکیزیکا یتادور قالغانی نینک همه سی  
 قوروق نینک ایچیده دور. شمال طرفیده مشرق پروسیا بیلان لیتوانیا مشرق طرفیده  
 روسیه جنوب طرفیده رومانیا بیلان چه قواسلو و اقیبا و مغرب طرفیده جرمانیا  
 سرحدلاری دور.

پولشه نینک همه دین جنوب طرفیکا قازپات تاغلاری نینک بعضی سی

کیریب تورادور. شمال طرفیده بالطبق تاغلاری دورلار. مملکت نینک اوتراسی کنکرو و حصول لوق بر دره دور. مشرق طرفلاریده روکیتنغو دیکان چونک ساسلیقلار باردور.

پولشه نینک همه دین چونک دریاسی ویسیل دور اول قاریات تاغلاریدا پیدا بولوب شمال طرفیکا اقب بالطبق تینکیزیکا قویولادور. سان و بون دیکان دریالار ویسیلکا قوشولادور. نیه من دینیسستر وارته دیکان دریالار هم پولشه دین اوتوب تورادورلار.

یورت نینک اب و هواسی داخلیه یورت نینک کی دور یاز وقتی تولا ایسیق و قیش وقتی بک سوغاق دور. یاغین زیاده بولماسه هم زراعت کا یتکودیک بولادور. خلق نینک باشلیق کسبی دهقانچیلیق بیلان مال باقماغلیق دور. اشلیق کارتوشکا و شکر پادجاری (شکر قزلیچی سی) تولا تریلادور.

جنکلار هم تولادورلار. بولاردین تولا یفاچ کسلیب باشقه اقلیم لارغه اپاریلیب ساتیلادور. تاغلاردا کاندلار تولادور قاش کمور تمور رو قوز و یر یاغی تولا چقادور. زاورلاری هم تولادورلار بولاردا مخصوصاً تولا کزمال توقوب قند ایتادورلار.

پولشه نینک خلقی له یا که پولشی خلقی دور. اولار اسلاو نوعیدین بولوب قاتولیک منهبیده دورلار. بولاردین باشقه روتین خلقیدین تورت یاریم میلیون و هم جرمانی بیلان یهودیلاردین خیلی تولا خلقی بار دور.

### شهرلار

وارشاوا شهری (خلقی بر میلیون) ویسیل نینک بویدا دور. اول پولشه نینک یای تختی زاودلاری تولا و سوداسی چونک بر شهر دور. لودز و ارشاوا نینک جنوب مغرب طرفیده زاودلاری تولا بر شهر دور. خلقی ۴۰۰ مینک دور.

ویلنا شهری یورت نینک شمال طرفیده دور. پوسن قورن کونیکسهوته دیکان شهرلار مملکت نینک مغرب طرفیده دور. کونیکسهوته نینک آبه چوره سیده تولا کانلار باردورلار.

لمبورگ یورت نینک جنوب طرفیده کالیزیا ولایتیده یهودی تولا و سوداسی چونک بر شهر دور .

کراچوو دیکان ویسل دریاسی نینک یوقاری سیدا کهنه بر شهر دور . اول شهر کا یقین ویده لیچقما دیکان نهایت مشهور بولغان توز کاذی بار دور . توزنی یرنینک تکیدین کورلاب چیقارادورلار . یرنینک تکیده تمام بر شهر قیلیب دورلار .

یولشه ۱۲۵ یل روسیه جرمانیا و آوستریاغه تابع بولغاندین کین ینه اوز الیدیا بر حکومت بولوب دور . ادارهسی جمهوریه دور .

حاشیه — دانسیک دیکان ویسیل نینک منصبیغه یقین بر شهر دور . اول شهر اطرافی بیلان طوائف متفقه دیکان یر یوزیداکی تولاراق حکومتلار دین عبارت بولغان اتفاق نینک حمایتیده تورادورغان بر حکومت دور . دانسیک یولشه نینک بالطبق تینکیزیداکی اسکلهسی دور .

## اسویچره

(خلقی ۴ میلیون)

اسویچره اوترا آوروپانینک جنوب طرفیداکی بر داخلیه مملکت دور . شمال طرفیده جرمانیا مشرق طرفیده آوستریا جنوب طرفیده ایتالیا و مغرب طرفیده فرانسه یانداشلاری دور .

آوروپادا کورونوشی همه دین چرایلیق مملکتلاری نینک بری اسویچره دور مملکت نینک تولاسی الپ تاغلاری دین باسیلغان دور و شمال طرفیده اسویچره ایکیز توز یری دیکان یر بار دور . آلپلارده بر مونچه نهایت ایکیز تویه سیده همیشه موز قار تورادورغان تاغلار باردور . مشهورراق تاغلاری برفر الپلاری بیلان والیس الپلاری دورلار . برنر آلپلاریدا یونکفراو بیلان فیننسترا آرهورن والیس آلپلاریدا منتر هورن بیلان مونته روزا دیکان ایکیز چوقچهلار باردور همه دین ایکیز مونته روزا دور اینک ایکیزلیکی ۴۶۰۰ متره دور .

سان کوتهارد سیمپلون سان برنهارد و اسپلیکین دیکان دوانلار الپ تاغلاریدا بار دور . بولارنینک همه سیدین ایتالیاغه بارادورغان یوللار اوتادور . سیمپلون و سان کوتهداردا نور یوللار اوچون تاغنی تشیب سیمپلونا

اوزونلوقی ۲۰ کیلومتره و سان کوتهداردا ۱۵ کیلومتره لقمه قیلیب دورلار .  
اسویچره نینک مغرب بیلان مغرب شمالی طرفیده ژورا تاغلاری بار دور .

## دریالار و کوللار

اوترا آوروپانینک ایکی مشهور دریالاری یعنی رون بیلان رهن دریا لاری اسویچره تاغلاریدین کلادور . رون دریاسی سان کوتهدار طرفیداکی موز تاغلاریدا پیدا بولوب جنمیوه دیکان مشهور کولیدین اوتوب فرانسه طرفیکا اقادور رهن دریاسی هم مذکور تاغلاریدین کلیب بودن کولیدین اوتوب جرمانیاغه اقادور .

اسویچره دره لاریده و شمال طرفیداکی ایکیز توز یریده هوا معتدل و یرلاری حصول لوق دور ایکیز تاغلارینینک هواسی سوغاق دور . یاغین هر یرده تولادور . پستراک یرلاری دهقانچیلیق بیلان باغچیلدیققه ایکیزراک یرلاری مال باقماغلیققه تولا موافق کلادور .

**مکصولات و کسبلار .** پستراک یرلارده بغدادی و باشقه اشلیق بیلان اوزوم و هر خیل میوه تولا اوبدان بولادور . هر قایداغ بولسه چیققان اشلیق یورت خلقیغه یتیشمایدور لیکن باقادورغان ماللاری نهایت تولادور . مسکه و مخصوصاً پنذیر تولا ایتیب باشقه اقلیم لارغه هم ساتارلار .

اسویچره خلقی علم هنر توغراسیدین نهایت ایلکاری بر خلق دور . بعضی یرلارده ساعت تولا ایتادورلار . و زاودلار هم تولا دور . باشقه مملکت لاردین تولا خلق سیر تماشا اوچون اسویچره کا بارورلار اسویچرده اوچ طائفه خلق باردور . شمال طرفیده جرمانلار جنوب طرفیده ایتالیانلار و مغرب طرفیده فرانسزلار اولتورادورلار همه سی مسیحی و تولاسی پروتستانت مذهبیده و قالغانی قاتولیک مذهبیده دورلار . رسمی تبلی جرمانچه لیکن مغرب بیلان جنوب طرفلاریده فرانسز و ایتالیانچه زبان بیلان سوزلاشورلار .

## ناحیه و شهرلار

اسویچره یکره بش کچیکراک جمهوریت یا که ناحیه دین عبارت بولغان

بر جماهير متفقه دور. چونكراق ناحيه لار بزن كراوبوندن و واليس دور.  
 بزن شهرى (خلقى ۱۰۰ مينك) رهن درياسیغه قوشولادورغان ار  
 درياسى نينك بوييدا بولوب مملكت نينك پای تختى دور.  
 باسل شهرى (خلقى ۱۴۰ مينك) رهن درياسى نينك بوييدا و جرمانيا  
 نينك سرحدیدا دور و سودا جهتیدین مملكت نينك برنجى شهرى دور.  
 زوريج شهرى (خلقى ۲۲۰ مينك) زوريج كولى نينك بوييدا بولوب  
 زاودلارى توغراسیدین اسويچره نينك ضرورراق شهرى دور.  
 جنيدوه شهرى (خلقى ۱۴۰ مينك) جنيدوه كولى نينك مغرب طرفیده  
 دور. اول شهر ساعتچیلیقى و زرکچیلیكى بیلان مشهور دور. اندا هم طوائف  
 متفقه مجلسى نينك جاي دور.

## آوستریا جمهوریتی

(خلقى الله یاریم میلیون)

آوستریا بر داخلیه یورت دور هیچ یری بر تینکیزکا یتمايدور. شمال  
 طرفیده جرمانیا بیلان چه قواسلوواقیا مشرق طرفیده مجاریه جنویدا یوغوسلاویا  
 بیلان ایتالیا و مغریدا اسويچره سرحدلاری دور.  
 آوستریا تولا تاغلیق بر مملکت دور. مشرق الپ تاغلاری  
 یورت نينك تولاسى نى باسادور. لیکن وینا شهرى طرفلاریداکی یورت پستراک و  
 تولا حصول لوق دور.  
 دریالار بیلان کوللار. طونه درياسى مملکت نينك شمال  
 طرفلاریدین اقیب اوتادور. این دراوا بیلان مور دریالاری هم آوستریادین  
 اوتوب طونه کا قوشولادور. آلپلاردا برنجه چرایلیق و نهایت چوقور کوللار باردور.  
 اب و هوا. آوستریانینک آب و هواسى داخلیه یورت آب و هواسى  
 بولور. یازی تولا ایسیق و قیشی یمان سوغاق بولادور لیکن یاغین هر یرده  
 تولادور.

کسب لار. آوستریا تولا تاغلیق بولغان اوچون دهقانچیلیقى انچه  
 تولا قیلینمایدور لیکن دریا دره لاریده اوبدان بولادور. تاغلار نينك یایلاقلاری اوبدان  
 بولغانی اوچون مال باقماغلیق بیلان تولا خلق تیریکچیلیک قیلورلار. جنککللار

کنکرو و یغاچ تولا کسلیب زاودلاردا ایشلانور. گانچیمایق بیلان جیق خلق تیریکچیلیک قیلادور. تمور قاش کمور و قوز تولا چقادور. زاودلاری تولا دورلار هر قسم خریدلار اوی سرانجام و تولا باشقه نرسه لار ایتیلورلار.

### شهر لار

وینا ( خلقی ۲ میلیونه یقین ) طونه دریاسی نینک بویدا دور اول شهر آوستریانینک پای تختی دور و سودا بیلان زاودلاری تولا بر شهر دور. اندا هر خیل چالادورغان نغمه لار تولا ایتیلور. بر مشهور مدرسه جامعہ سی هم باردور. کراز شهری مور دریاسی نینک بویدا بولوب تمور زاودلاری بیلان مشهور دور.

سالزبورک سالزبورک دیکان ولایت داکي چرایلیغلیقی اوچون مشهور بر شهر دور.

ایندسبروک تیروول ولایتیده ایتالیایغه بارادورغان تمور یولی نینک تویه سیده دور.

آوستریا خلقی جرمان دورلار و ذیلی جرمانچه اولار مسیحی و مذهبی قاتولیک دور.


آوستریا بالدور بر ایمپراطورلوق ایردی. مجاریه و باشقه مملکت لار اول ایمپراطورلوق نینک ایچیده بار ایردی ایمدی بولار اوز الیددا پادشاه لیق قیلادور یا باشقه حکومت کا تابع بولوب دور لار و اصل آوستریا بر جماعه بر متنقده بولوب دور. سکز ولایتی بار و هر بر ولایت بر حکومت بولوب دور لیکن همه سی نینک تویه سیده وینا شهریده بر راس جمهور بار دور.

### لیشتنستاین


اسویچره بیلان آوستریانینک ارالیقیدا لیشتنستاین دیکان کچیک کنه بر مملکت بار دور. کچیک بولغانی برله بر مستقل حکومت دور. خلقی ۱۱ مینک.

### چه قواسلو واقیا جمهوریتی

( خلقی اون تورت یاریم میلیون )



وینا شهری ( صحیفه ۹۲ )



پاریس شهری (صحبہ ۹۷)



چه قواسلو و اقیما مملکتی بوهیمیا بیلان موراوویا تاغلیق لاری و قاریات تاغلاری نینک مغرب طرفلاری بیلان تمام بولادور. بو مملکت آوروپانینک اوتراسیدا بولوب بر داخلیه یورت دور. شمال طرفیده جرمانیا بیلان پولشه مشرقیدا پولشه جنوبیدا رومانیا مجاریه و آوستریا مغرب طرفیده آوستریا بیلان جرمانیا سرحدلاری دور.

بوهیمیا ولایتی ایکیز بولغانی بیلان اوزی ایکیزراک تاغلاردین قورشالغان بر توز یورت دور. جنوب مغربی طرفیده بوهیمروالد شمال مغربی طرفیده ارز کبیرکه بیلان ساخسیمین الپی شمال مشرقی طرفیده سونیت تاغلاری و جنوب مشرقیدا موراوویا ولایت نینک سرحدیدا موراوویا دوبه لاری بار دور. چه قواسلو و اقیانینک مشرق طرفلاریده قاریات نینک مغرب تاغلاری بار دور. اول طرفلاری اسلو و اقیما دیرلار.

کسب لاری. دهقانچیلدیق بیلان مال باقماغدیق چه قواسلو و اقیما خلقی نینک باشلیق کسبی دور. یری حصول لوق بولوب یورت خلقیغه کنکرو یتکودیک حصول برادور. تولا ارپا باشقه یورت لارغه هم ساتیلادور. شکر پاندهجاری تولا تریلور و قند زاودلاری تولا بولادور.

جنمکل لار مخصوصاً بوهیمیا سرحدیداکی تاغلیق لاردا تولا بولادور و یغاچلار تولا ساتیلادور.

کانچیلدیق تولا ضرور دور بوهیمیا بیلان موراوویادا تمور و قاش کهور کانلاری نورغون دور و اسلو و اقیادین التون هم تاییلور.

زاود ایشلاری نهایت کنکرو دور. کرمال و معدن نرسه لاری نهایت اوبدان شیشه و چینی تولا ایتیلادور.

باریش کلیش نینک آسانلیکیکا اوبدان دیول لار و تولا تمور دیول لاری و کمه مانکفودیک دریالار سبب بولورلار. مولداو بیلان آلبه دریالاری برله کمه لار شمال تینکیزیکا و طونه دریاسی برله قرا تینکیزکا بارادورلار.

خلق. چه قواسلو و اقیانینک خلقی چه قی و اسلو و اقی بولوب اسلاو نوعیدین دورلار. اولار نینک خاص بر تیلی باردور. اولار مسیحی و قاقولیک مذهبیده و اداره سی جمهوریده دور. جرمانیانینک سرحدلاریدا اوج یاریم میلیونجه جرمانلار بار دورلار.

## شهر لاس

پیراک شهری ( خلقی ۶۸۰ مینکچه ) بوهمیا ولایتیده مولداو دریاسی نینک بوییدا مملکت نینک پای تختی زاودلاری و سوداسی برله مشهور بر شهر دور . اندا بر چه قی و بر جرمان مدرسه جامعه بار دور .

برون ( خلقی ۲۲۰ مینکچه ) موراویا ولایتیده بولوب یونک زاودلاری بیلان مشهور بر شهر دور .

پرسبورک شهری اسلوواکیا ولایتیده طونه دریاسی نینک بوییداکی ضرور لیمانی بار بر شهر دور .

چه قواسلوواکیا بالدور آوستریا ایمپراطورلوقی نینک بر جزئی ایردی لیکن ایمدی اوز الیدیا حکومت قیلادورغان بر جمهوریت دور .

## مجاریه پادشاهلیقی

( خلقی ۸ میلیون )

مجاریه بر داخلیه مملکت دور . شمال طرفیده چه قواسلوواکیا برله مشرق طرفیده رومانی ( سیبنورکن ) برله جنوب طرفیده یوغوسلاویا برله و مغرب طرفیده آوستریا برله یانداشادور .

مجاریه نینک تولاسی توز و یست یر دور لیکن شمال مغربی طرفیده قاریات تاغلاری نینک ایتاک لاری بار دور .

طونه دریاسی مملکت دین اوتوب اقادور تیمسه دریاسی قاریات تاغلاریدین کلب جنوب طرفیکا اقب طونه غه قوشولادور .

کسب و محصولات . مجاریه نینک توزیرلاری حصول لوق و زراعت کا نولا موافق دور . اینک اوچون دهقانچیلیق بیلان مال باقماغلیق خلقی نینک باشلیق کسب لاری دور . تولاراق تریدورغان اشلیق بغدادی و قوناق دور بولاردین باشقه اقلیم لارغه جیق ساتیلادور . شکر پانجاری و قال هم تولا تریلادور .

مجاریه نینک یایلاقلاری کنکرو اوبدان دور . اول مملکت نینک اطلاری مشهور دور . کله قوی توخی و بولارغه اوخسه حیوانلار تولا باقیلادورلار .

جنکلار آز دورلار و زاودلار هم تولا ایماس لیکن کونچیلیق

تولا ضرور دور و قند زاودلاری بیلان تکورمن لار تولادور لار.  
 مجاریه نینک خلقی مغول جنسیدین بولوب مجار اتانور تیلی  
 مجار تیلی دور. بولاردین باشقه جرمان یهودی چنکانه دیکان خلق هم  
 باردور خلقی مسیحی و رسمی مذهبی قاتولیک لیکن پروتستانت هم بار  
 دور. مملکت نینک ادارهسی مشروطه پادشاه لیک دور.

### شهر لار

بوداپسته ( خلقی بر میلیونچه ) طونه دریاسی نینک ایکی طرفیکا سالینغان  
 بر شهر و مجاریه نینک پای تختی دور اول شهر نینک سوداسی و زاودچیلیقی چونک  
 دور آوروپانینک همه دین چونک تکورمن لاری بوداپسته ده دورلار اندا هم مشهور  
 بر مدرسه جامعه بار دور.  
 سه کد ( خلقی ۱۲۰ مینک ) تیسه دریاسی نینک بویدا بولوب اشلیق و  
 تیریک مال سوداسی برله مشهور بر شهر دور.

### سینبورکن ولایتی

( خلقی ۵ میلیونچه )

سینبورکن ولایتی مجاریه نینک جنوب مغربی طرفیده دور بالدور مجاریه کا  
 تابع ایردی. اوترا آوروپادا بولغانی بیلان حاضر رومانیاغه تابع دور. اول بر  
 ایکیز تاغلیق یورت دور. جنوب طرفیده ترسیلوانیا تاغلاری دور لار.  
 خلقی نینک تولاسی رومانیلاردورلار اولار مسیحی و اورتودوکس  
 مذهپیده دورلار. مجار جرمان و چنکانه خلق هم بار دور. باشلیق  
 کسبلاری دهقانچیلیق بیلان مال باقماغلیق دور اوبدان جنکل  
 لار تولا و قیمت بها کاندلار و توز کنکرو دور.  
 قرونستات شهری چرایلیق ایه چوره لاری اوچون مشهور دور.

### فرانسه جمهوریتی

( خلقی ۴۰ میلیونچه )

فرانسه مملکتی اوترا آوروپانینک مغرب طرفیده دور. شمال طرفیده


مانیش تینکیزی یا که انکلینز قنالی بیلان قاله یا که دوور بوغازی و بلجیقا مملکتی مشرق طرفیده جرمانیا بیلان اسویجره مملکتلاری جنوب طرفیده آق تینکیز بیلان اسپانیا مملکتی و مغرب طرفیده بسقایه یا که کاسقونیا کورفرزی سرحدلاری دور.

آق تینکیداکی قورسیقا جزیره سی هم فرانسه کا تابع دور. بو مملکت نینک شمال بیلان مغرب طرفلاری توز دور. و مشرق بیلان جنوب طرفلاری تاغلیق دور. مشهور تاغلاری جرمانیا سرحدیداکی ووژ اسویجره سرحدیداکی ژورا ایتالیا سرحدیداکی آلپ و اسپانیا سرحدیداکی پیرنه تاغلاری دور. بولار نینک ایکیزراکی آلپ تاغلاری دور و شولار نینک ایکیزراک چوقچه لاری مونک سونی بیلان مونک بلانک دورلار. مونک بلانک آروپا نینک همه دین ایکیز تاغی دور ایکیزلیکی ۴۸۰۰ متره. مونک سونی ده ایتالیاغه بارادورغان تمور یولی اوچون تاغنی تشیب مونک سونی لقمه سی دیکان لقمه فی قیلیب دورلار.


### دریالار

سن دریاسی مانیش تینکیدا قویولادور. بو دریانینک تولاسی آهسته اقیب که مانگودیک دور. مارنه دریاسی سن دریاسیغه قوشولادور. لووار دریاسی فرانسه نینک همه دین اوزون دریاسی بولوب سیوه ن تاغلاریدین کلب شمال مغرب طرفیکا اقیب بسقایه کورفرزیکا قویولادور. الیر بیلان سن دریالاری لوآرغه قوشولادور. کارون دریاسی پیره نه تاغلاریدا پیدا بولون بسقایه کورفرزیکا قویولادور دورونتی دریاسی کارونغه قوشولادور. رون دریاسی آق تینکیدا قویولادور منبعی اسویجره ده دور. سن دریاسی رونغه قوشولادور.

فرانسه نینک آب و هواسی معتدل دور. مخصوصاً آق تینکیدا بویدا هوا نهایت یخشی و آدمغه خوش یا قودیک دور. جنکلالار آز دور. یانکغاق درختی و تنال تولا یرلارده اوبدان بولادور. و جنوب طرفلاریده خرما بیلان زیتون درختلاری هم بار دور. چونکراق یاوا حیوانلار آز دورلار. کسبلار. فرانسه خلقی نینک تنکی دهقانچیلدیق و باغچیلدیق بیلان مشغول دور. یری نهایت بولاق دور و انکا اوبدان ایشلاب تولا بغدای تریدورلار. میوه مخصوصاً اوزوم هم نهایت تولا بولادور.



باقوداکی بر یر یاغی بولاقی ( صحیفه ۵۲ )



آورویالیق آدم



فرانسز صحرایق خاتون ( صحیفه ۹۷ )

تولا خلق مال باقماغدلىق بيلان تيرىكچىلىك قىلورلار. جنوب طرفلارده  
 پىله باقماغدلىق ضرور بر تجارت دور. تىنكىز بويلاريدا تولا خلق  
 بىلىقچىلىق بيلان تيرىكچىلىك قىلورلار.  
 تولا خلق هم كانچىلىق و زاود ايشلارنى برله تيرىكچىلىك  
 قىلادورلار. تمور كانى تولا تاش كمور هم بار دور. فرانسه نىك زاودلاريدا  
 ياسىلادورغان نرسه لار يىشلىق بيلان مشهور دور. مملكت نىك سوداسى تولا  
 اوتكون دور. اوج طرفيده تىنكىز و مملكت نىك ايچيده دريالار قىلار و  
 تمور يوللارنى تولا بولغاچ سودا معامله سى آسان بولادور.  
 فرانسه خلقى نىك تولا سى لاتىن نوعدىدىن و فرانسى قومى  
 بولادور. شمال طرفيده فرانسه نىك قديمى خلقى يعنى كىلت دىن و هم فلمنىك  
 خلقىدىن مشرق طرفيده جىمانلار و قورسىقادا ايتتالىق لار هم بار دور  
 لار. رسمى دىنى مسىحىلىق و مذهبى فادولىك دور.

### مشهور شهىرلار

پارىس (خلقى ۴ مىليوندىن تولا) سن درياسى نىك بويىدا بولوب  
 فرانسه نىك پاى تىختى و ير يوزىداكى همەدىن چوئك شهىرلارنىك برى دور. مدرسه  
 جامعه لارى عجائب خانه لارى زاودلارى و عمارت لارى بيلان مشهور دور. مشهور راق  
 عمارت لارى نو تىردام كلېمىسالى بيلان ايفىل بورجى دور. ايفىل بورجى  
 ير يوزىداكى همەدىن ايكىز عمارت بولادور ايكىزلىكى ۳۰۰ متره (بر مىنىك  
 چيزه كا يقىن) دور.  
 لىبونك شهىرى (خلقى يارىم مىليوندىن زياده) مملكت نىك مشرق  
 طرفيده رون درياسى نىك بويىدا بولوب دوخابه مۇمل و ماشوت زاودلارى بيلان  
 مشهور دور.  
 مارسى شهىرى (خلقى ۶۰۰ مىنىك) آق تىنكىز نىك بويىدا دور. شو  
 شهىر باشقه اقليم لار برله قىلادورغان سودا توغراسىدىن فرانسه نىك برنجى شهىرى  
 دور. مارسى كا يقىن طولون دىكان بر محكم قلعه سى و حرب لىمانى بار بر  
 شهىر بار دور.  
 بورىو شهىرى (خلقى ۳۵۰ مىنىك) كارون درياسى نىك منصبغه يقىن

تال ليق باغلاری و بوردو دیکان شرآبی بیلان مشهور بر شهر دور .

لهاور شهری سن دریاسی نینک منصبیدا بولوب سودا و که چیلیکی

برله مشهور بر شهر دور .

مذکور شهرلاردین باشقه فرانسه نینک تولا چونک کچیک شهرلاری باردور .

فرانسه نینک اداره سی جمهوریة دور و رائس جمهوری یته یل

منصب توتوب یوتکالادور .

## فرانسه مستملکاتی

باشقه قطعه لاردا فرانسه کا تابع و اینک حمایتیده تورادورغان مستملکاتی

و مملکت لاری بار دور . بولار نینک جمیع خلقی ۶۰ میلیون دور . ضرور راق

مستملکاتی شمالی آفریقاداکی الژیر ( جزایر ) بیلان توفدیس مملکت لاری دور .

حاشیه . مشرق جنوبی فرانسه ده صوناقو دیکان کچیک مستقل بر

امیرلیک باردور . شو مملکت نینک خلقی ۲۵ مینک دور .

## جنوبی آروپا

جنوبی آروپا اوچ چونک یاریم جزیره بیلان تمام بولادور . مشرق

طرفیداکی یاریم جزیره بالقان سلسله جبالی دین بالقان اتانور . اوتراداکی یاریم

جزیره آیه نین سلسله جبالی دین ایه زمین یا که ایتالییا یاریم جزیره سی اتانور .

مغرب طرفیداکی یاریم جزیره پیره نه سلسله جبالی دین پیره ده یاریم جزیره سی

اتانور . بو یاریم جزیره لاری نینک مغرب و جنوب طرفلاری بحر محیط اطلاسی و

آق تینکیز بیلان اینک کورفلاریدین احاطه قیلینور .

جنوبی آروپا تولا تاغلیق دور . یانار تاغلاری هم باردور .

اب و هواسی معتدل بلکه یاز وقتیدا ایسیق بولادور . یاز وقتیدا یامغور

نهایت آز لیکن قیش وقتیدا یاغین تولا بولادور . ایکیز تاغلاردین باشقه یرلارده قار

انچه یاغمایدور .

جنوبی آروپا نینک درخت کیاهلاری آروپا نینک باشقه یرلاریداکی

دیک ایماس تولاراق درختی یاپر ماغلیق دور مثلاً یانکغاق و کستانده

دیکان درختلار . تمام یل کوک تورادورغان درختلار هم باردور مثلاً زیتون



دڤنه و مرسین یا که اسن دیکان درختلار سلموی (سرو) و خرما و صنوبر دیکان درختلار هم باردور. میوه لیک درختلاردین قبال شفتالو بادام انجیر پورتقال و لیمون دیکان درختلاردین باردور. بعضی یرلارده اوجده تولا بولدور و پده قورت تولا باقیلادور. اشلیقیدین تولاراق بغدادی بیلان قوناق تریدورلار.

## بالقان یاریم جزیره سی

بو یاریم جزیره نینک شمال طرفلاری مجاریه نینک سهلی سینیبورکن تاغلاری و اسلاو سهلیکا (توز یریکا) یتادور. مشرق طرفیده قرا تینکیز بوسپور بوغازی مرمره تینکیزی داردانیل بوغازی و آطه لار تینکیزی جنوب طرفیده آق تینکیز و مغرب طرفیده یونان تینکیزی اوترانت بوغازی بیلان آدریاتیق تینکیزی سرحدلاری دور.

بالقان یاریم جزیره سی نینک تینکیز طرفلاریداکی چتلاری تولا بولونک و پوچقاغلیق بولغان اوچون کچیک کچیک یاریم جزیره لاری و کورفزلاری تولا دور. بو یاریم جزیره لاری نینک چونکراقی جنوب طرفیداکی موره دیکان یاریم جزیره بولدور.

بالقانه تعلق جزیره لار نهایت تولادور آطه لار تینکیزی یعنی جزیره لار نینک تینکیزی دیکان تینکیزده جنوبی بیلان شمال اسپوراد جزیره لاری کیقلان جزیره لاری و اودییه یا که اغریبوز جزیره سی بار دور. آق تینکیزده کیرید (قندیه) دیکان چونک جزیره بار یونانی تینکیزیده یونان جزیره لاری و آدریاتیق تینکیزیده دالماتییا جزیره لاری باردور لار. همه جزیره لار تولا تاغلیق دورلار و اولاردا و هم بالقان یاریم جزیره سی نینک اوزیده قاتیق زلزله لار پات پات واقع بولدور.

بالقان نینک شمال طرفیده افلاق یا که ولایقه دیکان کنکرو توز یر بار دور اول یردین حوضه دریاسی اقیب اوتادور. بالقان نینک قالغان تولاراق یرلاری نهایت تاغلیق دور. مشرق طرفیده بالقان تاغلاری نینک سلسله سی و اینک جنوب طرفیده دسپوتو تاغ سلسله سی بار دور. مغرب طرفیده شمار تاغلاری بیلان قرا تاغلار دور. بولار نینک جنوب طرفیده پندوس یا که هله نینک

تاغلاری بار دور. پندوس نینک مشرق طرفیده اولیمپوس دیکان مشهور تاغ بار دور. اینک ایکیزلیکی ۳۰۰۰ متره دور. جنوبراق طرفیده پارناسوس دیکان ایکیز و مشهور چوقچه بار دور.

بالقان یاریم جزیره سی نینک چونکراق دریاسی طونه دریاسی دور. جنوب طرفیدین صاوا بیلان موروا دریالاری و شمال طرفیدین سهرت بیلان پروت دریالاری طونه قوشولادور. طونه دریاسی نینک منصیدا ساسلیق بر دلتاسی بار. بالقان نینک قالغان دریالاری کچیکراک دورلار.

بالقان تاغلاری نینک شمال طرفیده هوا قیش وقتیدا سوغاق لیکن یازدا تولا ایسیق بولادور. جنوب طرفلاری نینک و جزیره لار نینک هواسی ایسیق اما نهایت یخشی دور.

## درخت گیاه و حیوانلار

بالقان یاریم جزیره سیده جنکلار تولادورلار. ایکیز تاغلاردا قراغایلیق جنکلار بار یستراک یرلارده هر قسم یاپیرماغلیق درخت لار مثلاً یانکغاق کستانده بلوط و کورکن دیکان درختلار تولا دور. دریالار نینک بویلاریدا تولا یاوا کل دهنه سی یعنی سوکت کل بار دور. یاوا حیوانلار دین چقال و یاقاچناق هم بار دور. طونه دریاسی نینک بویلاریدا سقا قوسی لکلک و بولارغه اوخشاش جانور تولادور.

## محصولات و کسبلار

بالقان یاریم جزیره سیده دهقانچیلیق ضرور بر کسبلار. افلاق ولایتیده نهایت تولا بغدادی و قوناق تریدورلار. تال هر یرده اوبدان بولادور و مخصوصاً یونانستاندا تولا کیشمهیش طیار قیلینیب ساتیلادور. بعضی یرلارده غینمالو تولا و باشقه یرلارده تماکو تولا تریلور. بالقان تاغلاری نینک جنوب طرفیده تولا عطره کل تریب کل لاریدین کل یاشی چقارورلار. مال باقماغلیق هم باشلیق کسب بولادور. افلاق میدانیدا تولا کله و تاغلاردا تولا قوی و اچکو باقادرلار. تینکیزلارده تولا خلق بلیقچیلیق قیلیب تریکچیلیک قیلورلار.

كاندلاز تولا بار بولغانى برله كانچىمىلىقى و زاودلار آز دورلار ليكن  
زىلچە ماشوت و شولارغه اوخشاش نرسەلار تولا توقولور.  
سودا تىجارىتى تولا ضرور دور و تولاراق يونانيلارنىنك قوليدا دور.

## خلق لار

بالقاندا تولا باشقە باشقە قوملاردىن خلق لار بار دورلار. ضرور راقى  
مولداوان افلاق صرب بلغار قىزوات اسلووۋەن بوشنىق يوفانى  
ارناون و تىركلار دورلار. بعضى يرلارده بر مونچە يېھون يىلار ارمنىيلار  
چىنكازلار و قاتارلار هم بار دورلار.

. بالقان يارىم جزيره سى نىنك همەسى اوتىكان زماندا بر وقت تىركىه كا تابع  
ايردى ليكن ايمدى اندا الله حكومت بار دور يعنى :

۱ رومانىا پادشاهلىقى

۲ بلغارىا پادشاهلىقى

۳ يوغوسلاويا پادشاهلىقى

۴ آلبانىا جمهورىتى

۵ يونانستان پادشاهلىقى

۶ تىركىه جمهورىتى

دالماتىا ولايتى نىنك شمال طرفى ايتالياغه تابع دور .

## رومانىا پادشاهلىقى

( خلقى ۱۷ يارىم مىليونچە )

رومانىا مملكتى نىنك جنوب طرفى بالقان يارىم جزيره سىده و شمال  
طرفى اوترا آوروپادا دور. شمال طرفيده چه قواسلوواقيا بيلان پولشه مشرق  
طرفيده اوروستان بيلان قراتىنكىز جنوب طرفيده بلغارىا بيلان يوغوسلاويا و  
مغرب طرفيده يوغوسلاويا بيلان مجارىه سرحدلارى دور .

رومانىانىنك مشرق بيلان جنوب طرفلارى توز و پست دور. مغرب  
طرفلارده سىبىنبوركن يا كه ترانسىلوانىا تاغلارى و شمال طرفيده قارپات  
نىنك جنوب تاغلارى دورلار .

بالدور آوستريا مجاریه کا تابع بولغان سیمبئورکن ولایتی و روسیه کا تابع بولغان بیسارابیہ ولایتی حاضر رومانیاغہ قوشولوب دور .

رومانیانینک تولاراق خلقی رومانیا لیک اتانیب مولداوان بیلان افلاق نوعیغہ بولونادور. جرمانلار مکاریلار چنکانلار و یهودیلار هم بار دور. رسمی دینی مسیحیلیق و اورتونوقس منہبی دور. ارارہسی مشروطہ دور. باشلیق کسبی دهقانچیلیق دور و تولا اشلیق باشقہ مملکت لارکا ساتیلور .

بوکارست یا کہ بوچارست شهری مملکت نینک پای تختی دور خلقی نینک عددی ۷۵۰ مینک دور. اول شہردین باشقہ باشقہ طرفلارکا تمور یوللار بارادور .

## بلغاریا پادشاهلیق

( خلقی ۵ یاریم میلیون )

بو مملکت نینک شمال طرفیدہ رومانیا مشرق طرفیدہ قرا تینکیز جنوب طرفیدہ ترکیہ بیلان یونانستان و مغرب طرفیدا یوغوسلاویا دورلار . خلقی اسلاو نوعیدین بولوب بلغار اتانور. اولار نینک تولاسی مسیحی و اورتونوقس منہبیدہ دورلار. بر مونچہ ترکلار هم باردور اولار مسلمان دورلار. بلغارلار نینک باشلیق کسبی دهقانچیلیق دور اولار چاققان و ایشدین زیریکمایدورغان بر قوم دور. بلغاریانینک ارارہسی مشروطہ دور .

## شہرلار

بلغاریا ایکی چونک جز کا یعنی بلغاریا و شرقی رومیلیکا بولونادور بلغاریا بالقان تاغلاری نینک شمال طرفیدہ و شرقی رومیلی مذکور تاغلار نینک جنوب طرفیدہ دور .

صوفیہ شهری ( خلقی ۱۵۵ مینک ) بالقان تاغلاری نینک جنوب طرفیدہ و مملکت نینک پای تختی دور. اول شہردین استانبولغہ و ویناغہ تمور یوللار بارادور .

فیلدپوپول شهری مملکت نینک ایچیده و وارذا شهری قرا تینکیز

نینک بوییدا دور .

## یوغوسلاویا پادشاهلیقی

خلقی ۱۲ یاریم میلیون

یوغوسلاویانینک شمال طرفیده آوستریا بیلان مجاریه مشرق طرفیده رومانیا  
بیلان بلغاریا جنوییدا یونانستان بیلان البانیا و مغرییدا آدریاتیق تینکیزی و ایتالیا  
سرحدلاری دور .

بو مملکت بالدورقی صربییه و قرا تاغ پادشاهلیقلاری و آوستریاغه تابع  
بولغان بوسنییه هرسنک قرا این قرواتییا و ینه برنچه ولایتلاردین عبارت بولغان  
بر پادشاهلیق دور . ادارهسی مشروطه دور .

مملکت نینک تولاراق خلقی صرب اسلووهن و قرووات دورلار بولار نینک  
همهسی اسلاو ذوعیدین دور و بر تیل بیلان سوزلا شورلار جرمانلار مجاریلار  
رومانیلار و بلغارلار هم بار دور . رسمی دینی مسیحی بولاراق خلقی  
اورتودوکس مذهبییه لیکن تولا قاتولیک هم باردور . بوسنییه ولایتیده مسلمانلار  
هم باردورلار .

خلق نینک تولاسی دهقانچیلدیق و مال باغلیدیق بیلان  
تیریکچیلیک قیلورلار .

## شهرلار

بلگراد شهری (خلقی ۱۲۰ مینک) طونه بیلان صاوا دریالاری قوشو  
لادورغان یریده بولوب مملکت نینک پای تختی دور . موندا محکم بر قلعه بار دور .  
استانبول سلانیک و ویناغه تمور یوللار بار دورلار . مغرب جنوبی طرفیده قرا تاغ نینک  
پای تختی چتیمنییه دور .

اکرام شهری (خلقی ۱۱۰ مینک) صاوا دریاسیغه یقین قرواتییا ولایتیده دور .  
حاشیه . آدریاتیق تینکیزی نینک بوییدا و یوغوسلاویا بیلان ایتالیانینک سر  
حدیدا فیومە دیکان کچیک کنه بر جمهوریت بار دور . خلقی ۶۵ مینک دور .

## آلبانیا (ارناود) مملکتی

( خلقی ۸۵۰ مینک )

البانیا بر وقت ترکیه کا تابع بر ولایت ایردی کین اوز الیدیا حکومت قیلادورغان بر امیرلیک بولدی و ایمدی جمهوریت دور. شمال بیلان مشرق طرفیده یوغوسلاویا جنویدیا یونانستان و مغربیدا آدریاتیق تینکیزی دور.

خلقی بالقان یاریم جزیره سی نینک اصل خلقی نینک اولادی بولغان ارناود دیکان خلق دور. اولار نینک بعضی سی مسلمان و قالغان مسیحکی دورلار.

چونک شهری شفقوره شهری دور. خلقی ۲۲ مینک دور.

## یونانستان پادشاهلیقی

( خلقی ۶ میلیون )

یونانستان بالقان یاریم جزیره سی نینک جنوب طرفیده دور. جنوب و مغرب طرفلاری نینک بولونک پوچاققلاری تولا بولغان اوچون کورفلاری یاریم جزیره بیلان جزیره لاری تولا دورلار. یاریم جزیره لاری نینک همه دیس چونکی جنوب طرفیداکی مورده یاریم جزیره سی دور اینک جنوبی بورنی ماتابان بورنی اتانور. آطه لار تینکیزیده اسپوران و کیقلاد طاقیم جزیره لاری اغریبوز جزیره سی آق تینکیزیده کریک جزیره سی و یونان تینکیزیده گافالونیدینا زانطه و قورفو جزیره لاری مشهور دورلار. مشهور راق کورفلاریدین سالانیک کورفلاری اکینه کورفلاری و قورینت کورفلاری دور.

یونانستان نینک خلقی یونانی یا که کریک آتانور اولار اوزلاریکا خاص بر تیلی بیلان سوزلا شورلار. همه سی مسیحکی و اورتونوقمس. مذهبیده دورلار. اداره سی مشروطه دور.

یونانستان ارسطاطالیس سقراط و افلاطون و شولارغه اوخشاش قدیمی مشهور حکمالار نینک وطنی و کهنه مدنیت نینک مرکزی بولغان اوچون تولا مشهور بر مملکت دور. اسکندر ذوالقرنین یا که اسکندر رومی دیکان پادشاه هم شو یورت نینک مکدونه دیکان ولایتیدین ایردی. حاضر قی یونانیلار علم هنر جهتیدین قدیمی قی لاردیک

ایماس لیکن سوداگرچیلیقته و کمه چیلیککا اوستا ایکانی اوچون هر یرده مشهور دورلار .  
دهقماذ چیلدیق کمه چیلدیق و سوداگرچیلدیق اولار نینک باشلیق کسبلاری دور .

## شهرلار

اتنه شهری ( خلقی ۳۰۰ مینکجه ) مملکت نینک پای تختی بولوب اکینه  
کورفزیکا یقین دور بو شهر قدیم زماندا علم و هنر نینک مرکزی ایردی . موندا  
کهنه زماندین قالغان عمارتلاری و هنر نمونه لاری تولا دور ضرور راقی پارتله ذنون  
دیگان بیت دور . اکینه کورفزی نینک بویداکی پیتر پیوس دیگان شهر آتنه نینک اسکله  
سی دور شونینکغه آتنه دین تمور یول بار دور .

سلانیک ( خلقی ۱۷۰ مینک ) مکدونه ولایتیده و سلانیک کورفزی نینک  
بویداکی کمه چیلیکی و سوداسی ضرور بر شهر دور .

پاتراس دیگان سوداسی بیلان مشهور بر شهر مورده یاریم جزیره سی  
نینک شمال طرفیده دور . مورده قورینت و اسپارط دیگان قدیم وقتدا  
مشهور بولغان ایکی شهر بار دور . حاضر بولار اعتباری یوق کچیک شهرلار دورلار .  
هم موپولیس شهری سیرا دیگان جزیره دور . اندا تولا ضرور بر  
لیمان بار دور .

## ترکیه جمهوریتی

( خلقی بر یاریم میلیونجه )

بالقان یاریم جزیره سیداکی ترکیه حکومتیکا تابع یرلارنی عثمانلی آوروپاسی  
هم دیرلار . مونینک شمال طرفیده بلغاریا مشرقیدا قرا تینکیز جنوبیدا بوسیور  
بوغازی مرمره تینکیزی و داردانیل بوغازی و مغربیدا یونانستان سرحدلاری دور .  
ترکیه نینک تولاراق خلقی مغول جنسی نینک طوران نوعیدین بولوب  
عثمانلی ترک نینک قومیدین دورلار . بولار تخمیناً اته یوز یل ایلکاری آسیا  
دین اندا کوچوب بارغان دورلار . یونانلیلار و ارمنیلار هم بار دور . ترک لار  
مسلمان و قالغان لار مسیحکی دورلار .

## شهرلار

بالقان یاریم جزیره سی نینک همه سی بر وقت ترکیه کا تابع ایردی لیکن ایمدی آوروپادا ترکیه تابع لاری آز قالغان دور.

استانبول (خلقی بر میلیونجه) بوسپور بوغازی نینک بویداکا اطرافی نینک چرایلیغلیقی توغراسیدین مشهور بر شهر دور. اول شهر جنوبی آروپا نینک همه دین چونک شهری دور. اوزون وقت ترکیه نینک پای تختی ایردی. سلطانلار نینک چرایلیق اوردالاری اندا بار دور. استانبول قدیم زماندا بر وقت روم حکومتی نینک پای تختی ایردی اینک اوچون بعضی خلق انی روم دیرلار. آروپالیقلار نینک تیل لاریده شهر قونستانتین قیصر نینک اسمی بیلان قونستانتین چو پول دیلمور.


ادرنه (آدریانوپول) شهری صریح دریاسی نینک بویدا دور. بو شهر نینک زاودلاری تولا و سوداسی چونک دور. ترکیه نینک چونکراق تابعی حاضر آسیاداکا اناطولی یاریم جزیره سی دور. حاضر قی پای تختی هم اناطولیداکا انقره شهری دور. مملکت نینک اداره سی جمهوریه دور.

## آپه نین یا که ایتالیا یاریم جزیره سی


بو یاریم جزیره جنوبی آروپا نینک اوترانجی یاریم جزیره سی دور. شمال طرفیده آلپ تاغلاری مشرق طرفیده آدریاتیق تینکیزی جنوب طرفیده یونان تینکیزی و مغرب طرفیده تیره نین تینکیزی بیلان لیکور تینکیز و جینوه کورفری سرحد لاری دور. آپه نین یاریم جزیره سی نینک مغرب طرفیده تیره نین تینکیزی نینک اول بر طرفیده سیجیلیه و ساردینییه دیکان ایکی چونک جزیره بار دور. ساردینییه نینک شمال طرفیده فرانسه کا تابع بولغان قورسیقا جزیره سی و سیجیلیه نینک جنوب طرفیده انکلیز کا تابع بولغان مالتا جزیره لاری باردورلار.

بو یاریم جزیره نینک تولاراق یری تاغلیق دور. شمالیدین جنوب طرفیچه آپه نین تاغلاری اوزالغان دورلار ایکیزراک چوقچه لاری آبروزه ولایتیده دور. یانار تاغلار هم باردور. وه زوو یانار تاغی ناپولی شهریکا یقین دور. اتنا یانار تاغی سیجیلیه جزیره سیده دور اینک ایکیزلیکی ۳۳۰۰ متره دور. لیاری جزیره لاریده





101 (1) (2) (3) (4) (5) (6) (7) (8) (9) (10) (11) (12) (13) (14) (15) (16) (17) (18) (19) (20) (21) (22) (23) (24) (25) (26) (27) (28) (29) (30) (31) (32) (33) (34) (35) (36) (37) (38) (39) (40) (41) (42) (43) (44) (45) (46) (47) (48) (49) (50) (51) (52) (53) (54) (55) (56) (57) (58) (59) (60) (61) (62) (63) (64) (65) (66) (67) (68) (69) (70) (71) (72) (73) (74) (75) (76) (77) (78) (79) (80) (81) (82) (83) (84) (85) (86) (87) (88) (89) (90) (91) (92) (93) (94) (95) (96) (97) (98) (99) (100)



استانبول (صفحه ۱۰۶)

استرامبولی دیکن یانار تاغی باردور. آبه نین یاریم جزیره سیده و چوره سیداک  
جزیره لارده زلزله لار پات پات واقع بولادور.

ایتالیا یاریم جزیره سینک توز یرلاری هم بار ایکن. شمال طرفیده  
پو دریاسی آلپ تاغلاریدین کلیب آدریاتیق تینکیزیکا قویولادور ادیج دریاسی  
پو دریاسی نینک شمال طرفیده دور.

ارزو و تیمبر دریالاری اول یاریم جزیره نینک مغرب طرفیده دورلار.  
بو دریالار و اولار نینک جلغه لاری سوغارادورغان یرلاری توز و  
حصول لوق دور مخصوصاً پو توز یرری نهایت حصول لوق و آباد دور.

## آب و هواسی

پو دریاسی سوغارادورغان یرلاری نینک هواسی یاز وقتیدا تولا ایسیق  
و قیشدا خیلی سوغاق بولادور. آدریاتیق تینکیزی نینک شمال طرفلاری بعضی قیشلاردا  
موز توتادور آبه نین جزیره سینک جنوبراق طرفلاری نینک هواسی قیشدا سوغاق  
بولمایدور. ایکیز تاغلاردین باشقه یرلارده قار گاه گاه یاغادور لیکن قیش وقتیدا  
یامغور تولاراق یاغادور یاز وقتیدا هوا اوچوق و قوروق دور.

چونک کنکرو جنککل لار یوق دور لیکن یاپرماغلیق درختلاردین و  
هم قراغیغه اوخشه درختلاردین بعضی یرلارده تولا بار دور. همیشه کوک  
تورادورغان مرسیمین زیتون دفته و باشقه درختلار بار دور و هم سلوی  
صنوبر و خرمما درختلار کسندانه درختدین هر یرده تولا باردور اینک  
میوه سی فی تولا خلق پوچولاب نان اورنیغه یدورلار.

## کسب و محصولات

دهقانچیلیق باغچیلیق و مال باقماغلیق خلق نینک  
باشلیق کسلاری دور. بغدادی قوناق و شمال تولا تریلور جنوب طرفلارده  
ایسیق یورتلار نینک میوه لاری مثلاً پورتقال لیمون و هم بادام انجیر  
و باشقه لار نهایت اوبدان بولادور. شمال طرفیده تولا کله و قالغان یرلارده  
قوی اچکو تولا باقارلار. اوجمه درختی ایتالیدا اوبدان بولغانی اوچون  
یلده باقماق اندا تولا قیلینادورغان تجارت دور.

گاذیچیلیمیق آنچه ضرور ایماس لیکن البه دیکان جزیره دین تمور و سیجیلیه دین کوکور و قارارا دیکان جای دین مهر مهر (رخام) چیقادور . ایتالادا تاش کمور تولا بولماغان اوچون زاون ایشلاری تولا ضرور بولمایدور لیکن هر قایداغ بولسه بعضی نرسه لاردین مثلاً ماشوت و شیشنه دین تولا یاسیلادور .

ایتالیا یاریم جزیره سی آق تیمکیزینک اوتراسیدا بولغان اوچون سونا قاجارقی آسان بولادور . یورت ایچیداکی باریش کلیش معامله سی نینک آسانلیکیکا تمور یول لار سبب بولادور . مونک سونی سان کوتچار و سیمپلون دیکان لقمه لاری دین و نرسه دین دیکان دواندین تمور یول لار آلپ تاغلاری دین اوترا آورو یاغه اوتادور لار . آه نین یاریم جزیره سیده چونک بر حکومت یعنی ایتالیا حکومتی باردور .

## ایتالیا پادشاهلیقی

( خلقی ۴۰ میلیون )

بو مملکت ایه نین یاریم جزیره سی آلپ تاغلاری نینک جنوب طرفلاری ایستریا ولایتی و ساردینه بیان سیجیلیه جزیره لاری دین عبارت بولادور .

ایتالیانینک خلقی لاتین نوعیدین بولوب ایتالیا ان اتانورلار . اولار مسیحی بولوب قاتولیک مذهبه دورلار . قیللی لاتین تیلیغه اوخشاش بولوب ایتالیا نچچ ایتیلور .

## شهرلار

ایتالیانینک بر موچه مشهور شهرلاری بار دور ضرور راقی بولار دورلار : روما ( خلقی ۷۵۰ مینکچه ) تیر دریاسی نینک بویدا بولوب ایتالیا نینک پای تختی دور و قدیمی روم حکومتی نینک زمانیدا هم قیصرلار نینک پای تختی ایردی . اوردالاری کلیسالاری و قدیم زماندین قالغان عمارتلاری بیلان مشهور دور . بو شهر قاتولیک مذهبی نینک مرکزی دور و اول مذهبی نینک پاپاسی یعنی رائسی تورادورغان شهری دور . مسیحیلار نینک همه دین چونک کلیساسی یعنی سادنت پطروس دیکان کلیسا روما شهریده دور .

میلانو یا که میلان شهری (خلقی ۸۵۰ مینک) مملکت نینک شمال طرفیده بو دریاسیغه یقین نهایت آباد جایدا دور. شو شهر نینک سوداسی چونک و ماشوت زاودلاری تولادورلار.

تورینو (خلقی یاریم میلون) بو دریاسی نینک بوییداکی چرایلیق بر شهر دور. اول ایلکاری ساردینیا حکومتی نینک پای تختی ایردی. وندیک یا که ویندیمسیه شهری (خلقی ۲۰۰ مینک) آدریاتیق تینکیزیده بار سکسانچه جزیره ده یاسالیب دور. کوچه لار اورنیدا قنال لاری تولادور و قنال لار نینک تورت یوز نچه کوبروکی بار دور. شهر ایچیده تولاراق باریش کلیش که لار بیلان بولادور اندا هیچ عرابه یا اولاغ مانکمایدور. وندیک قدیم زماندا تولا ضرور بر شهر ایردی شو وقت دین قالغان مرمر تاشیدین یاسالغان تولا چرایلیق اوردالاری تخی بار دور.

قرمستنه شهری (خلقی ۲۴۰ مینک) ایستریا ولایتیده و آدریاتیق تینکیزی نینک بوییدا بولوب که چیلیکی بیلان مشهور دور. جنووا (خلقی ۳۲۵ مینک) جنووا کورفرزی نینک بوییدا بولوب که چیلیک جهتیدین ایتالیانینک ضرور راق شهری دور.

بولونیه شهری (خلقی ۲۲۰ مینک) اول هم شمالی ایتالیا دا دور. اول شهر ده آوروپانینک همه دین که نه مدرسه جامعهلاری نینک بری بار دور. فلورانس یا که فیورانس شهری اوترا ایتالیا دا آرنو دریاسی نینک بوییدا دور. بو شهر ماشوت زاودلاری و هنرلاری بیلان مشهور دور. خلقی ۲۶۰ مینک دور.

ناپولی شهری (خلقی ۷۸۰ مینک) جنوبی ایتالیا دا و تیره نین کورفرزی نینک بوییدا دور. بو شهر سوداسی و چرایلیق ایچوره لاری بیلان مشهور دور. انکا یقین وه زوو یانار تاغی باردور. اول تاغ نینک تاشقانیدین خراب بولغان اوچ شهر نینک خرابه لاری بار دور. اول اوچ شهر نینک مشهور راقی پومپایی دور. پالرمو و میسینه دیکان سیجیلیه جزیره سیداکی ایکی ضرور شهر دور. میسینه نینک میوه سوداسی چونک دور.

بیردینیزی شهری جنوب ایتالیا دا آدریاتیق تینکیزی نینک بوییدا دور. بو شهر ایتالیانینک آسیائی که چیلیکیکا واسطه دور.

ایتالیانینک اداره سی مشروطه پادشاه لیتق دور .

مستملکاتی. آفریقا و آسیادا ایتالیانینک مستملکاتی بار دور . ضرور راقی مشرقی آفریقاداکی صومالی مملکتی و شمالی آفریقاداکی طرابلس (تریپولی) مملکتی دور .

لحاشیه . آیه نین تاغلاری اراسیدا و فیره نسه شهری نینک مشرق طرفیده سان مارینو دیکان کچیک بر جمهوریت بار دور . خلقی ۱۳ مینک دور . بو مملکت کچیک بولغانی برله آروپانینک همه دین کهنه مستقل مملکت لاری نینک بری دور .

## پیره نه یاریم جزیره سی


پیره نه یاریم جزیره سی جنوبی آروپانینک همه دین چونک یاریم جزیره سی دور . شمال طرفیده فرانسه مملکتی بیلان توتاش دور شو طرفیده پیره نه تاغلاری بیلان بسقایه کورفزی سرحدلاری بولادور . مشرق و مشرق جنوبی طرفیده آق تینکیز و مغرب بیلان مغرب جنوبی طرفلاریده بحر محیط اطلاسی سرحدلاری دور . همه دین جنوب طرفیده جبل طارق بوغازی آق تینکیزنی بحر محیط اطلاسی بیلان توتاشتوروب پیره نه یاریم جزیره سی نی آفریقا قطعه سیدین آیریدور .

بو یاریم جزیره نینک کورفلاری آز اما بورونلاری تولا دور . مشهور راق بورونلاری شمال مغربی طرفیداکی کاب فیئیبستر مغرب جنوبی طرفیداکی کاپ سان وینسسان و جنوب طرفیداکی کاپ تارینفا دیکان بورونلار بولادور . آق تینکیز طرفیده والینسییه کورفزی بار دور اینک الیدایا باله ار جزیره لاری بار دورلار .

پیره نه یاریم جزیره سی تولا تاغلیق دور لیکن توزیرلاری هم باردورلار . شمال طرفیده فرانسه نینک سرحدیدا پیره نه تاغلاری دور . بولار نینک ایکیزراک چوقچه سی مالادته دیکان تاغ دور ایکیزلیکی ۳۴۰۰ متره دور . یاریم جزیره نینک اوترا طرفلاری ایکیز و توز دور مغرب طرفیده قانتادریا تاغلاری مشرق طرفیده ایبیریا تاغلاری و جنوب طرفیده کراناتا تاغلاری باردورلار . کراناتا تاغلاری نینک ایکیزراک چوقچه سی مولاحاسن تاغی بولادور . ایکیزلیکی جهتیدین آروپانینک اوچونجی تاغی دور ( ۳۵۰۰ متره ) .



نابولی شهری بیلان و مززوو یانار تاقی ( صحیفه ۱۰۹ )



فورت کورفزیدين اوتادورغان پايں کوبروکی (صحیفه ۱۱۵)



پیره نه یاریم جزیره سی نینک شمال مشرقی طرفیده اراکون توزیری و مغرب جنوبی طرفیده اندالوس دیکان توزیری بار دور.

دریالار. بو یاریم جزیره نینک چونکراق دریالاری مغرب طرفیکا اقیب بحر محیط اطلسیغه قویولورلار. بحر محیطیغه قویولادورغان دورو تاج یا که تازو کوا دیانا ییلان وادی الکبیر و آق تینکیزکا قویولادورغان ابرو دیکان دریالار مشهورراق بولادور. تولاراق دریالار ایرته یازدا تاشیب کتادور لیکن تموزدا سوی آق قالدور.

آب و هوا. تینکیز چت لاریده هوا معتدل و نهایت یخشی دور. اندا یاغین خیلی تولا بولادور. یاریم جزیره نینک ایچی طرفلاریده داخلیه یورت نینک آب و هواسی بولادور. اندا یاز وقتی تولا ایسیق و قیش وقتی سوغاق بولادور یاز وقتیدا یامغور نهایت آق بولادور.

درخت و گیاهلار. پیره نه یاریم جزیره سی نینک شمال و شمال مغربی طرفیده بلوط کورکن و کستانه دین عبارت بولغان جنک لار بار دور. جنوبی اراق چت لاریده قیش و یاز کونک تورادورغان درخت لار مثلاً خرما زیتون و منتار بلوطی باردور. منتار بلوطی دیکان درخت نینک قوبزاقیدین منتار یا که شیشه آغزی یا قوچ ایتیلور. اوزوم و باشقه میوه هم تولا دور. اشلیقدین بغدادی و شمال تولا تریلور. بو یاریم جزیره نینک اوترا طرفلاری نهایت قوروق بولغان. اوچون بعضی یرلارده درخت و گیاهلار ایچه بولمایدور.

کسب لار. یاغین تولاراق یرلارده دهقانچیلیق خلق نینک باشلیق کسبی بولادور و اوترا طرفلاریده مال باقماغدیق باشلیق کسبی دور. شو یرلارده باقادورغان مریدوز دیکان قویلار و اندالوس ولایتیده باقادورغان اندالوس اطلاری مشهور دورلار.

بعضی یرلارده پله باقماغدیق ضرور تجارت بولادور.

پیره نه یاریم جزیره سیده هر قسم کانلار تولا دورلار. قاغوشون کموش میس سیماب قمر و تاش کمر بار دور. تینکیز چت لاریده شور دریانینک سوییدین تولا توز چیقارورلار.

زاودلاردین ماشوت و بوز زاودلاری ییلان قماکو زاودلاری

ضرورراق دور.

## حکومت لار

پیره نه یاریم جزیره سی ایکی مملکت کا بولونکان دور . بولار اسپانیا پادشاه لیتی و پورتو کالیه جمهوریتی بولادور .

### اسپانیا پادشاه لیتی

( خلقی ۲۱ یاریم میلیون )

بو مملکت پیره نه یاریم جزیره سی نینک الیه نینک بش حصه سی دور . اول یاریم جزیره نینک شمالی اوترا مشرق و جنوبی طرفلاری و باله آر جزیره لاری اسپانیغه تابع دورلار . جزیره لاری نینک چونکراقی مالیهورقا و مینهیورقا جزیره لاری دور .

خلقی . اسپانیانینک خلقی لاقهین نوعدیلین بولوب اسپانیا بول اتانور تیلی اسپانیا بول اچیه دور . مملکت نینک شمال طرفیده پیره نه یاریم جزیره سی نینک اصل خلقیدین قالغان باسقی دیکان طائفه بار دور بولار نینک عددی یاریم میلیونچه دور اوزلاریکا خاص بر تیلی هم بارایکان . اسپانیانینک خلقی مسیحی و قاتولیک مذهبیده دور . اداره سی مشروطه دور . علم هنر توغراسیدین اسپانیول تولا ایلکاری بولغان ایماس لیکن چونک علما و هنرمندلاری هم باردور .

### شهر لار

مادرید ( خلقی ۸۰۰ مینک ) مملکت نینک اوتراسیدین ینکی قاستیل دیکان ولایتیداکی ایکیز توز یرده دور . بو شهر اسپانیانینک پای تختی دور . اندا مشهور عجایب خانه لار باردور . اسپانیانینک ضرور راق تمور یوللاری مادرید کا بارادور .

بارسیلونا شهری ( خلقی ۷۶۰ مینک ) آق تینکیز نینک بویدا بولوب زاودلاری و سوداسی توغراسیدین اسپانیانینک همه دین ضرور شهری دور . والنسیه شهری ( خلقی ۲۶۰ مینک ) و مورسیه شهری ( خلقی ۱۵۰ مینک ) آق تینکیز نینک بویدا بولوب سوداسی بیلان ماشوت و دوخابه زاودلاری بیلان مشهور دورلار .

مالاکا شهری (خلقی ۱۶۰ مینک) جنوب اسپانادا آق تینکیزینک  
 بوییدا دور. اندین تولا شراب اوزوم و باشقه میوه لار ساتیلور.  
 کانیکس شهری هم جنوب اسپانادا و بحر محیط اطلسی نینک بوییداکی  
 کهنه و مشهور بر شهر دور.

سیویلیا شهری (خلقی ۲۲۵ مینک) و قوردو و شهری  
 وادی الکبیر دریاسی نینک بوییدا دور. سیویلیا سوداسی چونک بر شهر و قور  
 دووا عرب لارینک وقتیدا پای تحت ایردی لیکن ایمدی کچیک بر شهر دور.  
 کرافاتا شهری (خلقی ۱۱۰ مینک) جنوب اسپانادا سیرا نوادا  
 تاغلاری نینک یانیدا دور. شو شهرکا یقین عرب لار دین قالغان ~~الک~~ دیکان مشهور  
 بر اوردا بار دور.

المعدن دیکان مملکت نینک ایچیداکی کچیکراک بر شهر دور لیکن  
 اندا آوروپانینک همه دین ضرور سیماب کافی بار دور.  
 بیلباوا شهری بسقایه کورفزی نینک بوییدا بولوب تمور سوداسی بیلان  
 مشهور دور.

مستملکات. بحر محیط اطلسیداکی قناریه جزیره لاری و آفریقا  
 قطعه سیداکی بر نجه یرلار اسپانیاهه تابع دورلار. اول مستملکاتی نینک جمیع خلقی  
 بر میلیون بش یوز الیکچه دور.  
 حاشیه. جنوبی اسپاناداکی جبل طارق یا که جیبم التناز محکم قلعه سی  
 انگلیزکا تابع دور.

پیره نه تاغلاری نینک اراسیدا اندورا دیکان کچیک بر مستقل جمهوریت  
 بار دور. خلقی بش مینک دور.

## پورتو کالیه یا که پورتقال جمهوریتی

(خلقی ۶ میلیونجه)

بو مملکت پیره نه یاریم جزیره سی نینک مغرب طرفیده دور. شمال بیلان  
 مشرق طرفلاریده اسپانیا و جنوب بیلان مغرب طرفلاریده بحر محیط اطلسی  
 سرحدلاری دور.

خلقی. پورتو کالیه نینک خلقی اسپانیانینک کی غه اوخشاش لاتین نوعیدین

بولوب قاتولىك مذهبىدە دور. قىلى پورتقال تىلى و ادارەسى  
 جەمھورىيە دور.

### مىشھور راق شەھەرلەر

لېسسابون (خلقى يارىم مىليونچە) تاژو درياسى نىنك بويىدا و بحر محیط  
 اطلاسېغە يقين بولوب مملكت نىنك پاى تختى دور.  
 اوپورتو شەھرى (خلقى ۲۰۰ مىنك) دورو درياسى نىنك منصبېغە يقين  
 سوداسى چونك بر شەر دور.  
 مستملىكات. پورتوكالىە حكومتى نىنك آفرىقا آسپادا و آوستراليا جزيره لارىدە  
 تابع لارى بار دور. غير قطعە لاردكى تابع لارى نىنك جميع خلقى سكر توفوز  
 مىليون بولادور.

حاشىيە. تاريخ هجرى نىنك ۹۲ نجى يىلى (تاريخ ميلاد مسيح نىنك  
 ۷۱۱ نجى يىلى) عربلار پېرەنە يارىم جزيره سىكا باريب اندالوس حكومتى نى  
 قوروب اندا اوزون وقت حكومت سوروب توردىلار. بر نچە يوز يىلدىن  
 كىن جدل و اختلاف قىلىب بارغان سارى ضعيفلانىب كىتىلار و پېرەنە يارىم  
 جزيره سى نىنك اوز خلقى قوتلانىب توردى. آخرى تاريخ هجرى ۸۹۷ نجى يىلى  
 (تاريخ ميلادى نىنك ۱۴۹۲ نجى يىلىدا) عربلار نىنك حكومتى تمام يوقالدى و  
 اورنىغە اسپانيا بيلان پورتوكالىە حكومت لارى قالدى.

### برىتانىا جزيره لارى

برىتانىا جزيره لارى مغربى آوروپادا دورلار. بولار ايكى چونك و بر  
 نچە يوز كچىك جزيره لاردىن عبارت بولادورلار. ايكى چونك جزيره نىنك برىنى  
 چونك برىتانىا و ينه برىنى ايرلانده ديرلار. بو جزيره لارى نىنك شمال بيلان  
 مغرب طرفلارىدە بحر محیط اطلاسى مشرق طرفىدە شمال تىنك كىزى دور جنوب طرفىدە  
 قالا بوغازى و مانىش تىنك كىزى بيلان فرانسه دىن آريلورلار. قالا بوغازى پادىقالە  
 و دوور بوغازى اتانور و مانىش تىنك كىزى انكلېز قنالى هم اتانور. مذکور  
 ايكى چونك جزيره برىدىن شمال قنالى ايرلانده كورفزى و سنت  
 جورج قنالى دىكان سولار بيلان ايريلادور.

بو جزیره لارننك تولا كورفزلارى و كچيك ياريم جزيره لارى باردورلار. مخصوصاً مغرب ساحل لارى تولا بولونك و پوچقاغليق دورلار. مشرق طرفىداكى تمس بيلان فورث كورفزى و مغرب طرفىداكى بريستول قنالى و قنالىد ديكان كورفزلارى مشهورراق دورلار.

چونك بریتانیانينك شمال طرفیده اورکنهئى شينلانلاند و هيبريد جزیره لارى ايرلاندا كورفزىداكى من و انكلسه ديكان جزیره لار و انكلز قنالىداكى وايت ديكان جزیره مشهور دور.

بریتانيا جزیره لارى نينك ساحل لاریدا مد و جزر ديكان سونينك كونده ايكى مرتبه ايکيز چقيب پست توشادورغانى انداغ معلوم بولادور که سونينك ايکيز و پستى نينك تفاوتى اون بش متره غچه بولادور.

ايکيز پستلديك. چونك بریتانيا جزیره سى اوج جز كا بولونادور بو جز لار جنوبىداكى انكلتره مغربىداكى وانلس و شمال طرفىداكى اسقوجيا دورلار انكلتره نينك جنوب طرفى بعضى جاي لاردا دوبه ليك پست و توزير دور. مغرب بيلان شمال طرفیده تاغليق يرلار هم بار دور ليکن اسقوجيانينك شمالى و چونكراق طرفلارى تولا تاغليق بولوب بعضى يرلارده آباد و نهايت چرايلىق و بعضى يرلارده مخصوصاً همه دين شمال طرفیده خاليراق دور. دن ذيويس ديكان تاغ چونك بریتانیانينك همه دين ايکيز چوقچه سى دور ايکيز ليكى ۱۳۰۰ متره دور.

ايم لاندلار چت لارى نينك بعضى یری تاغليق ليکن ايچ طرفلاریده توزدور. كول لار و دريالار. بریتانيا جزیره لاریده چونكراق كول لار بولماسه هم اسقوجيا تاغلارى اراسيدا برنجه نهايت چرايلىق كول لار بار دورلار. مشهورراقى لوق لومند كولى دور. ايرلانده هم تولا كول لار بار دور. بولار نينك ضرورراقى لوقنده كولى دور.

بریتانیانينك دريالارى تولا دور. اولار تولا اوزون بولماسه هم كنك بولوب آهسته اقادورغانى اوچون و قنال لار برله بربريكا قوشولغانى اوچون كه چيليككا تولا موافق بولادورلار.

چونك بریتانیانينك دريالاردين بولار مشرق طرفىدا اقب شمال تينكيزيكا قويولادور: تمس هممير قايين فورث و تده دريالارى. مغرب طرفىدا اقادورغان دريالار بولار دور:

سه‌ورن دریاسی بریستول قنالیغه قویولادور. مورسی دریاسی ایرلانده کورفزیکا و قنالید دریاسی شمال قنالیغه قویولادور. ایرلانده‌نینک ضرورراق دریاسی شافون دریاسی اتانیب بحر محیط اطلاسیغه قویولادور.

اب و هوا. همه طرفلاریده تینکیز بولغان اوچون و کولف اقیمنی یقین بولغان اوچون بریتانیا جزیره‌لاری‌نینک هواسی ساحل هواسی بولادور. قیش وقتی سوغاق بولمایدور یاز کونلاریده هوا هم معتدل بولادور. یاغین تولا و دوموق (تومان) یات یات تولا بولادور.

بریتانیا جزیره‌لاری‌نینک تولاراق یرلاری تولا آباد بولغان اوچون چونک جنکدلار قالماب دور یاوا حیوانلار هم آز دور لیکن تولکی تولادور. اسقوجیادا بعضی یرلارده قراغایلیق و قاینلیق جنکدلار بار دور.

کسب و تجارت. بریتانیا جزیره‌لاری‌نینک همه یری آنچه حصولوق بولماسه هم خلق دهقانچیلیق علمیده کامل بولغان اوچون زراعت‌دین تولا فائده کورورلار. بریتانیانینک اطالاری سوتلوك ایناکلاری و ینکچکا یونکلوق قویلاری تولا مشهور دورلار. خلق‌نینک تولالیقی اوچون یورت‌نینک محصولاتی اوز خلقیغه یتیشمایدور بلکه تولا آشلیق و هم گوشت باشقه اقلیم‌لاردین الینادور. تینکیز چت‌لاریده مخصوصاً اسقوجیادا تولا خلق بلیقچیلیق قیلیب تیریکیچیلیک قیلورلار.

چونک بریتانیادا کانچیلیق تولا ضرور دور. قهور و تاش کهور کانلاری نهایت تولا دور.

زاود ایشلاری توغراسیدین بریتانیا همه‌دین ایلکاری مملکت‌لاری‌نینک بری دور. چونک بریتانیا خلقی‌نینک تنکیدین تولا زاود ایشلاری بیلان تیریکیچیلیک قیلورلار. زاودلاریدا ایتیلادورغان نرسه‌لاری یخشیلیقی اوچون هر یرده معقول دور. ضرورراقی یونک‌دین و جوز دیبیدین توقولغان خریدلار بیلان دهقانچیلیقه لازیم بولادورغان اسباب‌لار و ماشینه‌لار و اولاردین باشقه قهور و قورچدین یاسالغان هر قسم مال‌لار بولادور.

سودا و کمه‌چیلک توغراسیدین بریتانیا مملکتی همه‌دین برنجی

بولادور. باشقه اقليم لارغه ساتيلادورغان نرسه لارننك ضرور راقى يونكدین و بوز يبيدين توقولغان خريدلار تمور اسباب لارى و تاش كور دور. اينادورغان نرسه لارننك ضرور راقى پاخته يونك آشليق مسكه چای قهوه و هم يغاچ بولادور.

## مملکت لار

چونك بریتانیا جزیره سی بیلان اطرافیداکی اوشاق جزیره لار بریتانیا یا که انکلینزستان پادشاهلیقی بولادور. ایرلانده جزیره سی اوزون وقت دین بری شو پادشاهلیقه تابع بولغان دور لیکن ایمدی ایرلانده نینك تولاسی بریتانیا بیلان اتفاق تورادورغان بر جمهوریت دور.

## بریتانیا عظمی پادشاهلیقی یا که بریتانیا ایمپراطورلوقی

(خلقی ایرلانده خلقی بیلان ۴۸ میلیون)

بو مملکت انکلینز یا که انکلانند دیکان باشلیق جزئیدین انکلینزستان یا که انکلینز دولتی هم اتانور. شو دولت نینك آروپای جزئی بریتانیا جزیره لاری و چوره سیداکى جزیره لاردین عبارت بولادور.

خلقی. بریتانیانینك تولاراق خلقی جرمان ذوعیدین بولوب انکلینزی و اسکوچیالیقی خلقه بولونادور بو ایکی خلق نینك زبانی بر دور. یورت نینك اصل خلقی بولغان کلت دیکان قومیدین بعضی یرلارده مخصوصاً ووئلس و ایرلانده ده هم باردور. بریتانیانینك خلقی مسیحکی دور تولاراقی پروتستانت مذهبیده دور لیکن قاتولیک لار هم بار دور.

انکلینز خلقی کوچلوق غیرتلیک و بدن فی قوتلاندورادورغان ورزیشقه و هم ایشقه آمراق و مقدس کون فی چینك توتادورغان بر خلق دور.

چونك بریتانیانینك بعضی یرلاری نهایت آباد دور و چونك شهرلاری تولادور خلقی نینك اوچدین ایکی حصه سی شهرلارده اولتوروغلوق دور. تخمیناً الیک شهری نینك یوز مینکدین زیاده خلقی بار دور بش شهری نینك تخمیناً بر میلیون یا اینکدین تولا خلقی بار دور.

## اجزا و شهرلار

انگلندره بیلان وائلس چونك بریتانیا جزیرهسی نینك جنوبی و چونكراق جزئی دور تولاراق خلقی هم بو یورتلاردا تورادور .

## شهرلار

لوندون ( خلقی یته یاریم میلیوندن آرتوق ) تمس دریاسی نینك بویدا بریتانیا ایمپراطورلوقی نینك پای تختی دور . بو شهر آدم لاری نینك تولالیقی و سوداسی نینك چونكوقی جهتین دن یاداکی شهرلار نینك برنجی سی دور .

لوندون عمارت لاری نینك مشهور راقی پارلامنتو مجلسی نینك عمارتی بیلان وئستمنستر آبی و سنت پاول دیکن کلیسالار بولادور . وئستمنستر آبیده تولا مشهور و اولوغ انگلیز کیشیلاری نینك قبرلاری بار دور . سنت پاول کلیسای پروتستانت مذهبی نینك همه دین چونك کلیسای دور .

لوندون شهری نهایت کنکرو بولغانی اوچون باریش کلیش نینك آسانلیکی اوچون تولا تمور یول لاری بار دور و تمور یول لار اوچون شهر نینك تکیده هر طرفیکا لقمه یا که نهایت چونك نورلار یاساب دورلار . بو نورلار انداغ چونك دورلار که ایچیدین چونك پایزلار مانکیب باریب کلیب تورادور .

تمس دریاسی لوندون نینك اوترا سیدین اوتوب تورادور . دریادا تولا که مانکادور دریانینك تویه سیغه اون توقوز چونك کوبروک قویولغان دور و دریا نینك تکیدین پایز مانکادورغان بر نچه لقمه یاساب دورلار .

لوندون نینك لیمانی نهایت چونك دور . اندا بر نچه یوز چونك چونك که پاتادورغان که حوضی یعنی ایچیده که توروب مال باسیلادورغان کول لار کا اوخشاش یرلار بار دور . حوض لار نینك لب لاریده مال ساقلایدورغان هر چونك انبارلار بار دورلار .

لوندون نینك چوره سیده تولا کوزرلاری بار دور بولار نینك بری کرینویچ دیکن کوزر دور اندا نهایت مشهور بولغان بر رصد خانه یعنی کون آی و یولدوز لاری و اولار نینك یوروشلارینی تفتیش قیلادورغان جای بار دور .

لیویچ پول ( خلقی بر میلیوندن زیاده ) ایرلانده تینکیزی نینك بویدا دور . بو شهر مملکت نینك ایکنجی شهری دور که حوضلاری لوندون نینك کی دین چونك دور . که چیلیکی و سوداسی تولا ضرور دور .



منچسٽر بيلان سالفورڊ ديڪان ايڪي شهر بربريڪا توتاش بولوب  
 بر شهر بولغان دور (خلقى تخميناً بر ميليون). بو شهر ليويرپول نينڪ مشرق  
 طرفيده بولوب شو شهر برله چونك كمه مانكادورغان بر قنال بيلان قوشولغان  
 دور. منچسٽرده و چوره سيداكي شهرلارده عالم نينڪ همه دين چونك ياخته و بوز  
 زاودلاري بار دور.

بهر مېنكهم شهرى (خلقى تخميناً بر ميليون) انكلتره نينڪ اوتراسيده  
 بولوب هر قسم ماشينه بيلان تمور و قورچ اسباب لاري ياسايدورغان چونك  
 زاودلاري بيلان مشهور دور.

شفيلڊ شهرى (خلقى ياريم ميلونچه) يورت نينڪ ايچيده بولوب پچاق  
 زاودلاري بيلان مشهور دور.

ليڊس (خلقى ۴۷۰ مينك) بمران فورڊ (خلقى ۳۰۰ مينك) يورت  
 نينڪ ايچيده بولوب يونك زاودلاري بيلان مشهور بولغان شهرلار دور.

نورول (خلقى ۳۰۰ مينك) و نيو قاسمېل (خلقى ۴۰۰ مينك) شمال  
 تينكيزى نينڪ بوييداكي و كمه چيليكى بيلان سوداسى جهتيدىن مشهور شهرلار دور.  
 دوور شهرى دوور بوغازى نينڪ بوييدا دور و فرانسه مملكتى نينڪ  
 باريش كلېشيكام ضرور واسطه دور.

پورتسم ماوت و ساوتهمپتون شهرلاري انكليز قنالى نينڪ بوييدا بولوب  
 كمه چيليكى جهتيدىن ضرور شهرلار دور. ساوتامپتن برىٽانيا نينڪ همه دين ضرور  
 حرب ليماني دور.

كمبريدج و اوڪسفورڊ ديڪان شهرلار كچيكراك بولسه هم بولارداكى  
 چونك و كهنه مدرسه جامعه لار بيلان هر یرده مشهور دورلار.

## اسقوجيا

(خلقى ۵ ميليون)

اسقوجيا چونك برىٽانيا نينڪ شمال جزئى دور.  
 شهرلار: ايدىنبورگ شهرى (خلقى ۴۰۰ مينك دين تولا) فورث  
 كورفزيكا يقين بولوب ايلكاري اسقوجيانينڪ پاى تختى ايردى. اندا مشهور بر  
 مدرسه جامعه بار دور.

کلاسکو شهری ( خلقی بر میلیونین زیاده ) قلايد درياسی نينک بوييدا دور.  
اول شهر سودا و زاودلاری توغراسيدین اسقوچيانينک همهدين ضرور شهری دور.  
اندا هرخیل کهلاردین تولا یاسالادور آبیروین و دوندی دیکان شهرلارهم  
تولا ضرور دورلار.

## ایرلانده

( خلقی تورت یاریم میلیون )

ایرلانده جزیره سیده ایکی طائفه خلق بار دور. شمال مشرقی طرفیده  
اولستر دیکان ولایتیده انکلینز خلقی بار ایکان بولار پیروتستمانت مدهبیده  
دورلار و اولستر ولایتی انکلینز کا تابع بر حکومت دور. جزیره نینک قالغان یر  
لاری ایرلانده جمهوریتیکا تابع دور. شو جمهوریت نینک تولاراق خلقی  
ایرلانده لیک اتانیب کلت دیکان قوم نینک اولادی بولا دور. ایرلانده لیک قاتولیک  
مدهبیده دورلار. شهرلار:

دوبلین شهری ( خلقی ۴۵۰ مینکچه ) ایرلانده تینکیزی نینک بوييدا دور.  
بو شهر ایرلانده جمهوریت نینک پای تختی دور.

بلفاست ( خلقی ۴۵۰ مینکغه یقین ) شمال قنالی نینک بوييدا بولوب شمال  
ایرلانده نینک مرکز اداره سی دور. اول شهرده زغیر بیسیدین خریدلار توقویدور  
غان زاودلار تولا و چونک دورلار.

بریتانیا عظمی نینک اداره سی مشروطه دور. پارلامنتو دیکان  
مجلس یعنی خلقیدین ایلغانغان وکیل لار نینک مجلسی پادشاه نینک یانیدا توروب نظام و  
زا کونلارنی تعین قلیب سلطنت قلیشادور.

## مستملکات

بریتانیا عظمی نینک مستملکاتی و حمایتیده تورادورغان مملکت لاری هر  
رده تولا دورلار. آوروپادا فرانسه نینک شمال طرفیداکی نورمانده جزیره لاری  
اسپانیانینک جنوب طرفیداکی جبل طارق قلعه سی و آق تینکیزداکی مالتا  
جزیره لاری بریتانیاغه تابع دورلار.

غیری قطعه لاردا مستملکاتی تولا و کنکرو دورلار. ضرور راقی بولاردورلار:

آسیادا هندستان نینک تولاسی اوسترالیادا شو قطعە نینک همه سی و هم بکبر مکیط کبیرداکی جزیره لار نینک بر مونچه سی آمریقادا قندانە مملکتی و بر مونچه جزیره لار و آفریقادا جنوبی افریقانینک تولاسی مشرقی بیلان مغربی افریقانینک بعضی سی بریتانیانینک تابعی دور . مصر مملکتی هم بریتانیانینک حمایتده تورا دور . بریتانیا عظمی حاضر عالم نینک همه دین چونک حکومتی دور . اوز خلقی بیلان جمیع تابع لاری نینک خلقی ۴۵۰ میلیون دین تولا یعنی تمام یر یوزیداکی آدم لار نینک تورت نینک بریدین تولا دورلار .

## خلاصه

### آروپانینک خلقی

آروپا خلقی نینک عددی ۴۷۰ میلیونچه دور . یر یوزیداکی جمیع خلق نینک تورت نینک بریدین تولا آروپادا بار دور . آروپا چونک لوقی جهتیدین یر یوزی نینک تور تونجی قطعە سی لیکن خلقی نینک تولالیقی جهتیدین ایکنجی قطعە سی بولادور . تولاراق خلقی قافقاز جنسیدین دور . اولار نینک یوز رنگی آق و ساچلاری یومشاق و تولا کشیده کیچاک بولادور . زبانلاری جهتیدین آروپاداکی قافقاز خلق لاری اوج نوعه یعنی جرمان اسلاو و لاتین یا که رومی نوعیغه بولونادور .

۱ جرمانلار (جرمه نلار) آروپانینک شمال مغربی و اوترا طرفلاریده اولتوروغلوق دورلار . اسقاندیناویا خلق لاری انکلینلار جرمانیالیقلار هوللانندییه و فلهمنک خلق لاری جرمان نوعیدین بولورلار . جمیع جرمانلار ۱۵۰ میلیونچه دور بولار نینک تنکی جرمانیالیق و تخمیناً اوجی نینک بری انکلین بولادور .

۲ اسلاولار مشرقی آروپادا و بالقان یاریم جزیره سیده و هم اوترا آروپانینک بعضی یرلاریده اولتوروغلوق دورلار . اوروسلار لهلار (پولشه لار) چقیلار صربلار و بلغارلار اسلاو نوعیدین بولادورلار . جمیع اسلاولار ۱۵۰ میلیونچه دورلار و بولاردین اوج نینک ایکی سی اوروسلار بولورلار .

۳ رومیلار نینک تولاسی آروپانینک جنوب مغربی طرفلاریده اولتوروغلوق

دورلار فرانسىز لار و السونلار اسپانىول پورتوكالىيە ليك ايتىنالىانلار و رومانىيلار رومى ياكە لاتىن نوعيدىن دورلار .

بولاردىن باشقە كىلىت دىكان مغربى آوروپانىنك اصل خلقيدىن برىتانيا جزيره لارىدە و شىمالى فرانسەدە ۳ مىليونچە آدم بار دور و اسپانىادا شو مملكت نىنك اصل خلقيدىن قالغان يارىم مىليونچە باسقى دىكان خلق بار دور . بالقان يارىم جزيره سى نىنك مغرب بىلان جنوب طرفلارىدە اول يارىم جزيره نىنك قديم قى خلقى نىنك اولادى بولغان بر يارىم مىليونچە ارناون و بش مىليون يونانى بار دور . بالطىق تىنكىزى نىنك مشرق طرفيدە رىكا كورفزى نىنك بويدا تورت مىليون لتوى و ليتوواى . بار دور بولار اسلاو خلقلارىغە اوخشاب اولارغە يقين تورادورغان خلق دور .

آسپادىن آوروپاغە كوچوب بارغان سامىيلار يعنى يهودىلار هم بار دورلار . بولار نىنك عددى اون مىليون دور .


بر نچە فن - اوكرى و مغول طائفەلار بار دور يعنى لاپ فن استونى و مچارىيلار و هم ترك لار ياكە طوران خلقلارى بار دورلار بو طائفەلار نىنك عددى ۲۰ مىليونچە دور .

بالقان يارىم جزيره سىدە و اوروستان نىنك مشرق طرفيدە ۸ مىليونچە مسلمان و هر يركا تارالىب كىتكان ۱۰ مىليون يهودى بار دور . آوروپانىنك قالغان همه خلقى خرىستىيان ياكە مسىخىملىق دىندا دور لاز .


مدنىيت و علم ھىنر جھتىدىن آوروپانىنك خلقلارى قالغان قطعە لار نىنك خلقيدىن تولا ايلكارى دورلار و آوروپالىق لار نىنك اراسيدا جرمان نوعيدىن بولگان خلقلار بىلان فرانسىز لار ھەمدىن ايلكارى دورلار .

## حکومت لار و اداره

آوروپادا يكرمه الله چونكر اق حكومت بار دور بولاردىن اون تورت جمهوريت و اون ايكى مشروطه پادشاهلىق دور . جمهوريتلارى فرانسە اس-ويچرە پورتوكالىيە جرمانىيا اوستىريا چەقواس-لموواقيا پولشا ليتووانىيا لتوىيا استونىيا روسىيە فنلاندىيە يونانىستان و تركىيە دورلار . پادشاهلىقلارى برىتانىيا-عظمى اسوچ نوروچ دانىم-مارقە



پارلامنتو مجلسی بینک عمارتی لوندوندا ( صحیفہ ۱۱۸ )



سوئیس قنالی مصر دا ( صحیفه ۱۲۳ )

۱۲۳

هولاندیه بدچیکا اسپانیا ایتالیا مجاریه رومانیا یوغوسلاویا و بلغاریا دورلار. یونانستان پادشاهلیقی یقیندا جمهوریت بولغان دور. مذکور ۲۶ چونک مملکت دین باشقه ینه توقوز کچیکراک مملکت بار دور یعنی البانیا دانسیک لوکس-مبورک ایسلانده فی-ومه موناقو سان مارینو لیشتتستاین و اندورا. روسیه جرمانیا سویچره و آوستریا جماهیر متفقہ دورلار. آوروپانینک بش چونکراق حکومتی یعنی بریتانیا جرمانیا فرانسه ایتالیا و روسیه دولت عظمی یا که چونک دولت اتانورلار.

### III

## آفریقا

چونکملوقی جهتیدین آفریقا یر یوزی نینک اوچونجی قطعہ سی بولوب آوروپادین اوچ حصہ چونک دور. آوروپادین جبل طارق بوغازی برله آریلور و آسیاغه سویس برزخی برله توتاشادور. سویس برزخی حاضر سویس قنالی برله کسلیکان دور و بو قنال آفریقانی آسیادین آیریدور. آفریقانینک شمال طرفیده آق تینکیز مشرق طرفیده بحر محیط هندی و اینکدین حاصل بولغان عدن کورفزی و قزل تینکیز مغرب طرفیده بحر محیط اطلاسی و اینکدین حاصل بولغان کینه کورفزی سرحدلاری دور.

## جزیره لار

آفریقانی قورشاب الادورغان بحر محیط اطلاسیدا اصورمادرا یشیل بورون یا که کابورده و قناریه طاقم جزیره لاری بیلان اسانشون سان الین جزیره لاری بحر محیط هندی ماداکاسقار صوقوترا و زنکیبار جزیره لاری بیلان مسقارین سیشیل امیرانت طاقم جزیره لاری مشهور دورلار.

## ساحل لار

آفریقانینک چت لاریده بولونک یوچقاق لاری آز دور. شمال طرفیده آق تینکیزدین حاصل بولغان شیدره کورفزی مشرق طرفیده غاردا فوی بورنی جنوب طرفیده امید بورنی مغرب طرفیده بحر محیط اطلسیدین حاصل بولغان کینه کورفزی و کاپ ورده دیکان بورون بار دور.

## تاغلار

آفریقانینک بر مونچه تاغلاری بار دور. مشهور راقی شمالی آفریقاداکی اطلاس تاغ سلسله سی و مشرق طرفیداکی حبشستان تاغلیقی بیلان کینیا و کلیمانجارو دیکان ایکیز چوقچه لاری دورلار. کینیا تاغی نینک ایکیزلیکی ۵۷۰۰ متره و کلیمانجارو نینک کی ۶۰۰۰ متره بولادور. آفریقاغه تعلق جزیره لارده بر نچه یانبار تاغلار بار دور.

## کول لار و دریا لار

آفریقانینک بر نچه چونک کول لاری بار دور. مشهور راقی اوترا مشرقی آفریقاداکی اوکیریوه یا که ویقتوریا کولی البرت کولی البرت اوارد کولی تانکانیبیکا کولی و نیهزا کولی و اوترا شمالی طرفیداکی چاد کولی دور. نیل دریاسی اوکیریوه و البرت کول لاریدین پیدا بولوب شمال طرفیکا اقیب آق تینکیزکا قویولادور. نیل دریاسی آفریقانینک چونک راق دریاسی و اوزونلوقی جهتدین دنیا داکی دریالار نینک ایکنجی سی بولادور. اوزونلوقی ۶۰۰۰ کیلومتره (تخمیناً ۱۲۰۰ یوطی) دور.

چونکو دریاسی آفریقانینک ایکنجی دریاسی بولوب تانکانیبیکا و باشقه کول لاریدین کلیب بحر محیط اطلسیغه قویولادور.

نیکم دریاسی شمال طرفلاردین کلیب کینه کورفزیکا قویولادور. زامبزی دریاسی جنوبی آفریقانینک اوترا و شمال طرفلاردین کلیب مشرق طرفکا اقیب بحر محیط هندیدین حاصل بولغان موزامبیق قنالیغه قویولادور.



## آب و هوا

آفریقا قطعه‌سی خط استوائینک آستیدا بولغان برله یر یوزی نینک همه‌دین ایسیق قطعه‌سی بولادور. تمام یل ایسیق بولادور لیکن کچه کوندوزنینک ایسیق‌لیقیدا چونک تفاوت بار دور.

یاغین بعضی یرلارده نهایت تولا و بعضی یرلارده نهایت آز بولادور. اوترا آفریقانینک بحرمحیط طرفیداکی چت‌لاریده و قالغان پست یرلاریده یاغین نهایت کنکرو بولادور. شو یرلارده باشقه باشقه هر خیل درختلیق چونک جنکل‌لار بار دورلار. جنکل‌لاردا و بولارنینک ایچیداکی دریلاردا هر یانکدا چونک کچیک حیوانلار بار دورلار. درخت‌لارنینک شاخلاریدا میمونلار اسیلیب یوروشادور و دریلاردا سو آغوری و تمساح (نهنگ) دیکان هیبتلیک حیوانلار بار دور. بعضی یرلارده یل‌نینک بر فصلیدا تولا یامغور یاغادور و ینه بر فصلیدا هیچ نمه یاغمايدور.

جنوبی آفریقانینک ایچ یرلاریده یاغین نهایت آز دور و شمالی آفریقانینک تولا سیدا هم یامغور آز بولادور. اندا صحرا کیبیر دیکان عالم‌نینک همه‌دین چونک چولی بار دور.

## جزءلار

آفریقا تورت چونک جزءکا بولونادور. بولار (۱) شمالی آفریقا (۲) سودان بیلان کینه شمالی (۳) اوترا آفریقا بیلان حبشستان (۴) جنوبی آفریقا دورلار.

## شمالی آفریقا

شمالی آفریقانینک مغرب طرفیده بحرمحیط اطلسی شمال طرفیده آق تینکیز مشرق طرفیده قزل تینکیز و جنوب طرفیده سودان بیلان حبش مملکتی دور. شمالی آفریقانینک مغرب طرفیده بحرمحیط اطلسی دا آصوری قناریه و سانارا جزیره‌لاری باردور. آصوری جزیره‌لارینی بعضی خلق آوروپاغه تعلق دیب سانارلار.

آق تینکیزدین سیدره بیلان غابیس کورفری حاصل بولغان دور.  
بو ایکی کورفرنی چونک و کچیک سیدره کورفری هم دیرلار.

شمالی آفریقانینک بعضی یرلاری ایکیز و بعضی یرلاری پست دور.  
شمال مغربی طرفیده اطللاس دیکان تاغلار باردور بولارینک بر نچه چوقچه  
لاریدا موز قار همیشه تورادور. اطللاس تاغلاری نینک ایکی چونک سلسله سی بار دور  
و اولارینک ارایقیدا خالی و توز یرلار بار دور. مذکور تاغلارینک آق  
تینکیز طرفیداکی ایتاک لاری تولا خوش هوا و آباد دورلار لیکن جنوب طرفلاری  
چولراک دورلار و اندا سوی شورلوق بر مونچه کوللار بار دور بو کوللار  
شور دریانینک یوزیدین پست دور لار.

سیدره کورفری نینک ساحلی تولا پست دور لیکن شو کورفرینک  
مشرق طرفیداکی بمرقه دیکان یاریم جزیره ایکیز دور و انداکی تاغلارینک  
ایتاک لاری تولا جنکلیق و چرایلیق دورلار.

## صحرای کبیر

شمالی آفریقانینک شمالی مغربی یورتلارنی مغاربده دیرلار بولارینک  
جنوب طرفیده صحرای کبیر دیکان عالم نینک همه دین چونک چولی بار دور.  
صحرای کبیرینک تولا یری قوملوق و باشقه یرلاری تاغلیق دور بعضی یرلارده  
آزراق سوی و اوقی بار دره لار بار دور. بو دره لارنی وادی دیرلار وادیلارده  
خلق نینک تیوه لاری اوتلارلار. باشقه یرلارده بولاق و قودوقلار بار دور بولاردین  
خلق یرنی سوغاریب تریب آباد قیلادور سو تولاراق یرلارده کنت شهرلار هم  
پیدا بولوب دور مونداغ آباد یرلارنی واح دیرلار. صحرای کبیرینک همه دین تولا  
یری هیچ کشی اولتورالمایدورغان چول دور. آفریقانینک ایچی طرفلاریدین آق  
تینکیزینک بویلا ریغه مال الیب بارادورغان کاروانلار چولده تولا جبر تارتادورلار  
بعضیدا ایلغم سالغم واقع بولادور یعنی چرایلیق خرمالیق لار بولاق و سولار  
یراقدین کورونادور. کاروانیلار خوشلوق بیلان ایتیک اول طرفکا مانکسه کورونکان  
درخت سولار کوزلاریدین غایب بولوب کیتادور و خلق آج اوسوز قالادورلار.  
کوللار و دریالار. اطللاس تاغلاری اراسیدا و مخصوصاً اولارینک  
جنوب طرفیده شوت دیکان شورلوق کوللار بار دور.

شمالی آفریقادا بر چوئك دریا یعنی ذیل دریاسی بار دور . اول دریا اوج دریادین حاصل بولادور . باش دریاسی بحر الابيض ( آق دریا ) اتانیب اوکیریوه و باشقه کول لاردین کلیب شمال طرفکا اقادور . بحر الازرق ( کوك دریا ) و اقبارا دیکان دریالار حبشستان تاغلاریدین کلیب نیل دریاسیغه قوشولادور . نیل دریاسی نوییه و مصر دیکان یورت لاردین اوتوب آق تینکیزکا قویولادور . مصردا نیل نینک درهسی تار دور و ایکی یانیدا پست تاغلار بار دور . آق تینکیز طرفیده دریانینک چوئك بر دلتناسی یعنی دریانینک سغیزلاییدین تینکیزنینک ایچیده پیدا بولغان چوئك دوش یری بار دور . مصرنینک آبادلیقی نیل دریاسیدین دور . اول دریا یلدا بر تاشیب کتادور تاشقاندا سوی درهسی نینک تولاسی نی باسادور و کنت شهرلار ایکیزراک یرلارکا سالینغان اوچون جزیره کا اوخشایدورلار . دریا نینک تاشادورغانی هر یل تعین وقتدا جولای آیدین تارتیب اوکتوبر آیغچه واقع بولادور . سو یانغاندین کین بر قسم قرالای قالدور اول لای زراعتکا نهایت یخشی رطوبتلیک تفریق بولادور . مصرنینک حصول لوقی و دولتی نیل دریاسی نینک برکتیدین بولادور . اول دریا بولماسه تمام مصر چول بولور ایردی .

## آب و هوا

شمالی آفریقانینک اق تینکیز ساحل لاریداکی یورت لاردا یل نینک سوغاق فصلیدا یامغور یاغادور لیکن ایسیق فصلیدا هیچ یاغین یوق دور . صحرای کبیر بیلان نوییه افریقانینک همه دین ایسیق یرلاری دور . شو یرلارده و هم مصردا یامغور نهایت آز یاغادور بلکه بعضی یل هیچ یاغمایدور . بعضی چول یرلارده قوم کوندوزده تخوم پشورغودیک قیزیق بولادور لیکن کیچه ده همان شو یرلارده موز توتقودیک سوغاق بولادور .

## درخت و گیاهلار

شمالی آفریقانینک آق تینکیز طرفلاریداکی چت لاریده درخت گیاهلاری جنوبی آوروپانینک کیغه اوخشایدور بعضی تاغلیق یرلارده جنکل لار بار دور . مصردا و چول لارنینک آباد یرلاریدا تولا خسرما درختلاری بار دور بولارنینک میوهلاری تولا خلق نینک رزقی بولادور باشقه میوهلیک درخت زیتون و قال بولادور .

اشلیق دین بغدادی قوناق و سو کنکرو یرلارده شمال تولا تریلور.  
مصردا یاز وقتیدا شکر قموشی کبز و شال و قیش وقتیدا بغدادی بیلان قوناق  
تریلادور. بو ایکی قسم آشلیق یازنینک قیزیغلیقیغه چیدامایدور.

## حیوانات

چولراک یرلارده شتفر مرغ غزال سرتلان شیر و چقال دیکان  
حیوانلار بار دور.

نیل دره سیده سودا و ساسلیقلاردا یورادورغان لککک کا اوخشاش  
جانورلار تولادور بولارنینک ضرورراقی ایبیمس و ساقاقوشنی دور. تمساح  
چیجان ملخ هم بار. بعضی یل لار ملخ نهایت تولا بولوب زراعتنی یب کتادور.

## کسب و تجارت


مغاربه نینک آق تینکیز طرفیداکي چت لاریده دهقانچیلیق خلق نینک باشلیق  
کسبی دور و نیل دریاسی نینک دره سیده زراعت نهایت یخشی بولادور. صحرای  
کیرنینک آباد یرلاریده خلق دهقانچیلیق و هم باغچیلیق بیلان تریکچیلیک قیلورلار  
اندا خرما نهایت اوبدان بولوب تولا خلق نینک باشلیق رزقی دور.

مال باقماغلیق هر یرده ضرور بر اوقات دور. مصردا تولا کله و  
سو کله سی باقیلادور. چول لارنینک یایلاقلاریدا تولا قوی و هم قیوه باقادورلار.  
بعضی یرلارده تولا خلق کاروانچیلیق قیلیب تریکچیلیک قیلورلار.  
مصر و جزایر مملکت لاریده تولا تمور یول لار یاساب دورلار.


## خلایق

شمالی آفریقانینک تولاراق خلقی قافقاز جنسیدین دور. بولاردین  
آوروپادین کوچوب بارغان خلق مثلاً یونانستان ایتالیا اسپانیا بریتانیا و مخصوصاً  
فرانسه دین چقیب بارغان تولا خلق باردور. لیکن تولاراق خلقی حامیلار و  
سامیلار دورلار.

حامیلارنینک اراسیدا نیل دره سیداکي قبط بیلان فلاح لار دورلار.  
مغاربه بیلان صحرای کبیردکي بربر طائفه لاری هم حامی دورلار.



تسليح صيادليق آفريقادا ( صحيفه ۱۲۵ )



چونك هرم و ابوالهول قاهره مصردا ( صحيفه ۱۳۰ )

بربرلارنېنك مشهورراق قوملاری نېنك بری صحراي کيبرداکي طوارق خلقي دور .  
ساميلار آسیادین کوچوب بارغان عربلار دور . بولار مغربی و  
بدوی اتانور . مغربیلار شمال مغرب طرفلارده تورورلار و بدویلار چوللارده  
کوچوب یوروب مال باقماغلیق و هم قراقچیلیق بیلان تیریکچیلیک قبلورلار .

## مملکت و حکومتلار

شمالی آفریقانینك مملکتلاری آوروپالیق حکومتلارنېنك تابعلاری و  
یا بو حکومتلارنېنك حمایتیده تورادورغان مملکت دورلار :

۱ انکلیز ( بریتانیا ) حمایه سی

۲ ایتالیا تابعی

۳ فرانسه تابعلاری

۴ اسپانیا تابعلاری

۵ پورتوگالیه تابعلاری

## مصر پادشاهلیقی

( خلقي ۱۴ میلیونیچه )

مصر مملکتی ذیل دره سی نېنك شمال طرفی سینا یاریم جزیره سی  
و لیبی چولنېنك بعضی یرلاریدین عبارت بولادور .

شمال طرفیده آق تینکیز مشرق طرفیده عربستان بیلان قزل تینکیز جنوب طرفیده  
سودان و مغرب طرفیده طرابلس مملکتی دورلار .

مصر نېنك خلقي قدیم قی مصرلیق لارنېنك اولادی بولغان قبط خلقي و  
بولاردین تولا بولغان آسیادین کوچوب بارغان عربلار بولادور . عرب مسلمان

و قبطلار مسیحی دورلار شهرلارده آوروپالیقلار ( فرنکی ) هم بار دورلار .  
مصردین تولا پاخته و قند باشقه اقلیملارغه ساتیلور . سودان

طرفیدین کاروانلار بیلان کلادورغان شتر مرغ پی لاری دندان خرما  
و باشقه ماللار هم مصردین آوروپاغه ساتیلور .

مصر مملکتی قدیم زماندا مدنیت علم و هنر جهتیدین تولا مشهور بر  
مملکت ایکن اول زمانداکی پادشاهلارنی فرعون دیر ایردی لار . بولارنېنك

وقتیدین قالغان تاشدین یاسالغان زیتلیک و چرایلیق عمارتلار و قبرلار و تاشدین اویغان صورتلار تولا یرده بار دورلار . کینراک وقتلاردا مصر ترکیه کا تابع ایردی حاضر اوز آلدیدا حکومت قیلادورغان بر پادشاهلیق دور . مملکتدین سویس قنالی و اینیک بیلان آروپادین هندستان و مشرقی آسیاغه بارا دورغان کمه یولی اوتادور . شو قنال انکلیز کا نهایت ضرور بولوب اولارنیک قولیدا تورغاچ مصر مملکتی بریتانیا عظمی نینک حمایتیده تورا دور .

### شهرلار

قهره شهری ( خلقی ۸۳۰ مینک ) نیل دریاسی نینک بویدا و دلتاسی باشلانادورغان یریده دور . بو شهر مصر نینک پای تختی و آفریقانینک همه دین چونک شهری دور . اندا جامع الازهار دیکان مشهور مدرسه جامعه و هم فرعونلار نینک وقتیدین قالغان اسباب سرانجام عجایباتنی ساقلاماق اوچون بر مشهور عجایب خانه بار دور . قهره نینک بولاق دیکان کوزری انداکی کتاب باسمه خانه لاری بیلان مشهور دور .

قهره نینک اوتوریدا کیزه دیکان یرده ممفیس دیکان قدیم قی شهر نینک خرابه لاری بار دور شو یرده کیزه هرملاری دیکان فرعون نینک زمانیدین قالغان چونک تاش عمارتلاری و ابوالهول دیکان قورام دین اویولغان نهایت یوغان بر صورت بار دور . بو صورت نینک باشی خاتون نینک کیغه و بدنی شیر نینک کیغه اوخشایدور . اسکندریه شهری ( خلقی یاریم میلیونچه ) آق تینکیز نینک بویدا و نیل دلتاسی نینک مغرب طرفیده دور . اول شهر اسکندر رومی ( ذوالقرنین دین ) یاسالیب اینکدین نام تاپغان دور اسکندریه خلق تولالقی توغراسیدین آفریقانینک ایکنجی شهری و سودا توغراسیدین برنجی شهری دور . آندا تولا آوروپالیق لار اولتورورلار .

پورت سعید شهری ( خلقی ۱۰۰ مینکچه ) سویس قنالی آق تینکیز دین چیقادورغان یریده دور و سویس شهری مذکور قنال قزل تینکیز کا یتادورغان یریده دور .

تانتما شهری نیل دلتاسیداکی مشهور بر شهر دور . دمیاط شهری اول دلتانینک آق تینکیز چتیداکی ضرور بر لیمان دور . صیوط شهری اوترا مصر دا نیل دریاسی نینک بویداکی بر شهر دور بو



شهر دین قزل تینکیز کا ضرور کاروان یول لاری بارا دور . اندا قبط خلقی تولا و مسیحیلار نینک چونک مدرسه لاری بار دور .

لوکسور شهری صیوطینک جنوب طرفیده دور اول شهر نینک یانیدا طیبه دیکان جنوبی مصر نینک قدیم قی پای تختی نینک خرابه لاری تورادور انکا یقین تولا فرعون لار نینک قبر لاری هم بار دور لار .

اصوان شهری جنوبی مصر دا نیل نینک بویدا دور . اول یرده یورت نینک سوغار یلماقی اوچون دریانینک توغراسیغه نهایت چونک بر سد یاکه الیش یاساب دور لار . نیل دریاسی نینک برنجه چونک الیش لاری بار دور لیکن اصواندا کی الیش چونکراقی دور .

## ایتالیا تابعی

طرابلس

( خلقی بر میلیون )

طرابلس مملکتی آق تینکیز بیلان صحرای کبیر نینک ارا لیقیدا مصر سر حدیدین غابس کور فزیغچه آق تینکیز نینک بویدا اوزالغان دور . بو مملکت نینک جنوب طرفلاری نینک تولاسی چول دور . چول نینک ایچیده فسّان دیکان آبادلیق بار دور . آق تینکیز چت لاریده هوا معتدل و یر حصول لوق دور مخصوصاً بقرقه دیکان یاریم جزیره نینک تاغ ایتاک لاری درختلیق و حصول لوق دور . اندا قدیم قی شهر و اوردالار نینک خرابه لاری تولا دور لار .

طرابلس بالدور ترکیه کا تابع بر ولایت ایردی و ایمدی ایتالیاغه تابع بولوب دور .

طرابلس ( تریپولی ) شهری آق تینکیز نینک بویدا بولوب مملکت نینک مرکز اداره سی دور . بو شهر دین صحرای کبیردا کی آبادلیق لارغه و سودانغه کاروان یول لاری بارا دور لار .

## فرانسه تابع و حمایه لاری

( جمیع خلقی ۱۴ میلیون )

جزایر یاکه الژیر مملکتی ( خلقی ۶ میلیون ) آق تینکیز نینک بویدا دور .

مغرب طرفیده فاس مملکتی جنوبیدا صحراى کبیر و مشرقیده تونس مملکتی دور.  
 بو مملکت فرانسه کا تابع بولوب آوروپای فرانسه دین کنکرو دور. اطلاس نینک  
 مشرق تاغلاری جزایرده دورلار. تاغلارنینک شمال طرفلاریده هوا معتدل و یر  
 حصول لوق دور لیکن تاغ نینک جنوب طرفلاری قوملوق و هواسی تولا ایسیق دور.  
 خلقی نینک تولا سی بربر و عرب لار دورلار. آندا کوچوب اولتورغان  
 اوروپالیق لار هم تولادور. رسمی تیلی عربچه دور. عرب و بربرلار  
 مسلمان قالغانلاری مسیحی دورلار.

مملکت نینک ضرور راق محصولاتى هر قسم میوه تماکو اوتیاش  
 و اشدلیق دور. قوی باقماغلیق ضرور بر اوقات دور تولا یونک و هم  
 قور کانی فرانسه کا ساتیلور.

شهر: جزایر شهری (خلقى ۲۲۵ مینک) آق تینکیز نینک بویدا بولوب  
 مملکت نینک مرکز اداره سی دور. تولاراق خلقی آوروپالیق دورلار.

۲ تونس مملکتی (خلقى ۲ میلیون دین تولا) جزایر نینک مشرق طرفیده  
 آق تینکیز نینک بویدا دور. تینکیز طرفیداکی یرلاری تولا آباد و حصول لوق دور  
 قالغان یرلاری چولراک دور.

تونس مملکتی فرانسه نینک حمایتیده تورادور لیکن سلطنت قیلغوجی سی یورت  
 خلقیدین بولغان بک آتاندورغان برکشی بولا دور. تونس نینک خلقی و محصولاتى  
 جزایر نینک کیغہ اوخشایدورلار.

شهر: تونس شهری (خلقى ۱۹۰ مینک) آق تینکیز نینک بویدا بولوب  
 مملکت نینک پای تختی دور. تاریخ کتابلاریدا مشهور قارطاکو شهری نینک ویرانه  
 لاری تونسغه یقین دور.

### ۳ فاس یا که مغرب الاقصا سلطنتی

(خلقى ۶ میلیون)

مغرب الاقصا مملکتی آفریقانینک مغرب شمالی برجکیده دور بحر محیط  
 اطلاسی آق تینکیز جزایر و صحراى کبیر نینک ارا لیبیدا دور. اطلاس تاغلاری  
 مملکت نی ایکیکا بولکان دور. مذکور تاغلار نینک شمال طرفی نینک هواسی معتدل و  
 زمینی یخشی دور تاغلار نینک جنوب طرفی نینک هواسی ایسیق و یری چول دور.

خلقی بربرلار بیلان عربلار دورلار. اولار هنر و علم جهتیدین  
توبراک دورلار. دینی اسلام دور. بالدور کوچلوق بر خلق ایردی لیکن ایمدی  
بیاتفاقلیق بولغانی اوچون عاجزلاشیب دورلار.  
دهقانچیلدیق و مال باقماغلدیق خلق نینک باشلیق کیمسبی دور.  
هفسر و زاون ایشلاری آزراق دور. یورت خلقی هم آفریقانینک ایچ یرلاریداکی  
خلقلار بیلان و هم آروپا خلقی بیلان سودا قیلیشادور. یورت ایچیداکی تجارت  
معاملهسی کاروانلار برله بولادور و آروپا بیلان قیلینادورغان سودا تینکیزده گمه  
دین اوتماکلیک برله بولادور.  
مغرب الاقضانینک پادشاهی فی سلطان دیرلار. مملکتی نینک تولاسی  
حاضر فرانسه نینک حمایتیده تورادور و قالغانی اسپانیاغه تابع دور.

### شهرلار

فاس شهری (خلقی ۸۰ مینکچه) مملکت نینک شمال طرفیده تاغلیق  
بر یرده بولوب سلطان نینک پای تختی دور. بو شهر قدیم زماندین بری مدرسه  
لاری بیلان مشهور دور.  
ماروقو شهری (خلقی ۱۴۰ مینک) مغرب طرفده اطلاس تاغلاری  
نینک ایتاکیده دور. سلطان بعضیدا بو شهرده هم تورادور. بحر محیط اطلاسی  
نینک بویدا رباط شهری بار دور.  
جبل طارق بوغازی نینک مغرب طرفیده آروپانینک سوداسیغه واسطه  
بولغان قانتریر شهری بار دور.

### ۴ مغربی صحرای کیر

(خلقی ۷۰۰ مینکچه)  
بو چونک چول نینک تولاسی فرانسه کا تابع دور. بعضی یرلاری آباد  
بولسه هم تولاسی هیچ کشی اولتورالمایدورغان چول دور. شمال طرفیده بدوی  
طوارق و بربر دیکان خلقلار بار دور بولار مسلمان دورلار. جنوب  
طرفیده زنکی خلق بار دور بولار نینک تولاسی بمت پهرست دورلار.

## اسپانیا تابع لاری

( خلقی بر میلیونندین تولا )

اسپانیانینک شمالی آفریقاداکی تابع لاری اوج جز بولادور .

۱ اسپانیا دیول ماروقو مغرب الاقصانینک شمال جرئی بولوب آق تینکیزنیک بوییداکی کچیکراک بر ولایت دور . شهری : سیوط .

۲ اسپانیا دیول افریقا مغربی یا که ریو دی اورو مغرب الاقصانینک جنوب طرفیده بحر محیط اطلسینک بوییدا دور . بومملکت کنکرو بولغانی برله تولا سی چول دور و خلقی آز دور .

۳ قناریه جزیره لاری ( خلقی یاریم میلیون ) . بو جزیره لار بحر محیط اطلسیدا بولوب اسپانیانینک بر ولایتی دیب سانالور . جزیره لارنیک ایری تاغلیق لیکن تولا حصول لوق دور اوزوم و باشقه میوه لار اندا نهایت یخشی بولادور . بو جزیره لارنیک مشهور راقی قینه ریفا جزیره سی دور . اندا قینه ریفا پیککی یا که چوقچه سی دیکان یانار تاغ بار دور بو تاغ نینک ایکیزلیکی ۳۷۰۰ متره دور .

## پورتو کالیه تابع لاری

( خلقی ۴۰۰ مینک )

بحر محیط اطلسیداکی اصور جزیره لاری بیلان مادرا جزیره سی آفریقاغه تعلق بولغانی برله پورتو کالیه کا تابع بولوب شو مملکت نینک بر ولایتی دیب سانالور مخصوصاً مادرا جزیره سی خوش هواسی و یخشی زمینی جهتیدین مشهور دور . بو جزیره ده هر قسم آشلیق و میوه برکتلیک بولادور .

## سودان بیلان کینه شمالی

سودان دیکان مشرق طرفیداکی حبش تاغلاریدین مغرب طرفیداکی بحر محیط اطلسیغچه اوزالغان کنکرو بر یر دور . شمال طرفیده صحرای کبیر جنوب طرفیده اوترا افریقا بیلان کینه شمالی دور . کینه شمالی مغربی آفریقادا و کینه کورفزی نینک شمال طرفیده دور .

سودان بیلان کینه شمالی نینک بحر محیط طرفیداکی چت لاری تولا یست

دور لار. همه دین مغرب طرفیده کاپ ورده دیکان آفریقانینک همه دین مغربی بورنی دور اینک اوتوریدا کاپ ورده جزیره لاری بار دور کینه شمالی نینک ساحل لاری بولاردین قدیم وقت دا ساتیلادورغان نمرسه لاردین مرچ ساحلی دندان ساحلی التون ساحلی و قل ساحلی اتانورلار.

سودان نینک ایچی طرفلاری مغربیدا ایکیز و مشرقیدا پست دور. مغربی دیوقارقی سودان و مشرقی توبنکی سودان هم دیرلار. تولاراق یری توزراک دور. کینه کورفری نینک مشرق طرفیده قامهرون تاغلاری و سودان بیلان کینه شمالی نینک ارا لیقیدا کونک تاغلاری بار دور.

کول لار و دریالار. مشرقی سودان دین نیل دریاسی اوتوب اقادور. اوترا سوداندا چان کولی بار دور. اول کول دونک لیکن تولا کنک دور. یامغور فصلیدا تاشیب کتیب چونک یری باسا دور.

سنه کال و کامبیا دریالاری مغرب طرفیکا آقیب سنکامبیا مملکتیدین اوتوب بحر محیط اطلسیغه قویولا دور.

دیگر دریاسی مغربی سوداندا پیدا بولوب اول شمال مشرقی طرفیکا آقیب اندین جنوب مشرقی طرفیکا آقیب کینه کورفریکا قویولا دور. دینهوه دریاسی مشرق شمالی طرفیدین کلب نیکرکا قوشولادور. نیکر دریاسی نینک ساسلیق بر دلتاسی (دوش یری) باردور.

اب و هوا. سودان نینک هواسی تمام یل تولا ایسیق دور. یل نینک ایکی فصلی بولادور یعنی قوروغلوق فصلی و یامغورلوق فصلی. قوروغلوق فصلیدا هیچ یامغور یاغمایدور لیکن یامغورلوق فصلیدا نهایت تولا یاغادور مخصوصاً مغربی سوداندا و کینه شمالیدا یاغین تولا دور. کینه شمالی یامغوری همه دین کنکرو یورت لار نینک بری دور. بحر محیط دین کلادورغان مغربی مونسون دیکان بر شمال نینک چیقانی برله تولا یامغور یاغادور. کینه شمالی نینک هواسی هر وقت نم توروب آدم کا ضررلیق دور.

درخت و گیاهلار. سودان نینک اوترا یرلاریده ساواذه یا که دشت دیکان یرلار تولا دور. بو یرلار یامغور یوق وقت دا تمام قوروق تورادور یامغور یاغقان وقت دا سودین باسیلادور. و اوت انداغ ایکیز اوسادور که اندا اوتلایدورغان فیل لار اوت نینک ایچیده کورونهای تورادور. اوت نینک اراسیدا برار برار بر درخت

تورادور. همه دین عجایب درخت باو باب دیکان درخت دور. بو درخت انچه  
ایکیز اوسمایدور لیکن شاخلاری نهایت چونک بولادور و تنی انداغ یوغان بولا  
دور که کهنه راق درخت نینک تنی نینک چوره سی ۳۰ متره یا که ۴۵ کتر مقدار یچه  
بولالایدور. مغربی سوداندا و کینه شمالیدا نهایت کنکرو و هر یوغان درختی بار  
جنکل لار باردورلار. درخت لار نینک قطاریدا خرما درخت لار و شولارغه اوخشاش  
دهندستان جوزی درختی دیکان درخت و میوه سیدین نهایت یخشی یاغ چیقادورغان  
بر قسم خرما درختی باردور.

**حیوانات.** سودان نینک یایلاقلاریدا تولا حیوانلار اوتلایدورلار. بولار نینک  
قطاریدا کیمک زرافه جاموس دیکان حیوان و هم حمارالزرد دیکان رنگی  
یول لوق بر قسم قولان باردور. فیل و کرکدن دیکان حیوان هم یایلاقلاردا  
هم جنکل لاردا یورادور. آفریقانینک فیل آسیانینک کی دین چونک و هیبتلیکراک  
بولوب رام بولمایدور لیکن دندانلاری اوچون آو قیلینادور. جنکل لاردا تولا  
میوه نلار یورادور. بولار نینک چونکراقی غوریلا آتانب آدم دین چونک و کوچلوق  
دور. دریالاردا سو اغوری و تمساح تولا دور. چاد کولیدا سو بار یرلارده  
یورادورغان اوچارلیق مثلاً ساقا قوشی ایبیس و شولارغه اوخشه جانورلار  
تولا دور لار.

**کسب لار.** سوداندا دهقانده چیلدیق بیلان مال باقماغدیق خلق نینک  
باشلیق کسبی دور. تولاراق تریدورغان اشلیق بر یانکنده قریق دور تولاراق باقادورغان  
مال قوی اچکو و کله بولادور.

**سودا تجارتی ایتیک دور و چونک بازارلار باردورلار.** مال کاروانلار  
بیلان تینکیز چت لاریکا اپاریلادور. شمال طرفیده چول لاردین تیمه لار مالنی تینکیز  
بویلاریغه کوتاریب اپارادور. جنوب طرفلارده زنگی خلق مالنی کوتاریب توشویدور  
لار. باشقه اقلیم لارغه ساتادورغان نرسه لار دندان شتر مرغ پی لاری التون  
و خرما یاغی بولادور. خرما یاغیدین صابون شمع و شونینکغه اوخشه نرسه  
لار ایتیلورلار.

کینکی یل لاردا آورو یالیق لار سودا معامله سی فی اسانراق قیلماق اوچون  
تمور یول لار یاساغالی توروب دورلار.  
خلق. سودان نینک تولاراق خلقی قمر اوروغ دین بولوب رنگی

اتانادور. سودانداکی لارنی سودان زنگی سی و کینه شمالیداکی لارنی قرو زنگی دیرلار. مغربی سوداندا باشقه باشقه قوم دین ارالاش بولغان فولببی دیسکان بر خلق بار دور.

فولیلارننک زنگی سریراق دور. زنگیلارننک زنگی قرامتول جکررنک یا که قرا رنک دور مانکلایلاری اولتوروشانگنو بورونلاری یایلاق منکزلاری ایکیز ساچلاری قرا و جینکیلاماچ و لب لاری قالین دورلار. زنگیلار اولتورادورغان یرلاری ایسیق بولغاچ اولار ایکین انچه کیمایدورلار اوزیکا سمان و لای دین کچیک اوی لار یاسارلار چونک محکم عمارت لار یاسامایدور اوز زبانلاری نینک خط حرفلاری هم یوق دور. برار مینکچه آدم بر قبیله بولوب بر شیخ نینک قولیدا تورورلار. مونداغ شیخلارغه تابع بولوب تورادورغان قبیله لار تولا وقت بر بریکا دشمن بولوب پات پات اوروشوب تورادور. بالدورقی زماندا جنکده دشمن نینک قولیغه توشکان اسیرلار قل بولور ایردیلار بعضی قبیله لار اسیر قیلغان آدم لارنی اولتوروب یر ایردیلار. بو زمانلاردا آوروپالیقلار ارالاشیب انداغ ایشلارنی حکومتی یتکان یرلارده یوقاتب دورلار لیکن مشرقی آفریقانینک بعضی یرلاریده عربلار تخی قللار ساتیب الیب تجارت قیلادورلار.

بو کونلارده زنگیلار تولا یرلارده آهسته آهسته علم و هنر اورکانکالی توروب ایکین کیدورغان رسمنی توتوب مکروه ایشلارنی تاشلارلار. تولاراق زنگی بت پهرست و بعضی سی مسلمان و ینه بعضی سی مسیلمکی بولوب دورلار. فولیلار مسلمان دورلار.

### حکومت لار

سودان بیلان کینه شمالی نینک تولاسی حاضر آوروپالیق حکومت لارننک تابعیدا یا حمایتیده تورادور.

### انکلیز تابع لاری

( خلقی ۲۵ میلیونجه )

کینه شمالیدا انکلیزکا تابع مملکت لار بولار دور :

کامبیا حکومتی بحر محیط اطلسی نینک و کامبیا دیکان دریانینک بوییدا دور .

سیرالئون حکومتی کامبیا نینک جنوب طرفیده دور . شهری: فریتاون شهری حکومتی نینک مرکز اداره سی دور .

التون ساحلی حکومتی کینه کورفزی نینک بوییدا دور . شو یرده اشانتی دیکان زنکی حکومتی بالدور بار ایردی . مرکز اداره سی قوماسی شهری دور .

نیکریا مملکتی کینه کورفزی بیلان چاد کولی نینک ارا لیقیدا دور . بو مملکت نینک شمال طرفیده بوردو دیکان زنکی حکومتی بار ایردی . لیکن تمام نیکریا حاضر انکلیز نینک حمایتیده تورادور . شهرلار :

لاکوس شهری کینه کورفزی نینک بوییدا و قوقا شهری چاد کولی نینک بوییدا دور . لاکوس دین بر تمور یولی یورت نینک ایچیکا کیرادور .

مشرقی یا که انکلیزی - مصری سودان مملکتی مصر نینک جنوب طرفیده و نیل دریاسی نینک ایکی طرفیده دور . نوبیه نینک جنوبی و چونکراق طرفی هم بو مملکت کا تابع دور . خلقی زنکی دور بعضی سی بت پمست و بعضی سی مسلمان دورلار .

شهرلار . خرطوم شهری نیل دریاسی نینک بوییدا بحر الابيض و بحر الازرق قوشولادورغان یریده دور . بو شهر آفریقانینک ایچیداکی سوداسیغه واسطه دور . مصر دین کلادورغان بر تمور یول خرطوم دین اوتادور .

سواکین و پورت سودان دیکان شهرلار قزل تینکیز نینک بوییدا بولوب مملکت نینک اسکله سی بولادور .

دارفو و قوردوفان حکومتی حاضر مشرقی سودان نینک بر جزئی بولوب قالب دور .

## فرانسه تابع لاری

( خلقی ۱۵ میلیون )

سودان نینک تولا سی فرانسه کا تابع دور مغرب طرفیداکی تابع لاری



چاد کولی نینک مشرق طرفیده بولوب یوقارقی سودان اتانادور شوندا بالدورقی  
فلاذہ دیکان زنکی حکومتی بار ایکان فرانسه مشرقی تابع لاری چاد کولی نینک  
مشرق طرفیده بولوب توونکی سودان اتانیب بالدورقی وادی دیکان  
زنکی حکومتی نینک اورنیدا دور .

نیمبوکتو شهری یوقارقی سوداندا نیکر دریاسی نینک بویدا دور . بو  
شهر چول نینک چتیده توروب آق تینکیزکا و کینه کورفزیکا بارادورغان کاروان  
یول لاریغه واسطه دور .

سنه کال و فرانسه کینه بحر محیط اطلاسی نینک بویدا دور .  
شهری : اکار شهری بحر محیط نینک بویدا کاپ ورده بورنیدا دور .  
بو شهر ضرور بر لیمان دور و اینکدین سنه کال دریاسیغه تمور یول بارادور .  
دندان ساحلی و قل ساحلی هم فرانسه کا تابع دور . قل ساحلی  
بالدور داحومه دیکان بر زنکی حکومت بار ایردی حاضر اول حکومت فرانسه  
نینک قولیغه اوتوب دور .

بالدور جرمانیاغه تابع بولغان توکو بیلان قامرون حکومت لاری حاضر  
فرانسه نینک حمایتیده تورادور . بو ایکی مملکت کینه کورفزی نینک مشرق طرفیده دور .

## لیبریا جمهوریتی

( خلقی ۲ میلیون )

کینه شمالی نینک مغرب طرفیده و بحر محیط اطلاسی نینک بویدا بر  
مستقل حکومت یعنی لیبریا جمهوریتی بار دور . اول حکومت اصلاً آزاد بولغان  
قل لار اوچون قورولدی . مملکت نینک رائس جمهوری ایکی یلدین سلطنت قیلیب  
یوتکالور . خلقی زنکی خلقیدین دور . بولار نینک بعضی سی یاواراق بولوب  
بت پرست دور لیکن بعضی سی مسیحی بولوب علم و هنر بیلیب انکلیز  
زبان برله سوزلاشورلار . لیبریا جنک لیک بر مملکت دور . خلقی نینک باشلیق  
کسی دهقانچیلیق دور . یورت نینک محصولاتی خرما یاغی کورونج قهوه  
قرا مرچ و شولارغه اوخشاش نرسه لار دور . قدیم دین تارتیب شو یردین تولا  
قرا مرچ چیقانی اوچون اول طرفلارنی مرچ ساحلی دیب دورلار .  
مملکت نینک پای تختی مونسروویا شهری دور .

## اوترا آفریقا

اوترا آفریقانینک شمال طرفیده سوډان دور. جنوبیدا قونگو و زامبزی دریالاری نینک اراالقیداکی تاغلارغه یتادور. مغرب طرفیده بحر محیط اطلاسی و مشرقیدا بحر محیط هندی بیلان قزل تینکیز سرحدلاری دور. حبشستان تاغلیقی و اطرافیداکی یورتلار اوترا آفریقانینک بر جزئی دور. ساحل لار. اوترا آفریقانینک ساحل لاری تولاراق یرده پست دورلار کورفلار و یاریم جزیره لاری آز دورلار.

کینه کورفریده فرناندو پیو دیکان جزیره و ینه بر نچه جزیره لار بار دور. بحر محیط اطلاسیدا سان الین یا که سنت هلینا بیلان اسانشون دیکان جزیره لار بار دور.

بحر محیط هندیدا زنگیمبار جزیره لاری بار دور. شمال طرفه راک صومالی یاریم جزیره سی عدن کورفری نینک جنوب طرفیده دور. مذکور یاریم جزیره نینک مشرقی ساحلیدا کاپ غار دافوی دیکان آفریقانینک همه دین مشرق بورنی بار دور. و اینک مشرق طرفیده صوقوترا جزیره سی تورادور. تاغلار و توز لار. اوترا آفریقانینک ایچیده کنکرو ایکیز توز یرلاری بار دور. مشرق طرفیده بو توزلارده نهایت چونک کول لار بار دور. شو کول لار بیلان بحر محیط نینک اراالقیدا کلیمانجارو بیلان کیمینیا دیکان ایکیز تاغلار بار دور. بولار آفریقانینک همه دین ایکیز تاغلاری بولادورلار.

مشرق شمالی طرفه حبشستان تاغلاری بار دور بولار نینک ایکیز راک چوقچه لاری آوروپانینک ایکیز راک تاغلاری بیلان برابر کلادور.

کول لار و دریالار. اوترا آفریقانینک مشرق طرفیده اول قطعه نینک چونک راق کول لاری بار دورلار.

خط استوانینک استیدا اوکیر یوه یا که ویقتوریا کولی بار دور. بو کول تینکیز دیک کنکرو بولوب آفریقانینک همه دین چونک کولی دور اوزونلوقی ۴۰۰ کیلومتره یا که ۸۰ یوطی و کنکلیکی ۳۰۰ کیلومتره یا که ۶۰ یوطی بولادور. اوکیریوه نینک شمال مغربی طرفیده البهرت کولی و البهرت ادوارد کولی بار دور. مذکور کول لار دین نیل دریاسی پیدا بولادور. حبش تاغلاری

اراسیدای چانا کولی نینک سوی بجرالازرق دیکان دریانینک واسطهسی برله نیل دریاسیغه قویولادور .

اوکیریوه کولی نینک جنوب مغربی طرفیده قانکانییکا کولی بار دور . اینک چونکلوقی اوکیریوه نینک تنکیدیک بولادور اوزونلوقی ۶۰۰ کیلومتره (۱۲۰ یوطی) و کنکلیکی ۱۰۰ کیلومتره (۲۰ یوطی) بولادور .

اوترا آفریقانینک چونکراق دریاسی قونکو دریاسی دور . سوی نینک اولوغلوقی توغراسیدین قونکو آفریقانینک برنجی دریاسی بولادور و اوزونلوقی توغراسیدین ایکنجی سی بولادور . قونکو دا بر نچه یرده چونک شمار قییمه املار بار دور اینک اوچون که تولا یرلاردین مانکالمایدور . اوباندکی و کاسای دیکان چونک دریالار قونکوغه قوشولادور . تانکانییکا و باشقه چونک کوللار نینک سوی قونکو دریاسی بیلان بحر محیط اطلسیغه قویولادور .

اب و هوا . اوترا آفریقا خط استوانینک استیدا بولغان اوچون هواسی تولا ایسیق بولادور لیکن بعضی یرلار ایکیز بولغان سبیدین هوا اندا سورونراک بولادور .

خط استواغه یقینراق یرلارده یل نینک ایکی یامغورلوق وایکی یامغورسز فصلی بار دور . مخصوصاً قونکو دره سیده یامغور نهایت تولا بولادور اول یر نینک هواسی آورو یالیق خلققه تولا ضررلیق دور . حبشستان طرفلاریده یل نینک بر یامغورلوق و بر یامغورسز فصلی بار دور . یامغور یاز وقتدا یاغادور باشقه وقتلاردا هیچ یاغمايدور .

درخت کیمه لار و حیوانلار . اوترا آفریقانینک بحر محیط چت لاریداکی یورتلاردا کینه شمالیداکی دیک نهایت چونک جنکلار بار دور . جنکلاردا هر چونک کچیک درختلار بار دور مثلاً خرما درختلار موز درختلار و سوییدین رزینکا چیقادورغان درختلار . موز درختی نینک میوه سی تولا یخشی بولوب تولا کشی ییدورغان طعام بولادور .

دریالاردا سو اغوری و تمساح لار و جنکلاردا هر قسم میمونلار بار دور . ایچکری یرلارده سودانداکی غه اوخشاش تولا اوقی بار توز یرلار بار دور انداکی حیوانلار سودانداکی حیوانلارغه اوخشاش دورلار . کسبلار اوترا آفریقانینک اوتلوق و اوچوق یرلاریده خلق نینک

باشلیق کسبی دهقانچیلیق دور. جنکل لارداکی خلق صیادلیق قیلیب تیریکیچیلیق قیلورلار.  
خرما یاغی قوملاستق (رزینکا) و باشقه نرسه لار آوروپا  
خلق لاریغه تولا ساتیلور.

خلایق اوترا آفریقانینک خلقی زنکی دورلار. تولاسی باذقو دیکان  
نوعیدین دور. بولار ایکیز اوسادورغان خلق دورلار. اولارننک چرائی سودان  
زنکی سینیکی دین خوش رویراق مانکلای لاری توزراک بورونلاری ایکیزراک و  
لبلاری نفیسراک دور.

جنکل لاردا بعضی یرلارده پایپی خلق بار دور. بولار آفریقانینک  
اصل خلقی بولورایمیش رنگی سریغراق بدنلاری تولا توکلوک و بوی تخمیناً  
بر متره (۳ چیزه) دور. هم بانتو هم پایپی خلقی بت پهرست دور. کینکی یل  
لاردا تولا زنکی مسیحی بولوب دورلار بعضی یرلارده مسلمان زنکی هم بار دور.  
شمال مشرقی طرفیده حامی خلق لار هم بار دور بولارننک ضرورراقی کللا  
و صومالی خلق دورلار. حبش خلقی هم سامی هم حامی خلقیدین ارالاش بر خلق دور.  
حاشدییه. بانتو زنکیلارننک باشلیق کسبی دهقانچیلیق دور. ایشنی  
مظلوم خلقی و قللاری قیلادور آزاد ایر کشیلاری زراعت کا هیچ ایش قیلمایدور  
لار. یرنی تریماسدا اول ایکیز اوسکان اوتنی کویدوروب اندین کچیک کتمانلار  
بیلان یرنی چاناب ماش و باشقه نرسه لار تریدورلار. کندر تماکو و حب لذیند  
دیکان کیه لارنی هم تریدورلار و بر قسم خرما درختیدین خرما شرابی دیکان  
شیره نی چیقاریب ایچادورلار.

ایر کشیلار صیادلیق بلیقچیلیق و اوزلاری یخشی کورادورغان تماشا لار  
بیلان کونلارینی اوتکوزادورلار.

اوترا آفریقانینک زنکیلاری یاواراق بولغانی برله اولارننک اراسیدا  
اوستا تمورچی بار دور. بولار اوبدان پیچاق نیزه لار و شونینکغه اوخشاش  
اسباب لار ایقادورلار.

### حکومت لار

اوترا آفریقادا بر چونک مستقل حکومت بار دور قالغانینک تولاسی  
آوروپالیق حکومت لارکا تابع و یا اولارننک حمایتیده تورادور.

## حبشستان (آبسینیا) امپراطورلوقی

(خلقى اون ميليونچه)

حبشستان ياكه حبش مملكتى اوترا آفريقانينك شمال مغربى طرفيده دور. هيچ یری تينکيزکا يتمايدور چوره سیده انگليز ایتالیا و فرانسه تابع لاری بار دور.

حبش مملکتى نهايت تاغليق دور. کول لاری و دريالاری تولا دورلار. چونکراقی چاندا کولی و حکم الارزق درياسی دور.

خلقى عرب خلقیغه هم بربر خلقه اوخشاب بولارغه يقين بر خلق دور يوزلاری نينک رنگی قرامتول دور تيملی حبش تیلی بولوب عربيجه و عبرانی تیلی بيلان بر جنس دور. تولاراق حبشی مسيکسی دورلار.

حبش دره لاریده درخت کيماه لار نهايت يخشی بولادور پستراک يرلارده ايسيق يرلار نينک قسم قسم ميوه سی پشادور ايکيزراک يرلارده اشليق اوبدان بولادور. مملکت نينک جنوب طرفيده قهوه درختی تولا تريلادور. مذکور درخت نينک اصل جاي حبش مملکتی بولادور ميش.

حبشستان نينک اداره سی مستقلة دور و پادشاهی فی نجاشی ديرلار. ادیس ابابا شهری مملکت نينک پای تختی دور.

## مصوع ياکه اريترة مملکتی

شو مملکت حبش تاغلاری بيلان قزل تينکيز نينک ارايقيدا دور. بو مملکت پست و توزراک دور. تولا یری چول و هواسی تولا ايسيق دور. مشهورراق شهرلاری قزل تينکيز بوييداکي عصب و مصوع شهرلاری دور.

## صومال مملکتی

بو مملکت حبشستان نينک مشرق طرفيده صومال ياريم جزيره سیده بولوب اوج حکومت کا تابع دور.

فرانسه صومالی باب الماندب بوغازی نينک مغرب طرفيده دور. اوجوق

و جیبوتی شهرلاری تینکیزینک بویدا دور. شو یردین ادیس اباباغه تمور یول بارادور.

۲ بریتانیا صومالی فرانسه صومالی بیلان عدن کورفری نینک جنوب طرفیده دور.

۳ ایتالیا صومالی مذکور یاریم جزیره نینک مشرق و جنوب طرفیده دور. مارقا و ماغدوقسو شهرلاری بحر محیط هندی نینک بویدا دور. صومالدا زنکی عرب و کالا خلقی بار دور.

## بریتانیانینک مشرقی آفریقاسی

( خلقی ۵ میلیون )

بو مملکت حبشستان نینک جنوب طرفیده اوکیریوه کولی بیلان بحر محیط هندی نینک ارالیقیدا دور. اوکیریوه نینک شمال و مغربی طرفیده اوکاندا مملکتی بار دور. بو مملکت بریتانیا مشرقی آفریقاسی برله بر بولوب انکلیزینینک حمایتیده تورادور.

بو مملکت لار نینک خلقی زنکی و کالا دور. ساحل یورت لاریدا عرب لار هم تولادور لار. اوکاندادا مسیحکیلار تولا بولادور. باشقه یرلارده بت پرست و مسلمان تولا بار دور. بو مملکت نینک سوداسی قدیم دین تارتیب عرب لار نینک قولیدا دور.

موه بازار شهر بحر محیط هندی نینک بویدا بولوب مملکت نینک مرکز اداره سی دور اینکدین اوکیریوه کولیکا تمور یول بارادور.

## تانکانیکا مملکتی

( خلقی ۵ میلیون )

تانکانیکا مملکتی بالدور جرمانییا مشرقی آفریقاسی اتاندى حاضر بو مملکت انکلیزینینک حمایتیده دور. اول بریتانیا مشرقی آفریقاسی نینک جنوب طرفیده و تانکانیکا کولی بیلان بحر محیط هندی نینک ارالیقیدا دور. مذکور بحر محیط نینک ساحلیدین تانکانیکا کولیکا بر تمور یول باردور. خلقی زنکی دور.

## جزیره‌لار

بحر محیط هندیدای اوترا آفریقاغه تعلق جزیره‌لاردین صوقوترا جزیره‌سی بریتانیا عظیمیکا تابع دور .

زنکیبیار (زانزیبار) جزیره‌لاری بر عربی سلطانه تابع لیکن انکلینز نینک حمایتیده تورادور. شهر:

زنکیبیار شهری کچیک بر جزیره‌ده بولوب مملکت نینک پای تختی دور. بو شهری سودا جهتیدین مشرقی آفریقانینک ضرورراق شهری دور دندان و قرنفل سوداسی چونک دور. بالدور اندای عرب‌لار زنکی قل‌لار هم ساتیب الیب سودا قیلور ایردی‌لار لیکن بو تجارت حاضر یوقاتیلیب دور .

اوترا آفریقانینک مغربی ساحلیدا یا که کینه جنوبیدا بو حکومت لار بار دورلار:

## فرانسز خط استوای آفریقاسی یا که فرانسز قونکوسی

(خلقی ۶ میلیونچه)

بو مملکت کینه کورفزی نینک بویدا بولوب جنوب طرفیدای قونکو دریاسیدین تارتیب شمال طرفیدای تونکی سودانچه یتادور. بو مملکت خط استوانینک استیدا بولغان اوچون نهایت ایسیق دور و هواسی یامغورنینک تولالیقی سبیدین تولا هول بولوب مخصوصاً آورو یالیق خلققه ضررلیق دور. بو مملکت نینک خلقی زنکی و تولاسی بت پرست دور لیکن مسیحی‌لار یلدین یلغه تولاراق بولوب تورادورلار .

لیبرویل و برازاویل شهرلاری ضرورراق شهرلار دور. لیبرویل تینکیزنینک بویدا و برازاویل قونکو دریاسی نینک بویدا دور .

حاشیه . اسپانیا کینه‌سی دیکان کچیکراک بر یر کینه کورفزی نینک بویدا اسپانیا حکومتیکا تابع دور .

## بلچیکا قونکوسی یا که قونکو مملکتی

(خلقی اون ایکی میلیونچه)

بو مملکت قونکو دریاسی و انکا قوشولادورغان دریالارنینک بویلاریدا

دور قونکو درياسی نينك منصبيدا كچيك كنه یری بيلان بحر محیط اطلاسیغه يتادور لیکن تولاراق یری قوزوق نينك ایچیده بولوب اوترا آفریقانینك مشرق طرفیداکی چونك كول لاركا يتادور .

خلقی زنگی دورلار بولار نينك تولاسی بت پیرست دور لیکن بعضی یرلارده تولا زنگی خلقی مسیگی بولوب تورادور . اندا کوچوب بارغان عربلار و اوروپالیق لار هم بار دورلار .

دهقانچیلیق خلقی نينك ضرور بر کسببی بولادور . تولا قوملاستق ( رزینکا ) آروپاغه ساتیلادور . آروپالیق نينك کهلاری قونکو درياسی بيلان یورت نينك ایچیکا بارادور . دریانینك بعضی یرلاریده چونك شارقیراملار که چیلیک نينك مشکل لیکیکا سبب بولادور .

قونکو درياسی نينك بویداکی بوما شهری مملکت نينك مرکز ادارهسی دور .

## پورتو کیز آنکولا

( خلقی ۴ میلیون )

بو مملکت قونکو مملکتی نينك جنوب طرفیده بحر محیط اطلاسی نينك بویدا دور . آنکولا پورتو کالیه حکومتیکا تابع دور . خلقی زنگی خلق دور .

### جزیره لار

کینه کورفزیده کینه جزیره لاری دیکان تورت جزیره بار دور ایکی سی اسپانیاهه و ایکی سی پورتو کالیه کا تابع دور .

بحر محیط اطلاسیداکی سنت هلینا و اسانشون دیکان جزیره لار بریتانیا عظیمیکا تابع دورلار .

## جنوبی آفریقا

جنوبی آفریقا اوترا آفریقانینك جنوب طرفیده دور . مغرب جنوب و مشرق طرفلاریده بحر محیط اطلاسی و بحر محیط هندیدین احاطه قیلینادور .



ساحل لاریدا چونك كورفز لار يوق دور . جنوب مغربی چتیده امید بورنی

دیگان بورون بار دور .

جنوبی آفریقانینك مشرق طرفیده بحر محیط هندیدا ماداکاسقار دیگان

چونك بر جزیره باردور . موزامبیق قنالی دیگان بوغاز مذکور جزیره نی آفریقا  
قطعه سیدین آیریدور .

ماداکاسقارینك اطرافیدا بر مونچه کچیکراک جزیره باردور بولارینك

ضرور راقی مسقارین امیر اذت و سیشل طاقم جزیره لاری دور .

ایکیز پستلمیکسی . جنوبی آفریقانینك تولاسی ایکیز و توز یرلاردور .

ایکیزراک تاغلاری مشرق ساحلیغه یقین دور

جنوبی آفریقانینك اوتراسیدا کالاحامری دیگان چونك بر چول بار دور .

جنوب طرفیده اوتلاری جیق استپ یرلاری تولا بولغان قناب ( کاپ ) مملکتی باردور .

کول لار و دریالار . جنوبی آفریقادا بر چونك کول یعنی دیهزا کولی

بار دور چونکلو قی جهتیدین آفریقانینك تورتونجی کولی دور . ینه برنچه کچیکراک

کول لار هم بار دور لار .

زامبزی دریاسی جنوبی آفریقانینك چونکراق دریاسی دور . اول دریا

آفریقانینك ایچ طرفلاریدین کلیب مشرق طرفیکا آقیب موزامبیق قنالیغه قویولادور

منصیدا چونك و جنکلیق بر دلتاسی باردور . مذکور دریادا ویقتوریا

شارقیبرامالاری دیگان آفریقانینك همه دین چونك شارقیبرامالاری باردور لار . شیره

دریاسی نیهزا کولیدین کلیب زامبزیکا قوشولادور .

اورانتر دریاسی جنوبی آفریقانینك مشرق طرفیداکی تاغلاردین پیدا بولوب

مغربغه آقیب بحر محیط اطلاسیغه قویولادور . فال دریاسی اورانتر دریاسیغه قوشولادور .

اب و هوا . جنوبی آفریقانینك شمال طرفلاریده هوا تولا ایسیق و ایچ

طرفلاریده قوروق دور .

جنوبراق طرفلاریده هوا معتدل دور . مشرق ساحلیدا بحر محیط هندیدین

کلادورغان مونسون (موسم) شمالی بلان تموزدا تولا یامغور کلادور .

همه دین جنوب طرفیده ترکستانداکی دیک یرلینك تورت فصلی بار دور لیکن

بو یرده یاز بولسه اول یرده قیش بولادور و بو یرده ایرته یاز بولغاندا اول یرده

کوز بولا دور .

درخت و گیاه‌لار. جنوبی آفریقانینک شمال طرفلاریداکی درخت گیاه‌لار اوترا آفریقانینک کی‌غہ اوخشایدور. کالاحاری چولونینک مشرق طرفیده یریک اوتی و اوشاق اوشاق درخت‌لاری بار استپ‌لار باردور. اندا وەلویچیتنشییه دیکان عجایب بر درخت باردور. بو درخت‌نینک تنی یرنینک ایچیده تورادور و یرنینک تویه‌سیده ایکی نهایت یوغان یاپرماقی یرکا یایغلیق تورادور.

جنوب‌راق طرفلارده اوت تولاراق بولادور اندا تیکانلیک و چرایلیق چیچاکی بار اوشاق درخت‌لار هم بار دور. چونک‌راق جنکل‌لار مشرق چت‌لاردین باشقه یرلارده یوق دور.

حیوانات. جنوبی آفریقانینک شمال طرفلاریده فیل شمشیر و شتر مرغ‌لار بار دور. استپ‌لارده کیمک و بولارغه اوخشاش حیوانلار تولا و دریالاردا قمساح‌لار بار دورلار. زامبزی دریاسی‌نینک اطرافیدا چه‌چه دیکان نهایت زهرلیک بر قسم چیبین باردور. اول چیبین چاقانیدین آط‌کله تیمه اولوب کتادور. آدم‌نی چاقسه انکا یمان بر کسل عارض بولادور.

مادا کاسقار جزیره‌سی‌نینک درخت گیاه و حیوانلاری آفریقا قطع‌ه‌سی‌نینک کی‌دیک ایماس چونک‌راق یرتقوچی حیوان و هم فیل‌لار اندا یوق دور.

خلق‌دینک اوقات و کسب‌لاری. قدیم‌دین تارتیب مال باقماغلیق جنوبی آفریقاداکی خلق‌لارنینک ضرور کسبی دور. مخصوصاً قاب مملکتیده نهایت تولا کله قوی و هم شتر مرغ باقادورلار. کینکی وقت‌لاردا دهقان‌چی‌دلیق تولا قیلینادورغان اوقات بولوب دور و اشلیق بیلان میوه نهایت یخشی بولادور.

کان‌چی‌دلیق هم تولا ضرور دور. جنوبی آفریقاداکی الماس و التون کانلاری عالم‌نینک همه‌دین اوبدانی‌نینک قطاریدا بولادور. الماس اورانتر و فال دریالاری طرفیده بر قسم کوک تفراندین چیقادور.

جنوبی آفریقانینک ایچ طرفلاریده باریش کلمیش تولاراق کله تارتادورغان عرابه‌لار بیلان بولادور لیکن ساحل‌لاریداکی شهرلار تمور یول‌لار برله بربریکا قوشولغان دورلار

خلایق. جنوبی آفریقانینک شمال طرفیده بانتمو زنگی خلق باردور بولارنینک مشهورراقی کفیم و زولوس دیکان کوچلوق بر خلق دور. کالاحاریدا و اطرافیدا هونتاندتمو و بوشمان دیکان آفریقانینک اصل خلقیدین قالغان خلق‌لار

بار دورلار. هوتانتولار ايکيز اوسمايدورغان خلق دور يوزلاری سريغراق و قوروق دور ساچلاری جوغمک جوغمک اوسادور. بوشمان هوتانتوغه اوخشايدور. بو خلقلار باشقه خلقلار الديدین چول و استپ يرلاریکا کوچوب کتیب دورلار. آروپادین تولا خلق مخصوصاً انکلیزی و هوللانديه لیکلار اندا کوچوب باریب دورلار. هوللانديه لیکلار بوئرلار (دهقانلار) آتانیب دهقانچیلیق بیلان تیریکچیلیک قیلورلار. هندستاندین کوچوب بارغان خلق هم تولا بار دور. آروپالیقلار مسیکی زکی هوتانتو و بوشمان نینک تولاسی بمت پیرست و بعضی سی مسیکی و هندستان لیق نینک تولاسی مسلمان دورلار. ماداکاسقار نینک باشلیق خلقی مالای جنسیدین بولوب هووا اتانور بولار نینک تولاسی مسیکی بولوب دورلار.

### حکومتلار

جنوبی آفریقانینک تمامی آروپالیق حکومتلارکا تابع دور.

## بریتانیا جنوبی آفریقاسی

بریتانیا جنوبی آفریقاسی حکومت متفقہ جنوبی افریقا و بریتانیا عظمی نینک حمایتیده تورادورغان ینه بر نیچه مملکت دین عبارت بولادور. حکومت متفقہ جنوبی افریقا (خلقى ۷ میلیونچه). بو حکومت انکلزکا تابع بولغان قاب و ننتال مملکتی و بالدور مستقل بولغان اورانتر و ترانسوال (ترانسفال) دیکان بوئرلار نینک جمهوریت لاردین عبارت دور. بالدور جرمانیاغه تابع بولغان دامارا و ناما دیکان یورتلار هم حاضر مذکور حکومت متفقہغه قوشولغان دورلار. قاب مملکتی آفریقانینک همه دین جنوب طرفیده ننتال جنوب مشرقی طرفیده اورانتر بیلان ترانسوال قاب مملکتی نینک شمال طرفیده و دامارا بیلان ناما آفریقانینک جنوب مغربی طرفیده دور. تمام بو حکومت متفقہ نینک اوستیده بریتانیا نینک بر والیسی توروب سلطنت قیلادور.

جنوبی آفریقانینک ایچ يرلاریداکی انکلز تابع و حمایه لاری نینک ضرور راقی رودیسییه مستملکاتی دور بو مستملکات قونکو مملکتی نینک جنوب سرحدلاریغچه یتادور.

## جنوبی آفریقانینک مشهور شهرلاری

قاب شهری ( خلقی ۲۰۰ مینکچه ) قاب مملکتیده بحر محیط اطلاسی نینک بوییدا دور . مشرق طرفیده بحر محیط هندی نینک بوییدا پورت ایصابت دیکان شهر باردور . اول شهر نینک ضرور بر لیهای بار دور .

پره توریا شهری ترانسوال مملکتیده بولوب حکومت متفقہ جنوبی آفریقانینک پای تختی دور .

یوحناس بورك شهری هم ترانسوال مملکتیده دور . بو شهر التون و الماس کانلاری اراسیدا بولغان اوچون نهایت پات ایتیک آباد بولوب کتکان دور . خلقی ۳۰۰ مینکچه دور .

### موزامبیک

خلقی ۳ میلیونچه

موزامبیک مملکتی یاکه پورتوکیوز شرقی افریقا شمال مملکتی نینک شمال طرفیده و موزامبیک قنالی نینک بوییدا دور . بو مملکت نینک تولا و چونک جنکل لاری بار دور . اینکدین ساتیلادورغان نرسه لار نینک ضرور راقی قوملاستق دندان و التون دور . خلقی زنکی و بت پرسیت دور . مرکز اداره سی موزامبیک شهری دور .

### جزیره لار

ماداگاسکار جزیره سی

( خلقی ۳ یاریم میلیون )

بو چونک جزیره آفریقانینک مشرق طرفیده بحر محیط هندی دور . بو جزیره حاضر فرانسه کا تابع دور . خلقی هم زنکی خلق هم مالای خلقیدین دور . چونک راق خلقی مالای جنسیدین بولغان ههوا خلقی دور بولار نینک تولا سی مسیحی دورلار . شهرلار :

انتاناناریوو شهری یورت نینک ایچیده بولوب مرکز اداره سی دور . تاما تاوه شهری بحر محیط هندی نینک بوییدا بولوب جزیره نینک ضرور راق اسکله سی دور .

ده تويون جزيره سی و اینک اطرافیدای کچیکراک جزیره لار فرانسه کا تابع دورلار . بو جزیره لارینک خلقی باشقه باشقه یورت لار دین کوچوب بارغان خلق دور . جزیره لارینک ضرور راق محصولاتی قند و هم وانلییه دیکان دارو دور .

موریتس جزیره سی و سیشل بیلان امیر اذت جزیره لاری بریتانیا عظیمکا تابع دورلار . خلقی و محصولاتی مذکور فرانسه کا تابع جزیره لارینک کی غه اوخشاش دور .

## خلاصه

### آفریقانینک خلقی

آفریقانینک جمیع خلقی تخمیناً ۱۴۰ میلیون دور لیکن همه یری نینک خلقی تخی تعین سانالماب دورلار آباد راق یرلار چونک دریالارینک بویلا ری دایکی یورت لار بولا دور .

آفریقانینک تولاراق خلقی قافقاز خلق لاری و زنگی خلق لاری دور . بولارینک تولاراقی زنگی خلق لاری بولادور . آفریقانینک اصل خلقیدین قالغان قوم لار و کوچوب بارغان مغول خلق هم باردور . پس آفریقانینک ضرور راق خلق لاری بولار بولادور :

### I قافقاز جنسیدین بولغان خلق لار :

- ۱ کوچوب بارغان اوروپالیق لار شمالی آفریقادا تولاراق فرانسز ایتالیان و یونانی و جنوبی آفریقادا تولاراق انگلیز و هول لاندیه لیک دورلار .
- ۲ حامیلار مثلاً قدیم قی مصرلیق لارینک اولادی نیل دره سیده کالاً و صومالی خلقی مشرقی آفریقادا بربر خلقی شمالی آفریقادا و فولبی خلقی سوداندا بار دورلار . لیکن فولبی خلقی حامی و زنگی خلقیدین ارالاش بولغان بر قوم دور .
- ۳ سامیلار مثلاً عرب لار و حبشلار . حبشلار حامیلار بیلان سامیلار دین ارالاش بر قوم دور .

### II زنگی خلق لاری :

- ۱ سودان زنگی لاری سوداندا

۲ بانڈو زنكىلارى اوترا بيلان جنوبى آفريقادا .

### III آفريقانىدىكى اصل خلقىدىن قالغان قوملار:

۱ پاپىيلار جنكلاردا

۲ هوتانڈو بيلان

۳ بوشمان جنوبى آفريقادا .

IV مغول و ممالى لار: ماداكاسقار و باشقە جزيره كا كوچوب بارغان خلقلار .

## دين و مدنيت

تەم شەمەلى آفريقادا اسلام دىنى جارى بولغان دور مشرقى آفريقادا و اوترا آفريقانىنك بەعضى يرلاريدە تولا مسلمان ھەم بار دورلار . زنكىلارنىنك تولا سى بت پرست دورلار . حبشستان و مصردا قديم زماندىن برى قبط مسيحي دىكان مسيحيار بار ايكان . آفريقانىنك ھەم ساحل لاريداكى يورتلاردا ھەم مسيحيار بار دور و مخصوصاً ماداكاسقار جزيره سيدة جنوبى آفريقادا و اوترا آفريقادا كى اوكاندا و قونكو مملكتيدة تومان تومان زنكى مسيحي بولوب دور . مدنيت توغراسىدىن آفريقانىنك خلقى قالغان قطعەلارنىنك خلقىدىن كين قالغان دور آفريقانىنك ايجىداكى تولا يرلار عالمىنىنك تولاراق خلقىغە آنچه معلوم ايھاس دور .

باريش كەلىش آفريقانىنك ايجىدە كاروانلار بيلان بولادور شەمال طرفلاريدە مال لارنى تيوە كا و اوترا آفريقادا زنكى آدم كا آرتادورلار و جنوب طرفيدە كلە تارتادورغان عرابەلارغە باسادورلار .

ساحل لاريداكى شەرلارنىنك اراسىدا كەمە برلە مال و خلقنى اليب بارادورلار . چونك دريا و كول لاريدە پىرخوت ھەم مانكادور . بەعضى يرلاردا مثلاً مصر الئير برىتانيا مشرقى آفريقاسىدا و جنوبى آفريقادا كينكى يل لاردا تمور يوللار سالىب دورلار . انكليزلار حاضر جنوبى آفريقادا كى قاب شەرىدىن مصرغە بارادورغان بر تمور يولنى سالىب تورورلار .

## حکومت لار

آفریقانینک تولاسی حاضر آوروپالیق حکومت لارکا تابع بولغان دور و یا مذکور حکومت لارینک حمایتیده تورادور. بر نچه مستقل حکومت هم بار دور بولارینک بری یعنی لیبیا جمهوریت دور قالغانلاری نینک ادارهسی مستقله دور پس آفریقانینک ضرورراق مملکت لاری بولار بولادور:

## انگلیز یا که بریتانیا تابع و حمایه لاری

( خلقی ۶۵ میلیونچه )

- ۱ مصر و سینا یاریم جزیره سی بریتانیا نینک حمایتیده تورادورغان بر پادشاه لیق دور. انگلیز-مصری سودان بیلان فوبیه بریتانیا تابعی دور.
- ۲ بریتانیا مغربی افریقاسی یعنی کامبیا سیرا لئونیه التون ساحلی و باشقه لار انگلیز تابع لاری دورلار. و نیکریا بریتانیا نینک حمایتیده تورادور.
- ۳ بریتانیا صومالی
- ۴ بریتانیا شرقی افریقاسی بیلان تانگانیکا مملکتی
- ۵ بریتانیا جنوبی افریقاسی یعنی حکومت متفقہ جنوبی افریقا بیلان دامارا و ناما مملکت لاری و انگلیز حمایتیده تورادورغان رودیسیا مملکتی
- ۶ جزیره لار مثلاً بحر محیط اطلسیداکی سنت هلینا بیلان اسانشون و بحر محیط هندیداکی صوقوترا زنگیبار موریتس امرانت و سیشل و ینه بر نچه جزیره لار.

## فرانسه تابع و حمایه لاری

( خلقی ۴۰ میلیونچه )

- ۱ مغرب الاقصا مملکتی فرانسه نینک حمایتیده تورادور.
- ۲ جزایر ( الزیر ) مملکتی فرانسه تابعی و صکرای کبیر نینک تولاسی فرانسه حمایتیده دور.
- ۳ توونیس مملکتی فرانسه نینک حمایتیده تورادور.

۴ فرانسه مغربی افریقاسی یعنی سنه‌کال و فرانسیز کینه دندان ساحلی توکو بیلان داهومه قامرون بیلان فرانسه قونکوسی (فرانسیز خط استوای آفریقاسی) فرانسه‌نینک تابع‌لاری دور و فرانسیز سودان فرانسه‌نینک حمایتیده تورادور.

۵ فرانسه صومالی قزل تینکپزنینک بوییدا

۶ ماداکاسقار جزیره‌سی

۷ کچیکراک جزیره‌لار یعنی راه‌ئوینون و باشقه‌لار فرانسه‌نینک تابع‌لاری دورلار.

### بلچیکا تابعی

(خلقی ۱۲ میلیونجه)

بلچیکا قونکوسی

### پورتو کالیه تابع‌لاری

(خلقی ۸ میلیوندین تولا)

۱ انکولا

۲ موزامبیک یا که پورتو کیز شرقی آفریقا

۳ جزیره‌لار مثلاً اصور مادرا کابورد و باشقه‌لار.

### ایتالیا تابع‌لاری

(خلقی ۲ میلیونجه)

۱ طرابلیس مملکتی

۲ مصوع مملکتی

۳ ایتالیا صومالی

### اسپانیا تابع‌لاری

(خلقی بر یاریم میلیونجه)

۱ اسپانیا ماروقوسی



۲. اسپانیا مغربی افریقاسی  
 ۳. جزیره‌لار: قناریه فرناندویو و باشقه جزیره‌لار.

## آفریقانینک مستقل حکومت لاری

۱. حبشستان ایمپراطورلوقی

۲. لیبریا جه-هوریتی

آفریقانینک ایچ یرلاریده کچیکراک زنگی حکومت لار بار دورلار لیکن چونکراق زنگی حکومت لاری نینک همه سی حاضر آوروپالیق حکومت لارکا تابع بولوب دورلار: چاد کولی نینک بوییداکی بورنو مملکتی اوکیریوه کولی نینک بوییداکی اوکاندا مملکتی و کینه شمالیداکی اشانتی حکومتی بریتانیا عظمی نینک حمایتیده دورلار و کینه شمالیداکی داهوم مملکتی بیلان چاد کولی نینک بوییداکی وادای مملکتی فرانسه کا و جنوبی آفریقاداکی لوندای مملکتی پورتو کالیه کا تابع دور.

## IV

### آوسترالیا

- آوسترالیا دنیانینک بش قطعه سی نینک همه دین کچیکدی دور.  
 بو قطعه آسیانینک مشرق جنوبی طرفیده بولوب ایکی باشلیق جز دین تمام بولادور.
۱. اصل اوسترالیا یا که ینکی همولاندییه بیلان شمال طرفیداکی ینکی کینه جزیره سی و جنوب طرفیداکی طاسمانیا جزیره سی.
۲. بحر محیط کبیر جنوبیداکی جزیره لار. بولار تولا چونک کچیک جزیره لار و طاقم جزیره لار بولادورلار.

### اصل اوسترالیا

اصل اوسترالیا نهایت چونک بر جزیره دور. مشرق طرفیده بحر

محيط كبير سرحدی دور . و باشقه طرفلاریده بکسر محیط هندیدین احاطه قیلیندور .

آوسترالیا نینک ساحل لاریدا کورفلار و یاریم جزیره لار تولا ایماس لیکن شمال طرفیده قارپنتاریا کورفزی و یورق یاریم جزیره سی باردور . یورق یاریم جزیره سی تورهس بوغازی بیلان ینکی کینه جزیره سیدین آریلور . آوسترالیا نینک جنوب طرفیده اوسترالیا چونک کورفزی دیکان کورفزی باردور . طاسمانیا جزیره سی بئاس بوغازی بیلان اصل آوسترالیا دین آریلادور .

ایکیز و پست لیک . اصل آوسترالیا نینک ایچ طرفلاریده چونک و توزراک استپ و چولار باردورلار . تاغلاری چت لاریده دورلار . مشرقی ساحل لاریغه یقین اوسترالیا الپلاری دیکان تاغلار بار دورلار . طاسمانیا جزیره سی تولا تاغلیق دور و تاغلاری نینک اراسیدا تولا دره و توزیرلار بار دورلار .

ینکی کینه جزیره سی نینک ساحل لاری پست و ساسلیق دورلار . ایچ طرفلاریده ایکیز تاغلار و نهایت کنکرو اصل جنکلار تولا دورلار . دریالار و کوللار . آوسترالیا نینک چونکراق دریاسی مورده دریاسی دور . اول دریا آوسترالیا آلپلاری دین کلیم مغرب و جنوب طرفیکا اقیب بحر محیط هندیغه قویولادور . دارلینک دریاسی مورده کا قوشولادور .

آوسترالیا نینک باشقه دریالاری یامغورلوق وقتدا تاشیب کتسه هم تموزدا قوروب قالادور .


آوسترالیا نینک کوللاری آز و دونک دورلار بعضی سی تموزدا قوروب قالادور و تولاسی نینک سوی شورلوق دور .

اب و هوا . آوسترالیا یرنینک نصف کره جنوبیدا تورادور . شمال طرفی منطقه خارده بولغان اوچون هواسی نهایت ایسیق بولادور . اندا یل نینک ایکی فصلی بولادور یعنی یامغور فصلی و قوروق فصلی .


جنوب طرفی منطقه معتدله جنوبیدا دور اینک اوچون هواسی معتدل دور . اندا یل نینک تورت فصلی بولادور لیکن ترکستاندا یاز بولسه اندا قیش بولادور و اندا یاز بولسه بو یرده قیش بولادور . اول یرده کون یوروشی شمال طرفی بولادور .




زولوس زنکی (صحیفه ۱۴۸)




سودان زنکی سی (صحیفه ۱۳۷)



بوشمان (۱۴۸)



آوسترالیا زنکی سی (صحیفه ۱۵۸)



تومشوق جانوری ( صحیفہ ۱۵۷ )



کانگ فورو ( صحیفہ ۱۵۷ )

ساحل‌لاردا يامغور كنكرو بولغان برله ايچ يرلارده ياغين نهايت آز بولادور.  
 درخت و كياه‌لار. اصل آوستراليا نينك ايچ يرلارده هوا تولا  
 قوروق بولغان سبيدين اندا درخت كياه‌لار آز بولادور. شو يرلارده قنغد اوتى  
 ياكه كمرپى اوتى ديكان بر قسم اوت بار دور. بو اوت انداغ تيكانليك و  
 قاتيق بولادور كه اولاغ انى ييالمايدور. آوستراليا دا تولا عجايب درخت‌لار باردور.  
 اوت درختى ديكان بر قسم درخت باردور. بو درخت نينك شاخلارى يوق دور  
 و ياپرماقلارى پيزاك كا اوخشاش اوزون و تار بولادور.

تولاراق ياپرماغليق درخت‌لار نينك ياپرماقلارى توغرا تورماي اكماچ  
 توروب سايه برمايدور.

شمال و مشرق ساحل‌لاردا كى تاغلاردا چونك جنكل‌لار بار دور جنكل‌لاردا  
 خرما درخت‌لارى هندستان جوزى درخت‌لارى و باشقه تولا يانكده درخت  
 لار بار دور لار.

محيوانات. آوستراليا نينك اوز حيوانلارى تولا عجايب دورلار. و باشقه  
 قطعه‌لاردا كى حيوانغه اوخشامايدور. تولاراقى خالته‌لىق حيوان دورلار يعنى  
 قورساق‌لارى نينك تاشيدا اوزيدىن پيدا بولغان بر تره خالته‌سى بار دور. كچيك  
 بلالارنى بو خالته نينك ايچيكا ساليب اليب يورويدورلار.

خالته‌لىق حيوانلار نينك هر قسم‌لارى بولادورلار مثلاً بورى طاوشقان  
 ساچقان و باشقه‌لار. مشهور راقى قانكغورو ديكان نهايت چونك بر طاوشقان دور  
 بو جانور نينك الدى پوتلارى قيسقه و كچيك كينى پوتلارى و قويروقى اوزون  
 و كوچلوق دور. نهايت ايگيز سكراب ايتيك يوكورادور. و ينه قوم‌مشوق جانورى  
 ديب بر جانور بار دور. بو جانور تورت پوتلوق و توكلوك دور تومشوقى  
 اورداك نينك تومشوقىغه اوخشمايدور اوزى تخوم كا كلاب تخوم‌لارنى باسيب چيقارغان  
 بلالارنى ايمتادور. دينكو ديكان نهايت يمان بر ياوا ايط هم باردور. فيل و  
 باشقه چونك حيوان يوق دور.

اوچارلىق جانورلار تولادور بولار نينك اراسيدا شندر مرغ شاطوتى و بر  
 قسم قرا حانكغيت مشهور دور.  
 ينكى كينه جزيره سیده همما ياكه جنت قوشى ديكان نهايت چرايلىق بر  
 جانور باردور.

کسب لار. قدیم وقتدا اشلیق و چهارپای مال آوسترالیادا یوق ایردی لیکن کینکی وقتلاردا آوروپا و آسیادین هر قسم اشلیق میوهلیک درختلار و هم کله اط قوی اچکو و قیوه اندا الیب باریب دورلار و بو کیهلار و حیوانلارغه آوسترالیانینک زمینی و هواسی نهایت اوبدان کایشادور. اینیک اوچون دهقانچیلدیق و مال باقماعلیدیق آوسترالیاداکی خلق نینک همه دین ضرور کسب لاری بولوب دور. یامغور یاغادورغان یرلارده تولا بغدادی تریدورلار و باشقه یرلارده تولا قوی و باشقه مال باقادور لار. هر یل نهایت تولا یونک قهره لار و گوشت آوروپاغه مخصوصاً انکلیزستانغه ساتیلادورلار. یول اوزون و هوا نهایت ایسیق بولغان اوچون گوشتنی اول خاص زاوادلاردا موزلاتیب اندین کین کمه لارنینک گوشت ساقلاماق اوچون طیار قیلینغان اوی لاریکا قویوب الیب بارادورلار.

کانچیلیدیق تولا ضرور دور التون کموش میس قلدهی و تاش کهور تولا چیقادور. آلتون کانلاری نینک تولاسی مغربی آوسترالیادا دور.

آوسترالیانینک سودا معامله سی تولاراق انکلیزستان برله بولادور آوروپا آسیا و آمریقاغه پر خوب باریب سوداغه واسطه بولادور. ساحل لار طرفیداکی یرلارده تمور یول لار بار دورلار.

خلاییق. اصل آوسترالیانینک و طاسمانیا جزیره سی نینک تولاراق خلقی اوروپادین مخصوص بریتانیادین کوچوب بارغان خلق دور. چین دین کوچوب بارغان خطاییلار هم تولا دورلار. آوسترالیانینک اصلی خلقی اوسترالیایا زنکیلاری دیکان خلق دور بولار بارا آرا آرا آرا حاضر آران بر یوز مینکچه دورلار و طاسمانیا جزیره سیده هیچ قالماق دور لار.

آوسترالیایا زنکیلاری دنیانینک همه دین پست تورادورغان خلق لاری نینک قطاریدا دور. اوی عمارت لاری یوق ایکن ایاغ آنچه کیمایدورلار طعمه سی بعضی کیهلارنینک ییلدیزلاری یلان صالما و شولارغه اوخشه نرسه لار دور. قانغورو و باشقه جانورلارنی هم صیاد قیلیب ییدورلار. مورید تاپسه ادم گوشتنی هم ییدور لار صیادلیق قیلسه لار بوممه رانک دیکان بر آسبابنی ایشلاتیب اولتورادورغان جانورغه اتادورلار. مذکور اسباب اکرو دور. انی شونداغ فهم بیلان اتادور لارکه اسباب اوزی اتادورغان کشی نینک قولیغه یانیب کلادور.

ینکی کینه نینک خلقی پیاپوما اتانیب زنکیکا اوخشاش بر خلق دور بولار

آسترالیا زنگی لاریدین کوچلوغراق دورلار . بعضی سی ادم کوشتی یرلار . ساحل لاردا سودا تورادورغان توپروکلار توپه سیده اوی لارینی سالادورلار .

## حکومت لار

اصل آسترالیا طاسمانیا جزیره سی و ینکی کینه جزیره سی نینک مشرق طرفی بریتانیا عظمی نینک حمایتیده تورادورغان بر حکومت بولادور و ینکی کینه نینک مغرب طرفی هول لاندیه حکومتیکا تابع دور .

## حکومات متفقہ آسترالیا

( خلقی یتہ میلیونچہ )

بو حکومت اصل آسترالیادا و طاسمانیا جزیره سیده بار الله حکومت و شمالی آسترالیا بیلان ینکی کینه جزیره سیداکی ایکی ولایت دین عبارت دور . هر حکومت نینک توپه سیده انگلیز حکومتیدین قویولغان بر حاکم تورادور و همه حکومت نینک و ایکی ولایت نینک توپه سیده مذکور حکومت دین تورغوزولغان بر والی تورادور .

## شهر لار

ملبورن شهری ( خلقی ۹۰۰ مینک دین تولا ) آسترالیانینک جنوب طرفیده بر کورف نینک بویدا دور . اطرافیدا آلتون کانلاری تولا بولغان اوچون ایتیک اوسوب پات آباد بولغان بر شهر دور .

سیدنی شهری ( خلقی بر میلیون دین تولا ) مشرق جنوبی طرفیده بولوب آسترالیانینک همه دین مقدم شهری دور . بو شهر نینک لیمانی نهایت ضرور دور آندین دنیانینک همه قطعہ لاریغه کمه پرخوت باریب کلادور .

بریسبان شهری ( خلقی ۲۶۵ مینک ) بحر محیط کیر نینک بویدا کی ضرور بر شهر دور اندین سیم سونینک تکی بیلان امریقاداکی قناده مملکتیکا بارا دور .

ادالدهن شهری ( خلقی ۳۰۰ مینک دین تولا ) جنوبی آسترالیادا سوداسی ضرور بر شهر دور . بو شهر دین هندستانغه و هم آوروپاغه سیم سونینک تکی بیلان بارادور .

قاندېرا شھری آوسترالیانینک مشرق جنوبی طرفیداکی کچیک بر شھر دور لیکن تمام آوسترالیانینک مرکز ادارهسی دور .

## ھول لاندیہ تابعی

ینکی کینہ جزیرہسی نینک مغربی یاریعی ھول لاندیہ حکومتیکا تابع دور . بو جزیرہ نینک ایچ طرفلاری تخی آنچه معلوم ایماس اندا نہایت چونک جنکلار و تولا تاغلار بار دورلار .

## بحر محیط کیر جنوبیداکی جزیرہلار .

مذکور جزیرہلار نینک ضرور راقی ینکی زلاند دور . ینکی زلاند ایکی چونک جزیرہ دین عبارت دور . بو ایکی جزیرہ قوق بوغازی برله بر بریدین آیریلغان دور . ینکی زلاند اصل آوسترالیانینک مشرق جنوبی طرفیدہ بولوب بحر محیط کیر نینک ہمہ دین جنوب طرفیداکی جزیرہلار دین دور . مذکور بحر محیط داکی جزیرہلاری نینک شمالی صند و بیچ یا کہ ھوایی طاقم جزیرہسی دور . قالغان جزیرہلار اوج جز کا یعنی مالنیزیا پولنیزیا و میقر و نیزییا دیکان جزیرہلار کا بولونادورلار .


۱ مالنیزیا یا کہ قرالار نینک جزیرہلاری اصل آوسترالیانہ یقینراق توروب شمال طرفیداکی ینکی کینہ دین جنوب طرفیداکی ینکی زلاندغچه اوزالغان دورلار . مالنیزیا جزیرہلاری نینک مشهور راقی بیسمارق سالومون ینکی ھیبیریڈ ینکی قالہ و نیزییا و فیجی دیکان طاقم جزیرہلار بولادور .

۲ پولنیزیا یا کہ تولا جزیرہلار مالنیزیا جزیرہلاری نینک تاشیدا اصل آوسترالیانینک یراغراق تورادور . بولار تونکا ساموا سوساییتی مارقہ ساس دیکان طاقم جزیرہلار و باشقلار بیلان تمام بولادورلار .

۳ میقر و نیزییا یا کہ کچیک جزیرہلار دیکان جزیرہلار خط استوانینک شمال طرفیدہ دورلار . بولار نینک ضرور راقی ماریانا قارولین مارشال طاقم جزیرہلاری بولادور .

جزیرہلار نینک ایکیز و پستلیکی . ینکی زلاند تولا تاغلیق دور شمالی





پاپوا آدم ینکی کینه جزیره سیدین



جزیره سیده بر مونجه یافار تاغلار و سوی قیزیق بولاقلار و جنوبی جزیره سیده موز تاغلار تولا دورلار.

صندوپیچ جزیره لاری هم تاغلیق دورلار. بولاردا ماوناکیا و قیلاویا دیکان مشهور یانار تاغلار بار دور. ماوناکیانینک ایکیزلیکی ۴۳۰۰ متره دور. مالیزیانینک تولاراق جزیره لاری تاغلیق دور بولاردا هم یانار تاغلار بار دورلار. پولنیزیانینک بعضی جزیره لاری مالیزیانینک کیغہ اوخشایدور و بعضی سی کچیک و پست دورلار.

میقرونیزییا جزیره لاری مرجاندین پیدا بولغان و پست دورلار. مرجان جانوری. ایسیق یرلارینک شور دریالاریدا مرجان جانوری دیکان اوشاق اوشاق جانورلار بار دورلار. بولار سونینک تکیده اوز بدنلاریدین چقیب تورادورغان آهک جنسیدین بولغان مرجان دیکان بر نرسه دین اوزیکا اوالار یاسایدورلار. اولوب کتکان جانورلارینک اوالاری توپه سیکا بلالاری اوز اوالارینی یاسایدور. بر یرده حساب سز تولا جانورلار توروب آهسته آهسته سودا قورام دیک محکم دونک لارنی پیدا قیلا دورلار. بو دونک لار بارا بارا زومچاق بولوب آخری سونینک توپه سیکا یتادور. اندین سونینک حرکتی بیلان قوم اوت خس و باشقه نرسه لار توپه سیکا ییغیلادور. اینک بیلان بو دونک نینک توپه سیدا توپا پیدا بولادور و سودا لیلاب کلکان درخت و گیاه اوروغی اونوب اوسادور. بو طریقه دا سونینک اوتراسیدا ینکی جزیره لار پیدا بولادور. طیار بولغاندا آدم اندا باریب اولتورالایدورلار.

بو یورتدا مشهور بولغان اصل مرجان آق تینکیز و باشقه تینکیزلاردین چیقادور.

اب و هوا. بحر محیط کبیر جنویداکی جزیره لارینک تولاسی منطقه حارده دورلار. اینک اوچون اندا همیشه یاز بولادور. لیکن بحر محیط نینک اوتراسیدا تورغانی اوچون و بولاردا دائم چقیب تورادورغان شمال نینک سببیدین هواسی نهایت یخشی بولادور یامغور هم یتکودیک بولادور. ینکی زلاند منطقه معتدله ده بولغانی اوچون هواسی قالغان جزیره لارینک کی دین سالقینراق دور. درخت گیاه لار و حیوانلار. جزیره لارینک تولاسیدا جنکل لار

باردور. درختلاری نینک ضرور راقی هندستان جوڑی و نان میوه درختی  
دیگان درختلار بولادور.

هندستان جوڑی درختی خرما درختیغه اوخشایدور لیکن میوه سی  
بلانینک باشیدیک چونک جوزلار بولادور. درختدا تمام یل میوه بولادور. جوڑی  
پشما سدا ایچیده سوت کا اوخشاش تاتلیق شیره سی بار دور و پشقاندا نهایت مزه لیک  
یاغی بار دور. پوستی نینک ییب لاری بار دور شولاردین ارغامچی  
پلاس و باشقه نرسه لار توقویدورلار یایرماقلارینی اوی یاغالی و یاغچی نی یاغچیلیقه  
ایشلاتورلار.

نان میوه درختی انجیر کا اوخشاش بر درخت دور. میوه سی  
یمولاق و آدم نینک باشیدیک چونک بولادور ان پیچیب تیلیم لارنی چونک یایرماقه  
یورکاب اوتدا قیزیتقان تاشلار اراسیدا پشوروب ییدورلار.

بالدور اول جزیره لارده چهار پای مال یوق ایردی. ایستادورغان  
جانورلاردین شب پرکدین باشقه یوق ایردی. ینکی زلانددا نهایت یوغان شتر  
مرغلار بار ایکان لیکن ایمدی توکوب کتیب دور. کینکی یل لاردا بو جزیره لارکا  
باشقه طرفلاردین اپارغان حیوانلار اندا تولا اوبدان توروب پات آووب دورلار.  
کسب و تجارت. تولاراق جزیره لارده خلق بلیقه چیلیملیق و  
هندستان جوڑیدین رزقی نی تاییب تیریکیچیلیک قیلورلار. یاغاق نغش  
قیلیشقه و بوژییا و انداغ نرسه لارنی توقوشقه اوستا دورلار.

ینکی زلاندین یونک قوی و کله کوشتی مسکه پنیم و کندر  
آورو یاغه ساتیلادور. باشقه جزیره لاردین قندک و باشقه نرسه لار ساتیلور.  
خلایق. اصل آوسترالیاهه یقینراق جزیره لارده ینکی کینه نینک خلقیغه  
اوخشاش پاپوا دیگان قاراق خلق لار بار دور. باشقه جزیره لارده مالیم  
یعنی مالای خلق باردور. مالای لار خوش صورت رنگی توق سریق خلق دورلار.  
مدنیت توغراسیدین جزیره لار نینک باشقه خلق لاردین ایلکاری بولوب آورو یالیق لاردین  
علم و هنر آسانلیق بیلان اورکانیب دورلار. حاضر تولاسی مسیحه کی بولوب اوزیکا  
کلیسا و مکتبلار یاساب که لار راستلاب تجارت و که چیلیک قیلورلار بالدور  
اولار نینک تولاسی یاواراق بولوب آدم کوشتی نی هم یر ایردی لار لیکن ایمدی  
همه شونداغ ایشلار یوق بولوب دور.



نان میوه‌سی ( صحیفه ۱۶۲ )



بحر محیط کبیر جزیره لاری نینک خلقی اوز که لاری بیلان ( صحیفه ۱۶۲ )



ارض النارليق آدم ( صحيفه ١٦٩ )



اينديان ياكه قزل آدم ( صحيفه ١٦٩ )

ینکی زلاندینک اصل خلقی فی ماوری دیرلار. بولار باشقه جزیره لارینک اصل خلقیدیک یلدین یلغه آزاراق بولوب کتادورلار. ینکی زلاندینک تولاراق خلقی آوروپادین کوچوب بارغان خلق مخصوصاً انکلیزلار دورلار.

### حکومت لار

بحر محیط کبیرداکی جزیره لارینک تولاسی حاضر آوروپالیق حکومت لارکا و جماهیر متفقہ آمریقاغه تابع بولوب دورلار. یعنی:

۱ بریتانیا مستملکاتی. ینکی زلاند ( خلقی ۲ میلیونجه ) فیلیپین سالومون بیسمارک طاقم جزیره لاری و ساموئا طاقم جزیره نینک مغرب لاری بریتانیا عظیمکا تابع دورلار. ینکی زلاند اوز الیدیا بر حکومت دور و اوز پارلامنتوسی ( مشورت مجلسی ) باردور لیکن حکومت تویه سیده انکلیز حکومتی تورغوزغان بروالی تورادور. مرکز اداره سی فوق بوغازی نینک بویداک و الیمنتون شهری دور.

۲ فرانسه مستملکاتی. ینکی قاله دونیا جزیره سی و پیاوموتو یا که پست جزیره لار مارقه ساس و سوساییتی طاقم جزیره لاری فرانسه کا تابع دور لار.

۳ ژاپونیا مستملکاتی. بالدور جرمانیاغه تابع بولغان ماریانا قارولین و مارشال جزیره لاری حاضر ژاپونیاغه تابع دورلار.

۴ جماهیر متفقہ امریقا مستملکاتی. ساموئا مشرقی جزیره لاری و سندویچ جزیره لاری جماهیر متفقہ آمریقاغه تابع دورلار. سندویچ جزیره لاری چونکراق جزیره سیدین هاوایی دیب مذکور جماهیر متفقہغه تابع بولغان بر ولایت دور. بو جزیره لار نهایت خوش هوا و زمینی تولا حصول لوق دور. مرکز اداره سی هونولولو شهری دور. خلقی ۸۵ مینکجه. بو شهر امریقا بیلان آسترالیانینک اراسیدا مانکادورغان کمه لارکا ضرور بر لیمان دور.

## V

## آمریقا

قدیم‌قی زمانلاردا آوروپا و آسیا خلقی دنیانی آسیا آوروپا و آفریقادین عبارت دیب بیلور ایردیلار لیکن ۱۴۹۲ یلی قریستوف قولومب دیکان ایتالالیق بر آدم هندستانغه یقینراق بر یول تاپماق اوچون کمه بیلان بحر محیط اطلسیدین اوتوب بارغاندا آمریقاغه چیقیب قالیب شو یرنی تاپتی. ینکی تاپقان یرکا کین امریقا و هم یندکی دنیایا دیب اسم قویوب دورلار.

آمریقا چونکونلوقی جهتیدین دنیانینک ایکنجی قطعہسی آسیادین آزغنه کچیک بولوب آوروپادین تورت حصه چونک دور.

آمریقا اوج بحر محیطینک ارا لیقیدا تورادور. شمال طرفیده بحر محیط شمالی مشرقیدا بحر محیط اطلاسی و مغربیدا بحر محیط کبیر سرحدلاری دور.

آمریقا هیچ یرده باشقه قطعہلارغه توتاش ایماس آران بر یرده یعنی شمال مغربی طرفیده آسیاغه یقین توروب اینکدین بهرنک بوغازی برله آریلادور. آمریقا قطعہسی شمالدین جنوبغه اوزالیب ایکی چونک حصه کا یعنی شمالی آمریقا بیلان جنوبی آمریقاغه بولونادور. بو ایکی چونک حصه پاناما برزخی برله بربریکا توتاشقان دور. بو برزخینک همه دین تار یری پاناما قنالی برله کسلیکان دور. مذکور برزخ و اطرافیداکی یورتلارنی اوقرا آمریقا دیرلار.

## جنوبی آمریقا

جنوبی آمریقانینک شکلی آفریقانینک کیغه اوخشایدور چونک یاریم جزیره لاری و کورفلاری آز دورلار. شمال طرفیده قاریبیا تینکیزی و اینکدین حاصل بولغان مارقایببو کورفلاری بار دورلار.

جنوبی آمریقانینک مشرق ساحل لاری پست دورلار و دوش یرلاری تولادورلار. چونکراق کورفزی لاپلاتا کورفزی دور. جنوب طرفیده ارض النار جزیرهسی و فالقلاند جزیره لاری باردورلار.



ارض النار ماكلان بوغازى برله آمريكا قطعه سىدين آريلغان دور . كاپ هورن  
ديكان جنوبى آمريكانىنك همەدىن جنوبى بورنى دور .  
جنوبى آمريكانىنك مغربى ساحل لارى ايگيز و تاغلىق دورلار . جنوب  
مغربى طرفيده پاتاگونىيا جزيره لارى بار دور . شمال راق طرفيده جوان  
فرماندىن جزيره لارى بحرى كپرده قوروقدىن ير اغراق تورادورلار تى هم  
شمال طرفيده خط استوانىنك استيدا كالاپا كوس جزيره لارى بار دورلار .  
پاناما برزخى نىنك مغرب طرفيده پاناما كورفوزى دور .

## تاغلار و توز يرلار

تمام جنوبى آمريكانىنك مغربى طرفيده انديس تاغلارى شمالدىن  
جنوبىغچە اوزالغان دورلار شمال طرفيدكى تاغلارنى قورونىلماقچى تاغلارنى هم  
ديرلار . بولارنىنك بعضى چوقچەسى دنيا نىنك همەدىن ايگيز چوقچە لارى نىنك  
قطاريدا بولادور . انديس تاغلارى اراسيدا بر نچە يانار تاغ بار دور مشهور راقى  
اقونقا كوا سورا قاتا چىمبورا زو دور . آقونقا كوانىنك ايگيزلىكى ۷۰۰۰ متره دور .  
تاغلارنىنك اراسيدا ايگيز توز يرلارى هم بار دور . چونكر اقى تىتىقاقا و قويتو  
ايگيز توز يرلارى دور .

جنوبى آمريكانىنك مشرق طرفلار يده بر ازىلماقچى بيلان كويانده تاغلىقى  
بار دورلار .

جنوبى آمريقادا نهايت كىنكرو توز و پست يرلار هم بار دور . شمال  
طرفيده الپانوس توز یری اوترا طرفيده سيلواس و جنوبى طرفيده پامپاس  
ديكان چونك توز يرلار بار دورلار .

## كول لار و دريالار

جنوبى آمريقادا كول لار آز دورلار . چرنكراق كولى تىتىقاقا كولى دور  
اول تىتىقاقا توز ير يده بحرى محيط يوزيدىن ۴۰۰۰ متره ايگيز یرده دور .  
امازون درياسى دنيا نىنك همەدىن اولوغ درياسى دور . بو دريا انديس  
تاغلار يدين چىقىب مشرق طرفىكا اقب سيلواس ديكان نهايت كىنكرو جنكلىق و  
حصول لوق توز ير يدين اوتوب بحرى محيط اطالاسيغه قويولادور . اوزونلوقى ۵۵۰۰

کیلومتره ( ۱۱۰۰ یوطی ) دور . منصبغه یقین یرلاریده دریا انداغ کنک بولادور که اینک اوتراسیدین چت لارینی کورکالی بولمایدور . تخمیلأ ایکی یوز چونک کچیک دریا آمازون دریاسیغه قوشولادور بو دریالارینک یکر مهسی ترکستان نینک چونکراق دریالاریدین چونک دور . همه دین چونک لاری مادرا و ریونیکرو دریالاری دور . قوقانتینس دریاسی برازیلیا تاغلیقیدین چیقیب آمازون منصبی نینک جنوب طرفیده بحر محیطه قویولادور .

اوریدوقو دریاسی کویانه تاغلیقیدین، چیقیب جنوبی آمریقانینک شمال طرفیده بحر محیط اطلسیغه قویولادور . ماکدالینه دریاسی آندیس تاغلاریدین چیقیب قاریبیا تینکیزیکا قویولادور .

پارانیا یارا کوی و اورو کوی دریالاری برازیلیا تاغلیقیدین چیقیب بر بولوب لاپلاتا کورفزیکا قویولادور .

## آب و هوا

جنوبی آمریقانینک تولاسی منطقه حارده دور و جنوب طرفلاری منطقه معتدله جنوبیدا دور . شمال طرفیداکی پست یرلارده همیشه یاز بولادور اندا یامغور نهایت تولا بولادور . جنوب طرفیده یامغور آزر اق دور . ایکیز تاغلیق نینک هواسی نهایت یخشی دور . خط استوانینک استیداکی ایکیز یرلارده همیشه ایرته یازنینک هواسی بولادور . لیکن اندا تولا بولغان یانار تاغلارینک سبیدین زلزله یات یات واقع بولادور . بحر محیط کبیر طرفیداکی ساحل لارینک شمال و جنوب طرفلاریده یامغور تولا بولادور لیکن اوترا طرفلارینک هواسی تولا قوروق دور .

## درخت و گیاهلار

الیانوس و پامپاس توز یرلاریده درختلار آز دورلار لیکن یامغور لوق فصلیدا اوت نهایت تولا بولادور قوروق فصلیدا همهسی قوروب قالادور . پامپاس نینک جنوب طرفیده پاتاگونیا دیکان ایکیز و توز یرده یامغور آز راق بولغان اوچون درخت و اوت تولا آز بولادور .

امازون دریاسی و انکا قوشولادورغان دریالارینک بویلاریداکی سیدواس دیکان کنکرو توز یرده نهایت چونک اصل جنکلار بار دورلار .

اول یرنینک زمینی نهایت یخشی دور و درختلار تولا ایکیز اوسوب چونک بولادور. اول اصل جنکل لاردا هر قسم درختلار بار دور تولاسی یا پرماقی فی توشورمای تمام یل کوك تورادور لار. خرما درختلاری بعضی یرلارده تولادور و بعضی یرده آتمیش متره (۹۰ کز) مقدار یچه ایکیز اوسادورغان درختلار بار دورلار. بولارنینک میوهلاری آدم نینک باشیدیک چونک بولادور و ایچیده پاراچموزی دیکان چونک تاتلیق اوروغلاری بار دور لار. سوییدین قوملاستق چیقادورغان درختلار هم باردور. تولا درخت نینک نهایت چرایلیق رنکا رنک کل و چیچاک لاری بار دور. لیکن کل لاری نینک بوی یوق دور. جنکل نینک ایچیده درختلار بربریکا شونداغ یقین تورادور که یا پرماقلاری نینک تولالیقیدین آفتاب یرکا توشمایدور. چونک درختلار اراسیدا تاغنه اوخشایدورغان لیمانده دیکان درختلار بار. بولار شاخلاری بیلان باشقه درختلارنی شونداغ چیرماب الادورلار که آدم نینک قولیدا کسادورغان یالتو بولماسه درختلار اراسیدین اوتالمایدور.

جنوبی آمریقادا ققماو واندلیمه درختی اوبدان بولادور. قهوه درختی فی آفریقادین اول یرکا الیب باریب ایمدی تولا یرده تریدورلار. ایسیغراق یرلارده تولا کبمز و شکر قموشی و سورونزاک یرلارده تولا آشلیق تریدورلار. جنوبی آمریکا یانانکیو و تماکو گیاهلاری نینک اصل جایی دور.

## حیوانات

جنوبی آمریقادا یاوا حیوانلار تولادورلار لیکن باشقه قطعهلاردکی یاوا حیواندیک چونک کوچلوق بولمایدور. چونکراق دیمز ققوچی حیوان یا کوار دیکان آمریکا باریسی یا که پلنکی و پوما دیکان آمریکا شیرلی بولادور. اندیس تاغلاری اراسیدا لاما دیکان آمریکا تیوهسی بار دور. برازیلیا جنکل لاریدا کچیک میمونلار تولادورلار. ایسیق یرلارده ناپیم ارمانیلو چومله اییقی و الکسلان دیکان عجائب حیوانلار باردور. تاییرنینک کومشاریدا بر خرطوم باردور آرمانیلونینک اوستی تیرهسی یاقا چناق نینک قساقیغه اوخشاش زره چپانیدیک دور. چومله آیقی اوزی ینکیچکا کومشارلیق بولوب چومله یب تیریکچیلیک قیلادور و الکسلان دیکان حیوان درخت شاخلاری نینک استینیدا اسیلیب یورادور. جنوبی آمریقادا بر نچه یانکنده خالته لیک حیوان هم باردور.

جنوبی آمریقانینک هر قسم اوچارلیق جانورلاری بار دور. تاغلاردا قوندور دیکان نهایت چونک بر قسم سالوار و پست یرلارده آری قوشنی یا که الطائرالطنان دیکان نهایت کچیک و تولا چرایلیق اوچارلیق باردور. جنکللاردا چرایلیق شطوطتی و تولا یانکنده مرغلار بار دور. پامیاسدا ششتر هرغلار تولا یورادورلار. مغربی ساحللاردا و جزیرهلارده پیمینکوین دیکان سودا یورادورغان قناتی نهایت کچیک بر قسم قوشلار تولا دورلار.

دریالاردا بلیق تولا و جنکللاردا و هول یرلارده اورمالایدورغان هر قسم جانور هم تولادورلار بولارنینک قطاریدا قمساح بر قسم نهایت یوغان صالما و هم کوشتی تولا تاتلیق پاقاچناق باردور. جنکللاردا بواء دیکان نهایت یوغان بر یانکنده یلانلار بار دورلار بولارنینک زهری بولماسه هم تولا هیبتلیک بولوب هر چونک حیواننی یورکاب الیب بوغوب یوتون یوتوب الادور قمرمیت دیکان آق چوملهلار هم باردورلار. بولار اوی سرانجاملار و باشقه نرسهلارنی یب کتیب تولا ضرر قیلادورلار.

اط کله قوی اچکوم قدیم زماندا جنوبی آمریقادا یوق ایردی لیکن ایمدی اندا نهایت تولا بولوب پامیاس توز یریده چونک چونک پاته بولوب یاوا هم بولوب قالب یورادورلار.

## کسب تجارت و محصولات

جنوبی آمریقادا دهقانچیلیمیق تولاراق یرده خلق نینک باشلیق کسبی دور. هواسی ایسیق یورتلاردا قهوه ققماو کبیز و شکر قمووشی تریدورلار و هواسی معتدل یورتلاردا تولا اشلیق تریدورلار. قونیاق اول جنوبی آمریقادا پیدا بولغان ایکان باشقه اشلیق آوروپادین اول یرکا الیب باریب تریغان دورلار و ایمدی اول طرفلاردین تولا اشلیق آروویاغه ساتیلور. جنکللاردین چیقادورغان ماغون و بقم یغاجی و قوملاستق هم تولا ساتیلور.

مال بائماغلیق هم تولا ضرور دور. آروویالیق لار جنوبی آمریقاغه بارماسدا لاما دیکان تیوه کا اوخشاش حیواندین باشقه آدم باقادورغان مال اندا یوق ایردی لیکن ایمدی اط کله قوی بی نهایت آووب کتیب چونک چونک پاته بولوب مخصوصاً پامیاس یایلاقلاریدا بیحد تولا یوروب اوتلایدورلار. لاپلاتا

طرفیداکی یورتلار اط کلمه قوی نینک تولالیقی توغراسیدین دنیا نینک برنجی یورتلاری نینک قطاریدا بولادور. اول یردین تولا نورهلار یونک و هم گوشت باشقه اقلیم لارغه ساتیلادور.

کانچیلیق قدیم زماندین تارتیب جنوبی آمریقادا تولا ضرور بولغان ایکن هر یانکده قیمت بها کانلار و مخصوصاً کموش و میس تولا بولادور. کموش نینک تولاسی قیتیمقا قناداکی تاغلاردین و تولاراق میس شدیلمی مملکتیدین چیقادور. اول مملکتدین نهایت تولا شوره هم ساتیلادور.

باریش کلمیش. جنوبی آمریقانینک ایچ یرلاریدین ماللار کاروانلار بیلان بحر محیط ساحل لاریغه اپاریلادور مشرق طرفلاریده قاچیم و مغرب طرفلاریده لامما مال آرتقالی ایشلاتادورلار. بعضی مملکتلارده مثلاً بمر ایلدیم و آرژنتینده تولا تمور یوللار هم یاساب دورلار. آندیس تاغلاری اراسیداکی ایکیز توز یرلاریدا بار تمور یوللار عالم نینک قالغان همه تمور یوللاری مانکادورغان یردین ایکیزراک یرده سالینغان تمور یوللار بولادورلار.

## خلایق

زمینی نینک کنکرولوقیغه قایلاندا جنوبی آمریقانینک خلقی تولا ایماس جمیع خلقی ۷۰ میلیونه یتمایدور. اصل خلقی قزل یا که امریقما جنسیدین بولوب هندسی یا که ایندیان هم اتانیب رنگی میس رنگیدیک و بویلاری ایکیز بر خلق دور. جنوبی آمریقادا اولار نینک عددی تخمیناً اون میلیون دور. اولار بر نجه قبیلهغه بولونکان دورلار. تولاسی مسیحی بولغان لیکن بعضی سی یاواراق بولوب تخی بت پرست دورلار. وحشیلاری بدنلارینی سرلاب باشلارینی پیلار برله زینت قیلیب حیوان ترهسی کییب بلیقچیلیق و آو قیلماغلیق برله تیریکچیلیک قیلورلار. بعضی ایندیان قبیلهسی قدیم زماندهن هنر و مدنیت توغراسیدین ایکیز تورادورغان خلق ایکن بولار نینک مشهورراقی پروانده خلقی دور. بولار نینک چونک کوچلوق بر حکومتی و چونک شهرلاری قدیم وقتدا بار ایردی.

مشرقی برازیلیادا بوتوقون دیکان بر طائفه خلق باردور. اولار هیچ مدنیتی یوق پرست بر خلق دورلار ایکن کیمایدور اوزینی چرایلیق قیلماق اوچون قولاقلارینی و توبنکی لبلارینی تشیب توشوکنی چونک قیلیب بر پارچه توم یغاچنی توشوکیدین اوتکوزوب زینت اوچون اسیب قویادورلار.

بوتوقودلار نينك مضبوط اوى لارى هم يوق دور اوى سرانجام لار ينى و ياراغلار ينى يغاچدين ياسايدورلار يار اوق برله صيادلىق قىليب چونك حيوانلارنى آو قىلادور ليكن يلان چومله قورت و شولارغه اوخشاش نرسه لارنى هم ييدورلار هر قىيله نينك همه دين كوچلوق كشى سى سلطنت قىلغوچى بولادور عاجز لاپ قالغاندا منصبدين يقىلادور .

## حکومت لار

جنوبى آمريقادا اون مستقل حكومت باردور هر برى جمهوريت دور . بولاردين باشقه كوييانه ديكان آروپاي مستملكاتى بار دور . همه جمهوريت لار بالدور اسپانيا و پورتوكاليه كا تابع ايردى برازيليا پورتوكاليه كا تابع و قالغانلار اسپانياغه تابع ايرديلار .

## ونه زئه لا جمهوريتى

( خلقى ۳ ميليون )

ونه زئه لا جنوبى آمريكانينك شمال ساحلدا دور . بو حكومت يكرمه جمهوريت دين عبارت بولغان بر جماهير متفقه دور . خلقى قاتولىك مسيحي دور . ضرور راق محصولاتى قهوه ققوا و قوملاستق تره و التون دور . پاى تختى قاراقاس شهري دور .

## قولومبيا جمهوريتى

( خلقى ۷ ميليونجه )

بو مملكت و نه زئه لا دين چونك بولوب اينك مغرب طرفيده دور . ماكدالينا درياسى قولومبيا مملكتيدن اوتوب تورادور . يورت نينك ضرور محصولاتى قهوه بيلان تماكو بولادور . بوكاتا شهري مملكت نينك پاى تختى دور خلقى ۱۷۰ مينكچه دور .

## ايقوادور ياكه خط استواى جمهوريتى

( خلقى ۲ ميليون )

مذكور مملكت قولومبيانينك جنوب طرفيده بحر محيط كيرنينك بوييدا دور .

خط استوانینک آستیدا بولوب شونینکدین نام الیب دور . مونداغ ایسیق یرده بولسه هم تولا تاغلیق بولغان اوچون هواسی تولا یخشی دور لیکن یانار تاغلاری تولا بولغان سببیدین یر تبرانش پات پات آندا واقع بولادور . ضرور محصولاتی فقاو و قهوه بولا دور . قیمتو شهری پای تختی دور .

## پرو جمهوریستی

( خلقی ۶ میلیون )

پرو مملکتی ایقوادورنینک جنوب طرفیده بحر محیط کبیرنینک بوییدا دور . امازون دریاسی نینک باشی شو مملکت ده دور . پرونینک ضرور محصولاتی میس و پاخته بولادور . یورت تولا تاغلیق بولسه هم زمینی تولا حصول لوق دور و هر خیل میوه تولا اوبدان بولا دور . بو مملکت ده هم زلزله لار پات پات بولادور . اسپانیولار یورتنی آلداسدا اندا پروانده دیکان خلق نینک قوتلیک بر حکومتی بار ایکان .

لیما شهری مملکت نینک پای تختی دور . بو شهر اسپانیولار آندا حکومت قیلادورغان وقتیدا تولا مشهور بولوب نائب پادشاه نینک پای تختی ایردی . خلقی نینک عددی حاضر ۲۲۵ مینک دور .

## بولیویا جمهوریستی

( خلقی ۳ میلیون )

بولیویا آندیس تاغلاری نینک توزلاریداکی داخلیه بر مملکت بولوب پرو براهیلیا پاراکوای ارژنتین و شیلی مملکت لاری نینک ارا لیقیدا تورادور . بو مملکت ده کانچیلیق نهایت ضرور دور دنیانینک همه اقلیم لاری دین چیقادورغان قلعی نینک تورت نینک بری بولیویا دین چیقادور . تولاراق ساتادورغان نرسه لار قلعی و قوملاستق دور . خلقی نینک تنکی ایندیان خلقی دور تولاسی قاتولیک مسیحی دور لار . شهر لار :

لاپاز شهری تیتیقاقا کولیکا یقین یرده بولوب مملکت نینک پای تختی دور . جنوب طرفیده بحر محیط دین ۴۰۰۰ متره ایکیز یرده پوتوزی دیکان شهر بار دور اینک اطرافی کموش کانلاری نینک تولالیقی بیلان مشهور دور .

## شیلی جمهوری

( خلقی ۴ میلیون )

بو مملکت بحر محیط نینک بویدا تار و اوزون بر یورت دور. ارض النار جزیره سی نینک مغرب طرفی و پاتاگونیا جزیره لاری شیلی حکومتیکا تابع دور لار. شیلی نهایت خوش هوا و زمینی یخشی بر مملکت دور اینک اوچون انی ینکی دنیانینک باغی دیرلار. اشدلیق و هر قسم میوه اندا تولا برکتلیک بولادور.

کانچی دلیق تولا ضرور و تولا میس و شوره باشقه اقلیم لارغه ساتیلادور.

شهر لار. سانتیاگو شهری ( خلقی یاریم میلیون دین تولا ) یورت ایچیده اندیس تاغلاری نینک ایتاک لاریده بولوب مملکت نینک پای تختی دور. والپاریزو شهری ( خلقی ۲۰۰ مینکچه ) بحر محیط کیر نینک بویدا لیمانی ضرور بر شهر دور. اینکدین بر تمور یول چیقوب اندیس تاغلاری دین اوتوب بحر محیط اطلسی نینک بویغه بارادور.

## جماہیر متفقہ آرژنتین

( خلقی ۱۰ میلیون )

آرژنتین مملکتی پامپاس توزیری پاتاگونیا ایکیز صحرالاری و ارض النار جزیره سی نینک مشرق طرفی بیلان تمام بولغان کنکرو بر مملکت دور مغرب طرفیده شیلی مملکتی و مشرق طرفیده اوروکوای دریاسی بیلان بحر محیط اطلسی یانداشادور.

مال باقماغلیق بو مملکتده نهایت ضرور دور. پامپاس یا یلاق لاریدا بی نهایت تولا اط کله قوی اوتلایدورلار. دهقانچی دلیق هم یل دین یلغه ضرور راق بولوب تورادور. بغدادی قوناق کله قوی یونک تره و گوشت نهایت تولا ساتیلادور.

جنوبی آوروپادین تولا خلق آرژنتینکا کوچوب بارادور.

شهر . بوئنوس آیریس شهری لایلاتا کورفزی نینک بویدا بولوب



مملکت نینک پای تختی دور . بو شهر جنوبی آمریقانینک همه دین چونک شهری دور .  
 خلقی ایکی میلیون اوج یوز مینک دور . والپاریزودین چیقادورغان تمور یول  
 شو شهرکا بارادور . بوئه نوس آیریس نینک معنی سی خوش هوا بولادور .

## اورو کوی جمهوری

( خلقی ۲ میلیونه یقین )

بو مملکت لایلاتا کورفزی نینک شمال طرفیده دور . باشلیق کسبلی  
 مال باقماغلیق دور مخصوصاً تولا قوی باقلا دور . مونته ویده و شهری  
 لایلاتا کورفزی نینک بویدا بولوب مملکت نینک پای تختی دور خلقی ۴۰۰ مینکجه دور .

## پارا کوی جمهوری

( خلقی بر میلیونجه )

پارا کوی مملکتی برازیلیا بولیویا و آرژنتین مملکت لاری نینک ارالیقیدا  
 پارا کوی دریاسی نینک بویلاریدا دور . خلقی نینک باشلیق کسب لاری دهقانچیلدیق  
 و مال باقماغلیق دور . بو مملکت نینک محصولاتیدین پارا کوی چایی  
 دیکان بر قسم چای مشهور دور . شهر :  
 اسونسسیون شهری مملکت نینک پای تختی دور .

## جماهر متفقہ برازیلیا

( خلقی ۳۱ میلیون )

برازیلیا جنوبی آمریقانینک مشرق و اوترا طرفیده دور . مشرق طرفیده  
 بحر محیط اطلاسی سرحدلاری دور و باشقه طرفلاریده ایقوادور و شیلی مملکت  
 لاریدین باشقه جنوبی آمریقانینک همه مملکت لاریکا یانداشادور .  
 برازیلیانینک چونک لوقی تمام هندستاندین ایکی مرتبه چونک کلادور . امازون  
 دریاسی و انکا قوشولادورغان دریالار برازیلیادین آقب اوتادورلار . بو دریانینک  
 بوی لاریدا نهایت کنکرو جنکلار بار دور و مملکت نینک جنوب طرفلاریده اوتی  
 تولا کنکرو توز یرلار بار دورلار .  
 قهوه حصولی توغراسیدین برازیلیا دنیانینک برنجی مملکتی دور . قالغان

همه اقلیم دین چیققان قهوه نینک جمعیدین تورت حصه تولاراق قهوه برازیلیادین حاصل بولادور. باشقه ضرور محصولاتی شکم قهوشی پاراجوزی بقم ققاو و خصوصاً قوملاستق دور. شونینکدین قالغان باشقه همه یورت لاردین چیققانیدین تولا برازیلیادین حاصل بولادور. برازیلیادا الماس هم تاییلادور. برازیلیا نهایت بای بر یورت لیکن اوبدان یوللار آز دور و خلقی هورونراق دور.

**برازیلیاداکی قهوه تجارتی.** آروپا خلق لاری ایچادورغان قهوه نینک تولاسی برازیلیادین چیقادور. قهوه یاکه کوفی کچیک بر درخت میوه سی نینک اوروغی بولادور. میوه اوزی کیلاسه اوخشایدور و هر میوه ده ایکی اوروغ بار دور. قهوه درختی اوشوککا و هم تولا ایسیقغه چیدامایدور اینک اوچون انی هواسی معتدلرک یرلارده تریدورلار. ایسیغراق یرلارده ترسه چونکراق درخت نینک سایه سیده تریماق لازم بولادور. اوروغلارینی ماشینه لار برله میوه لاردین چیقاریب یوب قوروتوب تاغارغه توشقاریب بحر محیط بوی لاریداکی شهرلارکا الیب باریب که ده باشقه باشقه اقلیم لارغه ایبارورلار.

برازیلیا قدیم دین یورتو کالیه حکومتیکا تابع ایردی لیکن ۱۸۲۸ نجی یلی یورتو کالیه حکومتیدین آریلیب اوز الیدیا بر حکومت بولدی حاضر ۲۰ جمهوریت و ایکی ولایت دین عبارت بولغان بر جماهیر متفقه دور. مشهور شهرلار:

**ریوده ژانیر و شهری (خلقی بر میلیون دین تولا)** بحر محیط اطلسی نینک بویدا چرایلیغلیقی بیلان مشهور بر شهر دور. بو شهر برازیلیانینک پای تختی و جنوبی آمریقانینک ایکنجی شهری دور. اندین تولا قهوه ساتیمور. **ساوپاولو (خلقی ۶۰۰ مینک)** مملکت نینک ایچیداکی بر شهر دور. بو شهر قهوه تجارتی نینک مرکزی بولادور.

**سانتوس شهری بحر محیط اطلسی نینک بویدا بولوب قهوه سوداسی توغراسیدین دنیانینک ضرور راق شهری دور.** **باهیا شهری (خلقی ۳۰۰ مینکچه)** و **پرنامبوکو شهری بحر محیط نینک بویدا بولغان لیمانلاری و سوداسی تولا ضرور شهرلار دور.**

## گویانه مملکتی

(خلقی یاریم میلیون)

کویانه مملکتی جنوبی آمریقانینک شمالی ساحلیدا دور . بو مملکت نینک زمینی نهایت حصول لوق لیکن هواسی تولا ایسیق و ضررلیق دور و خلقی آز دور . کویانه بریتانیا عظمی هول لاندیه و فرانسه حکومت لاریکا بولونوب تابع دور .

حاشیه . بحر محیط اطلاسی نینک جنوب طرفیداکی فالتقلاند جزیره لاری بریتانیا عظمیکا تابع دورلار . بو جزیره لارده درخت یوق دور . هواسی تولا هول بولغاچ بو جزیره لار مال باقماغلیقدین باشقه تجارت کا موافق کلهایدورلار .

## شمالی آمریکا

شمالی آمریقانینک باشلیق جزلاری آلتیه بولادور یعنی :

- |   |                                  |
|---|----------------------------------|
| ۱ | مغربی هند یاکه انتیل جزیره لاری  |
| ۲ | اوترا آمریکا                     |
| ۳ | مکسیقا                           |
| ۴ | جماهیر متفقہ آمریکا              |
| ۵ | بریتانیا شمالی آمریقاسی          |
| ۶ | آرقتیق جزیره لار یاکه اراض قطبیه |

## مغربی هند

( خلقی ۱۰ میلیونچه )

مغربی هند چونک انتیل جزیره لاری کچیک انتیل جزیره لاری و باهاها جزیره لاری بیلان تمام بولادور . بو جزیره لار هندستانغه تعلق ایماس لیکن مغربی هند دیدورغان سببی شونداغ بولوب دورکه قریستوف قولومب دیکان کشی اول بو جزیره لارکا بارغاندا اول یرنی هندستان دیب خیال قیلدی اول وقتدین تارتیب بو جزیره لارنی مغربی هند دیرلار .

مذکور جزیره لارنینک شمال طرفیده بحر محیط اطلاسی بیلان مکسیقا کورفزی و جنوب طرفیده قاریبیما تینکیزی دور .

چونک انتیل جزیره لاری تورت یعنی قوبدا هاینتی پورتوریقو و ژمایق جزیره لاری دورلار . کچیک انتیل دیکان جزیره لار چونک انتیل نینک مشرق جنوبی طرفیده بولوب تولا چونک کچیک جزیره لاردین عبارت بولادور .

باهاما جزیره‌لاری چونک آنتیل‌نینک شمال طرفیده دورلار .

آنتیل جزیره‌لاری تاغلیق دور . کچیک آنتیل‌لارده بر نجه یاشار تاغلار باردور و بولاردا زلزله‌لار پات پات بولادور . باهاما جزیره‌لاری مریجان‌دین پیدا بولوب توز و پست دورلار .

آب و هوا . مغربی هند جزیره‌لاری نینک تولاسی منطقه حاره ده بولغان اوچون هواسی ایسیق دور لیکن مشرق شمالی طرفیدین همیشه چیقیب تورادورغان موسم (مونسون) شمالی سالقینلیق برادور . بعضیدا قاتیق قویونلار چیقیب اوی‌لارنی یقییب اتیب زراعت کا زیان قیلادور . یامغور فصلیدا یاغین تولا بولادور . درخت گیاه و حیوانلار . مغربی هنددا ایسیق یورت‌لار نینک هر قسم درخت گیاه و میوه‌سی تولا اوبدان بولادور . جنکلار هم تولادورلار . حیوانلاری جنوبی آمریقانینک کیغه اوخشایدور لیکن چونکراق ییرتقوچی حیوانلار و هم میمون یوق دور .

کسب و تجارت . مذکور جزیره‌لار نینک زمینی نهایت حصول‌لوق دور . اینک اوچون دهقان‌چیلدیق خلقی نینک باشلیق کسبی دور . ضرورراق مخصوصلاتی شکر قموشی قهوه ققماو تماکو بیلان موز اذناس پورتقال لیمون و هندستان جوزی دیکان میوه و باشقه‌لار دور . یفاچیدین کوک رنگ چیقادورغان بر یانکده بقام درختی هم باردور . باهاما جزیره‌لاری چوره‌سیداکی تینکیزدین تولا بولوت چیقاریب باشقه اقلیم‌لارغه ساتادورلار .

خلایق . مغربی هندینک اصل خلقی قزاق خلق ایردی لیکن بولار ایمی یوق بولوب کتکان دورلار . حاضر قی خلق نینک تنکی زنگی دور . ینه ملن خلقی یعنی آق اوروغ و قرا اوروغدین آرالاش بولغان بر خلق و هم آق خلق باردور . کینکی یل‌لاردا چین و هندستاندین خلق هم اندا باریب ایش تجارت قیلیب توررا دور . تولاراق خلق قاتولیک مسیحی دورلار .

### حکومت‌لار

مغربی هنددا ایکی مستقل حکومت باردور . قالغان جزیره‌لار انگلیز فرانسه هول‌لان‌دییه و جماهیر متفقّه آمریقانینک مستملکاتی دور .

بریتانیا تابع لاری. (خلقی ۲ میلیونچه) ژامایق جزیره سی  
 ترینیداد جزیره سی و کچیک آنتیل نینک ینه بر نچه سی و هم باهاما جزیره لاری  
 انگلیزکا قایلایدورلار. خلقی نینک تولاسی زنگی دور.

فرانسه تابع لاری. (خلقی ۴۵۰ مینکچه). کچیک آنتیل نینک بر  
 نچه جزیره لاری فرانسه کا تابع دور.

هولاندیه تابع لاری. (خلقی ۶۰ مینک) جنوبی آمریقانینک شمال  
 ساحلداکی بر نچه کچیکراک جزیره هولاندیه کا تابع دور.

جماهیر متفقہ امریقا تابع لاری. (خلقی بر یاریم میلیون)  
 پورتوریقو و ینه بر نچه جزیره جماهیر متفقہ آمریقاغه تابع دور.

## قوبا جمہوریتی

بو جمہوریت قوبا جزیره سی بیلان تمام بولادور. بو جزیره بالدور اسپانیا  
 حکومتیکا تابع ایردی کین جماهیر متفقہ آمریقاغه تابع بولدی و ایمدی مذکور  
 حکومت نینک حمایتیده تورادورغان بر جمہوریت دور.

خلقی نینک تولاسی اسپانیول و ملز بیلان زنگی دورلار. اندا  
 کوچوب بارغان خطای لار هم باردور. خلق نینک باشلیق کسبی دهقانچیلدیق  
 دور. شکر قمووشی و تماکو تولا تریلادور و نهایت تولا قند و تماکو  
 باشقه اقلیم لارغه ساتیلادور. شهر:

هاوانا شهری (خلقی ۳۶۰ مینک) جمہوریت نینک مرکز اداره سی  
 و مغربی ہندینک ضرورراق شهری بولوب تماکو زاودلاری برله مشهور دور.

## ہایتی جزیره سی

(خلقی اوج یاریم میلیون)

بو جزیره ده ایکی حکومت یعنی ہایتی جمہوریتی (خلقی ۲ یاریم میلیون)  
 و دومینکو جمہوریتی (خلقی بر میلیون) بار دور. ہایتی بالدور فرانسه کا  
 تابع ایردی. خلقی زنگی دور. دومینکو بالدور اسپانیاغہ تابع ایردی و خلقی  
 ملز دور. جزیره نینک تمام خلقی قانونیک مسیحی دور. زمینی تولا  
 حصول لوق دور. ضرورراق محصولاتی قہوہ و قند دور.

بو ایکی جمهوریت مستقل بولسه هم جهایر متفقہ آمریقانینک حمایتیدہ تورادور.

## اوترا آمریکا

( خلقی ۶ میلیون )

شمالی آمریکا بیلان جنوبی آمریقانی بربریکا توتاشتورادورغان تار قوروق  
یرنی اوترا آمریکا دیرلار. مشرق طرفیدہ قاریبیا تینکیزی مغرب طرفیدہ  
بحر محیط کبیر شمال طرفیدہ مکسیقا و جنوب طرفیدہ قولومبیا مملکتی دور.

اوترا آمریکا تولا تاغلییق دور برنچه یانار تاغلار هم باردور و  
زلزلہلار اندا پات پات واقع بولادور. اوترا آمریقانینک همه دین چونک کولی  
ذیقارا کوا کولی دور.

اوترا آمریقانینک هواسی پست یرلارده تولا ایسیق و تاغلاردا معتدلرک  
دور. درخت و گیاهلاری جنوبی آمریقانینک کیغہ اوخشایدور جنکلار تولا دورلار  
و بولاردا پوما قاپیر میمون شطوطی صالما و بیلان دیکان جانور تولا دورلار.  
کسبلار و محصولات. دهقانچیلدیق خلقینک ضرور کسبی  
بولادور. قهوه شکم قمووشی موز تماکو تولا تریلادور. قوملاستق  
ماغون یغچی و بقم تولا ساتیلادور. کانچیلدیق هم باردور و بعضی یرلاردین  
التون چیقادور.

اوترا آمریقانینک خلقی آق و قزل خلقینک آرالاشقاندین حاصل  
بولغان شالغوت آدملار ایندیان خلقی اسپانیدول و هم زنکی خلقی  
دورلار رسمی تیلی اسپانیدولچہ و دینی قاتولیک مسیحیلدیق دور.  
اوترا آمریقادا آلتہ حکومت باردور. بالدور بولار اسپانیا حکومتیکا تابع ایردی  
لیکن ایدی اوز الیدا حکومت قیلادورغان جمهوریت بولوب دورلار. یعنی :

- ۱ کوا تامالا جمهوریتی شمال طرفیدہ
- ۲ هوندوراس جمهوریتی مشرق ساحلیدا
- ۳ سالوادور جمهوریتی مغرب ساحلیدا
- ۴ ذیقارا کوا جمهوریتی هوندوراسینک جنوب طرفیدہ بو مملکت ده  
نیقارا کوا دیکان چونک کول باردور.
- ۵ قوستاریقا جمهوریتی

۶ پاناما جمهوریتی اوترا آمریقانینک جنوب طرفیده .

پاناما مملکتیدین پاناما دیکان قنال کسلیب بحر محیط اطلاسی بیلان بحر محیط کیرنی بربریکا توتاشتوروب بو ایکی دریا محیطینک آرالیقیغنه یقین بر کمه یولی بولوب دور .

پاناما شهری اوترا آمریقانینک ضرور راق شهری دور . بو شهر پاناما قنالی بحر محیط کیرکا یتادورغان یرده دور . مذکور قنال جماهیر متفقہ آمریکا حکومتیدین قازغانب بو حکومتینک قولیدا تورادور .

بو الله حکومتدین باشقه بریتانیا هوندوراس دیکان ینه بر مملکت اوترا آمریقادا باردور . بو مملکت قاریبیا تینکیزی نینک بویدا دور .

## مکسیقا مملکتی

( خلقی ۱۴ یاریم میلیون )

بو مملکت اوترا آمریقانینک شمال طرفیده و جماهیر متفقہ آمریقانینک جنوب طرفیده دور . مشرق طرفیده مکسیقا کورفزی و مغرب طرفیده بحر محیط کیر و اینکدین حاصل بولغان قالیفورینا کورفزی سرحدلاری دور .

مکسیقا کورفزی طرفیداکی چتلاری پست و ساهلیق دورلار . جنوب طرفیده یوقاتان یاریم جزیره سی توروب مکسیقا کورفزی نی قاریبیا تینکیزیدین آیریدور . شمال مغرب طرفیدین قالیفورنیا یاریم جزیره سی جنوب طرفیکا اوزالغان دور . مکسیقانینک تولاسی تاغلیق دور موز تاغ و یانار تاغلار هم باردورلار .

اب و هوا . مکسیقانینک پست چتلاریده هوا نهایت ایسیق و دمیق بولوب آدمغه اوبدان کلیشمایدور . اندا سریق تب دیکان کسل تولا بولادور . ایکیز یرلارده هوا ایرته یاز هوا سیدیک تولا یخشی و چرایلیق بولادور .

مکسیقانینک درخت کیاه و حیواندلاری جنوبی آمریقانینک کیغه اوخشایدورلار . لیکن تاغلاردا سوغا قراق یورتلارینک جانوری مثلاً تولکی طاووشقان و باشقلار هم باردورلار .

دهقانچیدیق و مال باقماغلیق خلق نینک باشلیق کسبلاری دور . محصولاتی بغدای قوناق پاخته قند کورونج و اندلیه و باشقه بولادور . تولا کموش کاندلاری هم باردورلار .

مكسيقانينك خلقى آق و قزل خلكيدىن آزالاش بولغان شىمالغوت خلق و اول مملكت نينك اصل خلقى دور بر مونچه اسپانيول خلقى هم باردور . مكسيقا بالدور اسپانياغه تابع ايردى و خلقى نينك تىلى اسپانيولچه دور . رسمى دينى قاتولىك «سيكپىلىق» دور .

مكسيقا حاضر ۲۸ جمهوريت و اوچ ولايت دىن عبارت بولغان بر جهاير متفقه دور . مكسيقا ديكان شهر مملكت نينك پاى تختى دور . بو شهر چرايلىق و توز بر يرده دور . اسپانيول لار دىن قالغان چرايلىق كلىسالار و بر مدرسه جامعه آندا بار دورلار .

## جماهير متفقه آمريكا

( خلقى ۱۱۵ مىليونچه )

بو مملكت شىمالى آمريكانينك اوترا نىجى جزئى دور . شىمالدا برىتانيا شىمالى آمريقاسى مشرقيدا بحر محيط اطلسى جنوبيدا مكسيقا كورفزى بيلان مكسيقا مملكتى و مغريدا بحر محيط كبر سرحدلارى دور . الاسقا ياريم جزيرهسى هم جماهير متفقهغه تابع دور . بو ياريم جزيره آمريكانينك مغرب شىمال طرفيده بولوب قندان مملكتى بيلان جماهير متفقهدين آريلغان دور .

مملكت نينك جنوب طرفيده فلوريدا ياريم جزيرهسى بحر محيط اطلسى و مكسيقا كورفزى آرايلىقىدا اوزالغان دور .

بو مملكت نينك مغرب طرفى تولا تاغلىق دور آندا سيمىرا نوا دا قاسقاد ياكه شارقىدا اما تاغلار و قوراملىق تاغلار نينك سلسله لارى بار دور . بو تاغ سلسله لارى نينك ارايلىقىدا كىكرو توز ايگيز يرلار بار دورلار . بو تاغلاردا يلدوستون ناشونال پارق ديكان نهايت چرايلىق كىكرو بر ير بار دور . اندا سويى قيزيق و ايگيز اتىلب ساچرايدورغان بولاقلار هم بار دور .

مملكت نينك شىمال طرفلارى تولا جنكللىق و اوترا طرفلارى توز دور . مشرق طرفلار يده الاغانى تاغ سلسله لارى بار دور . بو تاغلار بيلان بحر محيط اطلسى نينك ارايلىقىدا توز بر ير بار دور .

كوللار و دريالار . بو مملكت نينك شىمال طرفيده سيمىر دور هورون



میچیکانه اری و اونتاریو دیکان نهایت چونک کول لار بار دور . اری و اونتاریو کول لاری نینک ارالیقیدا کنکلیکی ۹۰۰ متره ( ۱۳۵۰ کز ) و ایکیزلیکی ۵۰ متره ( ۷۵ کز ) بولغان نیاکارا دیکان مشهور بر شارقیراما بار دور . نیاکارا نینک معنی سی سولار نینک کولدورلاشی بولادور . بو شارقیرامانینک کولدورلاشی بر نچه پوطی یراق یرکا انکلانادور .

مغرب طرفیداکی تاغلار نینک اراسیدا چونک شورلوق کول دیکان بر کول بار دور .

قولومبیا دریاسی قاسقاد تاغلاریدین چیقیب بحر محیط کبیر کا قویولادور . قولورادو دریاسی قوراملیق تاغلاردین چیقیب مذکور بحر محیطغه هم قویولادور . ریوکراند دیکان چونک دریا هم قوراملیق تاغلاردین چیقیب جنوب طرفیکا اقیب مکسیقا کورفزیکا قویولادور .

میسیسیپی دریاسی سپریور کول طرفیده پیدا بولوب جنوب طرفیکا اقیب مکسیقا کورفزیکا قویولادور . میسوری دریاسی قوراملیق تاغلاریدین چیقیب میسیسیپیکا قوشولادور . وینه بر نچه چونک دریالار قوشولادور . میسیسیپی و میسوری قوشولوب بر دریا بولوب دنیانینک همه دین اوزون دریاسی دور . اوزونلوقی ۷۰۰۰ کیلومتره ( تخمیناً ۱۴۰۰ پوطی ) دور . میسیسیپی نینک معنی سی سولار نینک اتاسی دور .

پوتوماق دهلاوار و هودسون دیکان دریالار الاغانی تاغلاریدین چیقیب بحر محیط اطلسیغه قویولادور .

اب و هوا . جماهیر متفقہ مملکتی نینک جنوب طرفلاریده هوا تمام یل ایسیق بولادور اوترا و شمال طرفلاریده هوا یازدا ایسیق و قیشدا سوغاق بولادور . مشرق طرفلاریده یاغین کنکرو و مغرب طرفلارده آز بولادور . درخت و گیاهلار . مغرب ساحل لاردا تال نهایت اوبدان بولادور آندا تمام یل کوك تورادورغان درختلار بار دور . بو طرفداکی تاغلاردا نهایت ایکیز ۱۴۰ متره یعنی ۲۱۰ کز مقدار یچه و هم تولا یوغان اوسادورغان بر قسم صنوبر درختی باردور . شمال طرفلاریده و آلاغانی تاغلاردا قراغایغه اوخشاش درخت دین و یایرماغلیق درخت دین عبارت بولغان چونک جنکل لار بار دور . و فلوریدا دا درختی تمام یل کوك تورادورغان اصل جنکل لار بار دور .

مسیسیپی دریاسی نینک مغرب طرفلاریده **پیرری** دیکان اوتی تولا و درختی یوق نهایت کنکرو توز یرلار باردورلار .

**حیوانلار** . بوغا و شونینکغه اوخشاش حیوانلار جنکلاردا تولا بولادور . پره یریلارده جاموس دیکان کله کا اوخشاش حیوانلار اوتکان زماندا تولا بار ایردیلاز لیکن ایمی آز بولوب قالب دور . شو یرلارده سوغورغه اوخشاش بر جانوردین نهایت تولا بار دور .

ییرتقوچی حیوانلاردین تاغلاردا **ایبق** بارس پوما باردور . جنوب طرفلارده تمساحلار باردور لیکن اولار آفریقا و آسیانینک تمساحلاردین کچیک بولوب آدمغه هیچ دخل قیلمايدور . **فلاق فلاق** یلانی دیکان نهایت زهرلیک بر یلان مسیسیپی طرفیداکی یرلارده باردور .


**خلق** . جاهیر متفقه نینک تولاراق خلقی اق اوروغدین دور . اولار اوزی و یا آتا بابالاری آوروپانینک همه اقلیملاردین اندا باریب اولتورغان دورلار . امریقا جنسیدین بولغان اصل یرلیک خلقی آز قالغان دور . اون میلیونچه زنکی خلق هم باردور . بولارننک آتا بابالاری آفریقادین کلتورولکان و کین آزاد بولغان قللار ایردیلاز . بر مونچه **خطای** و باشقه آسیالیقلار هم آمریقاغه باریب آندا اولتورغان دورلار .

**ینقیدلار** . جاهیر متفقه نینک آق اوروغدین بولغان خلقی نی ینقعی دیرلار . بولار تولا غیرتلیک و چاققان هنر و صنعت توغراسیدین نهایت اوستا خلق دورلار . اولارننک اراسیدا اوبدان و چاققان ایش قیلغوچی همه دین معتبر آدم بولادور . ایننک اوچون بر آدم کمبغل بولسه هم هوشیار غیرتلیک و چاققان بولسه بای بولغانی و یا چونک منصب توتقالی یول تاپا دور . همه فقرالارننک حقی اوخشاش بولادور . دین مذهب توغراسیدین هیچ زورلوق یوق دور خلقی نینک تولاسی **مسیحی** دورلار . عام مکتبلاری نهایت یخشی دورلار و همه بالالار مکتبکا بریلیب علم اورکانادورلار .


آمریقا جنسیدین بولغان **ایندیان** دیکان خلقی قزل نره هم دیرلار . بولار ایمی آز قالغانی برله بر مونچه قبیله کا بولونکان دورلار . و هر قبیله نینک خاص تیلی باردور . بعضی قبیلهلار پره یریلارده و جنکلاردا یوروب صیادلیق قیلیب تیریکچیلیک قیلادور لیکن تولاسی علم هنر اورکانیب مسیحی بولوب دورلار .




نویورق شهری ( صحیفه ۱۸۳ )



جاموس یا که شمالی آمریقانینک یاوا کلاسی ( صحیفه ۱۸۲ )



اسقیمو آدم ( صحیفه ۱۸۸ )



قطبہ آیبقی ( صحیفه ۱۸۷ )

## جمهوریت و شهرلار

جماهير متفقہ آمريقا ۴۸ جمهوريت بر جماهير چقاسی و اوج ولايت بيلان تمام بولادور. مذکور جمهوريت لار نينک هر بری نينک اوز ز آگون نظام لاری و مشورت مجلسی باردور. همه جمهوريت بر بولوب بر جماهير متفقہ بولادور و اينک تويه سیده خلقی اوز اختیاری بيلان تعین فيلادورغان بر راس جمهور توروب تورت يل سلطنت قلیب یوتکالادور.

جماهير متفقہ نينک شهرلاری تولا دورلار. ضرور راقی بولار دورلار: **واندیندکتون** ( خلقی یاریم میلیونچه ) جماهير چقاسیدا بحر محیط اطلسیغه يقين بولوب تمام جماهير متفقہ نينک پای تختی دور.

**نویورق** ( خلقی یتہ میلیونچه ) بحر محیط اطلسی نينک بویدا و هکون سون دریاسی نينک منصبیدا دور. خلقی نينک تولالقی و سوداسی نينک چونکلوقی توغراسیدین دنیانينک ايکنجی شهری دور. **بروقلین** ديگان شهر نویورقغه قوشولغان دور. باشقه متصل شهرلار قوشولسه نویورق نينک خلقی ۸ میلیونچه بولور ایردی و شهر دنیانينک همه دین چونک شهری بولور ایردی. بو شهر نينک زمینی نهایت قیمت بولغان اوچون عمارت لارینی تولا ايکیز یاسایدورلار که آمیش قبتلیک عمارت لار هم باردور. باریش کلیش اوچون شهر ایچیده یر نينک تکیده یر نينک تويه سیده و هم محکم توبروک لار نينک تويه سیده یر نينک اوستونیده اوج قبت تمور یول لار یاساب دورلار.

**بوستون** ( خلقی بر یاریم میلیونچه ) نویورق نينک شمال طرفیده بحر محیط نينک بویدا سوداسی ضرور و مدرسہ لاری مشهور بر شهر دور.

**فیلادلفیا** ( خلقی ايکی میلیون دین تولا ) نویورق نينک جنوب مغربی طرفیده بحر محیطغه يقين بولوب زاودلاری جهتیدین آمريقانينک ايکنجی شهری دور.

**پیتسبورک** ( خلقی بر میلیونچه ) نویورق نينک مغرب طرفیده دور. بو شهر نينک زاودلاری تولا و اطرافیدا یر یاغی تاش کور و تمور کانلاری تولا دورلار. **بالتيمور** ( خلقی ۸۰۰ مینکچه ) فيلادلفيانينک جنوب طرفیده بحر محیط

اطلسی نينک بر کورفری نينک بویدا بولوب سوداسی ضرور بر شهر دور. **شیکاگو** ( خلقی اوج میلیون دین تولا ) میچیکانه کولی نينک بویدا تيریک مال و گوشت سوداسی نهایت ضرور بر شهر دور. شیکاگو چونکلوقی جهتیدین

آمریقانینک ایکنجی شهری دور. اوتوز بش طرفیکا تمور یوللار شو شهر دین چیقادور و قناللار هم باشقه باشقه طرفکا بارادورلار. موندین ۷۵ یل ایلکاری بو شهر کچیک کنه بر کنت ایردی. میدواق شهری ( خلقی یاریم میلیونچه ) شیکاگوغه یقین دور.

دیترویت شهری ( خلقی بر میلیونچه ) اری و هورون گوللاری نینک آرابلیقیدا بولغان آتوموبیل زاودلاری و باشقه زاودلاری تولا بر شهر دور. قلمبولاند شهری ( خلقی ۹۰۰ مینکچه ) اری گوللاری نینک بوییداکی سوداسی و زاودلاری چونک بر شهر دور.

سنت لوئیس ( خلقی بر میلیونغه یقین ) میسوری دریاسی نینک بوییدا و مینیاپولیس ( خلقی یاریم میلیونچه ) میسیسیپی دریاسی نینک بوییدا دور. نو اورلیان شهری ( خلقی ۴۰۰ مینکچه ) مملکت نینک جنوب طرفیده میسیسیپی نینک منصبیغه یقین دور.

سان فرانسیسکو شهری مملکت نینک مغرب طرفیده بحر محیط کبیر نینک بوییدا و کالیفورنیا جمهوریتیده بولغان سوداسی چونک بر شهر دور. خلقی بر میلیونچه دور. سیاتل شهری ( خلقی ۳۰۰ مینکچه ) هم بحر محیط کبیر نینک بوییداکی ضرور بر شهر دور.

مذکور شهرلاردین باشقه هر بری نینک خلقی بر یوز مینکدین تولا بولغان یتمیچه شهر بو جماهیر متفقهدا بار دور.

الاسقا مملکتی. بو مملکت آمریقانینک شمال مغربی طرفیده بولوب آسیادین بهرنک تینکیزی و بهرنک بوغازی بیلان آریلغان بر یاریم جزیره دور. بو مملکت فی جماهیر متفقهدا ۱۸۶۷نجی یلی روسیه دین ساتیب آلدی. اصل خلقی مغول جنسیدین بولغان اسقیمو دیکان خلق دور.

الاسقا زراعت کا کلیشایدورغان سوغاق بر مملکت دور. آندا تولکی سمور و شولارغه اوخشاش تره لاری قیمت حیوانلار تولا دورلار. آندا آلتون کانلاری هم تولا دورلار.

## جماهیر متفقهدا نینک مملکتی

مغربی هندداکی پور تووریقو بیلان ویر کینیا جزیره لاری و بحر محیط

کبیرداکی فیلیپین سند و بچ و باشقه جزیره‌لار جماهیر متفقہ آمریقانینک  
مستملکاتی بولادورلار.

## بریتانیا شمالی آمریقاسی

(خلقی اون میلیونچه)

بریتانیا شمالی آمریقاسی قنادہ مملکتی هم دیرلار. بو مملکت  
جماهیر متفقہ نینک شمال طرفیده بولوب کنکرو بر اقلیم دور. مغرب طرفیده بحر  
محیط کبیر بیلان آلاسقا مملکتی شمالیدا بحر محیط شمالی و مشرقیدا بحر محیط اطلسی  
سرحدلاری دور.

ساحل‌لاردا کورفلار یاریم جزیره‌لار و جزیره‌لار تولا دورلار. بحر  
محیط کبیرداکی ضرورراق جزیره‌سی و آنقوور جزیره‌سی دور. قنادہ نینک شمالی  
ساحلیدا هودسون دیکان چونک کورفلار و لابرادور دیکان چونک یاریم جزیره  
بار دور قنادہ نینک مشرقی ساحلیدا نوو و نسویق و نووا اسکیچیا دیکان یاریم  
جزیره‌لار و نوو و نندلاند (ینکی تایغان یر) دیکان جزیره و بولار نینک ارا لیقیدا  
سنت لوران کورفزی بار دور.

تاغلار و توز دیرلار. قنادہ نینک اوترا طرفی توز و مشرق بیلان  
مغرب طرفلاری تاغلیق دور. ایکیزراک تاغلاری مغرب طرفیده دورلار. قوراملیق  
تاغلاری بیلان قاسقان تاغلاری نینک سلسله‌لاری ضرورراق دور. همه دین ایکیز  
تاغلار آلاسقا مملکتیده دورلار. اندا چونک موز تاغلار هم تولا دورلار.

مملکت نینک اوترا سیدا هودسون کورفزی نینک چوره سیده ارقنتیق توز  
یری دیکان چونک توز یر بار دور.

کول‌لار و دریالار بو مملکتده چونک و تولا دورلار. سپیریور و هورون  
کول‌لاری جماهیر متفقہ نینک سرحدلاریدا دورلار. بولارنی قنادہ کول‌لاری هم دیرلار.  
ضرورراق دریالاری ماقنزی ساسقاچیوان و سنت لوران  
دیکان دریالار بولادور. ماقنزی قوراملیق تاغلاردین چیقیب بحر محیط شمالیغه  
قویولادور. ساسقاچیوان هم مذکور تاغلاردین کلیب هودسون کورفزیکا قویولادور.  
سنت لوران دریاسی جماهیر متفقہ نینک سرحدیدکی چونک کول‌لاردین کلیب سنت  
لوران کورفزیکا قویولادور.

اب و هوا. قناده نینک جنوب طرفیده هوا معتدل لیکن شمال طرفیکا بارغانساری هوا سوغاق بولا دور و همه دین شمال طرفیده یاز تولا قیسقه و قیش اوزون و یمان سوغاق بولا دور.

درخت کیاه و حیوانات. قناده نینک جنوب طرفیده یر دهقانچی بلیقه تولا موافق بولا دور. شمالمراق یرده تولا درختلیق کنکرو جنککلار باردور و همه دین شمال طرفیده بحرمحیط شمالی نینک چت لاریده هیچ درخت یوق دور یاز وقتیدا آزغنه اوت آران اونا دور.

جنککلاردا بیر تقوچی و تره لاری قیمت جانورلار مثلاً ایدیق بوری تولکی سک ابی سمور قاقم و باشقه حیوانلار تولا دورلار. بوغا و شونینکغه اوخشاش حیوان هم بار دور. دریالاردا و بحرمحیطدا بلیق تولا دور.

کسب لار و تجارت. قناده نینک جنوب طرفیده دهقانچی بلیق بیلان مال باقمه اغلیق خلق نینک باشلیق کسبی دور. اشملیق و تیریک مال سوداسی نهایت ضرور دور.

جنککلار دین تولا یغاج ساتیلادور. شو یرلارده تولا خلق تره سی قیمت حیوانلارنی صیادلیق قلیب تیریکچیلیک قیلادورلار. ساحل لاردا بلیقچیلیق نهایت ضرور بولا دور مخصوصاً نوفوئندلانده جزیره سی نینک چوره سیده تولا بلیق توتادورلار.

کانچی بلیق هم تولا ضرور دور تاش کمور و التون کانلاری کنکرو دورلار. باریش کلیمش تمور یوللار و قناللار بیلان اسان قیلینادور. بر تمور یول تمام مملکتنی کزیم بحرمحیط اطلسیدین بحرمحیط کبیر غچه بارا دور.

خلق. قناده نینک تولاراق خلقی آورو یادین کوچوب بارغان انکلیمیزی و فرانسه نینک و باشقه خلق نینک اولادی دورلار. اصل امریقاییق خلق دین یوز مینکجه هم باردور و بحرمحیط شمالی نینک ساحل لاریدا ازغنه اسقیمو خلقی هم بار دور.

قناده مملکتی توقوز ولایت بیلان تمام بولا دور. سلطنت قیلغوچی انکلیمز حکومتی تورغوزادورغان بز والی بولا دور لیکن مملکت نینک اوز زاگون نظام لاری و مشورت مجلسی باردور.



## شهرلار

اوتتاوا شهری ( خلقی ۱۰۰ مینکدین تولا ) سنت لوران دریاسیغه قوشولادورغان بر دریانینک بوییدا بولوب مملکت نینک پای تختی دور .  
 موندتره ال ( خلقی ۷۰۰ مینکچه ) سنت لوران دریاسیداکی بر جزیره ده دور .  
 بو شهر نینک سوداسی و کله چیلیکی تولا ضرور دور .  
 کله دهک شهری هم سنت لوران نینک بوییدا دور . اندا محکم بر قلعه باردور .  
 توروندو شهری ( خلقی یاریم میلیون دین تولا ) اونتاریو کولی نینک بوییداکی  
 اشلیق سوداسی برله مشهور بر شهر دور .  
 واندورور شهری بحر محیط کبیر نینک بوییدا دور .


## ارقتیق جزیره لار یا که اراض قطبیه

شمالی آمریقانینک شمال طرفیداکی جزیره لارنی ارقتیق یا که شمال جزیره لاری دیرلار . بولار نینک چونکراقی کرونلاند جزیره سی دور . بافین دیکان جزیره هم تولا چونک دور . بو ایکنی جزیره نینک ارا لیقیدا بافین کورغزی بار دور . بو جزیره لار نینک هوامسی نهایت سوغاق دور . یازی قیسقه و قیشی اوزون بولادور . کرونلاند نینک ایچ یرلاری همیشه موز دین یاپیلغان دور . موز ایکنی دوبه لانکانه آهسته آهسته تینکیزکا سورولوب باریب توشوب کتادور . تینکیزده هم شمال نینک سببیدین دوبه لانیب تاغ دیک چونک چونک پارچه بولوب سودا لیلاب توروب جنوب طرفکا آقب کله لارکا خطر بولادور .  
 کبیه و حیوانلار . مذکور جزیره لار نینک ایچ طرفلاریده موز قار ایریمای همیشه تورادور لیکن ساحل لاریدا یاز وقتیدا اوت و کبیه لار اونادورلار . حیوانلار تولا دور . قوروقدا شمال بوغاسی مشک کله سی یا که افار کله سی تولکی طاوشقان دیکان جانور بار دورلار . سودا قطبه اییقی دریا موزایی یا که اییق بلیقی وال ( بال ) یا که شور دریانینک نهنکی دیکان حیوانلار بار دورلار . اوچارلیق جانور هم نهایت تولا بولادور .  
 بو جزیره لار نینک خلقی تولا آز دور . اصل خلقی استقیمو خلقی دور .  
 وینه دانیمارقه مملکتیدین کوچوب بارغان خلق هم باردور .

اسقیمولار مغول جنسیدین بولغان قیسقه بویلوک یوز رنگی توق سریق  
 بر خلق دور. ایکینلاری حیوان ترهسیدین دور قیشدا تاشدین یا موز پارچهلاریدین  
 یاسالغان اویلارده و یازدا حیوان ترهلاریدین تیککان چادرلاردا اولتورادورلار.  
 اولار صیادلیق بیلان تیریکیچیلیک قیلادورلار. باقادورغان جانورلاری ایطالار  
 بولادور قوی کلهغه اول یرده یم تاپیلمايدور. بریرکا بارسهلار عرابه اورنیغه  
 چاندا یاکه قایاق دیکان قار اوستیده سودرالیب یورادورغان نرسه کا ایطالار  
 قوشوب هایداب یورورلار. اول یرده اون آی قیش بولادورغان اوچون قار یوق  
 وقتسی قیسقه بولادور.

اسقیمولار ایمدی مسیگی بولوب دورلار.

کرونلاند جزیرهسی دانیمارقه حکومتیکا تابع دور و قالغان ارقتیق  
 جزیرهلاری قناده کا قوشولوب انکلیزکا تابع دورلار.



# جدول الار

مربع كيلو متره	خلق نينك عددی	آسيانينك اقليم لاری
۱۱ ۳۱۵ ۰۰۰	۴۴۰ ۰۰۰ ۰۰۰	چين مملكتی
۴۹۰۰ ۰۰۰	۳۲۰ ۰۰۰ ۰۰۰	هندستان
۳۰ ۱ ۰۰۰	۳ ۰۰۰ ۰۰۰	عراق
۲۳ ۰۰۰	۸۵۰ ۰۰۰	بريتانيا مستملكاتی : فلسطينا
۴۷۶ ۰۰۰	۱۶ ۰۰۰ ۰۰۰	باشقه انكليز تابع لاری
۶۸۰ ۰۰۰	۸۵ ۰۰۰ ۰۰۰	ژاپونيا
۱۵۰۰ ۰۰۰	۵۰ ۰۰۰ ۰۰۰	هول لاندیه مستملكاتی
۱۷۴۰۰ ۰۰۰	۳۵ ۰۰۰ ۰۰۰	روسیه مستملكاتی
۱۵۰ ۰۰۰	۳ ۰۰۰ ۰۰۰	شام (سوريه)
۷۱۰ ۰۰۰	۲۰ ۰۰۰ ۰۰۰	فرانسه مستملكاتی : هند چين و باشقه
۸۶۰ ۰۰۰	۱۰ ۰۰۰ ۰۰۰	اناطولی
۳۰۰ ۰۰۰	۱۲ ۰۰۰ ۰۰۰	جماهير متفقہ آمريقا مستملكاتی : فيليبين جزيره لاری
۵۲۰ ۰۰۰	۹۸۰ ۰۰۰ ۰۰۰	سيام
۱۶۳۰ ۰۰۰	۹ ۰۰۰ ۰۰۰	ايران
۵۶۰ ۰۰۰	۱۰ ۰۰۰ ۰۰۰	افغانستان
۱۴۰ ۰۰۰	۵۵ ۰۰۰ ۰۰۰	نه پال
۵۲ ۰۰۰	۳۰۰ ۰۰۰	بوتان
۳۰۰۰ ۰۰۰	۳۸۰۰ ۰۰۰	عربستان نينك مستقلی
۲۵ ۰۰۰	۱ ۰۰۰ ۰۰۰	پورتو کالیه مستملكاتی
۴۳۰۰	۲۷ ۰۰۰ ۰۰۰	يونانی مستملكاتی
۲۶ ۰۰	۱۱۰ ۰۰۰	ایتاليا مستملكاتی

## اوروپا نینک اقلیم لاری

مربع کیلو متره	خلق نینک عددی	
۴ ۶۰۰ ۰۰۰	۱۱۰ ۰۰۰ ۰۰۰	روسیه
۴۷۰ ۰۰۰	۶۳۰ ۰۰۰ ۰۰۰	جرمانیا
۳۱۵ ۰۰۰	۴۸ ۰۰۰ ۰۰۰	بریتانیا (انگلیزستان)
۵۵۱ ۰۰۰	۴۱ ۰۰۰ ۰۰۰	فرانسہ
۳۱۰ ۰۰۰	۴۰ ۰۰۰ ۰۰۰	ایتالیا
۳۸۸ ۰۰۰	۲۹ ۰۰۰ ۰۰۰	یولشہ
۴۹۸ ۰۰۰	۲۱ ۰۰۰ ۰۰۰	اسپانیا
۲۹۴ ۰۰۰	۱۷۵ ۰۰۰ ۰۰۰	رومانیا
۱۴۰ ۰۰۰	۱۴۵ ۰۰۰ ۰۰۰	چہ قواسلو و اکیا
۲۴۹ ۰۰۰	۱۲۵ ۰۰۰ ۰۰۰	یوغوسلاویا
۹۳ ۰۰۰	۸ ۰۰۰ ۰۰۰	مجاریہ
۳۰ ۴۰۰	۸ ۰۰۰ ۰۰۰	بلجیقا
۳۴ ۲۰۰	۷ ۵۰۰ ۰۰۰	ہول لاندیہ
۸۴ ۰۰۰	۶ ۵۰۰ ۰۰۰	آوسٹریا
۴۴۸ ۰۰۰	۶ ۰۰۰ ۰۰۰	اسویج
۱۲۷ ۰۰۰	۶ ۰۰۰ ۰۰۰	یونانستان
۸۹ ۰۰۰	۶ ۰۰۰ ۰۰۰	یورتو کالیہ
۱۰۳ ۰۰۰	۵۵ ۰۰۰ ۰۰۰	بلغاریا
۴۱۳ ۰۰	۴ ۰۰۰ ۰۰۰	اسویچرہ
۴۳ ۰۰۰	۳۵ ۰۰۰ ۰۰۰	دانیمارکہ
۳۸۸ ۰۰۰	۳۵ ۰۰ ۰۰۰	فنلاندیہ
۳۲۴ ۰۰۰	۲۸ ۰۰۰ ۰۰۰	نوروچ
۵۶ ۰۰۰	۲۳ ۰۰۰ ۰۰۰	لیتوانیا
۶۶ ۰۰۰	۲ ۰۰۰ ۰۰۰	لتویا

مربع کیلو متره	خلق نینک عددی	
۲۴ ۰۰۰	۱۵۰۰ ۰۰۰	ترکیه
۴۷ ۰۰۰	۱ ۱۰۰ ۰۰۰	استونیا
۲۷ ۰۰۰	۸ ۵۰ ۰۰۰	آلبانیا
۱۹ ۰۰	۳۸۵ ۰۰۰	دانسیک
۲۶ ۰۰	<sup>F</sup> ۲۷۰ ۰۰۰	لوکسمبورک
۱۰ ۵ ۰۰۰	۱۰۰ ۰۰۰	ایسلانده

## آفریقانینک اقلیم لاری

۹۳۵ ۳۰۰	۱۴ ۰۰۰۰۰۰	مصر
۲۸ ۰۰ ۰۰۰	۸ ۰۰۰۰۰۰	حکومات متفقہ جنوبی آفریقا
۱ ۱۴۴ ۰۰۰	۲ ۰۰۰۰۰۰	رودسیا
۶۰ ۲۰ ۷۰۰	۴۱ ۰۰۰۰۰۰	بریتانیانینک قالغان مستملکاتی
۲۴۲۰ ۰۰۰	۱۲ ۰۰۰۰۰۰	قونکو ( بلجیقا تابعی )
۹ ۰۰۰۰۰۰	۱۰ ۰۰۰۰۰۰	حبشستان
۵۷۵ ۰۰۰	۶ ۰۰۰۰۰۰	جزایر
۴۵۰ ۰۰۰۰	۶ ۰۰۰۰۰۰	مغرب الاقضا
۱۲۵ ۰۰۰۰	۲ ۰۰۰۰۰۰	تونیس
۵۸۸ ۰۰۰	۳ ۵۰۰ ۰۰۰	ماداگاسکار جزیره سی
۸۷۶۲ ۰۰۰	۲ ۲۵۰۰ ۰۰۰	فرانسه نینک قالغان مستملکاتی
۲۴۱۰ ۰۰۰	۸ ۰۰۰۰۰۰	پورتو کالیه مستملکاتی
۹۵۰۰	۲ ۰۰۰ ۰۰۰	لیبریا
۱ ۴۰۰۰۰۰	۱ ۰۰۰ ۰۰۰	طرابلس ( ایتالیا مستملکاتی )
۷ ۱۰۰۰۰	۱ ۰۰۰ ۰۰۰	ایتالیانینک قالغان مستملکاتی
۳۵۰ ۰۰۰	۱۵۰۰ ۰۰۰	اسپانیا مستملکاتی

## آوسٲراليا

مربع  
كيلو مترهخلق نينك  
عددي

۸۵۰۰۰۰۰	۹۰۰۰۰۰۰	بريتانيا مستملكاتي
۱۷۵۰۰۰	۳۴۰۰۰۰۰	جهاير متفقہ آمريقا مستملكاتي
۴۰۰۰۰۰۰	۲۰۰۰۰۰۰	هولانديہ مستملكاتي
۲۲۰۰۰	۸۰۰۰۰۰	فرانسہ مستملكاتي
۲۵۰۰۰	۵۰۰۰۰۰	ژاپونيا مستملكاتي

## جنوبي آمريقا

۸۵۰۰۰۰۰	۳۱۰۰۰۰۰۰	برازيليا
۲۷۹۰۰۰۰۰	۱۰۰۰۰۰۰۰	آرژنتين
۱۱۰۰۰۰۰۰	۷۰۰۰۰۰۰۰	قولومبيا
۱۲۵۰۰۰۰۰	۶۰۰۰۰۰۰۰	پرو
۷۵۰۰۰۰۰	۴۰۰۰۰۰۰۰	شيلي
۱۳۳۰۰۰۰۰	۳۰۰۰۰۰۰۰	بوليويا
۱۰۰۰۰۰۰۰	۳۰۰۰۰۰۰۰	ونہ زئہلا
۴۴۰۰۰۰۰	۲۰۰۰۰۰۰۰	ايقوادور
۱۸۰۰۰۰۰	۱۷۰۰۰۰۰۰	اوروگواي
۲۵۰۰۰۰۰	۱۰۰۰۰۰۰۰	پاراگواي
۴۶۰۰۰۰۰	۵۰۰۰۰۰۰	کويانہ

## شمالی آمريقا

۹۳۷۵۰۰۰۰	۱۱۵۰۰۰۰۰۰	جهاير متفقہ
۲۰۰۰۰۰۰۰۰	۱۴۰۰۰۰۰۰۰	مكسيقا
۱۰۰۰۰۰۰۰۰	۹۶۰۰۰۰۰۰۰	قنادہ
۲۴۰۰۰۰۰۰	۱۰۰۰۰۰۰۰۰	مغربی ہند
۵۲۰۰۰۰۰۰	۶۰۰۰۰۰۰۰۰	اوترا آمريقا

## ۱۹۲۷ نجی یلی بش قطعہ لار نینک خلقی مونداغ ایردی

۱۰۴۷۰۰۰۰۰۰	آسیا
۴۷۷۰۰۰۰۰۰	آوروپا
۱۴۳۰۰۰۰۰۰۰	آفریقا
۹۰۰۰۰۰۰۰۰	آوسترالیا
۲۲۹۰۰۰۰۰۰۰	آمریقا
۱۹۰۵۰۰۰۰۰۰۰	جمعی

یعنی برمینک توقوز یوز بش میلیون یاکه  
بریوز توقسان مینک بش یوز تومان

## عالم نینک ضرور راق شهر لاری نینک خلقی

چین ترکستان نینک شهر لاری نینک خلقی تخمیناً شونداغ بولادور: یعنی شهر ایچیده

۱۵۰۰۰۰	قراقاش	۷۰۰۰۰	اورومچی
۱۰۰۰۰۰	ینکی حصار	۹۰۰۰۰	کاشغر
۱۰۰۰۰۰	قارغہ لبق	۵۰۰۰۰	کاشغر ینکی شهری
۱۰۰۰۰۰	مرالباشی	۱۰۰۰۰۰	یارکند
۱۰۰۰۰۰	کوچار	۸۰۰۰۰	غولچه
۱۰۰۰۰۰	اوج طرفان	۵۰۰۰۰	ختن
۱۰۰۰۰۰	مناس	۴۰۰۰۰	آقسو ینکی شهری
۸۰۰۰۰	فیض آباد	۱۰۰۰۰۰	آقسو کهنه شهری
۸۰۰۰۰	کیریا	۲۵۰۰۰۰	قرا شهر
۸۰۰۰۰	چو کوچاک	۲۰۰۰۰۰	کوره
۸۰۰۰۰	لوب	۱۵۰۰۰۰	تورفان

۶۷۰۰۰۰	نېنك پو	۸۰۰۰	كورلى
۶۲۰۰۰۰	فو چو	۷۰۰۰	كو چنك
۵۴۰۰۰۰	چانك شا	۶۰۰۰	كوما
۵۰۰۰۰۰	لان چو فو	۵۰۰۰	شېخو
۵۰۰۰۰۰	شېنگان	۵۰۰۰	قومول ( خامى )
۵۰۰۰۰۰	سو چو	۵۰۰۰	پېچان
۵۰۰۰۰۰	جو نك جينك	۴۰۰۰	صويدينك
۳۹۰۰۰۰	نان جينك	۴۰۰۰	باركول
۲۱۰۰۰۰	ووئىن چو	۴۰۰۰	دورو جينك
۲۰۰۰۰۰	وو جانك	۳۰۰۰	بىلى
۱۵۰۰۰۰	قاي فنك	۳۰۰۰	چينك
۱۱۰۰۰۰	شاشى	۳۰۰۰	سانجى
۱۱۰۰۰۰	اموى	۳۰۰۰	شاه يار
۱۰۰۰۰۰	خان يانك	۲۵۰۰	شىن پينك
۱۰۰۰۰۰	كوئى لىن	۲۰۰۰	چر چن
۱۰۰۰۰۰	كوئى يانك	۲۰۰۰	چر
۱۰۰۰۰۰	نان جانك	۲۰۰۰	يوسكام
۱۰۰۰۰۰	چينك جانك	۱۰۰۰	سريقول
۱۰۰۰۰۰	وو خو	۱۰۰۰	چاقلىق
۵۵۰۰۰	ايچانك		
۵۰۰۰۰۰	تاي يوان		چين مملكتى نينك ضرور راق شهر لارى
۵۰۰۰۰۰	چينك تاو		
۵۰۰۰۰۰	يون نان فو	۱۳۰۰۰۰۰	پيكن ( پچين )
۴۵۰۰۰۰	چينان	۱۶۰۰۰۰۰	خانقو
۴۰۰۰۰۰	ان جينك	۱۵۰۰۰۰۰	شانسكخاى
۱۶۰۰۰۰۰	موقديس	۱۰۰۰۰۰۰	قانتون
۱۲۰۰۰۰۰	خار بىن	۸۰۰۰۰۰۰	تيان چين
		۶۹۰۰۰۰۰	خوانكجو



### ژاپونیا

۲۵۰۰۰۰۰	توکیو
۱۵۰۰۰۰۰	اوساقا
۶۰۰۰۰۰۰	فوبه
۶۰۰۰۰۰۰	کیوتو
۴۲۵۰۰۰۰	یوقوهاما
۳۰۰۰۰۰۰	سیول ( کوریه دده )

### افغانستان

۱۵۰۰۰۰۰	کابل
---------	------

### ایران

۲۲۰۰۰۰۰	طهران
۲۰۰۰۰۰۰	تبریز

### عربستان

۷۰۰۰۰۰	مکه
۴۰۰۰۰۰	مدینه
۲۵۰۰۰۰	مسقط

### اناطولی

۳۰۰۰۰۰۰	ازمیر
۸۰۰۰۰۰	اسکدر
۴۰۰۰۰۰	انقره

### شام و فیلسطینا

۲۵۰۰۰۰۰	دمشق ( شام )
۲۰۰۰۰۰۰	جلب ( الیو )

۴۰۰۰۰۰	اورغا
۲۰۰۰۰۰	لاسا
۴۲۰۰۰۰۰	حونک قونک ( ویتوریا )

### هندستان

۱۳۳۰۰۰۰	قالکوته
۱۱۷۵۰۰۰۰	بومبای
۵۳۰۰۰۰۰	مادر اس
۴۰۰۰۰۰۰	حیدر اباد
۳۰۰۰۰۰۰	دلھی
۳۵۰۰۰۰۰	رانگون
۲۸۰۰۰۰۰	لاهور
۲۶۰۰۰۰۰	سینکاپور
۲۵۰۰۰۰۰	قولومبو
۲۴۰۰۰۰۰	لوکنو
۲۲۰۰۰۰۰	کاراچی
۲۰۰۰۰۰۰	بنارس
۱۰۰۰۰۰۰	امرتسار

### هند چین

۲۵۵۰۰۰۰	سایفون
۱۵۰۰۰۰۰	هانوی

### جزیره آردن

۳۰۰۰۰۰۰	مانیلا ( فیلیپینده )
۲۵۰۰۰۰۰	باتاویا ( جاو ادا )
۱۶۰۰۰۰۰	سوراباجا

### سیام

۶۰۰۰۰۰۰	بانقوق
---------	--------

۱۰۰۰۰۰۰ استانبول  
 ۱۰۰۰۰۰۰ بوداپستنه  
 ۱۰۰۰۰۰۰ منچستر  
 ۱۰۰۰۰۰۰ برمینگهم  
 ۱۰۰۰۰۰۰ وارشوا  
 ۸۵۰۰۰۰۰ میلانو  
 ۸۰۰۰۰۰۰ بروسل  
 ۸۰۰۰۰۰۰ مادرید  
 ۷۸۰۰۰۰۰ ناپولی  
 ۷۶۰۰۰۰۰ بارسیلونا  
 ۷۵۰۰۰۰۰ بوکارست  
 ۷۵۰۰۰۰۰ روما  
 ۷۲۰۰۰۰۰ امستردام  
 ۷۲۰۰۰۰۰ قوینهاکن  
 ۶۸۰۰۰۰۰ یراک  
 ۶۰۰۰۰۰۰ مارسی  
 ۵۵۰۰۰۰۰ لیونک  
 ۵۰۰۰۰۰۰ استتق-ولم  
 ۵۰۰۰۰۰۰ لیسابون  
 ۳۰۰۰۰۰۰ ریکما  
 ۳۰۰۰۰۰۰ آتنه  
 ۲۶۰۰۰۰۰ اوسلو (قریستیانیا)  
 ۲۲۰۰۰۰۰ زوریخ  
 ۲۰۰۰۰۰۰ هلسینکفورس  
 ۲۰۰۰۰۰۰ دانسیک  
 ۱۵۵۰۰۰۰ صوفیه  
 ۱۲۵۰۰۰۰ ریوال  
 ۱۲۰۰۰۰۰ بلنکراد

۱۵۰۰۰۰۰  
 ۶۵۰۰۰۰  
 ۱۵۰۰۰۰۰  
 ۷۰۰۰۰۰

### الجزیره یا که عراق

بیسروت  
 اورشلیم  
 بغداد  
 موصل

### روسیه آسیا

۲۴۵۰۰۰۰  
 ۳۳۰۰۰۰۰  
 ۲۰۰۰۰۰۰  
 ۱۴۰۰۰۰۰  
 ۱۱۵۰۰۰۰  
 ۱۰۰۰۰۰۰  
 ۹۵۰۰۰۰  
 ۹۰۰۰۰۰  
 ۷۵۰۰۰۰

تاشکند  
 تفلیس  
 باکو  
 اومسق  
 طومسق  
 ایرقوتسق  
 سمرقند  
 ولادیواستوق  
 یخارا

### آزوپا

۷۷۰۰۰۰۰  
 ۴۰۰۰۰۰۰  
 ۴۰۰۰۰۰۰  
 ۲۰۰۰۰۰۰  
 ۱۵۵۰۰۰۰  
 ۱۱۲۵۰۰۰  
 ۱۱۰۰۰۰۰  
 ۱۰۵۰۰۰۰  
 ۱۰۵۰۰۰۰

لوندون  
 یاریس  
 برلین  
 وینا  
 موسقوا  
 لیویریول  
 لینینگراد (پتروگراد)  
 هامبورک  
 کلاسکو

۳۰۰۰۰۰	شیقا کو
۲۰۰۰۰۰	فیلادلفیا
۱۵۰۰۰۰	بوستون
۱۰۰۰۰۰	دیترویت
۱۰۰۰۰۰	سان فرانسیسکو
۱۰۰۰۰۰	سنت لوئیس
۹۵۰۰۰۰	لوس انگیلوس
۹۲۵۰۰۰	قلیولاند
۷۰۰۰۰۰	مونترهال
۶۱۵۰۰۰	مکسیقا
۳۷۰۰۰۰	هابانا

### عالم نینک ایکیز راک تاغ

#### چوقچہ لاری

#### آسیا

۲۹۰۰۰	متره	۸۸۴	کوریزانقار (همالایا)
۲۸۲۰۰	"	۸۶۰	دیسانک
۲۵۷۰۰	"	۸۲۰	موز تاغ
۲۲۰۰۰	"	۷۰۰	خان تنگری (تیانشان)
۱۸۵۵۰	"	۵۹۰	قراقورام دوان
۱۷۵۰۰	"	۵۶۰	البرز
۱۷۵۰۰	"	۵۵۷	ساساردوان
۱۶۳۰۰	"	۵۲۰	آارات
۱۲۷۰۰	"	۴۰۴	تراک دوان
۹۴۰۰۰	"	۳۰۰	لبنون

۹۰۰۰۰۰

کوونو

### آفریقا

۸۳۰۰۰۰

قاهره (قهره)

۵۰۰۰۰۰

اسکندریه

۳۰۰۰۰۰

یوحنا سبورک

۲۰۰۰۰۰

قاب شهری

۲۲۵۰۰۰

جزایر

۱۹۰۰۰۰

تونس

۱۴۰۰۰۰

ماروقو

### آوسترالیا

۱۰۴۰۰۰۰

سیدنی

۹۰۰۰۰۰

ملبورن

۳۰۰۰۰۰

آدلهد

۲۶۰۰۰۰

بریسبان

۱۲۰۰۰۰

والیتون

۸۵۰۰۰۰

هونولولو

### جنوبی آمریکا

۲۳۰۰۰۰۰

بوئه نوس آیریس

۱۱۶۰۰۰۰

ریوده ژانیرو

۵۶۰۰۰۰

سان تیا کو

۴۰۰۰۰۰

مونته ویدو

۲۰۰۰۰۰

ولپاریزو

### شمالی آمریکا

۸۰۰۰۰۰۰

نویورک

عالم نينك چونكراق دريالارى

اوزونلوقى كيلومتره بيلان بريكان بش  
كيلومتره تخمينا بر يوضى بولادور.

آسيا

۵۳۰۰ اوب بيلان ايرتيش

۵۲۰۰ يانكچى جانك

۴۷۰۰ ينهسى

۴۵۰۰ امور

۴۵۰۰ مقونك

۴۲۰۰ لينا

۴۱۵۰ خوانكخو

۳۰۰۰ هندوس ( سيند )

۳۰۰۰ براهما پوتره

۲۷۰۰ غانج ( كانكز )

۲۶۰۰ فرات

۲۵۰۰ آمو دريا ( جيحون )

۱۹۰۰ ياركند بيلان طاريم درياسى

۱۹۰۰ سىدرياسى ( سيحون )

آوروبا

۳۵۰۰ وولكا

۲۸۰۰ طونه

۲۱۰۰ دينه پير

۱۸۰۰ دون

۱۸۰۰ دويئا

۱۶۰۰ پيجورا

آوروبا

مونك بلانك ۴۸۰۰ " " ۱۵۷۸۰

موتنه روزه ۴۶۰۰ " " ۱۵۲۰۰

متر هورن ۴۵۰۰ " " ۱۴۷۰۰

فينستر آرهورن ۴۳۰۰ " " ۱۴۰۲۵

مولا حاسن ۳۵۰۰ " " ۱۱۴۲۰

آتنه ۳۳۰۰ " " ۱۰۸۷۰

آفريقا

كليمانجارو ۶۰۰۰ متره ياكه ۱۹۷۰ چيزه

كينيا ۵۷۰۰ " " ۱۷۲۰۰

راس داشان ( حبشده ) ۴۶۰۰ " " ۱۴۴۴۰

آطلاس ۴۵۰۰ " " ۱۴۱۰۰

قامرون ۴۰۰۰ " " ۱۳۳۰۰

تينه ريفاييكي ۳۷۰۰ " " ۱۱۶۰۰

آوستراليا

ماوناقيا ( هواييده ) ۴۳۰۰ " " ۱۴۰۲۵

آوستراليا آلبلارى نينك ايكنيزراك

چوقچهسى ۲۲۰۰ " " ۶۹۰۰

آمريكا

آقونقاكوا ۷۰۰۰ " " ۲۲۰۰۰

سوراتا ۶۶۰۰ " " ۲۱۵۰۰

ايليمانى ۶۴۰۰ " " ۲۱۱۰۰۰

چيمبورازو ۶۳۰۰ " " ۲۰۶۱۰

مق قينلى (الاسقا) ۶۲۰۰ " " ۲۰۴۶۰

۶۷۰۰۰

۳۵۰۰۰

۹۰۰

اران کولی

بايقال کولی

بحر لوط

۱۳۰۰

رمن

## آفريقا

۶۰۰۰

نيل درياسی

۴۷۰۰

قونکو

۴۰۰۰

نيکر

۲۴۰۰

زامبزی

## آوروپا

۱۸۰۰۰

لادو کا

۹۷۰۰

اونه کا

۵۶۰۰

ونرن

۱۹۰۰

وترن

۱۷۰۰

سایما

۵۷۰

جنيوه

۵۴۰

بودن کولی

## آوستراليا

۲۵۰۰

موره - دارلينک

## آمريقا

۷۰۰۰

ميسيسيپی - ميسوری

۵۵۰۰

امازون درياسی

۳۷۰۰

ماکينزی

۳۷۰۰

پارانا

۲۸۰۰

ريوگراند

۲۴۰۰

اورينو قو

۲۳۰۰

قولومبيا

۲۰۰۰

ريو قولورادو

## آفريقا

۶۸۰۰۰

اوکيريوه

۳۶۰۰۰

تانگانيکا

۳۰۰۰۰

چاد کولی

۵۰۰۰۰

» سو اولوغ وقتيدا

۲۷۰۰۰

نيهزا کولی

## آمريقا

۸۱۰۰۰

سپريور کول

۶۰۰۰۰

هورون

۵۸۰۰۰

ميجيگانه

۲۶۰۰۰

اری

۱۷۰۰۰

اونتاريو

۲۹۰۰۰

چونک آيبق کولی

۲۶۰۰۰

چونک قل کولی

## چونکراق کول لار.

چونک لوقی مربع کیلومتره ده بریلکنان

بر مربع کیلومتره هر طرفکا بر کیلومتره

یعنی تخمیناً اوج مينک چیزه چهارسو

بر مقدار بولادور.

## آسیا

۴۴۰۰۰۰

کاسپی تينکیزی

۸۷۰۰	قورسیقا
۸۶۰۰	کرید
۶۹۰۰	سیلاند
۳۵۰۰	مایورقا
۳۱۰۰	کوتلاند

۲۵۰۰۰	ویننیک
۸۰۰۰	تیتیقاقا
۳۵۰۰	چونک شورلوق کول

## چونکراق جزیره‌لار

مقداری مربع کیلومتره ده بریلکان دور

### آفریقا

۵۸۵۰۰۰	ماداگاسقار
۲۵۰۰	ره‌ئوینون

### آوسترالیا

۷۸۵۰۰۰	ینکی کینه
۱۵۰۰۰۰	ینکی زلاند (جنوبی)
۱۱۸۰۰۰	ینکی زلاند (شمالی)
۶۸۰۰۰	طاسمانیا
۱۶۷۰۰	ینکی قاله دونیا
۱۱۰۰۰	هوایی

### آمریقا

۲۲۰۰۰۰۰	کروئلاند
۶۰۰۰۰۰	بافینس لاند
۱۱۰۰۰۰	نوفوئندلاند
۱۱۹۰۰۰	قوبا
۷۷۰۰۰	هایتی
۱۱۰۰۰	ژمایق
۹۰۰۰	یورتوریقو
۷۱۰۰۰	ارض النار
۴۵۰۰	ترینیداد

### آسیا

۷۳۴۰۰۰	بورنه او
۴۳۰۰۰۰	صوماترا
۱۸۵۰۰۰	سلب
۱۲۲۰۰۰	جاوا
۲۲۷۰۰۰	هوندو
۱۰۹۰۰۰	لوزون
۷۶۰۰۰	ساخالین
۶۴۰۰۰	سیلون
۳۵۰۰۰۰	فورموزه
۳۴۰۰۰۰	حاینان
۹۳۰۰۰	قبریس

### آروپا

۲۱۷۷۰۰	چونک بریتانیا
۸۳۷۰۰	ایرلاند
۱۰۴۷۰۰	ایسلاند
۵۰۱۰۰	ناویازیملیا (شمالی)
۴۰۹۰۰	ناویازیملیا (جنوبی)
۲۵۴۰۰	سیجیلیا
۲۳۸۰۰	ساردینیا

## لفت

توبىنداكى بعضى سوزلارنىڭ باشقىمەنىلارنى ھەم بار دور لىكن بو ىردە جغرافىيا علمىدە استعمال قىلىنادورغان مەنىسى بىرىلدى .

۱

**اداره جەھورىيە:** جەھورىيەت طرىقەسىدا قىلىنادورغان ھىكومت يعنى پادشاھلىق قىلغۇچى فقراالردىن تەين قىلىنىپ توختاتىلادورغان طرىقە .  
**اداره مستقىلە:** پادشاھلىق قىلغۇچى كامىل اختیار بىلان قىلادورغان سلطنت طرىقەسى

**اداره مشروطە:** پادشاھلىق قىلغۇچىنىڭ فقراالارىنىڭ نظام و مشورتى بىلان مەدود قىلىنىپ توختاتىلغان سلطنت طرىقەسى .  
**اسن:** ياپىرماقى خوشبوى بر قسم كچىك درخت .

ب

**بىرىخ:** اىكى چونكراق قوروق ىرنى بىرىكىكا توتاشتورادورغان تار قوروق ىر .

**بىدوى:** عمارت سالماى ياتەلارنى باقىب كوچوب يورادورغان خلق .  
**بىرون (بىرون):** قوروق ىرنىڭ سونىڭ اىچىكىا كىرىب توكاكان اوچى .  
**بوغاز:** اىكى چونك سونى بىرىكىكا توتاشتورادورغان تار سو .  
**بوا:** اىسىق يورتلاردا مخصوصاً جنوبى آمىرقادا بار نھايت چونك يىلانلار اوزونلوقى اون اىكى كز مقدارىچە بولادور قوى كلە و باشقىمەنى چوئك حىواننى بوغوب يوتوب الاىددور .

پ

**پورتقال (پاكة نارنج):** اىسىق يورتلارنىڭ بر قسم مېوھسى .  
**پوصلە:** شىمال طرفىنى كورساتدورغان قطب نما دىكان كچىك ماشىنە .  
**پوما:** آمىرقانىڭ شىرى .

ت

**تەمساح:** اقىن دريالارنىڭ نھانكى .

## ج

جاموس : سو کله سی هم دیکان بر قسم کله .

جماهیر : جمهوریت لار .

جماهیر چقاسی : تمام جماهیر متفقہ آمریقانینک حکومتیکا تعلق بر چقا

مذکور حکومت نینک واشینکتون دیکان پای تختی شو چقادا بار دور .

جماهیر متفقہ : جمهوریت لار نینک اتفاقی .

جوز : یانکا ققہ اوخشاش میوه

جهات اصدیه : شمال جنوب مشرق و مغرب طرفلاری .

جهات فرعیه : مذکور طرفلار نینک ارا لیقیدا کی طرفلار .

## چ

چقال : ایط جنسیدین بولوب تولکی و بوریکا اوخشاش بر یاوا جانور .

چنکانه : اول هندستان دین کلب اندین آسیا اوروپا و آفریقادا

کوچوب یورادورغان بر طائفه خلق .

## خ

خریطه : یر نینک اقلیم و سولاری نینک صورتی نی کورساتادورغان کاغذ .

خط استوا : یر یوزینی ایکی نصف کا بولادورغان دائره ( جیجیق ) .

دائره : حلقه ، احاطه قیلادورغان جیجیق

دغنه : سوکت کل جنسیدین بولغان کچیک درخت .

دلتا : بر آقین دریادین شور دریاغه توشادورغان یرده قوم سفیزدین

پیدا بولغان چونک دوش یرنی دلتا دیرلار . شونداغ یرلار تولا وقت یونان

زبانیدا کی دلتا دیکان حرف نینک صورتیکا اوخشاغانی اوچون قدیم قی یونانیلار انداغ

یرنی دلتا دیر ایردیلار .

## ر

رئیس جمهور : جمهوریت حکومتیده سلطنت قیلادورغان کشی .

رزینا : رزینکا .

## س

سد چین : شمالی چینده اوزونلوقی ۶۰۰ یوطی مقدار یچه سفیلکا اوخشاش بر تام .



سریق تب : بعضی ایسیق یورتلاردا پیدا بولادورغان یمان بر کسل لیک .  
سطح مائیل : بر یورت یا که بر اقلیم نینک زمینی بر طرفکا یانسا کو  
یا که بلیق سیمتی بولغان حالتی .

سقا قوشی : سودا یوروب بلیق ییدورغان بر یانکنده اوچارلیق  
جانور تومشوقی نینک آستیدا بلیق ساقلایدورغان تره سیدین پیدا بولغان بر خالتهسی بار .  
سلسله جبال : بر بریکا توتاشیب اوزالغان تاغلار .

سلوای : سرو دیکان درخت و هم واتوالاق دیکان جانور .

سمور : آغاماخان جنسیدین بولغان ترهسی تولا قیمت بر جانور .

## ش

شمشان یا که جمشیر درختی : یغاچی یک یغاچیدیک بر درخت .

## ص

صمدل : یغاچی قزل یا سریق و خوش بوی درختلار .

صندوبس : قراغای جنسیدین بر قسم درخت و هم بر قسم گل .

## ض

ضبع : پوتلاری و بورنی ایطنینک کی دیک و تیشلاری موشوک نینک

کی دیک بر یاوا جانور .

## ط

طاقیم جزیره : بر بریکا یقین تورادورغان جزیره لار .

طوائف متفقہ : عالم نینک تولاراق حکومتلاریدین عبارت بولغان بر اتفاق .

## ف

فلاق فلوک یلانی : قویروقی فلاق فلوک آوازی چیقارادورغان

آمریقادا بار نهایت زهرلیک بر یلان .

## ق

قانقاز حنسی : آق اورغدین بولغان خلق .

قاقم : آغاماخان جنسیدین بولغان سوغاق یورتلاردا بار ترهسی تولا

قیمت بر جانور .

قطب : یرنینک همه دین شمالی و همه دین جنوبی چت لارینی قطب دیرلار .

قطب نما : همیشه قطب شمالی طرفی نی کورساتادورغان بر ماشینه .

## ک

کمرکدن : هندستان و آفریقادا بار چونک قویال بر حیوان تومشوقیدا  
بر یا ایکی مونکوزی بار دور .

کره<sup>۶</sup> ارض : یرنینک شکلی نی و اوستیداکی اقلیم و سولارنی کورساتادورغان  
یمولاق بر توپ .

کره<sup>۶</sup> مسطحه : تمام یرنینک همهسی نی کورساتادورغان بر صورت  
یاکه خریطه .

کستاده : چرایلیق چیچاکی بار و میوهسی یانکاققه اوخشاش بر درخت .  
کل دغه<sup>۶</sup> سی : سوکت کل جنسیدین بولغان کچیک درخت .  
کورفز : بر طرفی تینکیزکا توتاشیب اوج طرفی قوروققه یانداشادورغان  
سونی کورفز دیرلار .

کورکن یا که کولکن : آوروپانینک تولا یرلاریده بار یغاچی چنارنپنک  
کی غه اوخشایدورغان بر درخت .

کومپاس : قطب نما .

کیلومتره : مینک متره یا که اوج مینک چیزه مقدار .

## ل

لاما : مغول و تیمتلیک لارنپنک کاهین و شیخلاری .

لاما : آمریقانینک تیوهسی .

لیمون : پورتقال جنسیدین بر میوه .

## م

مالین یا که مالای : هندستان و آسترالیا جزیره لاریداکی یوز رنگی  
جگر رنگ بر خلق .

متره : تولاراق اقلیم لاردا مقدار آلماق اوچون ایشلاتادورغان نرسه بر متره .  
بر یاریم کر یا که اوج چیزه بیلان تخمیناً برابر کلا دور .

مخصوصات : حاصل بولغان نرسه لار .

مد و جزر : دریای محیط نینک سو یوزلاری آیینک تأثیری بیلان  
بر کیچه کوندوزده ایکی مرتبه یوقاری کوتاریلیب توبن توشادور . کوتاریلکافی نی  
مد و توشکافی نی جزر دیرلار .

مدار : بر نرسه يانادورغان ويا چورکولایدورغان جای .  
 مدار جدی : منطقه حاره بیلان منطقه معتدله جنوبی نی ایریدورغان دائره .  
 مدار سرطان : منطقه حاره بیلان منطقه معتدله شمالی نی ایریدورغان دائره .  
 مدار قطب : بارده شمالی و بارده جنوبی نی منطقه معتدله لاردین ایریدورغان دائره .  
 مدرسه جامعه : هر علم او قویدورغان چونک مدرسه .  
 مرمر : رخام یاکه مرمر دیکان چرایلیق تاش .  
 مرسمین : جنوبی آوروپادا بار یا پیرماقی خوش بوی آسن هم دیکان کچیک بر درخت .  
 منبع : آقین دریانینک اونوب پیدا بولادورغان جای .  
 مشورت مجلسی : مصلحت قیلادورغان مجلس .  
 منتار بدو طی : قوزاقیدین شیشه آغزی ایتیلادورغان بر قسم درخت .  
 منصب : بر آقین دریا شور دریاغه قویولوب تورادورغان یرنی  
 جغرافیا علمیده منصب دیرلار .

منطقه بارده : یر یوزی نینک قطب شمالی و قطب جنوبی نینک چوره سیداکي  
 سوغاق یرلار .

منطقه حاره : یر یوزی نینک همه دین ایسیق منطقه سی یاکه جزئی .  
 منطقه معتدله : یر یوزی نینک هواسی معتدل جز لاری .  
 موسم : یرل نینک بر فصلی و ایسیق یورت لاردا تعین وقت و فصلیدا  
 چیقادورغان شمال .

مؤسسون : هندستان و باشقه ایسیق یورت لاردا تعین وقت لاردا چیقادورغان شمال .  
 میلدیون : مینک مرتبه مینک یاکه یوز تومان .

## ن

نصف کره جنوبی : یر یوزی نینک جنوب یاریمی .  
 نصف کره شمالی : یر یوزی نینک شمال یاریمی .

## ی

یلدوستون ناشونال پارک : جماهیر متفقه آمریقادا بار پادشاه لیققه تعلق  
 تاغلیق و نهایت چرایلیق چونک بر یر . اندا سویی ایسیق و ایکیز چیقیب ساچرایدور  
 غان بولاقلار و تولا باشقه عجایب نرسه لار بار دورلار .

